

HENRICI DODWELLI

DE


GEOGRAPHORUM,

QUOS

Primum Volumen complectitur,

ÆTATE & SCRIPTIS

DISSERTATIONES.



O X O N I Æ,

E THEATRO Sheldoniano. MDCXCVIII.

*Ex dono* Liber CCC.: Oxon. 1708.

Ex dono Revdi Viri Johannis Hudson. S.T.P.  
Collegij Universitatis Soc: maxime Sen.  
Nec non Bibliothecæ Bodleianæ.  
Protobibliothecarij.



THE NEW YORK PUBLIC LIBRARY

ASTEN

AND TILDEN FOUNDATION


1892

PRINTED BY THE NEW YORK PUBLIC LIBRARY

ASTEN AND TILDEN FOUNDATION

1892

NEW YORK: THE NEW YORK PUBLIC LIBRARY



NEW YORK: THE NEW YORK PUBLIC LIBRARY

ASTEN AND TILDEN FOUNDATION  
1892

*HENRICI DODWELLI*

DE

GEOGRAPHORUM,

QUOS

Primum hoc Volumen continet,

ÆTATE & SCRIPTIS

DISSERTATIONES.

HENRICUS DODWELLUS

EDITOR & P

Compositum habet (N. C.) quatuor sunt vel octo  
fasciculi inquit. Et tamen, ecce, novus octavo acce-  
dit, ut quidem paginam primum ad finem per-  
ducit. Novum ablatum quod in hunc modum fuit  
Thucydides, & hunc vocat ad Geographos. Fuit in  
manu sua illa in me benevolencia, ut, cetera reditu-  
mos, si tamen vultum meum auctor parum equum  
fides inde quatuor sunt in rogata sunt, respondit tibi  
cui, mihi autem isti anni. Non possunt equidem in  
vel Anticla quodam fatis negare. Et tamen habet  
præter (que tamen fatis huc in causa) alius quodam  
obsequium apud me rationes. Rei munus fatis  
publice fatis, & benevolencia in me. Academix  
Ultima hic etiam munus inquit nostra possit  
Hec ut effugiat, ut quidem fatis omnia prorsus ad-  
mitti tantum sunt. Minus illa quatuor eam  
fuit quod ab homine fatis, & tamen inquit illam an-  
genti constituitur quod in fatis reparet. Vor enim Deum  
colunt, qui hanc fatis de gratiam, & potentiam suam  
maximam fatis fatis in instrumentis omnium con-  
temnunt. Hoc fatis, cum fatis, fatis, fatis, fatis  
etiam gloriosus, dum fatis illa ad Dei gloriam. Vale



---

---

# HENRICUS DODWELLUS

## EDITORI S. P.

**C**ompertum habes (V. C.) quàm sim vel uni oneri ferundo impar. Et tamen, ecce, nova onera accumulâs, ne quidem pensis pristinis ad finem perductis. Nondum absolvi quæ in tuum meditatus sum Thucydidem, & jam vocas ad Geographos. Facit nimirum tua illa in me benevolentia, ut, cætera æquissimus, sis tamen virium mearum arbiter parum æquus. Vides inde quàm sim in rogatis tuis implendis tibi facilis, mihi autem ipsi durus. Non possum equidem tuæ vel Amicitix quidpiam facile negare. Et tamen habes præterea (quæ tecum faciunt hac in causa) alias quoque valentissimas apud me rationes: Rei nimirum Literarix publicæ studium, & benevolentissimæ in me Academix. Utinam his etiam aliquatenus inservire nostra possent! Hoc ut assequar, ne quidem spem omnem prorsus adimunt tantillæ meæ vires. Minuunt illæ quidem eam spem quæ ab homine pendet; eò tamen magis illam augent confirmantque quæ in Deo reponitur. Nos enim Deum colimus, qui humilibus dat gratiam, & potentiam suam maximam elucere facit in instrumentis omnium contemptissimis. Hac lege, cum Apostolo, mea infirmitate etiam gloriabor, dum faciet illa ad Dei gloriam. Vale.

---

---

# SUMMA DISSERTATIONUM.

## DISSERT. I.

### *De ætate Peripli Hannonis.*

§. I. V. Cl. *J. Vossii* de hujus Peripli antiquitate sententia. §. II. Nihil habebant cum *Perseo*, aut cum *Persei Gorgonibus*, commune *Hannonis Gorille*. §. III. Fabulam de *Gorgonibus*, multis post *Perseum* sæculis, primus excogitavit *Hesiodus*. §. IV. Nullam Historiam ob oculos habuisse videtur, cum fabulam de *Gorgonibus* comminisceretur, *Hesiodus*. §. V. *Gorgonum* locus prorsus fictitius. Primi, post *Hesiodum*, sedem earum in *Cyrenaica* statuisse videntur. §. VI. Juniores deinde alii ad *Cyrenen* aliam in freto *Gaditano* sitam *Gorgonas* retulerunt. §. VII. Recentior prædictis sententia de *Cyrene* aut *Cerno Atlantica*, quam tamen sequitur *Hanno*. §. VIII. Qui *Cernen*, vel *Gorgonas*, in *Oriente* & *Mari Erythraeo* statuerint, *Hannone* juniores erant. §. IX. Sic tamen erit *Hanno* multo, quam volebat *Cl. Vossius*, recentior. Et falsi etiam evictus, quod loca memorarit plane commemoritia. §. X. Suspectus erat, etiam apud *Veteres*, *Hannonis* ille *Periplus*. §. XI. Nullum *Hannonis* vestigium in *fluvio Gorgonum Palephateo*. §. XII. Locum prope *Cernen Hannonis* nullum habere potuit *Anno Palephateus*. §. XIII. Nihil faciunt *Phenicum* coloniae extra columnas *Herculeas* à *Strabone* memoratae ad *Hannone*. §. XIV. *Didone* antiquiorem *Carthaginem* fuisse, non est verisimile. §. XV. Committitur cum *Chronologia Sacra Chronologia Regum Tyriorum*. §. XVI. Prædicta *Chronologia Tyriorum* adstruitur è *Iosepho*. §. XVII. Inde annus colligitur quo fugerit è patria *Dido*. §. XVIII. Inter *Olymp. xcii, 4*, & *Olymp. cxxxix*, quærendus est *Hanno* hujus *Peripli* dux. §. XIX. Collegam habuit hic *Hanno Himilconem*. In *Agathoclis* Bello duces erant tam *Hanno* quam *Himilco*. §. XX. *Peripli* hujus meminit *Xenophon Lampsacenus*. Sed ejus ætas incerta. §. XXI. Primus meminit Auctor Operis *ἡ περὶ τῆς θαλάσσης περιήγησις*, *Aristotele* ipso, non multo junior. Forte *Theophrastus*. §. XXII. *Scyllax* non ex *Hannone*, sed ex antiquioribus *Hannone Phanicum Periplus*, sua hausit. §. XXIII. *Periplus* post *Hannonis* mortem, sub illius nomine confinxit *Græcus* aliquis *Carthaginensium* studiosus. §. XXIV. *Periplus* hodiernus à *Veterum Periplus*, qui sub *Hannonis* nomine confectus est, in multis admodum mutatus est.

DIS-



# SUMMA DISSERTATIONUM.

## DISSERT. II.

### *De ætate Peripli Scylacis.*

§. I. Alius est à Scylace Caryandensi Herodoteo juniorum Scylax Caryandensis. §. II. Perierat vetustior ille Scylax. Noster autem pro eo à junioribus acceptus, qui duos fuisse Scylaces Caryandenses ignorabant. §. III. Ex illo errore fluxit, quod nostrum hunc Periplum Dario inscriptum crediderint recentiores. §. IV. Alium, præter Herodoteum Scylacem Caryandensem, neminem agnoscunt Veteres præter illum qui scripsit in Polybium. Is ergo Peripli nostri Auctor habendus est. §. V. Non potuit Maris Mediterranei Periplum scribere Scylax, si adeo fuisset, quam volunt, antiquus. §. VI. Emporia Carthaginiensium in Hispania recentiora illis temporibus, quibus volunt scripsisse Scylacem. §. VII. Κατοὶ Σπαρτηρδέντες τ̃ σπαρτιάς paulo antiquiores Polybio. §. VIII. Lemcadem insulam memorat Scylax, qualis facta est sub secundo demum Philippo Macedone. §. IX. Messenes Urbis mentio illam arguit saltem juniorem fuisse Epaminonda. §. X. E mentione Corinthi & Carthaginis, colligitur anno Varr. 608 ne quidem potuisse esse juniorem. §. XI. Meminit idem Scylax Urbis Cii, à Philippo Macedone anno Varr. 553 excise, postea vero à Prusia Bithynie Rege sub novo Prusiadis nomine restituta. §. XII. Tyri meminit Scylax sub insula nomine, quæ tamen ab Alexandro M. facta est peninsula. §. XIII. Hunc Periplum non ipse navigavit Scylax, sed ex aliis singularum parium inter se commissis Periplis pro Mari Mediterraneo universo ipse confecit. §. XIV. Θέαι τῶνος Auctoris qui inter Ol. CXI, 2, & Ol. CXVI, 2, scripserit. §. XV. Urbes sæpe antiquioribus, quam pro sua ætate, nominibus recensent Excerptores, qualis erat Scylax. §. XVI. Hodiernus Periplus satis apte respondet primi Auctoris consilio, convenitque cum Persona ac ætate Scylacis Polybiani. §. XVII. Qualis fuerit Scylacis Periodus. Tam Periodum quam Periplum videtur scripsisse juvenis. §. XVIII. Quæ habet Scylax de ora Africæ externa, non ex Hannone videtur accepisse, sed potius à Polybio.

## DISSERT. III.

### *De ætate scripti Agatharchidis de Rubro Mari.*

§. I. Agatharchides sub Ptolemæo Philometore duntaxat adolescens. §. II. Idem senex cum de Mari scriberet Erythræo. §. III. Scripsit Agatharchides sub Ptolemæo Alexandro, cujus Tutor fuerat. Proinde inter ann. Varr. 649, & 666. §. IV. Sub Alexandri initio Regi Ægyptio parebat Syria cava, quæ non parebat Ptolemæo Dionysio. §. V. Et quidem initio Alexandri scripsit Agatharchides ann. Varr. 649, vel 650. Paulo ante Artemidorum. §. VI. Series accuratissima Successionis Regum Ægyptiorum, ab initio Philometoris ad finem Cleopatæ, è Porphyrio.

DIS-



# SUMMA DISSERTATIONUM.

## DISSERT. IV.

### De ætate & auctore Peripli Maris Erythræi.

§. I. *Salmasius* ipse, in hac causa, dubius. §. II. *Traiano* junior erat hujus Scripti Auctor. §. III. Ne quidem natus, cum *Arabiam* subjugaret *Trajanus*. Proinde *Arriano* junior. §. IV. Scripsit noster, ut videtur, sub *Marco & Vero*. §. V. Non potuit *Augustus* ille fuisse *Cæsar*, cujus meminit Auctor Peripli. §. VI. Novum *Taprobanes* nomen nescire potuit *Ptolemæo paulo senior Arrianus*. §. VII. Multa primus prodidit *Ptolemæus*, quæ decessores ejus latuerant. §. VIII. Alia erat Insula *Palesimundi* à *Taprobane Ptolemæi*. Quod tamen nescivit ipse *Ptolemæus*. §. IX. Unde evenerit, ut de *Taprobane* adeo sibi non constarent *Veteres*. §. X. Insula *Palesimundi* sub *Claudio* detecta, cur *Salica* postea fuerit appellata. §. XI. Situs Insulæ *Palesimundi* inter ostia fluvii *Nanagunæ*. Longe alius à situ *Ceilanis*, quæ *Taprobane* erat *Ptolemaica*. §. XII. Hujus utriusque *Taprobanes* notas confundit noster, proinde *Ptolemæo* saltem coævus. Quod facit etiam *Marcianus Heraclæota Ptolemæo junior*. §. XIII. Noster *Veterum* errores nullos correxit è coëvis. §. XIV. Quod *Regum* eorundem meminerit noster, quorum meminit *Plinius*; non proinde sequitur illum *Plinio* fuisse coævum. §. XV. Sæpe nominibus *Regum*, qui olim decesserant, *Regiones* solent designare *juniores*. §. XVI. *Indicæ Navigationis compendium* sub *Claudio* invenit *Hippalus Alexandrinus*. §. XVII. Habet noster alia *Hippalo*, ipsoque *Plinio* recentiora. §. XVIII. *Ceprobotis & Pandionis* nomina in *Regnis* illis fuisse videntur *hereditaria*. §. XIX. Ita ni fuisset, *Pandion* certe non *Plinii* vixerit temporibus, sed *Augusti*.

## DISSERT. V.

### De ætate Peripli Maris Euxini.

§. I. Sub exitum *Hadriani* de Mari *Euxino* scripsit *Arrianus*. §. II. *Arrianus*, cum hæc scriberet, *Provinciam* habebat *Cappadociam*. §. III. *Cappadociæ* anno *Hadriani* XX<sup>o</sup> præerat *Arrianus*. §. IV. Initio præfecturæ ante Bellum cum *Alanis*, ann. Chr. 137, hunc *Periplum* scripsit *Arrianus*. §. V. Horum certe temporum, & hujus etiam *Principis* indolem referunt quæ hoc in *Periplo* tradit *Arrianus*. §. VI. *Arrianus* hic *Peripli* Auctor, & Præses *Cappadociæ*, idem cum Philosopho *Epietæti* Discipulo. §. VII. Prima *Arriani* Scripta de *Epietæto*, paulo post mortem *Epietæti*. §. VIII. Scriptis *Arriani* recentiores erant ejusdem honores. §. IX. *Epietætus* sub *Hadriano* mortuus. §. X. Mortuus antea quam naceretur *Gellius*: qui tamen sub *Hadriano* natus, floruit etiam sub *Pio*, temporibus *Hadriano* proximis. §. XI. Mortem *Epietæti* sub *Hadriano* statuendam etiam è *Luciani Demonastæ* colligitur. §. XII. *Epietætum* ab anno *Æt. Chr.* 104 audivit *Arrianus*. §. XIII. Anno *Chr.* 147 secessus *Arriani* post honores, quo postremas scripserit *Historias*. §. XIV.

## SUMMA DISSERTATIONUM.

§. XIV. *Arriani honores Romani non adeo Legibus Romanorum Annalibus congrui, quam eorum qui primo ortu fuerant Romani.* §. XV. Scripsit *Arrianus* de *Alexandro M.* aliq; *Historica* post *Secessum*. §. XVI. *Marcii* tempora fortassis attigit *Arrianus*. §. XVII. In *Chronico Paschali* pro *Africano* forte reponendus *Arrianus*.

### DISSERT. VI.

#### De *Arriani* *Nearcho*.

§. I. Scripsit, ut videtur, *Nearchi* *Periplus* *Arrianus*, paulo post Expeditionem *Alexandri M.* antea quam innotesceret *Geographia Ptolemæi*. §. II. Nec nomina locorum omnia complexus est *Arrianus*, quæ apud ipsum repererat *Nearchum*. Et tamen viceversa locorum spatia, quæ nulla fuerant in ipso *Nearcho*, ipse addidit. §. III. Cur spatia, quæ nulla erant in *Nearcho* & *Onesicrito*, illis tamen tribuerint juniores. §. IV. Nullæ erant in *Nearcho*, vel *Onesicrito*, continuæ mansiones. §. V. A *Juba* Rege ad *Romanos* emanavit tam *Nearchi* *Paraplus*, quam *Onesicriti*. §. VI. Primus *Nearchi*, non tamen *Parapli* ejus, meminit ante *Jubam* *Diodorus*. Et scripti meminit à *Nearcho* *Parapli* proximus *Jubæ* *Strabo*. §. VII. Ignotus *Nearchus* *Agatharchidi*, *Eratostheni*, primisque rerum fabulosarum collectoribus. §. VIII. Proximis *Alexandro* temporibus *Indus* cum *Nilo* junctus credebatur. Quod credi non potuit, si ullus tunc fuisset *Nearchi* *Paraplus*. §. IX. Sub postremis præsertim *Ptolemæis* confictæ pleræque de *Alexandro* *Historiæ*. Certe hæc *Nearchi*. §. X. *Paraplus* *Nearchi* majoris Operis erat tantummodo pars: uti etiam *Onesicriti*. §. XI. *Onesicritus* etiam false suspectus.

### DISSERT. VII.

#### De scriptis & ætate *Marciani* *Heracleotæ*.

§. I. *Itineraria* collegit *Marcianus*, forte *Occidentalis* atque *Orientalis* Imperii. §. II. Contraxit, supplevitque *Geographiam* *Artemidori*. §. III. Similiter fecit in *Menippo*, qui *Marciano* ipso non multo senior fuisse videtur. §. IV. De *Menippi* ætate alia. §. V. Opus *Marciani* hîc Editum aliud ab ejusdem *Artemidoro* & *Menippo*. Ætas *Protagoræ*. §. VI. Multa aliena immista habet hoc Opus *Marciani*. Nonnulla etiam ex ejus *Menippo*. §. VII. *Menippus* forte sub *Commodo*. §. VIII. *Formæ* quibus *Marciani* Scripta designantur à *Stephano*. §. IX. *Medius* inter *Menippum* & *Marcianum* *Agathemerus* antiquior *Constantinopoli*. §. X. *Scholias* *Apollonii* junior *Marciano*, quarto saltem *Sæculo* exente antiquior. §. XI. *Noster* *Marcianus* antiquior, ut videtur, *Marciano* *Synesii*; eoque qui floruit sub *Valente*.

DIS-



# SUMMA DISSERTATIONUM.

## DISSERT. VIII.

### De Periplo *Anonymo Euxini* Maris.

§. I. *Scymni Chii Iambus* an noster confuderit incertum est. §. II. *Arriano*, quem in multis sequitur noster, proinde junior *Anonymus*. §. III. Periplus *Euxini* Maris ab *Arriano* scriptus non est (ut *Cl. Vossio* videbatur) *mutilus*. §. IV. *Romana*, quæ adhibet noster, *miliaria* à veterum Romanorum *miliarium* forma plane aliena. §. V. *Miliaria* illa è *Græcorum juniorum* *rationibus* nata. Et quo demum *progressu*. §. VI. Et quidem, ut videtur, *Constantinopolitanorum*. Sed paulo ante nomen ipsum *Constantinopolis*. §. VII. Proinde hujus Peripli Auctor esse non potuit *Alypius*, cujus meminit *Julianus Apostata*. §. VIII. Locorum eorundem nomina diversis *linguis* poterant sibi invicem fuisse *coeva*. §. IX. *Daphne Sosthenii* ad discrimen *Daphnes Antiochene*: antiquior ipsa *Daphne Sergii* suburbio *Constantinopolis*. §. X. *Aulei reichi* novum nomen *Therae* post *Arrianum*, sed ante tabulas *Pemingerianas*. *Apolloniæ* nomen apud *Marcianum Heracleotam*. Eadem *Sozopolis* tempore forte *Constantini*. §. XI. Potuit hic noster *Byzantii* nomen usurpare, etiam postquam condita esset *Constantinopolis*.

---

DISSE-



# DISSERTATIO PRIMA.

## De vero *Peripli*, qui *Hannonis* nomine circumfertur, *tempore*.

**H**ANNONEM longe, quam vulgo habebatur, *antiquiorem* censuit Vir sane Maximus, mihi (dum in vivis esset) amicissimus *Isaacus Vossius*. Nunc enim illum ducem fuisse credidit in expeditione quam *Phœnicibus* tribuit *Strabo*, paulo post excidium *Trojanum*: nunc rursus facit *adhuc* antiquiorem, & *Perseo* æqualem, cæsarque à *Perseo* <sup>1</sup> *Gorgoni*. Proinde commentario perpetuo Geographum hunc (quem omnium antiquissimum arbitratus est) illustrare decreverat. Hæc nos docent ingeniosissimæ illius in *Melam* Observationes. Utinam fidem liberasset. Edidisset enim & alias sententiæ suæ rationes, & multa alia proculdubio docuisset scitu dignissima Vir *Geographiæ veteris* peritissimus. Nunc illas tantummodo *rationes* illius compertas habemus, de quibus *obiter*, aliudque agens, monere dignatus est. Dignas tamen quæ ad examen revocentur.

§. 1. V. Cl. I. Vossii de hujus *Peripli antiquitate* sententia.

*Perseo* coævum fuisse suspicatus est, quod *Gorgonis* à *Perseo* detruncatæ Historiam omnem ab *hirsutis* hilce *Hannonis mulierculis* emanasse crederet. Id si verum, sic *Hercule* ipso fuisset antiquior. Unde ergo mentio *columnarum Herculearum* in ipso *Periplo*? Aliquot certe Epochis *Hercule* antiquiorem *Perseum* censet *Clementis Alexandrini* <sup>2</sup> *Thrasyllus*. Imo *proavum* *Herculis Maternum* facit <sup>3</sup> *Diodorus*. Sed *Gorillas* hirsutas hæc mulieres appellatas testatur <sup>4</sup> *Hanno*. Non tamen habet cum *Gorgonum* nomine adfine quidpiam illud nomen, ut censuit Vir doctissimus. *Gorillas* illas appellabant, non *Græci*, ne quidem *Pænnus* ipse *Hanno*; sed *Interpretes Lixitæ*. Vocem ergo *Afram* fuisse verisimillimum est *Gorillarum*, cum tamen *Græca* sit appellatio *Gorgonum*. Ego ne quidem *res* ipsas invicem affines fuisse suspicor. De *pellibus* *Gor-*

§. 2. Nihil habebant cum *Perseo*, aut cum *Persei Gorgonibus*, commune *Hannonis Gorilla*.

<sup>1</sup> De Magnitud. Carthag. p. 52.    <sup>2</sup> Ap. Clem. Alex. Strom. I.    <sup>3</sup> Diodor. L. IV. p. 151. D.    <sup>4</sup> Hann. p. 5.

gonum *hirsutis*, nihil quicquam *Græci Mythologi*. Ad vultus Gorgonum spectant omnia quæ in *Gorgonibus* horrenda fabulantur fuisse *Poetæ*. Vultus enim nomine caput complectimur universum, quod fecere etiam Veteres. Et sane ab *oculorum* acumine, & vultus *torvitate*, Gorgones appellatæ sunt, quæ duæ sunt hujus vocis, apud *veteres*, significationes, nihil habentes commune cum *pellibus hirsutis*. Sic *Ægidum* ἄγιδον prima sua significatione denotabat vox Γοργών, ut ex *Hesychio* colligitur; inde pro ipsis usurpabatur *clypeis*. Ita Γοργεῖα ἄγιδον Hesychio. Τὰ τραγικὰ ἄγιδον vel μορμολύκεια Auctori *Etymologici Magni*. Quod Tragoedorum *larvas* designarit, usum illum à *Doriensibus* emanasse docet *Suidas*. Γοργία (inquit) παρὰ Δωριόσι, τὰ ἴ ὑποκρίτων ἄγιδον γεία, ἴ δὲ τὸ ἴ ἵ σκλῆς Τραγῶδων. Nihil ergo est necesse ut à *Barbaris* vocis hujus originem arcessamus, cujus origo tam facilis peti potest ex usu *Græcæ* vocis inquilino. Sed ne quidem illud certum est, *Persei* temporibus ullas fuisse *Gorgonas*. Nullæ erant certe unquam, quæ *Persei* temporibus *propinquæ* fuerint, *Historiæ Græcorum*, ut alibi <sup>1</sup> observavimus. Imo nulli, qui vel olim extiterint *Poetæ*. Fallitur autem Vir doctissimus, cum ex *Historiis* Poetarum fabulas *ortum* duxisse censet. Id enim quo pacto fieri potuit, cum tempus *Mythicum Historico* antiquius agnoscat apud *Censorinum* <sup>2</sup> *Varro*? Cum *Poetas Græcorum* eorundem *Historicis* antiquiores fuisse manifestum sit? Cum *Historici*, quo *antiquiores* sunt, eo sint etiam *fabulis* addictiores? Vel inde colligitur vice versa, à *Poetarum fabulis* ortum accepisse primos *Historiæ* pedestris Auctores; non autem ab *Historiis* ansam accepisse *Poetas*.

Hæc autem de *Gorgonibus* fabula, quamvis §. 3. Fabulam de *Perseo* à *Mythologis* affixa, *Persei* tamen *Seculo*, multis etiam *Seculis*, recentior est. Primus enim post *Perseum* seculis, primus excogitavit *Hesiodus*. Proinde aliò Γοργῶ, cujus meminit *Homerus*, retulere Grammatici. *Hesychius*: Γοργῶ, γοργότης. Πέπλασαι δὲ ὅσας τις ἄλλοις ποιηταῖς, ὡς Ζηλοχρύσω. Rationem hujus observationis addit illam, sententiæ nostræ plane congruam: Τὰ γὰρ ἄγιδον τὸν Δανάην, ἔ τὴ Περσέα, ἔ τὴς Γοργόνης, Ομηρῶς ἐκ οἷδ'. Hic sane sede *Danae*, ipsoque *Perseo*, dubium ostendit hic, quicumque demum fuerit *Homeri Scholiastes*, pariter ac de *Gorgonibus*, ulline unquam in rerum natura fuerint, antea quam de illis *fabulas* comminisceretur *Hesiodus*. Perperam, si vera fuisset sententia *Magni Vossii*, ansam *Poetas* fabularum suarum è vera *Historia* semper accepisse. Sic enim nihil obstitisset quo minus *Danae*

<sup>1</sup> Prælect. Inaug. & Diff. III. §. 2. de Vet. Græc. & Rom. Cyclis. <sup>2</sup> Ap. Censorin. c. 21.



*Perseusque Homero* innotescere potuerint, cum tamen nondum *Persei* in *Gorgonas* expeditionem confinxisset *Hesiodus*. Nec porro ex *Historia*, ut volebat Vir scientissimus, *Barbara Gorgonas* suas exsculpisse *Hesiodum*; sed è vocis potius *Græcæ* Etymo, docet idem *Hesychius*, vel potius *antiquior* aliquis, cujus scrinia compilarit *Hesychius*, *Homeri Scholiastes*. Sic enim habet, paucis interpositis: Γοργείων κεφαλὴ ἐ πτω Γοργόνα, ἐκληπτεον, ἀλλὰ Γοργόνηται πνα κὶ φόνηται. Ησίοδος δὲ πλανηθεὶς, ἀνέπλασεν ἐν τέτων τὰ πρὸ τὸν Περσέα, ὅτι ἀπίτεται πτω κεφαλὴ Γοργόνη. Itaque necesse non est ut *Hesiodo* fuerit *antiquior*, qui *Gorgonum* meminerit ab *Hesiodo* confictarum. *Hesiodum* autem ad *Thaletis* tempora revocandum esse alibi <sup>1</sup> probavimus. *Homero* autem *junior* esse potuit, si recte observarit *antiquior Hesychii* Lexicis Grammaticus, *Homerum* latuisse illas *Persei Gorgonas*. Imo ex *Homero*, ex his nimirum *Homeri* verbis, Γοργείων <sup>2</sup> κεφαλὴ, *Hesiodo* ansam fuisse docet *Gorgonas* confingendi. Sunt enim illa *Homeri* verba in *Odyssea*. Et proinde veteris cujusdam in *Homerum Scholiastis* verba illa fuisse verisimile est, quæ in *Thesaurum* suum retulerit *Hesychius*. Proxime nempe è *Diogeniano* fortassis emanarint, qui tamen ipse ex antiquioribus collegerit, qui Lexica *Homericæ* confecerint ante *Diogenianum*: vel *Apione* scilicet *Alexandrino*, vel *Apollonio* filio *Archebii*, vel *Herodoro*, vel ipso denique *Aristarcho*. Horum enim in *Præfatione* ipse meminit *Hesychius*. Potius ergo colligendum erat vice versa, si *Gorgonum* meminisset *Hanno*, longe illum *recentiorem* fuisse quam volebat præstantissimus *Vossius*.

Huc sane convenit, quod *Gorgonis* nulla, apud *Homerum*, occurrat mentio; sed *Γοργῶς* tantummodo, & *Γοργείας κεφαλῆς*. Et quidem ita, ut animalium vultus in clypeis depingi solitos denotet. Erant autem illi torvi admodum, & proinde animalium maxime tremendorum, ut possent hostibus terrorem incutere. Plerunque ergo ferarum.

§.4. Nullam *Historiam* ob oculos habuisse videtur, cum fabulam de *Gorgonibus* comminisceretur, *Hesiodus*.

Sic *ursi* & *leonis* αἰτωμαὶς legimus in clypeis *Tydei* <sup>3</sup> & *Polynicis*. Et *Libycas* etiam *Gorgonas* feras fuisse multi existimabant. Talem ergo αἰτωμὺν (cujuscunque demum fuerit animalis) in *Palladis ægide* repræsentari solitam fuisse verisimillimum est. Et quoniam terrendi hostis causa tales αἰτωμαὶ clypeis inferebantur, inde factum ut cujuscunque generis terriculamenta *Gorgones* appellarentur. Sed *Gorgonis fabulam* primus, ut vidimus, effinxit *Hesiodus*; vocabulo tamen nondum novato. *Γοργῶς* <sup>4</sup> enim, non *Γοργόνας*, appellavit sorores illas, quarum unam *Perseus* interfecerit. Et situm illarum ponit ultra *Oceanum*, nec longe ab *Hesperidibus*.

<sup>1</sup> Diff. III. de Cycl. § 7, 8. <sup>2</sup> *Odysf.* x'. fin. <sup>3</sup> *Apollodor. Biblioth.* <sup>4</sup> *Hesiod. Theog.* v. 275.



Non certe propterea, quod *insulas* ullas ibi fitas in sui Seculi *Geographia* haberet exploratas. Imo illa potius de causa, Poeticis fabulis magis idoneæ erant *Occidentis Insulæ*, quod minus hætenus innotuerant; quod minor etiam metus esset (propter *Nauticæ* artis coævæ imperitiâ) ne unquam vel *posteris* innotescerent. Ita certe ad hunc *Occidentis Oceanum Herculis* expeditionem in *Insulas fortunatas* retulerunt, quod ipsum in *Scypho* <sup>1</sup> trajecisse fabulabantur, quem à *Sole* acceperit: ad eundem ἀπὸ τοῦ ἡλίου ὁδὸς: ad eundem sedes *Beatorum*; *Insulas* nimirum illas ipsas *fortunatas*: ad eundem fabulam *Platonis* <sup>2</sup> de *Atlantide* insula, quæ major fuerit orbe cognito, quam tamen Oceanus absorpserit: ad eundem *juniorum* Platone aliorum *fabellas* plane similes sub nomine *Atlantiorum*, à quibus ortum habuit situs *Gorgonum*, quæ certæ regioni afferebatur, quem nihilominus pro vera venditat *Historia* Vir Doctissimus: ad eundem denique, & illam quoque *Plutarchi* fabulam de insula *Ogygia*. Ex his tot exemplis abunde manifestum est, receptissimum fuisse *fabulatoribus*, ut scenam fabulis ponerent in *Oceano*, præsertim *Occidentali*. Hæc vero *fabula* cur potius *Occidenti*, cur etiâ *Libyæ* assignaretur, erat præterea *propria*, & è rei ipsius natura petita ratio. *Infernis* enim numinibus *Gorgonas* accenset <sup>3</sup> *Maro*. Proinde *tenebrarum* plagæ recte assignandas, ut bona numina *lucidis* assignare solent regionibus. Erat præterea *monstris* infamis *Libya*, eoque nomine portentosis hujusmodi clypeorum *terriculamenti* aptissima. Hæc, puto, habuit in animo *Hesiodus*, cum *Hesperidibus* propinquas *Gorgonas* fuisse statuit. Sed nondum *Libyæ* meminit *Hesiodus*. Ea tamen cum *Geographis antiquissimis* partem Orbis tunc noti *tertiam* designaret, *junioribus* autem partem *Libyæ* antiquissimæ duntaxat *Occidentalem*; inde factum ut ætatis *Mythicæ* res *Hesperias* in *Libya* quærerent primi *navigatores*, & quidem in *Libyæ* parte *Occidentali*. Coævi enim <sup>4</sup> *Herodoto* *Ægyptii Perseum* in *Gorgonas* iter meditantem per *Ægyptum* eo in *Libyam* contendisse à majoribus acceperant. Sed ubinam *sita* esset *Gorgonum* regio, non ex *Historiis* exploratis, sed è nautarum *rationibus* hausere juniores. Ita enim evenire consentaneum erat in *Historia* quæ originem à *fabulis Poetisque* deduxerit. Id enim operam dederunt primi *Historici*, ut *fabularum sedes* & *origines*, cum non possent ex antiquioribus (quæ nullæ olim extabant) *Historiis*; saltem è *conjecturis*, quas pro verisimillimis habebant, assequerentur. Ita nulla prorsus est ratio, cur primis *Græcorum Historicis*, in rebus ab ætate sua admodum *remotis*, fidem certam habeamus. Quod tamen fecit, cum quo nobis res est impræsentiarum, Vir longe celeberrimus.

<sup>1</sup> Apollod. Biblioth. <sup>2</sup> Plat. Tim. <sup>3</sup> Virg. Æn. VI. v. 289. <sup>4</sup> Herodot. II. 91.

Certe, quod ad hanc, in qua versamur, causam attinet; *Gorgonum* fabulam illis accenset <sup>1</sup> *Eratoſthenes*, quæ locis *fictis* adscriberentur, ne quidem ipſo refragante *Strabone*. Quæ ſcilicet rebus *Ilio*, *Pelio*, *Idæ*, adſignatis (quæ loca *vera* erant) erant opponendæ. Similiter alibi fabulatoribus illos, qui τὴν τῶν Γοργόνων ἐν Ἑσπερίδων κατὰ οὐρανὸν designaverant, apud eundem *Strabonem*, adjunxit etiam <sup>2</sup> *Apollodorus*. Perperam ergo inde ad *vere* ſuſceptas *Navigations* Argumentum petiit Vir doctiſſimus. Nec ſane id immerito Viros tantos aſſeruiſſe, ex ipſa *ſententiarum diſcordia*, de *Gorgonum Hesperidumque* ſitu, facile colligimus. Argumento ſcilicet eodem unde ratiocinabatur *Eratoſthenes*. *Gorgonas* nonnulli in *Cyrene* prope *Ægyptum* conſtituiſſe videntur. Ita fortaiſſis *Ægyptii*, quos ait <sup>3</sup> *Herodotus*, *Perſeo* in illas meditati iter per *Ægyptum* tribuiſſe. Seu enim *Argo* ille, ſeu *Seripho*, profectus fuiſſet; nimius profecto fuiſſet error, ſi per *Ægyptum* ultra columnas *Herculeas* expeditionem ſuſcepſiſſet. Hunc ſitum exinde colligebant, ni fallor, quod *Hesperidibus* propinquas fecerat fabulæ de *Gorgonibus* primus Auctor *Hesiodus*. Certe *Hesperidum* inſulas in *Cyrenaica* μὲν ποιεῖν poſuit <sup>4</sup> *Eratoſthenes*. Ita olim appellatas eſſe *magna Syrtis* inſulas *Cyrenaica* prætenſas, vel ex hoc ipſo *Eratoſthenis* loco maniſeſtum eſt, quamvis fugerit doctiſſimum *Casaubonum*. Idem tamen etiam *Casaubonus* agnoſcit urbem *Cyrenaica Berenicem* Ἑσπερίδα *Stephano*, *Hesperidum* autem à <sup>5</sup> *Plinio*, appellari. Et *Hesperidum* λίμνην fuiſſe, in quem fluvius *Ladon* exiret, idem docet <sup>6</sup> *Strabo*. Sic enim legendum, non (ut voluit *Casaubonus*) λίμνην. Etiam *Hesperidum* hortos hoc loco poſitos, non <sup>7</sup> *Strabo* modo, verumetiam *Plinius* <sup>8</sup> ipſe teſtatur. Et quidem *Plinius*, Auctore *Theomene*. Etiam antiquior *Plinio* <sup>9</sup> *Scylax*, & *Plinio* junior <sup>10</sup> *Ptolemaeus*, hortos agnoſcunt *Hesperidum* in hac eadem regione *Cyrenaica*. Hi *Plinio* etiam ſuffragantur, urbem *Berenicem Hesperidum* plurali nomine designanti: quod facit ipſe quoque *Stephanus* in voce Μάσκιον. Locum præterea, quo fuerint hi *Hesperidum* horti, designavit, ut puto, *Plinius*, ſi tamen recte verba illius, & pro Auctoris ſententia, conſtituantur. Sic autem habent: <sup>11</sup> *Theomenes*, juxta *Syrtim magnam* hortum *Hesperidum* eſſe, ex quo in ſtagnum cadat, colligi vero à virginibus *Hesperidum*. Illud ſtagnum τὴν δὲ Λάδωνος ποταμὸς ἐκτρέφει λίμνην appellat *Ptolemaeus*. Itaque huc ſpectat

§. 5. *Gorgonum* locus prorsus *fictus*. Primi, poſt *Hesiodum*, ſedem earum in *Cyrenaica* ſtatuiſſe videntur.

<sup>1</sup> Ap. *Strabon.* L. I. p. 22. <sup>2</sup> Ap. *Strabon.* L. VII. p. 299. <sup>3</sup> *Herodot.* II. 91.  
<sup>4</sup> Ap. *Strab.* L. II. p. 123. <sup>5</sup> *Plin.* N. H. V. 5. <sup>6</sup> *Strab.* L. XVII. p. 836. D.  
<sup>7</sup> *Strab.* L. XVII. p. 838. D. <sup>8</sup> *Plin.* N. H. XXXVII. 2. <sup>9</sup> *Scyl.* Peripl. p. 46, 47.  
<sup>10</sup> *Ptolem.* Geogr. L. IV. c. 4. <sup>11</sup> *Plin.* N. H. XXXVII. 2.



locus *Strabonis*, quem ita repræsentavit <sup>1</sup> *Casaubonus*: "Εστὶ δὲ ἐν λιμνῇ Ἑσπερίδων, ἢ ποταμῷ ἰσθαῖαι Λάδων. Hinc ergo manifestum est, quod dixi, etiam in *Strabone*, pro λιμνῇ, reponendum esse λίμνην, ut veterem quoque *Strabonis Interpretem* ipse item observavit legisse *Casaubonus*. Hoc volebat fortasse *Plinius*, in illo *Hesperidum stagno* earundem etiam fuisse *hortum*, ut cadentes ex horto fructus à stagni incolis *nymphis Hesperidibus* colligerentur. Videmus hic *fluvium* fuisse *Ladonem*. Et sane *Ladonem* pro *serpente*, qui *mala aurea* custodiebat, habebat <sup>2</sup> *Apollonius*. Hoc quoque satis apte pro decoro *Poetico*, ut *serpentis* nomine *fluvius* insigniretur. *Fluvios* quippe <sup>3</sup> ἰσθμῷ & <sup>4</sup> σιγισθαῖ dicunt *Poetæ*, quæ tamen ambo propria sunt *serpentum*, quorum nomen ipsum à *serpendo* deducitur. Utriusque vocis in *fluviis* exempla suppetitat, ne longius abeam, *Dionysius*. Convenit etiam hoc, pro hoc *Hesperidum situ*. Ne autem dubitemus ipsos illos censerī *hortos* quos ab *Hercule* expilatos fabulabantur *Poetæ*, habet præterea *Ptolemæus* in eadem *Cyrenaica* duo *Herculis* monumenta, quorum neutrum ab his *Hesperidum hortis* longe distarit. Nec deerit forte alia *Hesperidum* nota *Hesiodica*, pro rudi temporum illorum *Geographia*. Ait *hortos* illos, ipsasque *Gorgonas*, fuisse πέλω κλυτὰς ἀχαινοῖο, & Ἐχάπην ὡς νυκτός. Mare enim *Mediterraneum Oceani* nomine intelligere poterant, ut *Pontum Euxinum Oceani* nomine appellatum observavit apud *Homerum* <sup>5</sup> *Strabo*. Et ἰχάνη pars illa *Cyrenaicæ* cenleri potuit, dum nondum constaret, ultra citimum *Syrtis magnæ* latus *Libyæ* continens essetne extendenda. Legerat certe *veteres* etiam <sup>6</sup> *Servius*, qui *hortos Hesperidum* circa *Syrtes* collocarint, nec longe à civitate *Berenice*. Et *infrequentes*, antiquissimis temporibus, ulteriores illas *Libyæ* partes fuisse, ne quidem diffitetur <sup>7</sup> *Strabo*. Hæc ergo antiquissima fuisse videtur de situ *Gorgonum* & *Hesperidum* sententia. *Historicorum* scilicet *antiquissimorum*, quique *proxime* ætatem attigerint ipsius *Hesiodi*.

§. 6. Juniores deinde alii ad *Cyrenen* aliam in freto *Gaditano* sitam *Gorgonas* retulerunt.

Paulatim deinde exculta *navigatione*, constabat *Oceanum*, supremumque *Occidentis* terminum, ulterius fuisse quærendum. Tum ergo ad ipsas *Herculis columnas*, fretumque *Gaditanum*, constituebantur *Hesperides*, & proinde *Gorgonum* regio *Hesperidibus* vicina. Hanc sequebatur sententiam <sup>8</sup> *Palæphatus*. Sic tamen ut prioris sententiæ vestigia in ea constarent. *Phorcynem* enim *Gorgonum* patrem *Cyrenæum* fuisse statuit. *Cyrenem* autem *insulam* facit ex-

<sup>1</sup> *Strab.* L. XVII. p. 836. D. <sup>2</sup> *Apollon.* Argon. L. IV. <sup>3</sup> *Dionys.* Perieg. v. 222. <sup>4</sup> *Dionys.* ib. v. 16. 433. 660. 796. 1139. <sup>5</sup> *Strab.* Geogr. L. I. p. 21. <sup>6</sup> *Serv.* ad *Virgil.* Æn. IV. v. 485. <sup>7</sup> *Strab.* L. I. <sup>8</sup> *Palaph.* de *Incredib.*

tra columnas Herculeas, in quibus regnarit ipse Phorcyn. Has columnas, pro numero Gorgonum ipsarum, tres Insulas fuisse credidit, è veterum nonnullorum sententia, quorum meminit <sup>1</sup> Hefychius. Sed eo loco nec Cyrenen ullam in bono legimus Auctore; & ne quidem Cernen, quæ pro ea posset (vel per errorem) usurpari. Nullam certe, qualem esse vult Palæphatus, illius nominis Insulam. Itaque non aliunde ortam fuisse verisimile est hanc tam alieni situs Cyrenen, quam quod olim in Cyrenaica celebres illos Hesperidum hortos statuissent primi post Hesiodum Historici. Hæc ergo illa est, ni fallor, Cyrene, quam Iberiæ tribuit Stephanus, quod scilicet oræ Hispaniæ maritimæ prætenderetur. Et sane ante tempora Æschyli hucusque Hesperidas, & proinde Gorgonas, protulerant Historici. Iter enim Herculis à monte Cauaso ad Hesperidas per Ligures futurum docet apud illum Prometheus, quo certe terrarum tractu non Hesperides Cyrenaica, sed hæ potius aliæ petendæ erant, quas ad fretum Gaditanum, seu columnas Herculeas, positas ostendimus. Eidemque fortasse Cyrenes situi convenit, quod ait Palæphatus, Perseum Gorgonibus insidiatum, factis inter Cyrenen Sardosque prædationibus maritimis. Intelligit nimirum mare Sardoum à Sardinia ita appellatum, quod certe proximum Hesperio, in quo sitæ illæ erant Hesperides, faciunt veteres Geographi. Nisi forte Insulæ conveniunt, non longe à Corsica, quam Urganem appellant <sup>2</sup> Mela atque <sup>3</sup> Plinius, & Martianus <sup>4</sup> Capella, & in ipso illo mari sitam Sardoo populationibusque ex insula Sardinia magis opportunam. Gorgonem enim illam appellat <sup>5</sup> Rutilius, Gorgonem Gregorius <sup>6</sup> Magnus, Ὀργῶνα Stephanus, & vetus etiam Plinii codex, teste Dalecampio. Ea la Gorgona etiam recentioribus. Ex veterum forte traditione quæ olim insulam illam Gorgonibus assignaverat. Ita miscuerit invicem Palæphatus variarum de sede Gorgonum sententiarum traditiones. Ad columnas enim Herculeas suam Gorgonum sedem Cyrenen statuit ipse Palæphatus. Trium ergo Hesperidum Insularum nomine, pro his rationibus, ni fallor, intelligendæ erunt insulæ illæ, quæcunque demum fuerint, quas columnarum Herculearum nomine intelligebant nonnulli veteres, quasque tres fuisse docet Hefychius. His enim ipsis columnis Phorcynem Gorgonum patrem regnasse statuit Palæphatus. Ut proinde non vicinæ tantummodo, verumetiam penitus eadem, fuerint, pro his hypothefibus, Hesperidum Insulæ atque Gorgonum. Harum unam Gaditanam fuisse, vix est quod dubitemus. Secundam illam fuisse puto, quam Solis appellant veteres. Tertiã illam, quam Junonis fanum vocant. Quamvis hanc ultimam in-

<sup>1</sup> Hefych. Στῆλ. <sup>2</sup> Mela L. II. c. 7. n. 128. <sup>3</sup> Plin. N. H. III. 6. <sup>4</sup> Martian. Cap. L. VI. <sup>5</sup> Rutil. Itiner. <sup>6</sup> Greg. M. L. I. Ep. 50.



*fulam* fuisse negat *Ptolemæus*. Sufficit autem ad has Poetarum fabulas, si fuerint olim qui has (rectene an secus) *insulas* tamen *veras* saltem fuisse crediderint. Porro <sup>1</sup> *Pindarus* *Hyperboreis* asserit tam *Hesperidas* quam etiam *Gorgonas*. Nempe, quia etiam *Hyperborei* (quos dubitat ulline fuerint <sup>2</sup> *Herodotus*) etiam ipsi, quippe parum cogniti, idonei crediti sint quod *fabulæ* essent referendæ. Id certe docent *fabulæ* de *Abaride* *Pythagoreo*. Sed *Scholias* nullo fuisse observat *Historicos*, qui *Pindaro*, ut ita assereret, Auctores esse potuerint. Itaque ad causam nostram sententia illa nihil facit, qui de re agimus *Historica*. Refert præterea *Hesperidas* <sup>3</sup> *Dionysius* ad *Cassitaridas*. Sed illa, ni fallor, sententia erat Auctorum hoc ipso *Hannone* juniorum.

Quo autem *remotius* *Hesperidas* *Gorgonasque* hoc modo designatas à *cognita* Orbis parte amovebant, eo *junio*rem verisimile est amovementum fuisse sententiam. *Junioribus* scilicet *decessorum* suorum, quos credebant *errores*, semper corrigentibus. Prædictæ ergo sententiæ eorum erant qui

*Hesperidas* ita appellatas existimabant, non modo quod in *Occidente* agerent, quæ pars erat Orbis *Hesperia*; sed quod *Hesperii* filia haberentur. Postea alia recepta est sententia, quæ non *Hesperii* filias illas fecerit, sed *Atlantis*, quem *Hesperii* fratrem fecerant Poetæ. Itaque non deinceps in *freto Herculeo*, sed prope *montem Atlantem*, *Hesperidas* quærendas existimabant. Nempe in *Insula Cerne*, cui nomen, si hunc *Periplum* audimus, *Hanno* ipse primus imposuit. Hoc ego nomen à *Cyrenes* nomine contracto manasse suspicor. Et quidem ita ut *Cyrene* ipsa quoque olim fuerit appellata. Cur ita credam, facit <sup>4</sup> *Stephanus*, qui præter *Cyrenaicæ* Metropolin, & *Ibericam* illam, de qua supra dixi, *Cyrenen*, aliam quoque agnoscit cognominem *Cyrenen Maosulias*. Erant quidem ex adverso *Massiliæ Gallicæ* insulæ *Stæchades*, quarum nomina recenset <sup>5</sup> *Plinius*. In his tamen nullam prorsus *Cyrenen*: nec eo nomine aliam *insulam* in illa *Massiliensium* ora ullam legimus. Itaque pro *Maosulias*, reponendum *Maosulias*. Ut de *Libyæ* intelligatur *Massylis*. Hoc enim ipso *Hesperidum* templo, monti *Atlanti* finitimo, & *Æthiopiæ Occidentali*, *Massylæ gentis* sacerdotem ministrasse testis est <sup>6</sup> *Virgilius*. Unde ergo, inquires, nomen *Cernes*? Ego illis gradibus fuisse suspicor, ut in *Κέρων* contracta fuerit *Κερών*, tum deinde è *Cyrne* *Cernen* fecerint recentiores. Prioris ratio erat facillima, si sedem *Hesperidum* *Gorgonumque* à *Cyrene* *Cyrenaica* in *Corficam* transtulerint *juniores*. Nempe propter prædationes quas inter *Sardos* & *Gorgonas* Per-

<sup>1</sup> *Tind. Pyth. X.* <sup>2</sup> *Herodot. L. IV.* <sup>3</sup> *Dionys. Perieg. v. 563.* <sup>4</sup> *Steph. Κερών.* <sup>5</sup> *Plin. N. H. III. 5. fin.* <sup>6</sup> *Virg. Æn. IV. v. 481, 482, 483, 484.*

seum vult fecisse *Palæphatus*. Erat enim *Corfica* in mari *Sardoo*, & *Sardinia* ipsi propinqua : & Græcis Κύριον appellabatur, quæ Latinis *Corfica* audiebat. Quod si quis duriores putet hanc translationem, poterit etiam *Cyrene Ægypto* propinqua *Cyrne* quoque appellari. Nomen enim *Urbis* à fonte factum credunt veteres. *Fontis* autem nomen Κυρίων scribit <sup>2</sup> *Eustathius*. Inde contractione satis analoga, pro regulis *Analogiæ* Grammaticis, Κυρίων concipit <sup>3</sup> *Callimachus*, Grammaticus ipse, pariter ac *Poeta*, præstantissimus. Poterat ergo & *Urbs* ipsa quæ à fonte, & regio quæ ab *Urbe*, nomen accepit, tam *Cyrene*, quam *Cyrne*, etiam appellari. Non me quidem fugit Κυρίων reponere in *Callimacho* plerosque, quos collegit in Editione *Callimachi* nitidissima præstantissimus *Grævius* : suffragantibus etiam ad *Stephanum* Amico nupero *Berkelio* atque *Holstenio*. Quod scilicet ita legerint tam *Stephanus* quam vetus *Callimachi* Scholiastes : & quod *Cyram* montem, è quo fons ille emanarit, vocet *Iustinus*. Sed à *Cyra* πηγὴ Κυρίων, vel Κυρίων, vel *Dialecto* *Cyrenes Dorica*, Κυρίων potius esset appellanda; vel, ut *Herodotus* IV. 195, Κύρην. Et quidem ita appellatam docet *Eustathius*, quem, (suffragante *Analogia* Grammatica) tam *Scholiastæ*, quam *Stephano*, opponimus. Itaque nomen Κυρίων ab hac posteriori *Etymologia* arcessendum erit. Sic tamen, ut inde primum ad *Corficam*, inde ad *Atlanticam Cernen* emanarit. *Insulam* enim Κυρίων ὑπὲρ Τυρηνίων etiam apud *Lycophronem* observavit etiam <sup>4</sup> *Eustathius*. Et quidem <sup>5</sup> recte. Eam autem de *Corfica* intelligunt *Lycophronis* Interpretes. Itaque jam olim, *Lycophronis* etiam, qui sub II<sup>o</sup>. *Ptolemæo Philadelpho* vixit, ætate, *Corficæ* Κύρην primum in Κυρίων, tum deinde in Κίριων migraverat. Ne quis hoc durum putet in *Cerne Atlantica*, quam à se conditam, novoque nomine donatam narrat noster *Hanno* : certe post Κίριων *Corficæ*, quæ propius aberat à *Cyrenaica*. Quod vero ad *Gorgonum Cernen* attinet, alii *insulam* illam fuisse credebant, alii negabant, ut nos, ubi supra, docet *Eustathius*. Nempe quod λιμὴν potius *Æthiopis* illam existimarent. Et quidem λιμὴν illam Αἰθιοπίας agnoscit *Dionysii* Paraphrastes nuper editus <sup>6</sup> *Eustratius*. Imo sic *Dionysium* ipsum interpretantur tam ipse, quam etiam *Eustathius*. Verba *Dionysii* ita se habent :

— ἐν δὲ μυχοῖσι

Βόσκοντ' ἡπειροῖο πάντες τε Αἰθιοπῆς,

Αὐτὰ ἐπ' ὠκεανῷ, πυμάτης παρὰ τίμπια Κίρης.

Τίμπια τὰ χειλῶματα θηρῶν interpretatur *Eustratius*. *Eustathius* ita : Τίμπια Κίρης ἐπὶ, ἐξ λιμῶν αὐτῶν παρεδολοῖ. Ἐλῶδη γὰρ τὰ τίμπια.

<sup>1</sup> *Iustin. Hist. XIII. 7.* <sup>2</sup> *Eustath. in Dionys. v. 213.* <sup>3</sup> *Callimach. Hymn. in Apollin. v. 88.* <sup>4</sup> *Eustath. in Dionys. v. 218.* <sup>5</sup> *Lycophr. Cass. v. 1085.* <sup>6</sup> *Ad Dionys. v. 219.*



ὅς τῃ τῇ Θερσίαντῃ τῇ περὶ τῆς Μυθολογίας. Facile hic λιμὴν & stagnum agnoscimus à nobis <sup>1</sup> supra observata in *hortis Hesperidum Cyrenaicis*. Ne sit proinde cur dubitemus quin ex illa *Cyrene* fabulæ de *Gorgonum Cerne* omnes emanarint; fuerintque adeo *prima* illa fabula, quæ scenam habebat *Cyrenaicam*, proinde recentiores. Et quidem duplicem hanc de *Cerne* sententiam imitatur *Hanno*. *Insulæ* quidem nomen *Cernes* à se impositum narrat, quæ fuerit <sup>2</sup> ἐν μυχῷ τοῦ κόλπου, propinqua *Æthiopia*. Plane ut *Dionysius*. A *Cerne* tamen se in λιμὴν venisse fingit, quæ *tres insulas* complexa fuerit *Cerne* ipsa *maiores*. Hæ quia numero respondebant, tam *Hesperidum*, quam etiam *Gorgonum*; proinde ibi potius *Cernen Gorgonum* sedem statuebant alii, *Hannone* ipso utique *juniores*. Ea potissimum, ut videtur, ratione, quod *Gorgonum* in *Cerne* sua nullam fecerit mentionem *Hanno*. Interim *Hannonem* ipsum fabula *Cyrenaica* juniorem fuisse verisimillimum est, quam adeo imitatur. Imo juniorem fabula etiam *Palæphatea*, quæ *tres* etiam *Insulas* pro *trium* *Hesperidum* *Gorgonum*que numero confinxerat.

Erant denique alii, etiam *Hannone* juniores, qui §. 8. Qui *Cernen*, vel *Gorgonas*, in *Oriente* & *Mari Erythrao* statuebant, *Hannone* juniores erant.

& sedem *Gorgonum* & *Cernen* in *Oriente* statuebant; nempe in mari *Erythrao*, ex adverso *Æthiopum Orientalium*. Hos ideo *Hannone* juniores existimo, quod *ansas* etiam ipsi accepisse videantur ex *Hannone*. Nempe, cum nullas in *Cerne Gorgonas* memorasset *Hanno*; & *Gorillas*, quas vocat *Hanno*, *Gorgonibus* crederent simillimas: proinde *Gorillarum* illam *insulam* ipsi *Gorgadum* appellabant, aliamque à *Cerne* fuisse censebant. Sic enim apud <sup>3</sup> *Plinium* & <sup>4</sup> *Solinum* *Xenophon Lampiscenus*, qui Auctorem sententiæ suæ ipsum profitebatur *Hannonem*. Ita tandem factum, ut, non modo à *Cerne*, verum etiam ab *Hesperidibus*, aliæ haberentur *Insulæ Gorgonum*, ut voluit apud *Plinium* *Statius Sebosus*. Quod scilicet jam à plaga *Orbis Hesperia*, seu *Occidente*, sedes *Gorgonum*, tanta illa sententiarum indies novatarum diversitate, tandem penitus removissent. Nam ad *ἰνὴν νιγῆς*, *Promuntorium* scilicet ita appellatum, *Gorillarum* *Insulam* statuit *Hanno*, unde *Orientalem* oram *Africæ* inchoandam arbitrabantur. Imo ulterius eam promovebant, qui (qualis apud *veteres* legebatur) secuti sunt *Hannonem*. *Hannonem* enim à *Gadibus* ad finem *Arabiae* navigationem prodidisse tradit <sup>5</sup> *Plinius*. Erant ergo qui etiam *Gorgonas* ἐν τοῖς Ἑσπερίοις μίσις & τοῖς Ἀφροδίταις πολυεῖς, ut nos docet <sup>6</sup> *Pindari* Scholiastes. Sed meminerant juniores *Cyrenen* appellatam, & *Cyrenen*, & tan-

<sup>1</sup> §. 5. <sup>2</sup> *Hann.* p. 3. <sup>3</sup> *Plin.* N. H. VI. 31. <sup>4</sup> *Solin.* c. 56. <sup>5</sup> *Plin.* N. H. II. 67. <sup>6</sup> *Schol. Pindar. Pyth. X. v. 72.*

dem *Cernen*, Insulam quam tenuerint *Gorgones*. Propterea *Cernen* etiam ad easdem *Orientis* plagas transferendam esse censuerint. Hos sequebatur ipse <sup>1</sup> *Plinius*: *Contra sinum* (inquit) *Persicum Cerne nominatur Insula aduersa Æthiopiæ, cujus neque magnitudo, neque intervallum à continente constat*. Intellexit nimirum, *Maris Erythræi* partem illam, quæ sinui *Persico* prætenditur. Ita fortassis *Ephorum* interpretatus est, quem ait *Auctorem* fuisse, à *Rubro Mari* *navigantes in eam* [*Cernen*] *non posse propter ardores ultra quasdam columnas* (ita appellantur, inquit, *parvæ Insulæ*) *provehî*. Possunt tamen verba illa forsan intelligi de navigatione à *Rubro Mari* versus *Occidentem*. Possunt enim *parvæ Insulæ*, quas *columnas* appellat, de *columnis* intelligi *Herculeis*. Sequitur hanc sententiam etiam <sup>2</sup> *Lycophron*. Sed *Gorgonum* sedem an illam crediderit *Cernen*, illud sane non constat. *Utrumque* autem necessarium erat, si *nostrum* fuerit secutus *Hannonem*. *Noster* enim, qualis apud *veteres* legebatur, *Cernen* ipse posuit in *Oriente*; *Gorgadam* autem sedem prope *occidentales Æthiopas*. Quem *hodie* legimus, is quidem *Gorillas* in *Oriente* ponit; *Cernen* autem, quo loco *Periplus antiquior Gorgadas* collocaverat. *Cernes* ergo situm illum ex antiquo *Hannonis* *Periplo* discere potuit *Lycophron*, qui sub *secundo* floruit *Ptolemæo*. *Juniores* autem sunt, ni fallor, *nostro* quoque *Periplo*, qui in *Maris Erythræi Cerne Gorgonas* statuerint. Nullum certe *Veterum* legimus, cujus tempus *compertum* habemus, qui ita senserit.

Hæc autem, si vera fuerit, harum sententiarum *Historia*; jam sane constabit, non modo *Iliacis*, verum etiam *Olympiadibus*, *Hannonem* multo fuisse recentiore. Ut enim sententiarum de *Cerne Gorgonum* sede ad montem *Atlantem* posita *primus* Auctor fuerit; ita certe illis juniorem fuisse necesse est, qui varias de *Cyrene* eorundem patria sententias primi excogitarint. Imo illis omnibus juniorem qui *Hesperidas* pro *Hesperii* filiabus habebant, quas primus ille filias fecerit *Atlantis*. Illis nempe omnibus juniorem, qui, seu *Hesperidas*, seu *Gorgonas*, loco aliquo *medio* statuerint, in ora *Africæ* maritima, inter *Cyrenaicam* montemque *Atlantem*. Tot nempe intervallis juniorem *Hesiodo*, quem *primum* fabulæ de *Gorgonibus* Auctorem fuisse probavimus. Nec illud modo. Idem ille *Hanno* falsi vincetur. Ait enim se coloniam à se conditam <sup>3</sup> *Cernes* nomen imposuisse. Atqui nulla fuit unquam ibi Insula *Cerne* qua *Hanno* coloniam instituerit. Ita certe sensit *Geographorum* princeps *Strabo*, qui hoc nomine reprehendit doctissimum *Eratoſthenem*. Sic enim ille: <sup>4</sup> Πενίονος δὲ ἐστὶ τὸ ἴδιον

§. 9. Sic tamen erit *Hanno* multo, quam volebat *Cl. Vossius*, recentior. Et falsi etiam evictus, quod *locus* memorarit plane *commentitia*.

<sup>1</sup> *Plin.* N. H. VI. 31. <sup>2</sup> *Lycophr.* Cass. v. 18. <sup>3</sup> *Peripl.* p. 3. <sup>4</sup> *Strab.* L. I. p. 47.



τηλὸν Ἡρακλείου πολλοῖς μυθῶσι, Κέρνῳ τε ἦσαν, καὶ ἄλλαι τῆς οὐρανόθεν  
 εἰς μεθυστὴν καὶ δεικνυμένης. Nec solus erat in hac *Eratoſthenis* cen-  
 ſura *Strabo*. Idem, ante *Strabonem*, in illo redarguit *Artemido-*  
*rus*. Hoc docet idem <sup>1</sup> *Strabo*: Ἀρτεμίδωρος δ' Ἐρατοδίνῃ μὲν ἀν-  
 τίσταται, διὰ δὲ Λίξον (legendum ex *Hannone* Λίξον) πᾶσι φησὶ πάλιν ὡς  
 τὰ ἄλλα τῆς Μαυρουσίας τὰ ἰσχυρὰ, ἀπὸ Λυγρίας. Imo Λυγρίας, pro sen-  
 tentia *Artemidori*, ut docet alibi ipse <sup>2</sup> *Strabo*. *Tingim* enim il-  
 lam fuisse credidit ipse *Strabo*, & *Lixum* legit ibidem, ex mente  
*Eratoſthenis*. Et *Lixum* vel fabulosissime ab antiquis narratam te-  
 ſtatur *Plinius*, L. V. c. I. Pergit, ubi ſupra, <sup>3</sup> *Strabo*: Φοινικίαι  
 δὲ πόλεις κατισχυρῶσαι περιπόδας πᾶσι, ὡς ἔδωκεν ἰσχυρῶς. Plane  
 gemina ſunt quæ de his ipsis *Hannonis* Urbibus habet <sup>4</sup> *Plinius*:  
*quem ſecuti plerique à Græcis noſtrisq̃ue, & alia quidem fabuloſa,*  
*& Urbes multas ab eo conditas ibi prodidere, quarum nec memoria*  
*ulla, nec veſtigium exſtat.* Non me quidem fugit harum fabula-  
 rum patronos trecentas *Tyriorum* Urbes in his partibus tradidiſſe  
 à *Phauruſiis* exciſas atque *Nigretibus*. Sed hunc ipſum prætex-  
 tum *fabulis* accenſet ipſe <sup>5</sup> *Strabo*. Et ſane, ſi nulla harum Ur-  
 bium ſuperfuerit vel *memoria*; quomodo, quæſo, poterat de ea-  
 rundem *clade* conſtare? Nec temere *Urbes* illas, quas *Libyphæ-*  
*nicibus* tribuit *Hanno*, *Strabo* ipſe *Tyriis* potius tribuendas eſſe  
 cenſet. Litem enim de Urbibus illis motam eſſe à *Tyriis* & *Ara-*  
*diis*, alibi teſtatur. <sup>6</sup> Φασι γὰρ οἱ ἐν αὐταῖς οἰκῶντες τὰς ὁμῶν τῶν  
 Φοινικῶν ἡγῶν & πόλεις ἀποικίας ἑαυτῶν. Fieri hoc, ſine ſumma auda-  
 cia non potuit, ſi ipſe *Peripli* huius fuiſſet *Auctor*, qui *colonias*  
 illas *deduxiſſet*. Saltem autem *Cernen* ipſam falſi convincunt tot  
 illæ tantæque *Veterum* de illius ſitu *diſcordiæ*. Convincunt etiam,  
 quæ modo diximus, ſi quidem ſcopum attigerimus, quæ *Cernen*  
 ipſam nullam uſpiam fuiſſe probant; ſed à *Cyrenes* nomine viti-  
 atam: quæ tamen ipſa nulla unquam fuerit in illis *orīs*, quibus  
*Cernen* assignabant *juniores*. Nequit enim certe *verus* ille fuiſſe  
*Periplus*, qui *Hannone* narrat ad ea *loca* delatum, quæ *nulla* un-  
 quam in rerum natura fuerint.

§. 10. *Suſpectus*  
 erat, etiam apud  
*Veteres*, *Hannonis*  
 ille *Periplus*.

Laborabat ſane *Hannonis* *Periplus* hac infamia,  
 etiam apud *Veteres*. Imo *Adagii* loco uſurpaba-  
 tur, quoties de re ſermo eſſet admodum *incredi-*  
*bili*. Docet hoc certiffimus *Auctor Athenæus*.  
 Cum enim, apud illum, *Æmilianus* obſervaiſſet  
*ſubam Mauritaniæ* Regem *Citrium* apud ſuos *Libyas* malum *Heſ-*  
*perium* nominari credidiſſe, quod inde *Hercules* in *Græciam* de-  
 tulerit: ſic deinde reſpondentem *Democritum* introducitur.

<sup>1</sup> Εἰ μὲν π τῶν ἰσχυρῶν ἰσορῶν

<sup>1</sup> *Strab.* L. XVII. p. 829. <sup>2</sup> *Strab.* ib. p. 825. <sup>3</sup> *Strab.* ib. p. 829. <sup>4</sup> *Plin.*  
 N. H. V. 1. <sup>5</sup> *Strab.* L. XVII. p. 826. <sup>6</sup> *Strab.* L. XVI. p. 786. <sup>7</sup> *Athen.*  
*Deipn.* L. III. c. 5. χαρίτω

—χαρὲτιν

Λιβυκαῖοι βίβλοις, ταῖσι τ' Ἀπών<sup>α</sup> πλάναις.

Verba fuisse videntur antiquioris cujuspiam *Athenæo* Comici *Libycas* in universum *Historias*, imprimis autem hunc (de quo agimus) *Hannonis Periplum* à *fabulositate* traduentis. Certe ut *Libycos Libros* Comædus ille, quicumque demum fuerit, ita *Ψευδὲς Φοινικῆς*, usurpavit similiter pro Proverbio <sup>1</sup> *Strabo*. Similes in <sup>2</sup> *Platone* & *Laertio* locos, quibus hæc ipsa *mentiendi* indoles *Phænicibus* objecta fuerit, observavit etiam *Casaubonus*. Inde *Φοινικίστης, ἀπατηλὸς* & *κρητὸν* *Hesychio*. Erant autem *Λιβυφοῖνικες* quorum coloniis deducendis præfectum se profitetur *Hanno*. Et portentosa *Græciæ mendacia* de *Lixitis* & *amne Lixo* notat <sup>3</sup> *Plinius*. *Græcis* autem, magis quam *Pænis*, nostrum debemus, *Pænum* licet ipsum, *Hannonem*. A *Lixitis* autem *Hanno* Interpretes sumfit, & *amnem Lixum* prædicat. Ne dubitemus quin etiam illum censura illa perstrinxerit. Imo verbis, ut jam supra vidimus, disertis ab illo *fabulosa* multa ad *Græcos* emanasse profitetur. Idem *Atlantem fabulosissimum* appellat, & eo nomine *fabulosissimum*, quod *nemorosus interdum silere* diceretur, noctu autem *crebris ignibus micare*. Hæc si quis cum *Hannone* contulerit, vix est cur dubitet quin illum ipsum *Plinius* ob oculos habuerit. Idem indicavit *Comædus Athenæi*, cum hanc navigationem *Hannonis πλάνης* appellaret. Ipsam enim illam *vocem* usurpavit sæpe *Strabo* de *Ulyssis*, *Menelai*, *Jasonisque*, similibusque aliis temporis *Mythici* Poeticis *Heroum* maritimis expeditionibus. Eodemque plane modo *errare* dicit *Heroes* suos etiam *Virgilius*. Nec enim certe deerat *Hannoni* certum navigationis *consilium*, nec *ventis* infestis vim aliquam passum se fuisse queritur, quo minus portus optatos assequeretur. *Πλάνη* ergo non alio sensu haberi potuit hæc *Hannonis* navigatio, quam quod fuerit, pro *Heroicarum* navigationum exemplo, plane *fictione*. Scribit in eandem sententiam, ne quidem ipso *Vossio* diffidente, <sup>4</sup> *Aristides*; qui pro *absurdis* habet quæ de suis ultra *Gades* coloniis prodiderant *Carthaginenses*. Non quidem nomine designavit ipsum, fateor, *Hannonem*. Illum tamen designavit qui in *Africa* solitudine *Urbes* condiderit, qui in *Templo* navigationis suæ narrationem *suspenderit*. Hæc se fecisse narrat *hujus* *Peripli* Auctor. Aliusne fuerit *Carthaginensium*, qui se ita fecisse vel obtenderit, plane ignoramus. Idem fortasse voluit <sup>5</sup> *Lucianus*, cum *commentitiam* suam expeditionem à *columnis exorditur Herculeis*. Nihil enim se in *vera*, quam appellat, *Historia* scripsisse professus est, quo veterum *Poetarum*, *Scriptorumve*, aut *Philosophorum* aliquem

<sup>1</sup> *Strab.* L. III. p. 170. <sup>2</sup> *Plat. Reip.* L. IV. <sup>3</sup> *Plin.* N. H. V. 1. <sup>4</sup> *Aristid. Egyptiac.* <sup>5</sup> *Lucian.* ver. Hist. L. I. init.



non perstrinxerit, qui *portentosa* aliqua aut *fabulosa* literis mandavissent. Innuit ergo, ut videtur, *fabulatoribus* solenne fuisse, ut *fabularum* scenam *Libyam* facerent, & *commentitios Periplos* à *columnis exordirentur Herculeis*: quod noster (quicumque demum is fuerit) fecit *Hanno*. Et fidem *Hannonis* suspectam fuisse docuerat jam antea <sup>1</sup> *Mela*: cum propterea fidem illi *habitam* de *hirsutis mulieribus Gorillis* fuisse refert, quod duarum *coria* domum retulerit, & in *Junonis* templo *suspenderit*. Alioqui futurum indicans, ne fidem prorsus ullam inveniret. Nec sane legimus in *Historia Carthaginiensium* ullas harum *coloniarum* ad Urbem *Metropolitica* *legationes*, aut aliud aliquod cujuscunque generis *commercium*. Quod si ætate *Plinii* nulla fuerit harum *coloniarum*, seu *memoria*, seu *vestigium*; diu antea perierint necesse est, quæ jam ita perierant ut ne quidem *memoria* earum superfuerit. Vidit ergo Vir sagacissimus quam esset necessaria hujus Peripli *Antiquitas*, si vellet illum à *falsi* suspicione tueri. Ita enim fieret ut *condi* possent illæ ab *Hannone* *coloniæ*, & tamen multis ante *Plinium* *Seculis* *intercidere*. Quod tamen ægre potuit evenire, si vero illo, quod mox ostendemus, *Hannonis* *Seculo* hæc fuisset *expeditio*. Manet interim illa *suspicio*, nisi *magnum* aliquod inter *Hannone* *Pliniumque* *interceserit* temporis *intervallum*. Videamus ergo num *solido* alio ullo *Argumento* tantam hujus Peripli *antiquitatem* asstruere possit Vir, siquis alius, *memoriæ* apud *posterios* *celeberrimæ*.

§. 11. Nullum  
Hannonis vestigi-  
um in fluvio Gor-  
gonum Palapha-  
teo.

Addit Vir doctissimus, in fabula de *Gorgoni-  
bus* *vestigium* se hujus navigationis deprehendisse: <sup>2</sup> *ipsum Pæni ducis nomen, sed fluvio attributum. Annonem* (inquit) *vocant Palaphatus aliique Mythologi fluvium Gorgonum Insulæ vicinum*. Hoc si fuisset verum, mirum esset profecto nullam hujus *fluvii* mentionem ab ipso esse factam *Hannone*. Mirum esset præterea si *junior* aliquis *Hannone* dux *Hannonis* potius quam suum nomen *fluvio* imposuisset. Mirum denique, & à *Periplo-  
rum* veterum exemplis prorsus alienum, si novarum orarum explorator, non *Urbibus* tantummodo, aut conditis à se *coloniis*, *promuntoriisque maritimis*; sed *fluviis* etiam nova *nomina* assignasset. Poterant illi fortasse suo quodam uti jure in *possessis* à se terris, aut saltem illis quas incolæ *Barbari* non occupavissent. Sed *fluvii* nulli poterant toti occupari; nulli poterant *incolis* ignoti esse, nec adeo nominibus carere *inquilinis*, quibus in usu quotidiano designarentur. Atqui nihil plane facit ad usum Viri eruditissimi *fluvius* ille *Palaphateus*. Nec enim *Annonem* illum, sed *Annonem*, appellat *Palaphatus*. Utque nomen *fluvii*, pro mente

<sup>1</sup> Mel. L. III. c. 9.    <sup>2</sup> Voss. ad Mel. L. III. c. 9. n. 23.

Viri celeberrimi concepisset *Palæphatus*; nihil tamen fecisset ad illam, quam agebat, causam. Longe enim à *Cerne Hannonia* distabat, ut ostendimus, *Cyrene* illa, quam in freti *Gaditani* faucibus statuit *Palæphatus*. Longiusque adhuc à *Gorillis*, quas potius *Gorgones* existimavit *Magnus Vossius*. Erat præterea *Avon* ille ἄνω καρχηδῶνα, pro sententia *Palæphati*. Non potuit *Urbem* ipsam hoc in loco intelligere, sed *ditionem* tantummodo *Carthaginensium*. Potuit illa fortassis ad *columnas Herculeas* pertigisse, rebus *Punicis* *florantissimis*, quo tempore hanc expeditionem testatur susceptam fuisse <sup>1</sup> *Plinius*. Imo ita rem fuisse docet *Polybius*. Et habet non longe *Scylax* fluvii nomen *Adonidis*. Origine quidem & ipsum *Syra*. Sed quod nihil quicquam affine habeat cum nomine *Hannonis*. Statuitque hoc in loco *Ptolemæus* non incommodo nomine *fluvium Ουάλανα*, qui facile possit in *Avonem* depravari. Vix puto quenquam fuisse Veterum qui *Carthaginensium* *florantissimorum* imperium ad utrumvis *Atlantem*, majorem minoremve, extenderit; aut qui ad *Cernen*, cognominem ducis, ut volebat *Vossius*, *Pæni fluvium* collocarit. Et tamen in illis quoque partibus si quærendus ille fuisset *fluvius*; medio inter *Atlantes* spatio fluvios duos nominibus non admodum diffimilibus habet *Ptolemæus*. Horum unus *Ovna*, alius *Ayna*, appellatur. Utrumvis facile erat ut in *Avona*. Librariorum errore proclivi, perverteretur: sic nullum erit, in hoc *fluvio*, vel vestigium *Hannonis Vossiani*.

Poterat autem fortassis, ex iis quæ de *Cerne* Insula tradit *Hanno*, nasci occasio, cur *aratam* à *Gorgonibus Libyam* ἄνω καρχηδῶνα tradiderit *Palæphatus*. Ait enim *Cernen* suam *Hanno* ἄνω ὁ καρχηδῶνα καρχηδῶνα. Ita quidem, si *junior* fuerit *Hannone Palæphatus*. Utcunque tamen ita videtur *Hannone* intellexisse *Cornelius Nepos*, cujus ætas exploratior est. Hoc discimus è <sup>2</sup> *Plinio*, quo loco agit de situ *Cernes Hannoniæ*. *Nepos* (inquit) *Cornelius* ex adverso maxime *Carthaginis* à continente passus mille: non ampliorem circuitu duobus millibus. Verba scilicet *Hannonis* ἄνω ὁ καρχηδῶνα, ex adverso, interpretatus est *Cornelius Nepos*, atque ita intellexit, quasi prope *Carthaginem* ipsam fuisset *Cerne* illa *Gorgonum*. Sic *fluvius Avon* in *Carthaginis* ipsius *vicinia* fuisset statuendus. Sed nullam legimus ibi *Insulam* præter *Cothonem*, quæ civitatis ipsius pars erat; nec *fluvium* præter *Carthadam*, à quo *Civitas* ipsa nomen videtur accepisse, nomine ab *Hannonis* nomine satis alieno. Sed falso hæc *ratiocinio* ex *Hannone* videtur collegisse *Cornelius Nepos*. Id enim potius voluisse videtur *Hanno*, recta meridiem versus *Carthagini* subjectam

§. 12. Locum prope *Cernen* *Hannonis* nullum habere potuit *Auno Palaphasens*.

<sup>1</sup> *Plin. N. H. V. 1.* <sup>2</sup> *Plin. N. H. VI. 31.*



fuisse *Cernen*; ut, quantocunque spatio invicem diffusæ fuerint, sub eadem tamen sitæ fuerint linea *meridionali*. Jam enim vidimus pro *Africa universæ* Periplo haberi illam *Hannonis* navigationem: quasi scilicet ad mare *Erythræum*, & *Africa* plagam *Orientalem* usque pertigisset. Primo ergo à *columnis Herculeis*, *bidui* navigatione peracta, primam condunt coloniam, *Thymia-terion*. Inde *ὁδὸς ἰσθμίου* provecti *Soluntem* promuntorium veniunt. Nempe *occidentalem* quidem oram legentes, sed *meridiem* versus. Alioqui prior quoque navigatio *Occidentem* petebat. Id enim volebat, emenso freto, non oram *Hispaniæ*, quæ *Septentrionem* spectabat, ab iis petitam, sed *Africa*. A *Solunte* deinde *Orientem* versus navigatio est, usque ad *Troglodytas*. Inde rursus ad meridiem alio *biduo*. Postea iterum *ὁδὸς ἡλίου ἀνίσχοντα* ad *Cernen* usque. Addit deinde: *ἐπιμαυρόμεθα δὲ αὐτῶν, Cernen* scilicet, *ἐκ τῆς Περσέως, κατ' ὅν τι καὶ οὐκ ἀπὸ τῆς Κερχιδίου*. Rationem conjecturæ subjungit illam: *Ἐφαίκε γὰρ ὁ πλῆς, ἐκ τῆς Κερχιδίου ἐπὶ τῆς ἡλίας, καὶ καί τινι ἐπὶ Κερχιδίου*. Videmus hic navigationem *posteriorem*, quæ *Orientem* spectabat, cum *priori* conferri quæ à *Carthagine* ad finem *freti* ducebat *Gaditani*, quæ tota fuerat versus *Occidentem*. Nempe ut ostenderet ad eundem tandem illos rediisse circulum *meridianum* unde discesserant. Constaret hoc apertius, si dierum numerum semper adjecisset *hodiernus Hanno*, quod fecerat ille qui *Veterum* manibus terebatur, ut infra ex *Ariano* ostendemus §. 24. Hoc autem in loco nullus esse potuit *Carthaginienstem* fluvius qui à *Septentrione meridie* versus in mare defluerit. *Bagradas* contra è *meridie Septentrionem* versus tendebat in mare tandem effusus *Mediterraneum*. Sed nec ullam ibi regionem *aratro* aptam memorat ipse *Hanno*. Locum ergo nullum habere potuit *Auno Palæphateus* prope *Cernen Hannoniam*. Sequebatur deinde navigatio *meridionalis* per dies XII. ad *montes Sylvestres*. Inde VII. dierum ad *Hesperion ceras*, unde mare *Atlanticum* censet *Plinius*. Vel hinc obiter intelligimus, verum esse non posse, quod censuit magnus *Vossius*, *Θιῶν ὄχμους* montem, qui appellatur *Hannoni*, eundem esse cum *Sierra Liona*. Nec enim distat mons ille *hodiernus* tot *dierum* navigatione versus *Orientem* ab ora *Africa Occidentali*. Et tamen ultra *Hesperion ceras* *quattridui* navigatione *Θιῶν ὄχμους* ponit *Hanno*. Inde *triduum* aliud recensetur ad *νῆς κίεως*, quo loco statuitur *Insula Gorillarum*, ultimus hujus *Peripli terminus*, quem in *Oriente* & *Mari Erythræo* statuebant, ut vidimus, multi è *Veteribus*. Sed ne quidem *Africa* figuræ respondet hæc *Hannonis* navigatio, quæ vel inde falsitatis manifestæ convincitur.

Sed & aliud quoque habet Vir Magnus argumentum, quo hujus Peripli *Antiquitatem* ostendat. Ex illis nempe *Strabonis* verbis. *Θρυλλῆται* & ἡ Φοινικὴν ἰσχυρίσασθαι οἱ ἐπὶ τῇ ἑξῆς τῇ Ἡρακλείῳ στήλῳ ἐπὶ τῇ ἀπὸ τῆς ἑξῆς ἐκπορεύου καὶ τῇ πρὸς τὴν ἑξῆς τῇ Λιβύῃς πειραλίᾳ μὲν τῇ Τρωϊκῇ ὕστερον. *Stultum*,<sup>2</sup> ait, fuerit existimare Phœnices alios ante Hannonem has oras accessisse, ac ibi urbes condidisse, cum ex ipso Hannone contrarium constet. Atqui nullam habemus in his Geographi verbis vel *Carthaginienſium* mentionem, nedum *Hannonis*. Imo de antiquissimis Phœnicum has in partes navigationibus agere hoc in loco *Strabonem*, vel ex ipso ejus consilio colligimus refutandi *Eratosthenis*. Nihil ergo ille de temporibus *Carthaginienſium* florentissimis, quibus *Hannonis* expeditionem statuit *Plinius*. Dixerat Vir ille Seculi sui doctissimus Veterum neminem *Euxinum* mare navigare ausum, aut juxta *Libyam*, aut *Syriam*, aut *Ciliciam*. Hinc obiter intelligimus, ut de *Hannonis* Periploti resciverit *Eratosthenes*, qui hanc ipsam *Libyæ* oram se legisse narrat; non tamen illum adeo antiquum censuisse quàm volebat præstantissimus *Vossius*, sed potius illum navigatoribus annumerasse quos *πυλαγοὶ* opponebat. Huic ergo *Eratosthenis* assertioni ut occurreret *Strabo*, antiquissimi quique Periplus duces erant in contrarium nominandi. *Perſeo* ergo coævus nullos novit *Strabo* harum partium navigatores. Et ne quidem editum *Hannonis* Periplus, qui his fuerit *Trojano* vel excidio proximis temporibus assignandus. Si enim adeo antiquum censuisset, cur non illum potius Periplus advocasset, quam *Ἡπύδα*, rumorem scilicet, incertamque famam? Sed *stultum*, ait Vir Cl. si quis existimarit, Phœnices alios ante Hannonem has oras accessisse ac ibi urbes condidisse, cum ex Hannone contrarium constet. Atqui nusquam negat Hanno, quemquam ante se fuisse, qui has oras attigerit, aut qui Urbes ibi condiderit. Imo contrarium potius supponit. Decretum enim *Senatus* sui *Carthaginienſis* refert, ut Urbes *Libyphœnicum* conderet. Supponit ergo in illis ipsis oris Urbes alias Phœnicum, licet nullæ fuerint *Libyphœnicum*. Plures certe fuisse, in illa quoque, quæ extra columnas *Herculeas* fuit, ora *Libyæ*, Urbes, quam quas ipse condiderit Hanno, supponit Traditio è *Strabone* superius observata, de trecentis Phœnicum, non solum *Libyphœnicum*, Urbibus, quas exciderint *Phœnices* & *Nigretes*. Imo ipsas illas Urbes à *Tyriis* sibi vendicatas jam supra ex eodem *Strabone* vidimus, quorum proinde fidem *Hannoni* opposuimus. Nec enim adeo *stultum* est si *Hannoni* fidem derogemus, quem veteribus suspectum fuisse ne quidem *Vossius* ipse diffitetur. Sed non erant soli

§ 13. Nihil faciunt Phœnicum coloniz extra columnas *Herculeas* à *Strabone* memoratæ ad Hannonem.

<sup>1</sup> *Strab.* L. I. p. 48. <sup>2</sup> *Voss.* ad *Mal.* L. III. c. 9. l. 23.



*Carthaginienſes*, qui extra *columnas Herculeas* navigarint. Idem feciſſe *Phænices Gaditanos* teſtem habemus, ſi minus ipſum *Ariſtotelem*, certe *Ariſtotelis* ætate non multo inferiorem, <sup>1</sup> *Θαυμάσιον Ακισμάτην*. Hos enim docet ab illa ipſa ora merces *Carthaginiēſibus* ipſis incognitas *Carthaginem* deportaſſe. Sed *Gaditanorum* ipſorum originem deſcribit, ni fallor, hoc in loco *Strabo*, quam Urbe *Carthaginiēſi* antiquiorem ſupponit, & navigationes eorundem extra *columnas Herculeas Carthaginiēſium* extra eaſdem *columnas* navigationibus etiam antiquiores. Præponit certe *Strabo* *Phænicum* navigationes extra *columnas Herculeas* aliis eorundem navigationibus ad partes oræ *Libyæ* maritimæ *medias*. Et quidem ita præponit ut etiam opponat. Erant ergo illæ *Phænicum* navigationes extra *columnas Herculeas* aliæ prorſus, & priores illis, quas poſtea memorat ad partes oræ *Africane* maritimæ *medias*. Nec ullas adhuc fuiſſe veriſimile eſt à poſterioribus extra fretum *Gaditanum* colonias. Facile inde colligimus, partes oræ maritimæ *medias* de *Libyæ* latere intelligi *mediterraneo*, non autem de eo quod extra *columnas* ponebatur *Herculeas*. Quis inde non videt *Strabonis* verba poſteriora de ipſa Urbis *Carthaginiēſis* fundacione eſſe intelligenda, quæ *medium* tenebat oræ *Libyæ mediterraneæ*? Convenit certe tempus, pro hypotheſibus *Virgilii*, eorumque qui cœvum *Didoni* Urbis fundatrici fecerint *Æneam* ab *Ilii* clade fugientem. Priora autem de alia *Tyriorum* navigatione, ni fallor, intelligenda ſunt, qua *Herculis columnas* ipſas ab *Oraculo* quærere jubebantur. Ter enim id feciſſe narrantur, & ſemel illas extra fretum in *Oceano* ipſo quæſiviſſe. Sic enim alibi ipſe <sup>2</sup> *Strabo*, cujus etiam teſtimonium jam adduximus, de *Tyriis* illas (quæ *Phænicum* ferebantur) colonias ſibi vendicantibus. Idem tamen has omnes navigationes <sup>3</sup> *Ψόρυγον Φοινικῆς* accenſet. Videmus ergo quam infirmo tibicine nitatur univerſa illa Viri Magni argumentatio, fide nempe *Punica* admodum ſubleſta. Ut autem ad verba *Strabonis* poſteriora redeamus, longe aberat ut tempora illa *Didonis* haberentur *Carthaginiēſium* *florentiſſima*. Et quæ ægre ſe adverſus finitimos tuebatur Regina, nondum certe par eſſe potuit emittendis in Oceanum *coloniis*; nondum *tres* hominum *myriades* emittere potuit, quot tamen ſe duxiſſe teſtatur *Hanno*. Recte ergo *Phænicum* fuerint, non *Libyphænicum*, coloniæ hoc in loco à *Strabone* memoratæ. Potuit autem fortæſſis *Hannoni* fidem habere *Eratōſthenes*, qui *Cernen* pro vera habuit Inſula, cui nomen ab *Hannone* ipſo impoſitum narrat *Periplus*. Sic tamen, ut dixi, non potuit illum annumerare *præſcis* ipſe *Eratōſthenes*. Sed qua demum fronte *Hannonem* *Eratōſtheni* objicere potuit *Strabo*, qui hoc ipſo nomine *Eratōſthenem*

1 P. 1165. Ed. Par. 1629. Tom. I. 2 Strab. L. III. p. 169. 170. 3 Ib. p. 170. ſthenem

*sthenem* ipsum reprehendit, quod memoratam ab *Hannone* Insulam *Cernen* ille *veram* fuisse credidisset? Qui hoc quoque eidem vitio dedit, quod Scriptorem suspectæ fidei *Damastem* vel memoria dignum censuisset? Cavet proinde, dedita, ut videtur, opera, *Strabo* ab omni *Hannonis* mentione, ne ipse eodem crimine teneretur, quod in *Eratosthene* reprehenderat. Sed has ipsas quoque *Phœnicum* navigationes quas objiciendas censuit, ipse quoque *Strabo* dubiæ fidei fuisse innuit, dum hoc ipso loco, quem adduxit *Cl. Vossius*, ita habet: *ἐν τῇ αἰχμῇ τῶν λεγόμενων* dum etiam fidem *Punicam*, in hac causa, suspectam facit.

*Tempus* hujus *Peripli* designavit *Plinius* verbis satis manifestis. Alibi <sup>1</sup> *Carthaginis potentia florente* fuisse inquit: alibi <sup>2</sup> *Punicis rebus florentissimis*. Et *Carthaginensium* fuisse, si quis unquam fuerit, hic ipse docet *Periplus*. Videt ergo *Vir Magnus*, quam hæc cum suis pugnarent hypothesebus, si de condita à *Didone Carthagine* intelligerentur. Itaque <sup>3</sup> *Appianum* potius audiendum arbitratur, qui primam *Urbis* foundationem *Trojæ* excidio annis *L antiquiorem* existimavit. Sed ne quidem illa quoque sufficiet origo, ut *Persei Gorgonumque* tempora *Hanno* attigerit. Auctor, ni fallor, *Appiano* erat, ita cur sentiret, *Philistus Syracusanus*, *Dionysio* seniori coævus, pro cuius sententia *Eusebius Carthaginis* ortum ad numerum suum retulit *DCCCIVM*. *Trojæ* autem excidium ipse refert ad numerum *DCCCXXXV*. Ita spatium annorum duntaxat *XXXI* intercesserit. Hunc ergo si habuerit sententiæ suæ patronum *Appianus*; sic erit cur merito dubitemus, rectene ille sententiam Auctoris sui repræsentarit. Atqui *Xoro* originem illam tribuit tam *Appianus* ipse, quam (è *Philisti* sui sententia) *Eusebius*; cui socium adjungit *Eusebius Carchedonem*. *Xorus* iste vix est cur dubitemus quin fuerit *Tyrius*. Et plane similis est collega *Carchedon*. Fabulatorum illa produnt ingenium, qui antiquissimas origines sæpissime arcessunt ex *Urbium nominibus* in *Virorum nomina* transformati. Si quid ergo sani habeant, ad *altiores ipsa Urbe* origines, in *Tyro*, ni fallor, & *Phœnicia* referenda sunt: ea saltem quæ de *Xoro* fabulantur. Nec longe abeunt *Phœnicum* rationes, mox <sup>4</sup> à nobis è *Phœnicum* Annalibus explicandæ. Annus ibi *Solomonis* *IVUS* assignabitur anno *Periodi Julianæ* 3703. Hoc anno *Tyrum* ipsam antiquiorem annis 240 ex iisdem Annalium *Tyriorum* rationibus facit <sup>5</sup> *Iosephus*. Sic anno *Period. Jul.* 3463, *Tyri* ipsius jacta fuerint fundamenta. Detrahantur hi ex anno *Per. Jul.* 3938, quo prima coepit *Olympias*: reliqui erunt anni

§. 14. *Didone* antiquiorem *Carthaginem* fuisse, non est verisimile.

<sup>1</sup> *Plin. N. H. II. 67.* <sup>2</sup> *Plin. N. H. V. 1.* <sup>3</sup> *Appian. Punic. I. init.* <sup>4</sup> §. 15. <sup>5</sup> *Ioseph. Ant. VIII. 2.*



475. Sed vero, anno ante *Olympiadas* 407<sup>o</sup>, *Trojanum Excidium* statuitur à Chronologis *veterum* accuratissimis. His iterum deductis, annis tantummodo 68 *Tyrus* cladem *Iliacam* præcesserit. Estque discrepantia, in tanta tamque discordi Antiquitate, non magni facienda. Docuitque *Strabo Tyrionum* colonias sibi vendicasse *Libyphænicas*. Cæterum quod ad vetas *Urbis Carthaginensis* origines, *Siculis* anteferendi erunt ipsi *Carthaginenses*. Imo post *Carthaginenses* audiendi erunt *Romani*, qui, excisa *Carthagine*, *Archiva* illorum omnia atque monumenta in suam potestatem redegerunt. Hos autem utrosque *Carthaginis* exordium ad *Didonem* retulisse idem agnoscit *Appianus*. Sunt quidem *Veterum* variæ admodum, diversæque invicem, de hac causa sententiæ. His enim temporibus, cum nulla adhuc essent *Historica monumenta*; proinde necesse erat ut vacillaret *Historiæ* fides, nec consentirent invicem *Juniorum* seu *Traditiones*, seu *Ratiocinia*. Nemo tamen *Didonem* antiquiorem esse censuit quam fecerit *Virgilius*, qui cœviam fecit *Antæ*. Facile autem hoc Poetæ condonari poterit, si ab *Historiæ* *Chronologiæ*que rationibus deflexerit, in tanta præsertim antiquitate dissentientibus invicem monumentis, ut ne quidem accuratâ polliceri possit quantumvis peritus *Historicus* atque *Chronologus*. Cæterum hic quoque magis audiendi, præ *Siculis*, videntur esse *Romani*, qui è *Carthaginensium* (si qua fuerint horum temporum) *Archivis* *Carthaginem* fecerint non multo *Olympiadibus* antiquiorem, ipsaque Urbe *Romana*.

§. 15. Committitur cum Chronologia Sacra Chronologia Regum Tyriorum.

Eo certe magis audiendi, quod non longe ab illis discedant *Archiva Carthaginensium* *Metropolitica Tyriorum* à *Menandro* quodam olim collecta, seu *Epheso*, seu *Pergameno*, utroque enim modo à *Veteribus* designatur. Hæc annum ipsum conservarunt, quo *fugerit* è patria *Dido*, vii<sup>m</sup> viz. fratris *Pygmalionis*. Sed hunc annum, quis demum fuerit in *Epocha* aliqua fixa, nondum explorarunt *Chronologi*. Tentemus ergo, quæ licet, in Antiquitate aliunde tam incerta. Erit autem nobis pro norma *Chronologia Sacra Regum Israeliticorum*, quæ illam noster constituit *M. Usserius*. Illius enim calculum accuratissimum existimamus. Et cum illa *Chronologiam Tyriam* composuit *Josephus*: ex eodem (ut videtur) *Menandro*, iisdemque fortassis *Archivis*. Sacram autem *Chronologiam* cum accuratissimo *Astronomorum Canone*, atque *Æra* ejus *Nabonassaræ*, quæ licet, conferemus. Nihil enim exstat hodie pro antiquis illis temporibus accuratius. Jam autem alibi ostendimus *Ezekiæ* Regis annum xrv<sup>m</sup> eundem fuisse cum *Mardochæpadi* x, & *Nabonassari* proinde 36; *Olympiade* autem xvii. Hic idem erat

1 Usser. Chron. Sacr. Part. post. 2 Diss. 3. de Cycl. Græc. & Rom. §. 4.

Periodi

*Periodi Julianæ* 4002. Summam autem annorum 36 conficiunt anni prædicti *Ezekiæ* XIV, *Achazi* XVI, *Jothami* VI, Sic inivisset *Epocha Nabonassari* anno *Periodi Julianæ* 3966, *Olymp.* VIII, *Jothami* X<sup>o</sup>. si quidem pares fuissent cum *Julianis* anni *Nabonassari*. Hic autem ita numeramus ac si fuissent revera pares. Detrahantur ergo rursus, pro VII Olympiadibus anni XXVIII. nempe X *Jothami*, & ex *Uzzia* Patris Regno XVIII. & anno *Uzzia* XXXIV<sup>o</sup> prima inibit *Olympias*, anno scilicet *Periodi Julianæ* 3938. Nec ulla est in his Regum annis discrepantia. Ita hujus Epochæ, qua includenda erit fuga *Didonis*, litem *citimum* tenebimus. *Initium* ita indagamus. Primus est in hac *diad.* *Hiromus*, cujus annum XII<sup>m</sup> cum IV<sup>o</sup> *Solomonis* componit *Josephus*, quo *Templi* fundamenta jecit *Solomon*. Et quidem horum Regum annos ita invicem fuisse committendos, ex ipso didicit, ut videtur, *Menandro*, quem ait ad Reges *Tyrios* gesta quoque gentium aliarum, tam *Græcarum*, quam *Barbararum*, exegisse: quæ certe methodus, si cum judicio observata fuerit, ad fidem ejus commendandam admodum faciat. Rectius autem in Libris adversus <sup>1</sup> *Apionem*, annum *Hiromi* XII<sup>m</sup> *Templi* exordio assignavit, quam in <sup>2</sup> *Antiquitatibus* XII<sup>m</sup>. Discimus hoc ex aliis numeris, annorum CXLIII à *Templi* fundatione, CLIII autem ab initio *Hiromi*, in quibus magnus est consensus eorum omnium, qui *Tyriorum* Regum successionem à *Menandro* descriplerunt, tam sibi ipsis, quam inter se invicem. Itaque non est cur de harum summæ sinceritate dubitetur; magisque ad ipsas summæ particulares, in quibus tantus consensus non est, exigendæ erunt, quam vicissim. Invaluit tamen posterior illa methodus apud Chronologos nostri ævi præstantissimos. Et sane lacunam manifestam mox probabimus annorum quibus regnaverint *Nutricis* filii juniores. Proinde augendæ erunt summæ particulares, non autem breviantur. Sic ergo ab initio *Hiromi* *Tyriorum* Regum anni disponendi, & cum Chronologia *Sacra* committendi.

<sup>1</sup> *Jos. h. cont. Apion. L. I. p. 1045.*    <sup>2</sup> *Antiq. VIII. 2.*

<i>David.</i>		<i>Hiromi.</i>		<i>Period. Jul.</i>	<i>David.</i>		<i>Hiromi.</i>		<i>Period. Julian.</i>
33		I		3692	36		4		3695
34		2		3693	37		5		3696
35		3		3694	38		6		3697



Davi- dis.	Hiromi.	Persod. Julian.	Solomo- nis.	Hiromi.	Epoch. Tyr.	Period. Julian.	
39	7	3698	24	32		3723	
40	8	3699	25	33		3724	
Solomo- nis.			26	34		3725	
I	9	3700		Balea- zari.			
2	10	3701	27	I	35	3726	
3	11	3702	28	2	36	3727	
4	12	3703	29	3	37	3728	
5	13	3704	30	4	38	3729	
6	14	3705	31	5	39	3730	
7	15	3706	32	6	40	3731	
8	16	3707	33	7	41	3732	
9	17	3708		Afda- stari.			
10	18	3709	34	I	42	3733	
11	19	3710	35	2	43	3734	
12	20	3711	36	3	44	3735	
13	21	3712	37	4	45	3736	
14	22	3713	38	5	46	3737	
15	23	3714	39	6	47	3738	
16	24	3715	40	7	48	3739	
17	25	3716	Robo- ami.	Jerobo- ami.			
18	26	3717	I	I	8	49	3740
19	27	3718	2	2	9	50	3741
20	28	3719			Nutrice fil. maj.		
21	29	3720	3	3	I	51	3742
22	30	3721	4	4	2	52	3743
23	31	3722	5	5	3	53	3744

Period. Julian.	Reboam.	Jerobo- am.	Nutrici fil. maj.	Epoch. Tyr.	Period. Julian.	Asa.	Baasa.	Nutrici fil. 3. jun.	Epoch. Tyr.	Period. Julian.
23		6	4	54	3745	7	5	13	75	3766
24		7	5	55	3746	8	6	14	76	3767
25		8	6	56	3747	9	7	15	77	3768
26		9	7	57	3748	10	8	16	78	3769
27		10	8	58	3749	11	9	17	79	3770
28		11	9	59	3750	12	10	18	80	3771
29		12	10	60	3751			Astati		
30		13	11	61	3752	13	11	1	81	3772
31		14	12	62	3753	14	12	2	82	3773
32			Nutr. fil. 3. jun.			15	13	3	83	3774
33		15	1	63	3754	16	14	4	84	3775
34		16		64	3755	17	15	5	85	3776
35		17	3	65	3756	18	16	6	86	3777
36	Abia.					19	17	7	87	3778
37		1	18	4	66	20	18	8	88	3779
38		2	19	5	67	21	19	9	89	3780
39		3	20	6	68	22	20	10	90	3781
40	Asa.					23	21	11	91	3782
41		1	21	7	69	24	22	12	92	3783
42		2	22	8	70			Athery. mi.		
43			Baasa.			25	23	1	93	3784
44		3	1	9	71	26	24	2	94	3785
		4	2	10	72		Zimri, cum Omri			
		5	3	11	73	27	1	3	95	3786
		6	4	12	74	28	2	4	96	3787



Afa.	Zimri, cum Omri.	Athery- mi.	Epoch. Tyr.	Period Julian.	Josa- phasi.	Ahabi.	Ishobab.	Epoch. Tyr.	Period Julian.
29	3	5	97	3788	10	14	18	119 m. 8	3810
30	4	6	98	3789	11	15	19	120 m. 8	3811
31	5	7	99	3790	12	16	20	121 m. 8	3812
32	6	8	100	3791	13	17	21	122 m. 8	3813
33	7	9	101	3792	14	18	22	123 m. 8	3814
		Phellis.	101 m. 8		15	19	23	124 m. 8	3815
		Ishoba- li.			16	20	24	125 m. 8	3816
34	8	1	102 m. 8	3793	17	21 Ahazip I	25	126 m. 8	3817
35	9	2	103 m. 8	3794	18	2. 22	26	127 m. 8	3818
36	10	3	104 m. 8	3795		Jehora- mi.			
37	11	4	105 m. 8	3796	19	1	27	128 m. 8	3819
38	12 Ahabi. I	5	106 m. 8	3797	20	2	28	129 m. 8	3820
39	2	6	107 m. 8	3798	21	3	29	130 m. 8	3821
40	3	7	108 m. 8	3799	22	4	30	131 m. 8	3822
41	4	8	109 m. 8	3800	23. Jeho- rami. I	5	31	132 m. 8	3823
Josa- phasi.					2. 24	6	32	133 m. 8	3824
1	5	9	110 m. 8	3801			Badizori.		
2	6	10	111 m. 8	3802	3. 25	7	1	134 m. 8	3825
3	7	11	112 m. 8	3803	4	8	2	135 m. 8	3826
4	8	12	113 m. 8	3804	5	9	3	136 m. 8	3827
5	9	13	114 m. 8	3805	6	10	4	137 m. 8	3828
6	10	14	115 m. 8	3806	7	11	5	138 m. 8	3829
7	11	15	116 m. 8	3807	Ahazip I	12	6	139 m. 8	3830
8	12	16	117 m. 8	3808	Athalie.	Jehu	Maryni.		
9	13	17	118 m. 8	3809	1	1	1	140 m. 8	3831

Atha- lia.	Jehu.	Matyr- ni.	Epoch. Tyr.	Period. Julian.	Joasi.	Jehu.	Pygma- lionis.	Epoch. Tyr.	Period. Julian.
2	2	2	141 m. 8	3832	20	26	17	165 m. 8	3856
3	3	3	142 m. 8	3833	21	27	18	166 m. 8	3857
4	4	4	143 m. 8	3834	22	28	19	167 m. 8	3858
5	5	5	144 m. 8	3835		Jehoa- chazi.			
6	6	6	145 m. 8	3836	23	1	20	168 m. 8	3859
Joasi.					24	2	21	169 m. 8	3860
1	7	7	146 m. 8	3837	25	3	22	170 m. 8	3861
2	8	8	147 m. 8	3838	26	4	23	171 m. 8	3862
3	9	9	148 m. 8	3839	27	5	24	172 m. 8	3863
		Pygma- lionis.			28	6	25	173 m. 8	3864
4	10	1	149 m. 8	3840	29	7	26	174 m. 8	3865
5	11	2	150 m. 8	3841	30	8	27	175 m. 8	3866
6	12	3	151 m. 8	3842	31	9	28	176 m. 8	3867
7	13	4	152 m. 8	3843	32	10	29	177 m. 8	3868
8	14	5	153 m. 8	3844	33	11	30	178 m. 8	3869
9	15	6	154 m. 8	3845	34	12	31	179 m. 8	3870
10	16	7	155 m. 8	3846	35	13	32	180 m. 8	3871
11	17	8	156 m. 8	3847	36	14	33	181 m. 8	3872
12	18	9	157 m. 8	3848	37	15	34	182 m. 8	3873
13	19	10	158 m. 8	3849	38	16 Joasi. 1	35	183 m. 8	3874
14	20	11	159 m. 8	3850	39	2. 17	36	184 m. 8	3875
15	21	12	160 m. 8	3851	40 Amaziz 1	3	37	185 m. 8	3876
16	22	13	161 m. 8	3852	2	4	38	186 m. 8	3877
17	23	14	162 m. 8	3853	3	5	39	187 m. 8	3878
18	24	15	163 m. 8	3854	4	6. Jero boam ii. 1	40	188 m. 8	3879
19	25	16	164 m. 8	3855	5	7. 2	41	189 m. 8	3880



Amaz.ia.	Joasi & Jeroboam ii.	Pygmalionis.	Epoch. Tyr.	Period. Julian.	Amaz.ia.	Joasi & Jeroboam ii.	Pygmalionis.	Epoch. Tyr.	Period. Jul.
6	8. 3	42	190 m. 8	3881	9	11. 6	45	193 m. 8	3884
7	9. 4	43	191 m. 8	3882	10	12. 7	46	194 m. 8	3885
8	10. 5	44	192 m. 8	3883	11	13. 8	47	195 m. 8	3886

Accedant ultimo *Periodi Julianæ* anno anni alii 52, pro XVIII (qui superant) *Amazia*, & XXXIV *Uzzia*. Constatque numerus annorum 3938 ad primam *Olympiadem*, ut dixi, accuratissime. Hunc certe puto calculum fuisse *Menandri*. Secutus autem est, ut puto, *Menander*, in commissione cum Regibus *Judæorum*, fidem potius *Demetrii* illius *Phalerei*, qui scripsit de *Regibus Judæorum*, (quemque sub IV<sup>o</sup> *Ptolemæo* testatur vixisse <sup>1</sup> *Clemens Alexandrinus*,) potius quam Sacrarum literarum Græce jam versarum. Jam enim olim difficilem fuisse illorum commissionem, innuisse videtur ipse ille *Demetrius*, quod singulare de illo Argumento volumen conscripserit. Sic medio inter IV<sup>m</sup> *Ptolemæum* & *Josephum* tempore vixerit *Menander*. Et tamen fortassis ante *Polyhistorum Cornelium Alexandrum*, qui sub *Sulla* scripsit, hausitque ex *Menandro* quæ habet de *litteris* inter *Solomonem* & *Hieronymum*. Hæc obiter, quod nihil haberet exploratum de illius tempore nostri *Vossii Parens*. Contextuerat autem *Demetrius* perpetuam *Judæorum* ad sua usque tempora *Chronologiam*, quam ad suam ætatem perduxit *Eupolemus*. Discimus hæc è *Patriarcharum Chronologia*, quam è *Polyhistore* conservavit *Eusebius*, & ex iis quæ de utriusque hypothelibus tam *Demetrii* quam *Eupolemi*, habet *Clemens Alexandrinus*. Ad illam ergo *Tyrriorum* Regum tempora exegit *Menander Ephesius*.

§. 16. Prædicta Chronologia Tyrriorum astruitur è *Josepho*.

Nos autem, in hac Regum *Tyrriorum* serie, *Josephi* numeros secuti sumus. quæ scilicet illos integros habemus. Supplevimus autem, quæ deficiunt, ex illius summis *universalibus*. Hæc enim causa erat cur hæcenus male se habere illius *numeri* existimarentur, quod annum ab initio *Hieromi* 155 à XII<sup>o</sup> autem ejusdem 143 non conficerent, quod tamen postulabant summæ illæ (in quibus maximus est *consensus*) *universales*. Non scilicet occurrebat, non modo apud *Theophilum Antiochenum* & *Syncellum*, verum etiam apud ipsum quoque *Josephum*, desiderari annos quibus regnarint tres filii *Nutricis* juniores. Περὶ οὐτίκω σεο-

<sup>1</sup> Clem. Al. Strom. I.

sim annos tribuit XII. Sequitur deinde *lacuna*, qua fratrum reliquorum annos memoraverant Archiva. Eam manifestam faciunt verba proxime sequentia, tam in *Josepho*, quam in *Theophilo*: *μὲν δὲ Ἀσπέρ*. Inde corruptum nomen *Methuastarti*, licet alieno loco, apud <sup>1</sup> *Theophilum*. Erant ergo & reliquis suæ quoque Regnandi vices, licet exciderint (nescio quo Librario- rum errore) eorum anni. Non possumus ergo singulis suos annos, seu *Regni*, seu (pro reliquorum exemplo) *vite*, redintegrare. Omnibus tamen recte, ni fallor, illos imputabimus, qui alioqui defuturi erant ad summas *universales* explendas, tanto Auctorum Codicumque *consensu* stabilitas. Nisi forte x ex illis *Baleazaro* potius assignemus, quod xvii annos illi tribuant tam *Theophilus* quam *Syncellus*, contra *Josephum*, quod alibi nuspiam faciunt, hoc saltem in numero *consentientes*. De hoc autem cogitent alii, quibus otium est, ut id agant ex professo. Nos annos xviii satis *paucos* existimamus qui inter fratres *juniores* tribuantur, ut omnium diutissime regnarit natu *maximus*, quod sane innuunt *Archiva*. Recte autem se habere nostram cum *Chronologia Sacra* commissionem, exinde colligimus, quod ita in *Ababi* annum i<sup>m</sup> conveniat annus *Ithobali* v<sup>us</sup>, quem *Ethbaal* appellant Sacræ literæ, & *Ababi* socerum fuisse docent. Sane commodissime. Vixit *Ithobalus* annis LXVIII, regnavit autem XXXII. Ita i<sup>o</sup> *Ababi* anno, annum egerit *Ithobalus* ætatis XLi<sup>m</sup>. *Ætas* illa sufficit ut tunc *nubilem* filiam haberet *Jezabelem*. Ita ad vi<sup>m</sup> *Jehorami* Israelitici superstes fuerit pater *Jezabelis* *Ithobalus*. Ut satis proinde commode ad *cædem* filii *Jehorami*, (quæ sexennio postea sequebatur,) pertigerit ipsa *Jezabel*, formæ adhuc studiosa, nec admodum *longæva*. Non equidem possum in hac tam antiqua Historia certi quippiam affirmare. Hæc tamen arbitror, si minus vera, saltem esse verisimillima. Credidit quidem *Petavius* cum *Sacra Historia* hæc pugnare *Phœnicum* Archiva, vel ipsum saltem fortasse *Menandrum*, qui iv<sup>m</sup> *Solomonis* annum cum *Hirami* commisit xii<sup>o</sup>. Hoc scilicet Argumento, quod mox ab initio *Davidis Hierosolymitano* *Hirami* Tyrriorum Regem Sacræ literæ memorarint. Sed fieri potest, ut inter duos *Hiramos* medius fuerit *Abibalus* illius *Hirami* decessor, cujus annus xii<sup>us</sup> cum *Solomonis* anno confertur iv<sup>o</sup>; illius autem successor, qui initio *Hierosolymitano* *Davidis* amicitiam ambierit. Nec tamen certus designatur *Davidis* annus, quo amicitiam cum *Hiramo* contraxerit. Erat, ut videtur, frequens apud Reges *Tyrios*, *Hirami* nomen. Alium certe *Hirami* postea ex iisdem *Archivis* idem exhibet *Menander*.

<sup>1</sup> *Theoph. L. III. ad Antioch.*



§. 17. Inde annus colligitur quo fugerit à patria *Dido*.

Ex hac autem *Phœnicum* Chronologia ita constituta, sequitur anno *Period. Julian.* 3846, qui *Pygmalionis* erat vii<sup>us</sup> quo exsulavit *Dido*, ne quidem antiquiorem esse potuisse *Carthaginem*, quæ fuerit à *Didone* fundata. Is erat annus ante primam *Olympiadem* xci<sup>us</sup>, ante prima *Palilia Varroniana* cxv<sup>us</sup>. Potuit aliquot annis esse recentior. Nec enim mox à patria profuga sedem in continente firmam adeptæ est. Meliusque hæc cum receptis Veterum numeris consentiunt (qua quidem ipsi inter se consentiunt) quam quæ attulit in contrarium Magnus *Vossius*. *Eusebius* ad varios numeros, seu potius, è *Romanis* Scriptoribus, fortassis *Hieronymus*. De numero dccciv. jam vidimus. Ad num. etiam dcccclxxi, ita habet in Editione Scaligerana: *Carthago condita est, ut quidam volunt, à Carchedone Tyrio: ut vero alii, à Didone filia ejus, post Trojanum Bellum ann. cxliii.* Sed notæ apponunt ad ann. dcccclxxviii. unde suspicio est *Typographi* potius errorem esse, quam *Scaligeri*. Est enim annus ille posterior ab Excidio *Trojano* revera cxliii, pro hypothefibus *Eusebii*. Vidit *Scaliger* hunc ipsum esse annum quem designaverat *Menander* ab *Hirami* xii<sup>o</sup>. Illud autem non vidit, cur ab Excidio *Trojano* numeraretur cxliii. Fugerant nimirum Virum Maximum verba *Tatiani* ex eodem, ut videtur, *Menandro*, quem tamen appellat ipse *Pergamenum*. Fieri potest ut utriusque Urbis civis idem fuerit *Menander*, quod erat apud Veteres frequentissimum. Verba autem <sup>1</sup>*Tatiani* illa sunt: Τὴ δὲ Χερσίου ὁ χρόνος ἔδην πρὸς τῆς Ἰλιακῆς ἐνέχεται. Quæ verba facile in hanc sententiam detorqueri poterant. Rursus ad num. mi. vel (ut *Scaliger* in *Notis*) mil. fugam *Didonis*, secundum nonnullos, idem ponit *Eusebius*. Nescio quo fretus sententiæ illius Auctore. Sic prima *Olympiade* 240 annis fuisset antiquior, qui numerus est annorum quo *Tyrus* ipsa Templo *Solomonis* antiquior erat. Idem iterum ejusdem meminit ad num. mclxvii. vel potius (ut recte *Scaliger*) *Hieronymus*, pro hypothefibus tamen *Eusebii*, anno à Templo *Solomonis* cxliii. Nempe ante *Olympiades* ann. 73. ante *Urb. Cond.* pro Epochæ (quam sequitur *Hieronymus*) *Catoniana*, 98. Sic porro *Latini* loquuntur, ut (quanquam invicem non consentiant in tanta monumentorum penuria) non tamen longe abeant ab his *Phœnicum* Archivis. Annos Urbi *Carthagini* dcc rotundo numero tribuunt *Livius*, *Eutropius* & *Orosius*, quæ Urbis *Romanæ* anno *Varr.* 608 excisa est. *Velleius* (ne quidem ipse sibi consentaneus ex unico, unde prodiit, MS<sup>o</sup>.) <sup>2</sup>*Carthaginem* ait ante annos v & lx, quam Urbs *Romana* conderetur, à *Didone* conditam. Et tamen illam stetisse <sup>3</sup>tradit annis dclxvii. qui proinde pertigerint ad

<sup>1</sup> *Tatian.* Or. cont. Græc. <sup>2</sup> *Vell.* L. I. c. 6. <sup>3</sup> *Id.* c. 12.

ann. Varr. 608. Posterior numerus propius fortassis ad veritatem accedit. Erant enim, qui ad annum Epochæ suæ DCLXVIII pervenisse credebant, ut nos docet in *Eusebiano Chronico* <sup>1</sup> *Hieronymus*. Si ad Epocham *Varronianam* annum illum Epochæ *Carthaginensis* retulerit *Velleius*, sic Urbe *Romana* annis tantummodo 59 fuisset antiquior, qui numerus à *Velleiano* iusto deficit sexennio. Plane ut deficiebat à *Varroniana* Epochæ *Fabiana*. Miscebat ergo fortasse diversarum supputationum rationes invicem *Velleius*. Ita scilicet ut Urbis annum 608, quo deleta fuerit *Carthago*, pro modo supputarit *Fabiano*. Sic enim eveniret, ut qui annus ante Epocham *Varronianam* fuisset 59, idem fuisset ante annum Epochæ *Fabianæ* 608, ut numerat *Velleius*, LXV. Alios, ubi supra, refert *Hieronymus*, qui annum *Carthaginis* ultimum numerarint ab ejus fundatione DCCXLVIII. Sic *Romam* præcesserit annis CXL. Plerumque autem nostra è *Phœniciis* Archivis origine recentiorem statuunt. *Iustinus* è *Trogo* annis LXXIII, <sup>2</sup> *Servius* tantummodo LXX, antiquiorem facit *Roma Carthaginem*. *Cato* annis XL, qui proinde proxime accessit ad sententiam *Timæi*. Illam enim sententiam *Timæo* tribuit <sup>3</sup> *Dionysius*, ut asseruerit xxxviii ante primam *Olympiadem* annis Urbis *Carthaginensis* jacta fuisse fundamenta. Is annus erat ante prima *Palilia Varroniana* LXI. quo tamen eodem anno *Romam* conditam censuit ipse *Timæus*. Quem autem habuerit sententiæ Auctorem, nescire se fatetur *Dionysius*. Nostram tamen, quam è *Phœnicum* Archivis dedimus, supputationem superat etiam <sup>4</sup> *Solinus*, qui *Carthaginis* excidium ad annum retulit illius DCCXXXVII. Superat, pro aliis rationibus, etiam *Appianus*, qui *Siciliam* à *Carthaginensibus* ablatam narrat anno Epochæ *Carthaginensis* DCCO. qui proinde concurrenit cum fine Belli *Punici* li. annoque adeo U. C. Varroniano 513. Docet tanta illa sententiarum discordia, quam incerta sit his temporibus *Carthaginensium Græcorumque* Historia. Docetque eadem, nostras, quas è *Tyrriorum* Archivis dedimus, rationes, ad medium proxime accedere, & proinde esse verisimillimas. Causa ergo nulla prorsus est cur adeo antiquam censuerit Vir doctissimus *Carthaginem* ipsam; aut hunc, in quo versamur, *Periplum Hannonis*.

Ego nihil sane video quod obstat, quo minus verum hujus *Peripli* tempus docuerit *Plinius*, cum illum rebus *Punicis* assignaret *florētissimis*. Sed limites quidam ponendi sunt quibus res eorum *florētissimæ* fuerint concludendæ. Non poterant certe censerī *florētissimæ* post primum cum Ro-

§. 18. Inter *Olymp.* xcii. 4. & *Olymp.* cxxix. quærendus est *Hanno* hujus *Peripli* dux.

<sup>1</sup> Num. *Euseb.* MDCCCLXXI. <sup>2</sup> *Serv.* ad *Æn.* I. v. 12. & 167. <sup>3</sup> *Dionys.* L. I. p. 60. <sup>4</sup> *Solin.* Polyhist. c. 30.



manis Bellum, cum ditionibus avitis multarentur. Proinde post annum Varr. 513<sup>m</sup>, quo Pax illa *Panis* damnosa recepta est, non est Hanno ille quærendus. Nec proinde post Olymp. cxxxiv. 3. qui in annum illum *ineuntem* incidebat. Cladem enim illam nunquam ita refarciverunt, ut deinceps *res* eorum possint cenferi *florētissima*. Sed ne quidem *Belli* ipsius tempus opportunum erat emittendis *coloniis*. *Pacis* hoc negotium erat, & plane talis qualem post *Belli* illius initium anno Varr. 490, Olymp. cxxix, nunquam deinde consecuti sunt *Carthaginenses*. Sed nec vice versa nimis *alte* Epocha illa arcessenda est, uti fecit Vir Eruditissimus. Non potuit sane primis *Carthaginensium* Historiis multo fuisse antiquior. Utcunque tunc *floruisse*, non tamen potuit, sine *coævis* Historiis, de *Carthaginensium* statu *florētissimo* constare. Sed vero de *primis* eorum *Historiis* ex *Historicorum* illorum ætate judicandum est, qui apud illos habebantur *antiquissimi*. His autem *Antiochum Syracusanum* accenset *Dionysius Halicarnassensis*. Nunc enim illum <sup>1</sup> ὁ τῶν ἐπιτομῶν τῶν, ὁ δὲ τῶν συγγραφέων appellat, nunc etiam <sup>2</sup> τῶν ἀρχαίων. Proinde multo antiquiorem illo neminem noverat *Dionysius*, Vir tamen veterum monumentorum peritissimus, atque in iisdem versatissimus. Ad *Darii* autem *Nothi* tempora Historiam ab eo deductam esse Auctor *Diodorus* est. Nempe ad annum, ut vult ille, Olymp. lxxxix. 1<sup>m</sup>. Convenitque satis commode hæc illius ætas cum ætate patris *Xenophanis Colophonii*, qualem illam alibi descripsimus. *Medius* enim erat inter *Pythagoram* filiumque *Antiochum Xenophanes* ille, & seni *Pythagoræ* juvenis ipse *coævus*, & *longævitate* celebris. *Discipulus* autem *Pythagoræ* *Lysis* juniores etiam *Antiocho* discipulos habuit *Thebis*, *Philippum Macedonem Alexandri M. patrem*, & *Pelopidam* & *Epaminondam*. Quod si inter *Siculos* *Historicos*, qui etiam olim exstabant, τῶν ἀρχαίων habeatur *Antiochus*; non poterant certe ulli unquam multo fuisse antiquiores. Congruit examussim hæc *Siculæ* *Historiæ* Epocha cum ætate *Historiæ Græcæ* reliquæ. A *Græcis* enim ad *Siculos* cum *coloniis* mores etiam *Græci* emanarunt. Nec multos habebant *Historicos Græci* ipsi qui *Antiochum* ætate præcesserint. Et ne quidem habere potuisse vel inde manifestum est, quod non multo antiquiora habuerint exploratæ *fidei*, & sibi quoque invicem *consentanea*, monumenta. De *Cyro* certe jam <sup>3</sup> alibi vidimus, quam pugnarint eorum Traditiones, quasi nullis fulcirentur *Scriptorum Archivis*. Medio ergo inter *Cyrum* & *Darium* *Nothum* intervallo primi coeperint *Siculorum* *Historici*. Nec poterant adeo multo esse antiquiores *res Carthaginensium florētissima*. Qui enim *res Carthaginensium* lingua *Carthaginensium* patria *Punica* prodiderit,

<sup>1</sup> Dionys. L. I. p. 59. <sup>2</sup> ibid. p. 10. <sup>3</sup> Præl. Inaug.

neminem apud Veteres reperimus. A Græcis ergo (*Carthaginiensium* scilicet in *Sicilia* ἱππογῆρας, vel *hostibus*) primæ *Carthaginiensium* Historiæ descenderint. Inde factum ut de suæ Urbis origine tam variæ fuerint *Carthaginiensium* ipsorum Traditiones. Quod sane fieri non potuit, si ullos habuissent *Originibus* suis propinquos Historicos; si ulla saltem *coæva*, nec dubiæ fidei, Archiva. Scripsit quidem de <sup>1</sup> *Re Rustica Mago Carthaginiensis*, & lingua scripsit etiam *Punica*: in vulgi gratiam, ut videtur, *Agriculturam* exercentis. Sed quæ *externis* innotescere volebant, ea non alia lingua quam *Græca* scripta unquam fuisse legimus. Itaque post sedes in *Sicilia* necesse est fuisse res illas *Carthaginiensium*, quæ in *Historiis* censentur *florētissimæ*. Sub *Cyro* autem & *Dario* infelices fuisse docuit *Trogus Pompeius*, & ex eo *Iustinus* & *Orosius*. Sub *Xerxe* *Siciliam* aggressi à *Gelone* ita victi sunt, ut de sua metuerent *Carthagine*. Sedes illis in *Sicilia* nullas tunc fuisse facile colligitur è *Diodoro*. Exercitum narrat ex *Africa* missum, & ne quidem è *Sicilia* vel ex parte conscriptum, sed ex aliis *Carthaginiensium* ditionibus. *Terminos* illis, in *Pacis* conditionibus, nullos, ut postea, in *Sicilia* positos apud illum legimus. Nova rursus *Carthaginiensium* irruptio in *Siciliam* erat, post *Historiam Antiochi*, *Olymp.* XCII. 4. duce *Annibale*. Medio ergo tempore inter hanc novam *Carthaginiensium* Expeditionem atque *Olymp.* CXXIX, qua im coepit cum *Romanis* Bellum, *Hanno* ille quærendus est, quem ferunt hujus *Peripli* fuisse *ducem*.

Habet autem & aliam *Hannonis* hujus notam *Plinius*. Post verba de *Hannone*, addit ille: <sup>2</sup> *sicut ad externa Europæ noscenda missus eodem tempore Himilco*. Nempe *exteriorum Europæ* nomine partes *Europæ* intelligit *Oceano* objectas, seu *mari exteriori*. Qua scilicet *Mediterraneo*, seu *interiori* *Mare exterius* opponi solet à *Geographis*. Id ergo vult, quo tempore oram *Libyæ*, quæ *Oceano* proliebatur, *Meridiem* versus atque *Orientem* lustravit *Hanno*; eodem oram *Europæ Occidentalem Septentrionalemque*, qua scilicet etiam ipsa vergebat ad *Oceanum*, lustrasse similiter *Himilconem*. Et scriptis suam navigationem consignasse docet *Festus Avienus*. *Punicorum Annales* appellat *Festus*, unde ipse quædam de hac ora *maritima* ediderit. Si ita appellarit, quod lingua *Punica* concepta fuissent, ea causa satis verisimilis esse potuit, cur tamdiu *Græcos* latuerit *Himilco*, etiam illos qui collegæ meminerint *Hannonis*. Sed *linguam Punicam* nihil est cur *Festum* intellexisse arbitremur. Non certe videtur intellexisse *Plinius*, qui tamen *Himilconis Periplum* viderit pariter ac *Hannonis*. Illum certe cum *Hannone* conjungit,

<sup>1</sup> Vid. *Varron. R. Rust. & Columell. & Plin.* <sup>2</sup> *Plin. N. H. II. c. 67.*

§. 19. Collegam habuit hic *Hanno Himilconem*. In *Agathoclis* Bello duces erant tam *Hanno* quam *Himilco*.

recensetque



recensetque inter Auctores Externos è quibus Librum vñ. collegerit. Non est ergo *Festus* ita intelligendus quasi sua è lingua *Himilconis* patria transtulisset, cum eadem *alia*, certe quam *Punica*, lingua *Plinius* jam olim ante *Festum* usurparit. *Punicorum Annales* ille satis congrue appellare potuit, qui res *Panorum*, id est, *Carthaginensium*, quacunque demum lingua, complexi fuissent. Nec sane ullum est lingue *Punicæ* vestigium in collega *Himilconis* *Hannone*. Utinam exstaret ille cognati Argumenti *Periplus*. Vix est cur dubitemus quin lucem *Hannoni* foenerari, & vicissim ab ipso capere, potuerit. Nunc saltem illud ex hoc *Plinii* loco colligimus: inter varios prædicti spatii *Hannones*, eum demum esse quærendum, qui socium habuerit, & parem in Reipublicæ officiis, *Himilconem*. Et quidem tales legimus, in *Agathoclis* Bello, *Carthaginensium* duces, tam *Hannonem* quam *Himilconem*. Ita quoque sibi invicem pares, ut, cum (distrahendis *Agathoclis* copiis) varios ex Urbe exercitus *Carthaginenses* emitterent; seorsim imperarint, alteri exercitui *Hanno*, alteri *Himilco*. Ita *Diodorus Olymp.* CXVIII. 2. Nec absurde sane, paulo ante expeditionem *Agathoclis*, res *Carthaginensium* statuimus *florētissimas*, cum eam virium suarum fiduciam haberent, ut *Syracusas* ipsas auderent terra marique obsidere. Affixerat illas *Olympiadis* CX<sup>a</sup> anno 1<sup>o</sup> Bello; & 2<sup>o</sup> *Pacis* conditionibus, *Timoleon*. Affixit ipse deinceps *Agathocles*, & post illum, *Pyrrhus*, antea quam 1<sup>o</sup> cum *Romanis* Bellum inirent. Medio ergo tempore, sed quod proprius ad *Agathoclis* tempus accesserit, *Pax* illa potuit esse *florētissima*, qua vacare potuerint *Carthaginenses* coloniis emittendis.

§. 20. *Periplus* hujus meminit *Xenophon Lampsacenus*. Sed ejus ætas incerta.

Videndum jam num cum hac *Hannonis* ætate conveniat mentio hujus *Periplus antiquissima*. Meminit quidem *Hannonis* expresse *Xenophon Lampsacenus*, ut nos docet 1 *Solinus*. Sed quanto fuerit *Plinio* & *Solino* antiquior ille *Xenophon*, exploratum non habemus. Ego non admodum antiquum fuisse suspicor. Nullum certe locum habet inter celebres *Lampsacenos* à 2 *Strabone* memoratos. Ita fuerit *Strabone* fortasse junior, nisi forte illum *Strabo* contemserit, qui *fabularum* Auctores contemnendos, nec memoria dignos esse, docet. Illud *antiquitatem* aliquam fortasse sapit, quod *Periplus* suum, ut *Hanno*, ita iste 3 *Xenophon*, diurnis potius itineribus, quam *stadiis* emensus fuerit. Primum enim, qui *stadiis* itinera designavit, *Timosthenem* fuisse innuit 4 *Marcianus Heracleota*, qui (scilicet *Timosthenes*) sub secundo vixit *Ptolemæo Philadelpho*. Illum enim sequebatur, exscripsitque, *Eratosthenes*. Nempe diurna

1 *Solin.* c. 56. 2 *Strab.* L. XIII. p. 589. 3 Vid. ap. *Plin.* N. H. IV. 13. V. 31. 4 *Marcian.* *Peripl.* p. 64.

decessorum itinera in certum *Stadiorum* numerum redigens. Sed nescio an proinde colligere liceat *Timosthene* antiquiorem, vel *coævum* saltem hunc fuisse *Xenophontem*. Nihil hic audacter affirmaverim.

Primus, ut opinor, qui hujus *Peripli*, sub *Hannonis* etiam nomine, mentionem fecerit, Auctor erat Operis <sup>1</sup> *Ἐπὶ τῶν περιήγησιν ἀποστολῶν*, non quidem *Aristoteles* ipse, non tamen multo junior. <sup>2</sup> *Sardinia* ita meminit, quasi *Carthaginienſes* Dominos adhuc etiam agnoverit. Et in <sup>3</sup> *Sicilia* meminit *Carthaginienſium ἐπιχειρήσας*. Adhuc ergo erant etiam in *Sicilia* possessione *Carthaginienſes*, qui tamen *Insulis* illis ambabus exuti sunt per conditiones *Pacis*, quæ recepta est post *Bellum Punicum* 1<sup>m</sup> ann. *Varr.* 513. *Olymp.* cxxxiv. Sequitur præterea antiquorum errorem de <sup>4</sup> *Istri* alveo qui in mare decurrerit *Hadriaticum*. Hunc errorem tum demum innotuisse scribit <sup>5</sup> *Diodorus*, cum *Istria* in *Populi Romani* potestatem venisset. Victa nempe *Tēuta Illyriorum* Regina, medio tempore inter *primum secundumque* *Bellum Punicum*. Est porro opus illud *Antigono Carystio* antiquius, quem sub duobus primis *Ptolemæis* floruisse probavit *Vossius* Pater. Ita scilicet intelligendus, ut sub *secundo* potius *Ptolemæo* scripserit *Antigonus*. *Timæi* enim testimonium advocat *Antigonus*, qui <sup>6</sup> *Pyrrhi* etiam res gestas singulari Opere complexus est. Res autem gessit *Pyrrhus* in *Sicilia* post mortem *Agathoclis*. Itaque primi saltem *Ptolemæi* ætate ad exitum vergente, jam prodierat in lucem *Periplus Hannonis*. Vix enim poterat Opus *Ἐπὶ τῶν περιήγησιν ἀποστολῶν* ætate illa esse *recentius*. Sed nec multo esse poterat *antiquius*, tantum abest ut ipsius fuerit *Aristotelis*. <sup>7</sup> *Agathoclem* ipsum *Siciliæ* Regem verbis memorat expressis, qui *Olymp.* cxv, 4, *Tyrannidem* suscepit, cum jam *Olymp.* cxiv, 3, decessisset *Aristoteles*. Idem (quicunque demum is fuerit) Auctor <sup>8</sup> *Cleonymi* meminit *Spartiatæ*, cui cum infidias struxissent *Paulus Poncestius* atque *Cajus*, à *Tarentinis* ait fuisse punitos. Nescio cur nomen *Tarentinorum* hoc in loco in *Ταρεντιῶν* mutarit Interpretes. Nam ad *Tarentinos* missus est *Cleonymus*, cujus res gestas *Olymp.* cxix, 2, memorat *Diodorus*: sub *Cols.* autem anni *Varron.* 452. *Livius*. Opus illud quicunque tandem scripserit, verbis tamen sæpe usus est non *suis*, sed *alienis*. Hoc discimus è voce *φρασι*, p. 1164. Discimus item ex aliis ejusdem verbis, p. 1159: *Τὸτο μὲν ἂν ἡμῶν φανέται μνημονεύον ὅμως μὲντοι ἴδιαι μὴ παραλιπεῖν ἀμνημονεύον αὐτῶν, [τῶν] ἀπὸ τῶν τιπῶν ἐκείνων ἀναγεγραφῶν ποιημένων*. Verba sunt illius qui rem *Geo-*

§. 21. Primus meminit Auctor Operis *Ἐπὶ τῶν περιήγησιν ἀποστολῶν*. *Aristotele* ipso, non multo junior. Forte *Theophrastus*.

<sup>1</sup> P. 1153. <sup>2</sup> p. 1159. <sup>3</sup> p. 1162. <sup>4</sup> p. 1160. <sup>5</sup> *Diodor.* L. IV. <sup>6</sup> *Dionys. Hal. Præf. Antiq.* p. 5. *Cicer.* L. V. Ep. Fam. ad *Lucc.* <sup>7</sup> p. 1161. <sup>8</sup> p. 1156.



*graphicam* suscepisset ex professo, non autem illius qui *ἡμετέραν ἀκρόματον* undecunque corrasisset. Nescio an ex *Aristotelis* Opere celeberrimo *ἐπὶ Πολιτικῶν*. si quidem, præter Civitatum *Leges* atque *mores*, etiam *regionum* res mirandas observarit. Siqua conjecturæ venia, crediderim hoc Opus è variis *Aristotelis* Operibus collectum esse à *Discipulo* & Successore illius *Theophrasto*, verbis nonnunquam *suis*, nonnunquam ipsius *Aristotelis*. Ita tamen ut *recentiora* quædam è sua memoria suppleverit ipse *Theophrastus*. Sic merito *ambobus*tribuendum erat, tam *Aristoteli*, quam *Theophrasto*. Frequens enim erat in hujusmodi collectionibus *Theophrastus*. Collegit decreta *Anaxagoræ*, *Anaximenis*, *Arche-lai*, *Diogenis*, *Metrodori* & *Xenocratis*. Epitomen fecit *Platonis* de *Republica*, atque *Aristotelis* de *Animalibus*. Imo *Υπομνημάτων Ἀριστοτικῶν ἢ Θεοφραστείων* Libros vi scripsisse Auctor est <sup>1</sup> *Laertius*. Nescio annon hoc ipsum Opus sub illo titulo designarit. Poterant enim *ἡμετέραν ἀκρόματον* illa fuisse *Υπομνήματα*. vñ sane hujus Operis Librum *ἐπὶ ἡμετέραν ἀκρόματον* advocat <sup>2</sup> *Stephanus*. Et quidem sub nomine *Aristotelis* ea inde profert, quæ ibi hodieque reperiuntur. Idem etiam sæpe alibi ex hoc Opere testimonia adducit, sub eodem quoque nomine *Aristotelis*. Quod vero propius ad causam nostram facit, *Antigonus* utriusque nomine loca inde depromit, tam *Aristotelis*, quam etiam *Theophrasti*. Nomine quidem *Aristotelis*, c. 31. Ne alia loca jam memorem, quæ in aliis *Aristotelis* Operibus hodieque reperiuntur. Sed & *Theophrasti* nomine alia idem adducit *Antigonus*. Certe c. 146. Et fortassis c. 149, 152, 154, 156. Atque etiam c. 188. Pendent enim hæc omnia aliquatenus à c. 145. quo nomen ipsum designavit *Theophrasti*. Et solet alioqui etiam *Antigonus* ex eodem Auctore *κατ'ἐξῆς* excerpere. Certe *finem* iis, quæ collegerrat ex *Aristotele*, imposuit c. 127. Hoc ergo tempore *Antigoni*, ut in *Libros* distributum hoc Opus legebatur, sic etiam manifestum fuisse videtur, quæ ipse ex *Aristotele* excerpserit, & quæ sua addiderit, *Theophrastus*. Nec enim alioqui *sua* singulis tam accurate assignare potuit *Antigonus*. Sed mutilavere postea, formamque Operis universam mutavere juniores. Et sane *confusionis* indicia in Operis *initio* prodiderunt *H. Stephani* MSS. ut et iis, quæ in *fine* subjiciuntur, constat Additamentis. Poterant etiam alioqui confundi invicem Opera *Aristotelis* atque *Theophrasti*. Simul enim ambo apud *Nelei* hæredes, quibus ea legaverat *Theophrastus*, latuerunt; simulque *Sullæ* opera ex *Apellionis* *Tēji* Bibliotheca in lucem prodierunt, ut Nos docet <sup>3</sup> *Strabo*, atque <sup>4</sup> *Plutarchus*. Librum certe de *lineis infecabilibus*, qui

<sup>1</sup> *Laert.* L. V. n. 48. <sup>2</sup> *Steph.* Γνωμή. <sup>3</sup> *Strab.* L. XIII. p. 608. <sup>4</sup> *Plutarch.* Sull.

inter *Aristotelis* Opera legi solet, *Theophrasto* asserunt tam *Laërtius*, quam *Alexander Aphrodisæus* : ut, ante Nos, jamdudum observavit Cl. *Meursius*. Convenit præterea satis commode ætas *Theophrasti*. Erat enim admodum <sup>1</sup> *longævus*, attigitque *Olymp. cxxxiim*, qua successorem habuit in Schola <sup>2</sup> *Peripatetica* *Strabonem* secundi *Ptolemæi* Præceptorem. Sic poterat ipse ea omnia scripsisse, quæ in hoc Opere legimus *Aristotelis* morte *recentiora*. Hæc tamen de hoc Opere obiter. Constat interim, quam egregie cum ea, quam dixi, *Peripli* hujus ætate conveniat, quod in hoc Opere testimonium inde advocatur.

Habet quidem, fateor, cum *Hannone* nostro communia nonnulla etiam *Scylax*. Et quidem *Urbium* nomina aliqua, quæ à se imposita profiteatur *Hanno*, <sup>3</sup> *Thymiateriadem* atque *Cernen*. Nuppiam ille quidem *Hannonis* de nomine meminit. Et tamen hæc antiquiorem illum *Scylace* probarent, si quidem *verax* ille *Periplus* fuisset. Atqui jam vidimus *Phœnicum* *Tyriorum* colonias intervertisse, atque sibi vendicasse *Libyphœnicas* *Carthaginienses*. *Phœnicum* autem colonias illas fuisse censet *Scylax*, non *Libyphœnicum*, ut vult impostor sub nomine *Hannonis*. Imo *Phœniciam* ipsam illi *Scylacis* incoluere *Phœnices*. Hoc enim docent <sup>4</sup> *merces* ed, si *Scylacem* audiamus, importatæ : ex *Ægypto* scilicet atque *Attica*. Quis enim est qui non statim intelligat, quanto hæc aptius *Phœniciæ* conveniant, quam *Libyphœniciæ*? Poterant, fateor, è quacunque *Mediterranei Maris* ora merces *Æthiopibus* ad *Oceanum* firis inferre *Carthaginienses*. Poterant sane, si, post conditam *Carthaginem*, curam deinceps omnem navigationum *Occidentalium* intermisissent *Tyrii* *Phœniciæ* ipsius inquilini. Sed commercium horum *Phœnicum* cum *Gaditanis*, & *Gaditanorum* cum *Libyæ* partibus *Oceano* objectis, jam <sup>5</sup> probavimus. Et quidem tale, ut merces *Carthaginiensibus* ipsis incognitas *Carthaginem* importarint. Quod sane fieri non potuit, si cum iisdem commercium habuissent ipsi *Carthaginienses*. Salvo autem commercio, longe commodius *Ægyptiorum* *Atheniensiumque* merces *Phœnicibus*, quam *Libyphœnicibus* imputabimus. Atqui res ipsa clamat, longe *alias* fuisse *Scylacis* rationes, urbiumque situs, quam fuerint *Hannonis*. Ultra *Lixum* fluvium *Thymiateriada* statuit *Scylax*, cum tamen suam Urbem *Thymiaterium* (multis quoque aliis coloniis interpo sitis) citra *Lixum* ponat *Hanno*. Idemque dicendum de Promuntorio etiam *Soloënte*. <sup>6</sup> *Cernen* porro pro ultimo navigationis termino habet *Scylax*. Ulteriora negat esse navigabilia propter

§. 22. *Scylax*  
non ex *Hannone*,  
sed ex antiquio-  
ribus *Hannone*  
*Phœnicum* *Peri-*  
*plis*, sua hausit.

<sup>1</sup> Vid. *Menag.* ad *Laërt.* L. V. n. 47. <sup>2</sup> *Laërt.* L. V. n. 58. <sup>3</sup> *Scylax* p. 53.  
<sup>4</sup> *Scyl.* p. 54. <sup>5</sup> §. 13. <sup>6</sup> *Scyl.* p. 53.



*brevitatem maris & cœnum & algam. Sic viceversa, Ephorum, ait* <sup>1</sup> *Plinius, Auctorem fuisse à Rubro Mari navigantes in eam non posse propter ardores ultra quasdam columnas (ita appellantur, inquit, parvæ Insulæ) provehi. Inde Cerne* *πυρῶν* <sup>2</sup> *Dionysio, aliisque. Loquitur enim ita Scylax ut solebant veteres Geographi, quoties de terrarum cognitarum ultimis esset sermo, ut jam olim observavit* <sup>3</sup> *Plutarchus. At Cernen ultro citroque navigabilem noster saltem facit Hanno. Imo multis deinde post Cernen diebus, ad Gorillas se pervenisse fabulatur. Ex hoc autem Ephori testimonio colligimus, ut aliæ erant ab Hannonis rationibus rationes Scylacis, sic etiã fuisse vetustiores. Et rationes proinde Phœnicum similiter antiquiores fuisse rationibus Libyphœnicum, licet nihilo fuerint fortasse veriores. Convenit porro cum hoc Ephori testimonio etiã* <sup>4</sup> *Herodotus, qui notam è Carthaginienfium navigationibus, quam appellat ipse Cyranin, infra columnas, ut videtur, ponit Herculeas. Certe illis Libyæ oris opponit, quas postea extra columnas fuisse tradit. Sic fuerat necesse ut è Rubro Mari navigantibus columnæ ipsæ fuerint transeundæ, quas quidam Insulas fuisse existimabant, ut jam* <sup>5</sup> *supra observavimus. Quoniam autem Orientalium ab Occidente navigationum Veteres terminum Cernen existimabant, inde factum ut ab Occidente eam tandem transfulerint in Orientem. Hoc autem obiter. Cæterum vix est cur dubitemus quin è Cyra monte (ut voluit Trogus) nomen traxerit illa Cyranis, eademque proinde fuerit cum sede Gorgonum Cerne atque Cyrene. Sic eam Herodoti (imo etiã Ephori) ætate Veteres nondum ultra columnas Herculeas promoverint. Historiam autem suam Ephorus ad Olymp. cix, 4, perduxit, ut nos docet Diodorus. Convenit egregie, quod Palæphatus Peripateticum Aristotelis Discipulus (eiusdemque adeo cum Ephoro ætatis) Cyrenen Gorgonum ad columnas ipsas posuerit Herculeas. Itaque his recentior fuerit oportet larvatus Hanno, qui tam longe Cernen suam ultra columnas illas summoverit. Quare nihil hausit ex Hannone Scylax (ut credidit Maximus Bochartus) etiã eorum quæ habet cum Hannone communia, sed ex antiquioribus Hannone Phœnicum ipsorum rationibus; non autem ex illis, quas est secutus Hanno ipse, Libyphœnicum. Erat sane in antiquioribus illis rationibus Urbium earundem mentio, quas à se conditas gloriatur Hanno. Καὶ οἱ τὰς Χθονὸς memoravit antiquior Hannone Ephorus: Μιλήσιος Hecataeus Milesius (in Πελοπόννησος, ut videtur, Διούκων) Græcorum Historicorum fere antiquissimus: utrumque docet Stephanus. Tunc autem certe non poterant Carthaginienfium res fuisse florentissimæ. Poterant vero tum quoque has colonias sibi*

<sup>1</sup> Plin. N. H. VI. 31. <sup>2</sup> Dionys. v. 219. <sup>3</sup> Plutarch. Thes. <sup>4</sup> Herodot. L. IV. c. 195. <sup>5</sup> §. 6.

vendicare *Phœnices Tyrii*. Non tamen negaverim, etiã *Herodoti* ætate, ipsam quoque illam *Cyranin* sibi vendicasse *Carthaginienses*. *Carthaginiensium* enim narrationibus ea quæ habet de *Cyrani* accepta referte ipse quoque videtur *Herodotus*. Hinc autem illud tantummodo colligemus, antiquiorem *Hannone* illam fuisse *Tyriorum Carthaginiensiumque* de *Cerne* æmulationem. Cæterum noti proinde malæ fidei absolvetur *Hanno*, qui tam nuperam *Cernes* suæ, sive *Cyrenes* ad montem *Atlantem*, fingit originem, quam nos tanto antiquiorem fuisse vicimus. *Cernen* enim eandem cum veteri designare voluit, cum illam *lacui* propinquam fuisse fabulatur.

Recte ergo, ut opinor, *Hannonis* illius ætatem designavi, sub cuius nomine *Periplum* commentus est junior aliquis *Hannone Græcus* Impostor. *Hannonem* autem ipsum Ego à fraude libenter absolverim. Suspisor omnino, post illius & collegæ *Himilconis* mortem, à *Græculo* aliquo *Siculo Carthaginiensium* studio, sub illorum nominibus *Periplos* fuisse suppositos. Et fortasse pro exemplo *Alexandri Magni*. Nempe *Alexandri* auspiciis *Oceanum Orientalem* lustraverant *Nearchus* atque *Onesicritus*, ab *Indo* usque ad Mare *Erythræum*. Sic viceversa *Carthaginiensium* auspiciis (quorum navigationes erant in *Occidentem* tunc certe omnium celeberrimæ) lustrandum credidit Impostor *Oceanum Occidentalem* ad Mare similiter *Erythræum*, exordio ducto à columnis *Herculeis* : & lustrantium ducum numero plane simili, *Hannonis* atque *Himilconis*. Id porro operam dedit Impostor, quo magis invicem convenirent, ut navigationis utriusque terminus in Mari constitueretur *Erythræo*. Ita Navigationes *Alexandri Carthaginiensiumque* (pro Impostoris, ut videtur, mente) contulerunt invicem <sup>1</sup> *Plinius* atque <sup>2</sup> *Arrianus*. Studium autem *Carthaginiensium* prodit, quod & duces horum *Periplorum Carthaginienses* fecerit; & quod partes *Carthaginiensium* secutus fuerit in coloniis *Tyriorum* sibi vendicandis. *Græcum* autem fuisse, qui hos *Periplos* confinxerit, ostendunt nomina Urbium *Græca* omnia, nec ullum *Punica* Originis vel vestigium exhibentia. Frustra ergo se torfit maximum *Bocharti* ingenium, ut Urbium nonnullarum Etymologias ex *Ebræo* arcesseret. In postremis autem sibi temperavit, quasi desperabundus; & vere fabulosum esse tandem suum concedit *Hannonem*. Quod tam invitum demum vel conari desierit, facile intelligimus vidisse illum quam aliena essent à Persona *Pani* ducis Urbium à se conditarum *Græca nomina*. Adeo tamen decori imperitus erat, ut se vel ita prodiderit incautus impostor. Et ne

§. 23. *Periplum*, post *Hannonis* mortem, sub illius nomine confinxit *Græcus* aliquis *Carthaginiensium* studiosus.

<sup>1</sup> *Plin.* N. H. II. 67. <sup>2</sup> *Arrian.* in fin. *Peripl.* *Nearch.*

quidem



quidem *Scriptum* aliquod *Hannonis* advocat, cœvis *notum*, & in clara hominum *luce* positum; sed sacratum in *Templo*. Sic penes ipsum erat quod libebat sub *Hannonis* nomine confingere, quasi primus ille in Templi *adyto* reperisset. Edidit autem ex intervallo, postea quam in *vivis* desierat esse ipse *Hanno*, ne vel ipse, vel quispiam ejus amicus alius, conficta illius nomine mendacia in ipso ortu refelleret. Jam alibi <sup>1</sup> ostendimus, quam fuerit apud *falsatores* fraus illa recepta, ut fidem suis commentis & reconditis *Templorum* monumentis conciliarent. Erant quidem, fateor, *genuina* istiusmodi in *Templis* sæpe monumenta. Sed prostabant etiam *publice*, quæ nulla vetabat *Religio* quo minus *publicarentur*. Sic enim factum in *Pontificum Annalibus*, ut alibi <sup>2</sup> ostendimus. Horum extra *Templum* ipsum vestigium nullum præ se ferebat Editor. Sed *patria lingua* concipi solebant quæ ad *rerum patriarum* memoriam perennandam in *Templis* servabantur. Hic *Punica lingua* nullum est, ut vidimus, vestigium: ne quidem in *locorum* nominibus, quæ *Pæni* ipsi imposuisse finguntur. Sed in *Historias* ipsas tandem accepta sunt, cum suppeteret monumentorum *copia* satis ampla conficiendis *Historiis*. Ita enim factum in *Historia Romana*. Quis autem unquam *Historiam Punicam* ex *Archivis Templorum* collegit *Punicis*? Sed *Historiis* lingua *patria* conscribendis ansam dare solebat *Archivorum* copia lingua *patria* conceptorum. *Punica* autem lingua qui *Historiam* scripserit, de *rebus* etiam *Punicis*, neminem habemus *Veterum* qui meminerit. Imo effecisset *Archivorum* ipsa lingua, ne multa possent ab aliis scribi quam *indigenis*. Hoc ipsum ostendit <sup>3</sup> *Dionysius Halicarnasseus*, cur tam pauca de *Romanis* explorata haberent *Græci*, cur ipse tædium *linguæ* peregrinæ *discenda* devorarit. Quis item *Græcus* unquam *Historiæ Punicæ* scribenda gratia *linguam Punicam* sibi necessariam existimavit? Pauca admodum, si forte ulla, istiusmodi *Archiva Punica* fuisse verisimillimum est. Nihil certe inde depromsit *Polybius Scipionis Æmiliani* institutor; cui tamen patebant arcana omnia *Carthaginis*, cum *Urbs* ipsa excinderetur. Et tamen *usum Archivorum* ille, siquis alius, optime callebat; iisque, cum suppetere, *Historiam* suam confirmavit. Inde vetera hausit <sup>4</sup> *Romanorum Carthaginensiumque* foedera. Inde res gestas *Hannibalis* in *Hispania*: et Inscriptio viz. quam sacravit ipse *Hannibal* in *Templo* <sup>5</sup> *Juno-nis Lacinie*. Inde *annum Urbis Romanæ* Natalem, teste <sup>6</sup> *Dionysio Halicarnasseo*. Ne neglecta ab eo fuisse suspicemur *Carthaginensium*, siqua uspiam fuissent, *Archiva*. Si quod fuisset *Hannonis* in *Templo* aliquo *Archetypum*, ad illud potius provocassent

<sup>1</sup> De Sanchoniathon. §. 11. <sup>2</sup> App. Præf. <sup>3</sup> Dionys. Præf. Antiq. <sup>4</sup> Polyb. L. II. <sup>5</sup> Id. L. III. Liv. XXVIII. 46. <sup>6</sup> Dionys. Hal. L. I. p. 60.

qui *Hannonis* studio tenebantur, eumque genuinum esse volebant, quam ad *Gorillarum* pelles in *Templo* suspensas. Perierunt porro in *Romanæ* Urbis incendio tot *Archiva*, ut priorem *Historiam* propterea minus integram fateatur ipse <sup>1</sup> *Livius*; inde autem novam integrioris *Historiæ* quasi Epocham arcessat. In Urbis *Carthaginiensis* excidio tanto *recentiori* nemo est, qui *Archiva* vel *periisse* queratur. Nemo, qui *Scipionis* vel *conatum* narret, ne perirent, cum fuerit tamen ille tantus bonarum literarum Patronus. Nullum ergo fuisse verisimile est, vel in *Templo*, *Periplum Hannonis* Originalem. Nullum apud *Carthaginienses* morem *Archivorum* in *Templis* fervandorum. *Singularia* autem, nec recepta aliqua servandorum *Archivorum consuetudine* freta *Archiva*, merito sanè suspecta habenda sunt, cum tot fuerint sub *Archivorum* prætextu Veterum Impostorum *fraudes*. Hunc autem *Periplum* illis quoque *temporibus* suspectum fuisse docet, quod ad pelles *Gorillarum* in excidio repertas provocatum fuerit.

Est tamen, ni fallor, ab eo quem *Veteres* usurpabant, admodum *diversus* ille, quem *Nos* hodie usurpamus, *Periplus Hannonis*. *Periplum Veterum* in *Junonis* *Templo* consecratum fuisse consentiunt <sup>2</sup> *Plinius* & <sup>3</sup> *Solinus*. *Periplo* si *hodierno* fides, in *Templo* prostabat, non *Junonis*, sed *Saturni*. *Gorgadum* Insulam ad *Hesperion* *ceras*; *Cernen* autem contra sinum *Persicum*, & proinde in *Peripli* *fine*, ponit <sup>4</sup> *Plinius*. Omnino, ut videtur, è coævis huius *Peripli* *Codicibus*. Magis certe pro mente *Veterum*, qui in *Cerne* *Navigationis* utriusque *finis* committebant, tam *Nearchi* quam *Hannonis*. Vice autem versa citra *Hesperion* *ceras* *Cernen*; & ad *Notion* *ceras*, ipsumque adeo *Navigationis finem*, *Gorillas* ponit *Periplus hodiernus*. Convenit porro in *Gorgadum* situ cum *Plinio* etiam <sup>5</sup> *Mela*, qui etiam ipse advocat, qualis tunc legebatur, *Hannonem*. Vix est præterea cur dubitemus quin *eadem* fuerit, in situ tam *dispari*, *Insula Gorgadum* atque *Gorillarum*, utcunque refragetur *Cl. Vossius*. In *Plinio* certe atque *Mela* nulas legimus à *Gorgadibus* diversas *Gorillas*; nec vicissim, in *Hannone* *hodierno*, alias à *Gorillis* *Gorgad.æ*. Et tamen in *Gorgadas* *Hannonem* penetrasse, ibique *hirtis corporibus feminas* reperisse, docuit *Xenophon Lampsacenus* testibus *Plinio* & *Solino*. Unde illa, quæso, *Xenophon* nisi è coævo *Periplo Hannonis*? Ubinam autem *Gorgadas*; ubinam *hirto corpore feminas*, in *Hannone* *hodierno* potuit reperire *Vossius*, præterquam in *Gorillis*? Itaque nomina illa invicem permutavit Auctor *Peripli hodierni*. Vidit ni-

§. 24. *Periplus hodiernus* à *Veterum* *Periplo*, qui sub *Hannonis* nomine confectus est, in multis admodum mutatus est.

<sup>1</sup> Liv. L. VI. 1. <sup>2</sup> Plin. N. H. VI. 31. <sup>3</sup> Solin. c. 56. <sup>4</sup> Plin. VI. 31. <sup>5</sup> Mel. III. 9. 66. <sup>6</sup> Voss. ad Mel. III. 9. 66.

mirum



mirum antiquior ille, sub *Hannonis* nomine, falsarius; cum *Cernen* suam ex Occidente transtulisset in Orientem; aliam proinde quærendam fuisse *Gorgonibus* sedem, quas Occidenti assignaverat *Hesiodus*. Inde factum ut non amplius *Cernen* Insulam illam, sed *Gorgadum*, appellarit. Transtulit autem, ut quæ ultima cenſeri solebat terrarum *Cerne*, eadem ultima etiam esset in hac Navigatione *Hannonis*. Perperam ille quidem cum Occidentem versus cenſeri soletet ultima, & Orientem versus navigaret *Hanno*. Quod porro *Gorgades* à *Gorgonibus* appellarentur, unde, quæſo, Veteres habebant nisi è coævo *Hannone*, quem legerant in *Gorgadas* ipsas penetrasse? Ubinam autem hoc legerant nisi in ipso illo, qui tunc illius nomine ferebatur, *Periplo*? Atqui de *Gorgonibus* nihil plane hodiernus *Hanno*. Imo viceversa supponit potius, siquæ fuissent, in *Cerne* potius quærendas fuisse quam *Gorillis*. Sic enim illi liberum fuisset ut *Gorillas* suas in Oriente poneret, cum sedem *Gorgonum Cernen* in Occidente reliquisset. Nescio an hanc ipsam rationem ob oculos habuerit junior Impostor, cum veteris *Hannoniani* *Peripli* situs in *Cerne Gorillisque* ita perverteret. Forte etiam *Gorillas* illas feminas propterea appellavit, ne quid affine habere viderentur cum *Hesiodi Gorgonibus*. Faciunt eodem verba illa *Arriani* in fine *Peripli* <sup>1</sup> *Nearchei*: Ἀπὸν δὲ ὁ Λέων ἐν Κερχιδίῳ ὁρμηθεὶς, ὑπὲρ μὲν Ἡρακλείους τήλας ἐξίπλωσιν ἔξω ἐς τὴν πύργον, ἐν αὐτῇ σιγῇ τὴν Λιόβην γὰρ ἔχον· καὶ ἔστι μὲν αὐτὸς ἀνιχνύων ἥλιον ὁ πλοῦς αὐτῇ ἰσχύει, τὰς πύργους πύργους καὶ τελεῖται ἡμέρας. Unde & hæc præterquam è coævo *Hannonis Periplo Arriani*? Continuas ergo numeraverat *Hanno Arriano* coævus dierum xxxv (postquam Oceanum ingressus esset) versus Orientem navigationes, antea quam in meridiem deflecteret. Nimirum ante ἀνδράς & καύματα incommoda, quæ senserunt è rivis igneis in mare incumbenſibus, ἵνα πυρὸς ἐς τὴν πύργον ἐμπαλάσιν, inquit *Arrianus*. Et πυράδης ἰσχύος, qui αὐτῶν ἐς τὴν πύργον, memorat *Hanno* quoque hodiernus post *Hesperion* ceras, ad χάσιν διάπυρον θυμιαμάτων. Illum ergo locum designavit *Hanno Arriani*, quo Navigationis Orientalis xxxv<sup>o</sup> demum die perventum fuerit. Atqui à *Soloënte* Promuntorio, unde incipit Navigatio Orientalis, ad regionem *Thyniamatum*, dies ex *Hannone* hodierno non plures 24½ numerabis. Ne quidem ipsos continuos. Bidui enim Navigatio, in illo ipso spatio, ad Meridiem numeratur. Desunt ergo in *Hannone* hodierno Navigationis illius multi dies. Et multa, quam volebat antiquus Impostor, aliter narrata. Atqui nullum certe *Hannonem* novit <sup>2</sup> *Herodotus*, qui tamen *Africa*, quos novit, *Periplos* recenſet, & qui ipsos consuluerat, ea de causa, *Carthaginienſes*. Itaque

<sup>1</sup> P. 40. <sup>2</sup> *Herodot.* L. IV. c. 42, 45.

nullus tunc *Hannonis* nomine receptus est *Periplus*, vel apud ipsos *Hannonis* cives *Carthaginenses*. Est ergo junior *Herodoto* *Periplus* ille etiam *antiquior*. Scire quidem potuit *Hannonem* pro ea, qua vixit, ætate *Polybius*. Nihil tamen inde lucrabitur *Cl. Vossius*. Si enim scivit, sprevit certè, mendacemque censuit. Hoc nos docent illius verba illa: Ἡ τῆς Ἀσίας καὶ τῆς Λιβύης, καὶ τῶν συνάπτεσιν ἀπὸ τῆς Αἰθιοπίας, ἔδῃς ἔχει λέγειν ἀπὸ τῆς ἑως τῶν ΚΑΘ' ΗΜΑΣ καὶ πρὸν ἡπειρὸς ἐστὶ καὶ τὸ συνίχες πρὸς τῶν μισσημερίαν, ἢ θαλάττην περιέχεται. Τὸν αὐτὸν τρόπον τὸ μεταξὺ Ταννίδου καὶ Νάξου ἐστὶν εἰς τὰς ἀρκτεὺς ἀπὸ τῆς, ἀγνοῶν ἡμῖν ἕως τῆς ΝΥΝ ἐστὶν, εἰ μὴ πρὸς ταῦτα πολυπλοκῶς γινώσκοντες ἰσχυροῦσιν. Τὰς δὲ λέγοντας πρὸς τῶν γράφοντες, ἀγνοῶν, Ε ΜΥΘΟΥΣ διατηρεῖται νομιστέον. *Periplos* hoc in loco *Africæ* damnat omnes, qualem hunc fuisse probavimus *Hannonis*.

1 *Polyb. L. III. c. 38.*

\* F

DISSER-



## DISSERTATIO SECUNDA.

### In qua ostenditur *Scylacem Polybio* coævum fuisse.

§. 1. Alius est à  
*Scylace Caryanden-*  
*si Herodoteo junio-*  
*rum Scylax Cary-*  
*andenfis.*

**D**E *Scylace Herodoteo*, fueritne hujus *Peri-  
ripli* Auctor, miror fuisse qui vel dubi-  
tarint. Non opus erat Argumento *Vof-*  
*siano* à locis illo *Scylace* recentioribus, ut  
alius esse vinceretur. Ut loci illi nulli unquam,  
vel à juniore aliquo *Interpolator*e fuissent ; ipsum  
tamen *Peripli* hodierni *Argumentum* longe aliud est ab Argu-  
mento *Scylacis Herodotei*. Navigavit *Scylax* ille per *Indum* se-  
cundo fluvio <sup>1</sup> *Orientem* versus dum veniret in *Oceanum*. Tum  
deinde prora conversa versus *Occidentem*, ad illum usque locum,  
unde *Phœnicas Necos Ægyptiorum* Rex, oræ *Libyæ* maritimæ, quæ  
*Oceano* objecta est, lustrandæ gratia emiserat. Huc illum tri-  
cesimo demum mense appulisse scribit *Herodotus*. *Gangem* fuisse  
suspicio *fluvium* illum, qui ad *Orientem* decurrerit. <sup>2</sup> *Strabo* illum  
disertis verbis illis *Indiæ* fluvii accensuit, qui in illam plagam flux-  
erint. Oî δὲ (inquit) ἐπισφονταὶ αὐτὸς ἐν κατάντην καὶ ὁ Γάγγης ποτα-  
μός. Quod de *Indo* falsissimum est. *Indum* propterea appellasse  
videtur quod accolæ haberet *Indos*. Navigationis initium ab Urbe  
*Caspaturis* & terra *Pactuica* statuit *Herodotus*. Eadem Urbs illa  
fuisse videtur quam *Caspapyrum* appellat *Stephanus*, Urbemque  
*Gandaricam* fuisse dicit. Est ergo eadem regio *Pactuica* *Herodoti*  
cum ea quæ postea *Gandarica* appellatur, & *Gangi* vicina statui-  
tur : proinde *Indus* illi *Ganges*. Alii enim erant ab his *Gandaridis*  
*Γανδαρίαι* *Herodotei*. Finis *Peripli* erat in intimo sinu *Arabico*.  
Inde enim *Phœnicas* dimiserat <sup>3</sup> *Necos* ἐς τὴν ὀπίω, ut *Libyam* ad  
columnas usque *Herculeas* circumnavigarent. Nempe posteaquam  
canalem, quem meditabatur à *Nilo* usque ad *Rubrum Mare*, Oraculi  
jussu intermisisset. Hi ergo hujus Navigationis termini erant,  
jussu *Darii Hystaspidis*, duce autem seniore illo *Scylace Caryan-*  
*densi*, susceptæ. Sic autem è sinu *Gangetico* ad *Occidentem* de-  
flexerint, & oras maritimas legentes (quod in *Rei Nauticæ* illa  
imperitia verisimillimum est) in sinum *Arabicum* tricesimo tan-

<sup>1</sup> *Herodot.* L. IV. c. 44.    <sup>2</sup> *Strab.* L. XV. p. 690.    <sup>3</sup> *Herodot.* L. IV. c. 42.  
dem

dem mense pervenerint. Non absimile est quod nos docent <sup>1</sup> *Sacræ Literæ*, semel in annis tribus navigationes suas peregrisse, quos misit Rex Solomon ed unde aurum & argentum & ebur & simias & pavos ad illum retulerint. Nam & illos è Navalibus ejus in Mari Rubro progressos fuisse verisimillimum est, & ad partes India Gangi vicinas. Et sane manifestum est finem hujus Navigationis, cui præerat senior ille Scylax Caryandensis, committi ab Herodoto cum alia illa Phœnicum, jussu Necos peracta ad columnas Herculeas. Hoc ergo exemplo usus est impostor Græcus, qui susceptum auspiciis Alexandri Magni Periplum, cum Periplo alio Carthaginiensium jussu, duce autem Hannone suscepto, commitendum existimavit, ut in superiori Dissertatione jam ostendimus. Oceanum ergo Indicum, & Mare Erythræum, non est egressus superior ille Scylax, cujus partem nullam attigit junior ille quem hodie usurpamus. Hujus ergo Periplum, non nostrum, advocavit <sup>2</sup> Aristoteles de moribus Regum Indorum. Hinc etiam hausta, quæ de Sciapodibus & Macrocephalis in Indis profert ex <sup>3</sup> Scylace Philostratus. Vel potius de Sciapodibus & Monophtalmis, ut in <sup>4</sup> Tzetze legitur, unde corrigendus est Philostratus. Nihil enim mirandum esset siqui homines majore, quam alii, capite reperirentur. Et Macrocephalos alibi habet <sup>5</sup> Plinius. Nescio tamen ipsumne viderit Philostratus, nedum Tzetzes; an potius ab antiquiori aliquo, qui viderit, acceperit. Jam enim diu est ex quo antiquior ille Scylax penitus interciderit. Nullas certas nugas istiusmodi in Scylace legimus hodierno. Et ne quidem locum nugarum illarum Indiam. Erat autem antiquior ille Scylax hoc ipso fabularum nomine infamis, ut ibidem observant Philostratus atque Tzetzes. Magis autem honorifice sensit de nostro <sup>6</sup> Strabo, cui tamen morem fuisse vidimus ut fabulatores contemneret. Satis hæc ostendunt male à V. Cl. Vossio Patre haberi nostrum pro Scylacis antiquioris Epitomatore, qui ne quidem in eodem cum illo versatur Argumento, nec communem habuit cum illo mentiendi libidinem.

Sed & alium ab Herodoteo Scylacem pro antiquo habent Veteres. Noster fuerit, necne, quem viderit Strabo, non tamen fuit ille, qui sub Hyaspide floruit omnium antiquissimus. Testem enim advocat illum ipse Strabo de locis in Asia minore, de quibus nihil prodiderat Scylax Herodotens. Hunc tamen *πυλαγὸν συγγεφέα* appellat Strabo. Sic autem loquitur de patria ejus Caryandis, quasi unicum nosset Scylacem Caryandensem antiquitate

§. 2. Perierat vetustior ille Scylax Noster autem pro eo à junioribus acceptus, qui duos fuisse Scylaces Caryandenses ignorabant.

<sup>1</sup> II. Paralip. IX. 21. <sup>2</sup> Aristot. Politic. VII. 14. <sup>3</sup> Philostratus vita Apollon. L. III. 14. <sup>4</sup> Joan. Tzet. Chiliad. VII. <sup>5</sup> Plin. N. H. VI. 4. <sup>6</sup> Strab. L. XIV. p. 658. \* F 2 cel. brem.



celebrem. Ita habent ejus verba: *Επιῶν δὲ τῷ ἑ Σκύλαξ ὁ παλαιὸς συγγραφεύς.* In eandem sententiam *Stephanus*: *Επιῶν τῷ Σκύλαξ ὁ παλαιὸς λογγραφεύς.* Verba ipsa *Strabonis* pene numeravit. Faciunt hæc ut suspicemur, qui *Scylacem antiquis* accensuerint, nihil de *duobus Scylacibus*, nedum de *tribus*, rescivisse. Hoc si verum fieri potest, ut illum quem terebant *Veteres* propterea pro *antiquo* habuerint, quod illum cum *antiquiore* illo *Hystaspidis*, & vere antiquo, *Scylace* confuderint; unde ergo illa confundentium opinio? An exinde quod, cum utrumque Opus *Scylacis Caryandensis* inscriberetur, ita tandem factum sit ut in *unum* idemque Opus utrumque tandem coaluerit? Atqui ita fuisse nulum habemus, vel levissimum vestigium. Tantum abest ut quicquam *vetustioris Scylacis* *Scylax* hodiernus acceperit, ut ne quidem *Titulus* ipse quicquam polliceatur de rebus *Indicis* aut *Mari Erythraeo*, de quibus solis vetustiore egisse probavimus. An ergo exinde, quod *vetustior* ille *Scylax* penitus interciderit? Ita fortasse contigerit. Unde ergo *vetustioris* quoque *Scylacis* tam frequens, etiam apud *juniores*, ut vidimus, memoria? Non, ut opinor, quod illum *ipsi* viderint; sed quod ex *antiquiorum*, & *Scylace antiquiori* paulo juniorum Scriptis ea *Scylaci* tribuenda didicerint. *Ætatis* erat commune vitium, quod superior ille *Scylax fabuli* addictus fuerit, ut jam alibi ostendimus. Inde factum, ut tot fuerint, sub *primis* quoque *Ptolemæis Mirabilium* collectores, *Theophrastus*, *Antigonus Carystius*, atque *Callimachus*, &c. Ex his aliisque (qui olim exstabant hujusfarinæ multi) multa poterant *vetustioris Scylacis* excerpere, etiam *juniores*. Non est ergo cur nostrum, adeo quam habetur, *antiquum* existimemus, quod illum *antiquum* appellarint qui *aliud* eo antiquiorem fuisse *nesciebant*. Imo *suspectam* ejus tantam, quanta ferebatur, *antiquitatem*, prodit incerti Scriptoris fragmentum, quod in hujus Operis fronte legimus. Is enim *Argumentis* antiquitatem illius astruit. Non certe ita facturus, nisi fuissent qui eam in *dubium* revocarint.

Imo hunc ipsum, quem habemus, Periplum *antiquissimo* illi *Scylaci* tribuisse videtur <sup>1</sup> *Ælius* ille, (quicumque demum is fuerit) *Dionysius*. Hunc testem appellat <sup>2</sup> incertus Fragmenti Scriptor, ejusdemque testimonio probat *Dario* cuidam fuisse nuncupatum. *Darium* non aliud, ut opinor, intellexit quam *Hystaspidem*, ut proinde de alio

*Periplo* verum esse non potuerit quod testatus est, quam de *illo* omnium *antiquissimo*. Illum sane verisimile est *Principi*, cujus jussu susceptus est, fuisse inscriptum. Sic enim *Hadriani* jussu susceptum Ponti *Euxini* Periplum *Hadriano* ipsi similiter inscripsit

<sup>1</sup> Vide Testimonia de *Scylace*. <sup>2</sup> Inter Testimonia *Scylaci* præfixa.

*Arrianus*. Pro exemplo, ut videtur, *antiquiorum* Periplorum *Principum* auspiciis susceptorum. Quod scilicet Peripli sui *dux* fuisset, ut fuerat antiquissimi Peripli *dux Scylax Caryandensis* antiquissimus. Sed vero in Periplot *nostro* nullum prorsus est *ἀρχαίου* vestigium. Ne quidem quicquam eorum quæ causæ esse solebant cur *Principi* inscriberetur. Nullus hic apparet Peripli *dux*: non verba loquentis in prima *Persona*, è quibus colligeremus, fuisse *olim ducis* nomen, quod Librariorum neglectu vel Codicum mutilatione perierit. Ita potius hic concepta omnia videmus, quasi à *studio* aliquo è variis Periplis *excerpta* fuissent, quam ab ipso *Navigationis duce* observata. Et tamen *nostrum* certe Periplus intelligebat *Ælius* ille *Dionysius*, qui tunc vixit cum *unicus* exstaret *Scylax*, & vetustissimus ille *Scylax* jam diu intercidisset. Nulla certe mentio *illius* apud vetustiores: nulla in *Indicibus Plinii*: nulla in *Grammaticis Varronis* aut *Suetonii*. Erat fortasse qui de *Alexandria* scripsit, ipse *Alexandrinus*,<sup>1</sup> *Chæremonis* discipulus, qui à *Nerone* ad *Trajanum* usque varias obierit *legationes*, quique *Bibliotheca* præfuit. Hujus forte *Ælii Dionysii* τὸ περὶ Ἀτρικῶν λιμένων advocat *Eustathius* in *Dionys.* v. 912. Hunc certe *nostrum* Periplus designavit, qui *Dionysium* testem advocavit, incertus Auctor. Ait enim fuisse τὸ κατ' ἡμεῖς διακρινόν: τὸ ἐν δὲ Ἡρακλείῳ ἐπὶ τῶν. Ait illum τὸ ἀγνοῖας τὸ πλείων τιπὼι τῶν βορρυλογίων, ὡς αὐτὸς ἀπολογία πᾶσι πεποιῶσθαι. Non ergo *junioribus* illam ipsam debemus *βορρυλογίαν*, quos credidit præstantissimus *Vossius* Pater in *Epitomen* redelegisse quæ stylo copiosiori primus exaraverit Peripli Auctor. Hoc certum est, *Scylaci Herodoteo* hæc convenire omnino non posse. Sed vero *aliud* ab *Herodoteo Scylacem Caryandensem* plusquam *unicum* neminem novere posteri. *Nostrium* certe designavit<sup>2</sup> *Strabo* eo ipso in loco quem in contrarium adduxit uterque *Vossius*. Ait enim *Scylacem Troadis* initium ab *Abydo* cepisse. Sic noster cum *Phrygiæ* ultimo loco *Abydum* recensuisset, ita subjungit: Ἐν τῷ θάλασσῳ δὲ Τρωάδος ἀρχεῖται, ut bene observavit ante nos *Gronovius*. Fine scilicet *Phrygiæ* excluso, ut & in aliis Veterum sententiis à *Strabone* memoratis. Sed locum *aliud*<sup>3</sup> *Strabonis*, quo circa lacum *Ascanium* habitasse prodiderat *Phrygas* atque *Mysos*, ubinam (inquies) in *Scylace hodierno* reperiemus? Non quidem in *Periplot*, quem nos *solum* habemus, mentio expectanda est lacus *Ascanii* qui tam longe aberat ab ora *maritima*. Scripsit autem idem *Scylax Caryandensis* τὸς ἀρχαίους, ut nos docet *Suidas*. Inde ea verisimillimum est hausisse *Strabonem*. Itaque hunc *nostrium Periplus Scylaci Herodoteo* tribuit etiam *Strabo*.

<sup>1</sup> *Suid.* *Dionys.* <sup>2</sup> *Strab.* L. XIII. p. 583. <sup>3</sup> *Strab.* L. XII. p. 566.



§. 4. Alium, præter Herodoteum Scylacem Caryandensem, neminem agnoscunt Veteres præter illum qui scripsit in Polybium. Is ergo Periplus nostri Auctor habendus est.

Sed vero alium ab Herodoteo Scylacem Caryandensem neminem memorant Veteres præter eum qui scripsit, teste Suida, in Polybium. Imo is fuerit oportet, si unicus fuerit post Herodoteum Scylax Caryandensis; & si quis eo nomine, eaque patria, Auctor stylum strinxerit in Polybium. Scripserat certe Scylax ille Strabonis, quem nos alium à vetustissimo fuisse probavimus, tam Maris Περίπλυν quam Γῆς Περίοδον. Plane ut scripsit Scylax ille junior, quem nos docet Suidas scripsisse in Polybium. Scylacem alium, qui sub Dario alio scripserit quam Hyfaspide, unquam fuisse, nulla habemus Veterum diserta testimonia. Hunc tantum ratiociniis debemus incerti Scriptoris, qui Alexandro M. aliquanto antiquiorem fuisse probare conatur; & Scylacis antiquioris mentionem in Ælio Dionysio repperat, qui Dario opus inscripserit, quem quidem Darium ille Hyfaspidem fuisse forte nescivit. Atqui inscriptionis illius notam ipse ne quidem in cœvo sibi Scylace observaverat. Et tamen sine illa in contrarium potius procederet Argumentum, Opus ἀδωστον aliud fuisse ab eo quod Dario inscriptum observaverat Ælius ille Dionysius. Fallit certe hoc tantæ Antiquitatis Argumentum, quo idem credebatur cum Scylace antiquissimo Herodoteo. Fallit præterea ab eorum veterum testimonio ductum, qui propterea illum antiquissimum appellarunt, quod eundem cum alio illo crediderint vere antiquissimo. Itaque aliunde quærendum, ecquid habeat noster quod non conveniat cum ætate Polybii. Leve autem est, quod urget Anonymus, τὸ μὴτε Ἀλέξανδρον εἶδέναι τὴν Μακεδόνων βασιλείαν, μῆτε δὲ ὀλίγον ἔμπροσθεν ἐκείνης τῆς χρόνου. Nec enim Principes in hoc Periplo ullos memorat Auctor Alexandro etiam antiquiores, & ne quidem quicquam quod ad regionum à se memoratarum πολιτείαν attineret, sed oras tantummodo maritimas, Periplo lustrandas. Spectabant illa potius ad Γῆς Περίοδον, siquid præter Urbium locorumque nomina vellet commemorare. Nihil ergo potest inde colligi quod ad Auctoris ætatem faciat. Nec enim Cyri meminit aut Darii. Perperam tamen inde Cyro antiquiorem fuisse colligeremus.

§. 5. Non potuit Maris Mediterranei Periplus scribere Scylax, si adeo fuisset, quam volunt, antiquus.

Atqui hoc fortasse non volebat Anonymus, propterea nostrum Alexandro M. aliisque ante Alexandrum Principibus antiquiorem fuisse, quod eorum neminem Scylax de nomine memorarit. Id potius autem in animo habebat, locum in hoc Periplo nullum occurrere, qui ætatem prodaret Alexandro parem, aut paulo duntaxat antiquiorem. Hoc si verum esset, merito esset cur hunc ipsum nostrum Scylacem Polybio

*Polybio* antiquiorem existimarem. Sed non est hoc adeo certum quam volebat *Anonymus*. Hoc ipsum certe quod *Periplum Maris Mediterranei* integrum profiteatur, alienum est à tanta ejus, quæ creditur, antiquitate. Sub secundo vixit *Ptolemæo Philadelpho Timosthenes*, scripsitque *Periplum*, quem tanti fecit *Eratosthenes* ut eum integrum exscripserit. Sed ne quidem de *Insulis* scripsit accurate, nec plenum *Maris Tyrrhenici* *Periplum* absolvit. Et loca omnia à *Carthagine* ad fretum *Herculeum* penitus ignoravit. Τὰ δὲ περὶ τὴν Ἡράκλειον πορθμὸν ἔτι τὸ καὶ ἡμεῖς ἔτι τὸ ἐξ αὐτῆς θαλάσσης ἴχουσι γινώσκαι, inquit <sup>1</sup> *Marcianus Heracleota*. Et rationem paulo ante dederat illam: ἐπὶ τῇ πλείσῃ τῇ θαλάσσης ἀγνοούμενων μερῶν, τῷ Ῥωμαίῳ μηδέπω πολέμῳ κικροτηκέναι τέτων. Hic sane videmus quousque, sub secundo *Ptolemæo*, progressa fuerat res *Geographica*, cum hoc *Timosthenis* *Periplo* perfectius nihil sciret cœvorum monumentorum peritissimus *Eratosthenes*. Imo ex ratione addita colligimus, de freto *Herculeo*, de ora *Hispania maritima*, atque *Africana* à *Carthagine* usque ad *Gades*, plenam nullam *Græcis* innotuisse *Geographiam*, dum *Romanorum* victoriis patefierent. Quod sane factum auspiciis *Scipionis Africani* majoris, adolescente *Polybio*. Non poterat ergo antiquior *Polybio Scylax* has oras adeo accurate describere. Nec sane vera hæc esse negat *Anonymus*. Sic enim habet: Τῶν δὲ πλείστων ἐπὶ μερῶν τῇ καὶ ἡμεῖς ἀγνοούμενης, ἔτι τὸ ἐνδὸν Ἡρακλείων στεγῶν θαλάσσης πέρι, τῇ [lege περὶ τῶν] πολλῶν ἀγνοούμενων, ἀδείκτως ἀναγράφαι ἀσθένειτο. Τὰ μὲν γὰρ τὸ ἰώες Ἀλεξανδρῶν ὁ Μακεδὼν δήλωσεν τοῖς ἀνθρώποις πάντα κατέστησεν: τὰ δὲ τῇ ἰωνίων ἐθνῶν, ἢ Ῥωμαίων ἀνδρεία πολέμῳ τέτων κατέστησεν. Sensit *Maris Mediterranei* πέρι, ex utraque parte, tam versus *Orientem* quam *Occidentem*, nondum fuisse ea, quam *Scylaci* tribuit, ætate *Græcis* explorata. Idque propterea quod *Orientis* terminum aperuerit victoriis suis *Alexander M.* *Occidentis* autem *Romani* suis itidem victoriis. Huic ergo Argumento ut occurreret, observavit minus fuisse *Scylacem*, in his, quam in aliis quæ magis *Græcis* innotuerant, accuratum: nempe, ut opinor, quod in aliis locis civitates addiderit *Mediterraneas*, & frequentiores etiam quam hic fecerit, in ora quoque *maritima*. Sed & alia quoque ratio esse potuit cur ita fecerit: nempe quod *Græcas* præcipue Civitates observare in animo habuerit. Hoc sane ejus consilium in toto Opere manifestum est. Modum ergo propositæ brevitatibus libentius in illis locis excessit, qui *Græcis* Urbibus fuissent frequentiores. Est tamen alioqui in spatiis locorum à se commemoratorum tam accuratus etiam in *Hispania*, quam in ipsa quoque *Græcia*. Hoc cum ne quidem potuerit assequi *Timosthenes*; quanto minus ille *Scylax*, quem tanto antiquiorem *Timosthenes* existimant? Porro

<sup>1</sup> *Marcian.* p. 64.



hujus Observationis veritatem firmat Auctor gravissimus<sup>1</sup> Polybius. Ait enim superiore tempore paucos Græcorum fuisse qui extrema Orbis curiosius investigare aggredierentur. Addit etiam, cur non fuerint aggressi, causam, τὸ δ' ἐπιτολῆς ἀδυνάτων. Nempe quod maria navigantibus multa pericula impendebant, & multo etiam plura terra euntibus. Quod multorum locorum barbaries αὐτοῖς prohiberet; & linguarum diversitas impediret quo minus ab incolis discerent quæ fuerant observatu digna. Et quod rarissimum esset, illis præsertim temporibus, testem reperire, qui spectis miraculorum figmentis ac portentis, ipsam propter se veritatem anteponeret falso; & res, uti erant, narraret; neque de suo quicquam adderet. Denique concludit, sua demum ætate, ἐν τοῖς καὶ ἡμεῖς, contigisse, ut res Asiatica per Alexandri dominatum, reliquæ autem orbis partes per Romanorum imperium terra marique paterent. Maxime propter illam, quæ tunc vigeat, pacem. Tum enim soluti curis, tam bellicis quam civilibus, viri πρᾶκτοι otium habebant diligentius atque exactius de rebus illis inquirendi. Memorat porro & suam quoque operam ipse Polybius, sua pericula, suos labores in peregrinatione Africa, Hispania, & Gallia, marisque, qua has regiones alluebat, etiam externi. ἡν δὲ διασυνιδρῶν τὴν δ' ἀσχυρὰν ἀγνοῖαν ἐν ταῖς γνώσεσιν ποιῶντων τοῖς Ἑλλήνων καὶ ταῖς τοῖς μέρει δ' οὐκ ἔμελλε. Ita Polybius. Et sane illum inter Geographiæ excultores sæpe recenset Strabo. Non potuit ergo has partes adeo accurate describere Scylax, si fuisset antiquior ipse Polybius.

§. 6. Emporia Carthaginiensium in Hispania recentiora illis temporibus, quibus voluit scripsisse Scylaxem.

Memorat præterea noster, ultra columnas Herculeas, & proinde in ora Hispania illa quæ obicitur<sup>2</sup> Oceano, ἐμπόριον ποταμὸν Καρχηδονίαν. Vix est cur dubitemus quin Turdetaniam intellexerit, quæ regio erat Hispania florentissima, & proinde Emporiis aptissima. Non poterant autem illa constitui Emporia antea quam armis eam Provinciam in suam potestatem redegissent Carthaginienses.

Antea oram illam Emporiis occupaverint Phænices Tyrii, qui etiam in intima Hispania penetraverant. Vestones enim ab illis oriundos recepta erat posterorum fama. Sed vero Hispania partem nullam illis temporibus Alexandro antiquioribus Carthaginienses possedisse verisimile est. Fateor equidem ante Bellum Punicum I<sup>m</sup>, & Ἰσπερίαν ποταμὸν μίσην Carthaginiensibus subiecta agnoscere<sup>3</sup> Polybius, Inde ergo idem testatur, illo ipso Bello, etiam Ἰσπερίαν in<sup>4</sup> Siciliam missos. Proinde Amilcarem Barcam Annibalidis patrem ἀνακταμένην τὴν κατὰ Ἰσπερίαν παράκτῳ τοῖς Καρχηδονίαν, non ἀπὸ τῆς αὐτῆς scribit ipse<sup>5</sup> Polybius. Non tamen ita intelligendus,

<sup>1</sup> Polyb. L. III. c. 58, 59. <sup>2</sup> P. 1. <sup>3</sup> Polyb. L. I. c. 10. <sup>4</sup> Polyb. ib. c. 17. <sup>5</sup> Polyb. L. II. c. 1.

quasi nihil eorum *avitis* possessionibus addidisset. Imo idem sub-  
jungit πολλὰς μὲν πόλεις, πολλὰς δὲ πύλεις *Carthaginensibus* subiecisse.  
Imo auctum ab eo in *Hispania Punicum Imperium* testatur diserte  
1 *Livius*. Et *Turditaniam* ab eo victam esse, ita ut tum primum  
cesserit in ditionem *Carthaginensium*, discimus è 2 *Strabone*.  
Ait enim στρατοῦσαντας cum eo *Carthaginenses Turditanos* argen-  
teis præsepibus & doliis usos deprehendisse. Erant ergo in eorum  
numero *Turditani* quos non πειδοί, sed πόλεις, in partes *Cartha-*  
*ginensium* coegerit, quique *inviti* *Carthaginensium* jugum sub-  
ierint. Quomodo ergo nondum domiti *Carthaginensium* pa-  
terentur *Emporia*? Imo tum demum observatum hoc à *Carthagi-*  
*nensibus* scribit è rerum *Punicarum* Scriptoribus. Quod fieri non  
potuit, si jam olim *Turditanorum* commerciis & *Emporiis Car-*  
*thaginenses* assuevisent. Hæc ergo scribere ne quidem potuit  
noster ante annum *Varronian*. 516, *Olymp.* cxxxv, <sup>2</sup>/<sub>3</sub>, quo Expedi-  
tionem illam in *Hispaniam* fecit *Amilcar*. Imo post annum il-  
lum *Emporia* illa constituta fuisse verisimillimum est: antea ta-  
men quam *Hispaniæ* possessione omni pellerentur à *Scipione Afri-*  
*cano* majore. Quod factum anno *Varr.* 548, *Olymp.* cxlhii, <sup>2</sup>/<sub>3</sub>.  
Postea poterant victorum benignitate *Emporia* constituta retinere,  
non autem alia de novo condere.

Quod porro *Tyrrhenos* à mari *Tyrrheno* porrigat  
usque ad 3 *Adriaticum*, quanquam *Cl. Gronovio*  
alienum videatur à temporibus *Polybii*, non est  
tamen si penitius expendatur. Imo his magis con-  
gruunt quam aliis illis, quæ volunt, *Scylacis* tem-  
poribus antiquioribus. Certe quo loco loquitur *Polybius* de sui  
temporis *Hetruria*, ita plane loquitur ut coævus illi *Scylax*. Sic  
enim habet: 4 Εξ ἧς δὲ Τυρρηνίαι τῆς αἰτίας ἐκείτης τὸ κλίμα νέ-  
μονται τὰ ἀειερημῶν ὅρων Ὀμόροι. Confert scilicet continuatque in-  
vicem *Ligures Hetruscos* atque *Umbros*, quasi ex utraque mon-  
tium *Apenninorum* parte incolentes. Et tamen *Umbros* pariter  
ac *Hetruscos* à *Gallis* finibus suis expullos scribit 5 *Livius*. Non  
quidem ait *Polybius* illos ad mare *Adriaticum* pertigisse: in ipsa  
tamen *Padi* planitie illos ponit, unde fuerant à *Gallis* fugati. Erat  
enim illius planitie limes *Apenninus*. Et certe ad orientem *A-*  
*pennini* potissimum incolebant *Umbri*. Nec sane *Gallos* ita ex-  
cludit *Italia Scylax*, quinetiam illis in intimo *Adriæ* recessu sedes  
concedat post *Tyrrhenos*. Sic enim ait: Μετὰ δὲ Τυρρηνίᾳ εἰσι Κελ-  
πιδόνητες & στρατιάς ἐπὶ τῶν μέγας Ἀδρίας. Hæc aurem  
verba ἀπολειφθέντες στρατίας nondum video observasse *Scylacis* In-

§. 7. Κελπιδόνητες & στρα-  
τίας paulo anti-  
quiores *Polybio*.

1 *Liv.* L. XXI. c. 2. 2 *Strab.* L. III. p. 151. 3 P. 6. 4 *Polyb.* L. II. c. 16.  
5 *Liv.* L. V. c. 35.



terpretes, nec intellexisse quid sibi vellent. Et tamen ex illis, ni fallor, pendet designatio *temporis*, quo tanta illa rerum *Gallicarum* facta est conversio, ut sedes à *Gallis* possessæ jam rursus *avitis* possessoribus *Hetruscis* atque *Umbriis* adscriberentur. Spectant ergo, ut existimo, ad annum illum, quo à *Gallis Cisalpinis* fere omnibus conjuratum est in *Romanos*, accitis etiam *Transalpinis*. Tunc enim de *Venetis* & *Cenomanis* ita <sup>1</sup> *Polybius*. Οἱ δὲ Οὐενετοὶ ἔκ Κενωμανῶν, διακρίσας αὐτὰν Ρωμίων, τῷ τοῖς εἰλοντο συμμάχεῖν. Nam certe *Venetos* communi *Gallorum*, vel *Celtarum*, nomine complectitur *Polybius*. Sic enim alibi : <sup>2</sup> Τὰ δὲ πρὸς τὴν Ἀδριακὴν ἡδὴ περὶ τὴν Ἰωνίαν αἰὶμα πῶν παλαιὸν διακρίσθη. Προσπαροφύοντα δὲ Οὐενετοὶ, τοῖς ἔθνεσι ἐπὶ κόσμῳ βραχὺ διαφέροντες Κελτῶν, γλῶττι δὲ ἀλλοίῃ χερσὶν οὖν. Ponit eodem, quo & *Venetos* suos *Scylax*, situ, & proximos facit *Cenomanis*. *Celtas* autem *Scylax* à *Venetis* distinguit. Proinde *Celtarum* nomine potius intelligit *Cenomanos*, ipsos quoque *Venetis* finitimos. Ut proinde vix sit cur dubitemus quin hos ipsos habuerit in animo *Scylax*. Recte nimirum appellandos ἀπολεσθέντας τῆς στρατίας, quod communi illi *Gallici* nominis in *Romanos* expeditioni soli non consenserint. Hanc ergo gratiam à *Romanis* relata arbitror, ut, Bello profligato, ipsi soli in sedibus suis remanserint. Eo enim certe spectabat Bellum illud, ut pellerentur è victis à se ditionibus *Galli*. Primam Bello occasionem dedit <sup>3</sup> *Sena*, colonia in agro *Gallorum Senonum* victorum pulforumque condita. Anno scilicet *Varr.* 471, *Olymp.* CXXIV, <sup>1</sup>/<sub>2</sub>. Inde novi motus à *Boiis* (accitis in auxilium *Hetruscis*) metuentibus <sup>4</sup> *Polybius*. Repressi tamen etiam hi ad lacum *Vadimonis*. Inde *Pax* annorum 45, ad annum *Varr.* 516, *Olymp.* CXXXV, <sup>2</sup>/<sub>3</sub>. Anno autem *Varr.* 518, *Boiis* pax concessa, sed agri parte multatis, ut docet *Zonaras*. Tum deinde anno, post prædictum annum 45<sup>m</sup> quinto, <sup>5</sup> novi *Gallorum* motus, propter agrum *Picenum*, quem *Gallis Senonibus* ademerant, rogatu *Flaminii* Tribuni, populo divisum: nempe anno *Varr.* 421, *Olymp.* CXXXVI, <sup>3</sup>/<sub>4</sub>. Metuebant præsertim *Boii*, quippe *Romanis* contermini, videntes jam non de Imperio ac dominatione esse certamen, ἀλλ' ὑπὲρ ὀλοχρεῶς ἐξαιεσιώσεως καὶ κατεφθορῆς. <sup>6</sup> Itaque VIII<sup>o</sup> inde anno, *Varr.* 429, Bellum illud denuo instauratum est à *Boiis* & *Insubribus*, quo *Cenomanos* & *Venetos Romanis* fuisse diximus. Victi tum ingenti proelio à Consule *Æmilio*. Anno sequenti, spem *Romanis* fuisse ait <sup>6</sup> *Polybius*, δυνήσεσθαι τὰς Κελτὰς ἐκ τῆς πίπτειν τῆς πᾶσι ὀλοχρεῶς ἐκβαλεῖν. Hinc etiam constat, id egisse *Romanos* hoc toto Bello, ut *Gallos*

<sup>1</sup> *Polyb.* L. II. c. 23. <sup>2</sup> *Polyb.* L. II. c. 17. <sup>3</sup> *Polyb.* L. II. c. 20. <sup>4</sup> C. 21. <sup>5</sup> C. 23. <sup>6</sup> C. 31.

penitus è *Circumpadani* regionibus ejicerent. Cum ergo Bellum pro voto confecerint, non est cur dubitemus quin *ejecerint*. Convenit, quod sub *Coss. anni Varr. 531, Olymp. cxxxix,  $\frac{1}{2}$* , narrat *Polybius* de *Insulribus Transpadanis*: <sup>1</sup> ἀπεισιδύμοι καὶ ὁμολογίαν, ἔλυσαν ἐκ τῶ τόπων. Convenit, quod anno sequenti *Varr. 532, Olymp. cxxxix,  $\frac{2}{3}$* , Belli illius ultimo, testatur idem <sup>2</sup> *Polybius* illos ἐκ τῶ πᾶσι τῶ Πάδου ποταμῶν ἐξωδέντας, πλὴν ὀλίγων τόπων τῶ ἑσὶ αὐτοῖς τοῖς Ἀλπεῖς κειμένων. Convenit præterea, quod in utramque *Padi* partem tot deinde colonias *Romani* deduxerint. Eò enim primam coloniam spectasse vidimus, ut terræ à coloniis possessæ pristinis possessoribus adimerentur. Itaque jam ante *Polybium* exuti sunt omni illa *Circumpadana* regione *Galli*. Nec est quod miremur si ademtas *Tyrrhenis Umbri*que colonias regionesque *Romani* maxima ex parte restituerint. Stabant enim utrique <sup>3</sup> in hoc Bello à partibus *Romanorum*. Et prædam quoque à loco prælii <sup>4</sup> *Hetruscis* ademtam, similiter Dominis pristinis reddendam curabant. Ita conveniet cum *Polybio* examussim *Scylax*, ut nè quidem potuerit anno U. C. *Varr. 532* fuisse antiquior. Quod si redditæ fuerint *Hetruscis* antiquæ eorum coloniae, ita necesse erat ut ad mare *Adriaticum* pertigerint, cum in illarum coloniarum numero ipsa fuerit *Adria*, à qua nomen ortum est *Maris Adriatici*. Ita certe veterem illorum ditionem designat <sup>5</sup> *Livius*, ut noster quoque *Scylax*, ut quæ trans *Padum* omnia loca, excepto *Venetorum* angulo, qui sinum (inquit) circumcolunt maris, usque ad *Alpes*, tenuerint. Nec alienum erat hoc à *Romanorum* indole, ut sociis magis quam sibi vincerent. Illustria hujus munificentiae specimina ediderunt *Bellis* in *Philippum & Antiochum*. Et vero in hoc adversus *Gallos* Bello egregia erant *Italorum* sociorum omnium benevolentiae experimenta. Non tamen hoc obstabat, quo minus victoribus ipsis suæ quoque partes fuerint in victoriae fructibus, quæ locum fecerint tot novis *Romanorum* in *Gallia Circumpadana* coloniis. Et ne quidem illud obstabat, quo minus restauratis in jura pristina regionibus nomina tamen dederint aviti possessores.

Eandem *Scylacis* ætatem adstruunt verba ejus illa de <sup>6</sup> *Leucade*: Αὕτη δὲ ἐστὶ νῆσος τῆ Ἰσθμοῦ δαπάνης πεφασμένη. Hanc putat <sup>7</sup> *Strabo* *Nericon* fuisse, quam ἀκτὶς ἡπείρου appellat <sup>8</sup> *Homerus*. Tum proinde nondum insulam, sed peninsulam. Imo diu post *Homerum*, cum *Leucadis* nomen adepta esset, adhuc *Isthmo* continenti annexa est. Certe

§. 8. *Leucade* insulam memorat *Scylax*, qualis facta est sub secundo demum *Philippo Macedone*.

<sup>1</sup> *Polyb. L. II. c. 32.* <sup>2</sup> *C. 35.* <sup>3</sup> *C. 24.* <sup>4</sup> *C. 31.* <sup>5</sup> *Liv. L. V. c. 33.* <sup>6</sup> *Scyl. p. 13.* <sup>7</sup> *Strab. L. I. p. 59. L. X. p. 452.* <sup>8</sup> *Homer. Odys. v. 376.*



tempore Belli Peloponnesiaci, bis Isthmi meminit <sup>1</sup> *Thucydides*, ann. Belli VI<sup>o</sup>, & VII<sup>o</sup>: nempe ann. *Varron.* 328, & 329. Imo adhuc eo anno, quo debellatum est cum *Philippo*, *Varroniano* scilicet 557, *peninsulam* fuisse docet <sup>2</sup> *Livius* in Fragmento *Horriovis*. Ego tum demum insulam factam fuisse suspicor, cum *Romani Leucadem* à Concilio <sup>3</sup> *Acarnanum* eximerent. Quod factum anno *Varroniano* 587, cum jam redactus esset in Populi *Romani* potestatem *Perseus*, propter factionem inter *Acarnanas*, quæ *Romanis* adversa *Perseo* favebat. Tunc enim sane opportunum erat, ut, *sui* demum *juris* facti, sese alveo illo fossili in *Acarnanas* tuerentur. Scripsit ergo post illum annum *Scylax*, ut proinde ne quidem potuerit antiquior esse *Polybio*. Habent certe illam pro *insula* <sup>4</sup> *Ovidius*, & *Livius*, & *Strabo*. Tandem *Romanos* illam *Corinthis* ademisse, *Acarnanibus* autem reddidisse tradit <sup>5</sup> *Dionysius Halicarnassensis*. Id cum eveniret, jam *diruta* fuisse munimenta consentaneum erat, quibus à reliquo *Acarnanum* corpore separabantur: imo cum jam incolæ ipsi etiam essent *Acarnanes*. Inde factum, ut neglectum deinde *alveum* venti obstruxerint, & continenti junctam *insulam* rursus *peninsulam* fecerint. Talem sua tandem ætate fuisse docet <sup>6</sup> *Plinius*. Medio ergo tempore inter *Tiberium* & *Vespasianum*, *Corinthis* ademit, *Acarnanibus* reddidit aliquis *Imperator*. Hæc quidem vera esse Ego crederem, si quidem vera scripserit illo in loco *Livius*. Sed turbat, fateor, rationes nostras *Polybius*, melior *Livio* testis, propiorque temporibus *Philippi*. Is tamen anno *Varr.* 536, *Olymp.* CXL, <sup>2</sup>/<sub>3</sub>, *Dioryctum* (sic autem *alveus* fossilis, teste *Plinio*, appellabatur) diserte memorat, trajectasque per illum naves. Sic enim habet de *Philippo Macedonum Rege*: <sup>7</sup> Ἀντὶς δὲ ἀναχθεῖς ἐκ τῆς Κεφαλληνίας, δὲ Ἀπριλίῳ εἰς Λαυριάδα μετὰ τὴν σίλην νυκτὸς ἦκε. Εὐστρεπιστάμενος δὲ τὰ πρὸς τὴν Διόρυκτον, ἐ ταύτῃ διακομίτας τὰς ναῦς, ἐποίησε τὴν διπλὴν κατὰ τὴν Ἀμφοτακίαν καλῶμενον κόλπον. Fieri autem potest, ut, cum legisset *Livius* initio *Philippi* factum illum *alveum*, è vitioso *rationcinio* ille ad finem retulerit. Ita certe loquitur hoc in loco *Polybius*, quasi vixdum *alveus* ille penitus fuisset *purgatus*. Erat enim antea *parandus*, quam *naves* illac *Philippus* potuerit trajicere. Et fortasse propter *novitatem* alvei illac trajicendum censuit *Philippus*, ut *inopinato* adventu hostes opprimeret. Non potuit autem hostes *fallere*, si jam antea usurpata fuisset illa trajectio. Hoc si verum, ita saltem *Philippo* hoc *Persei* patre non potuit antiquior esse *Scylax*; nec proinde idem cum illo fuisse, quem *alium* à *nostro* docti hætenus existimarunt.

<sup>1</sup> *Thucyd.* L. III. c. 94. L. IV. c. 8. <sup>2</sup> *Liv.* L. XXXIII. c. 17. Edit. *Granov.*  
<sup>3</sup> *Liv.* L. XLV. c. 31. <sup>4</sup> *Ovid.* *Metam.* XV. <sup>5</sup> *Dionys.* *Hal.* L. I. p. 41.  
<sup>6</sup> *Plin.* N. H. IV. I. <sup>7</sup> *Polyb.* L. V. c. 5.

Memorat præterea noster Urbem <sup>1</sup> *Messenem* in regione *Peloponnesi Messenia*. Eam autem jamdiu ante tempora *Scylacis* etiam antiquissimi dirutam restauravit *Olymp.* CII<sup>æ</sup> 4<sup>to</sup> anno *Epaminondas*, teste *Diodoro*. Non me quidem fugit de *lectione* litem movere doctissimum *Palmerium*. Quia scilicet ab *Arcadia*, cujus ultimo loco meminerat, *Ætolus* ait fuisse *Messenem*. Idem tamen *Palmerius* in *Lacedæmone* tam crasum ordinis neglectum observavit, ut crediderit illum, utpote *Asianum*, in *Peloponnesi* Geographia non fuisse satis doctum. Sed nihil est necesse ut eo confugeret. Facile enim observare potuit, in *Peloponneso* *Scylacem* Urbes insignes, nulla prorsus habita situs ratione, ut animo ejus occurrebant, recensere. Nec ad situm spectabat vox illa *Μεσηνη*, sed ad Urbis potius dignitatem. Quod scilicet *Urbs* ipsa *Messene* regionis esset *Messenie* primaria. Ita nulla prorsus erit ratio, cur de *lectione* dubitetur. Tum vero desierat in vivis esse *Darius Nothus*, cui secundum illum, quem fingunt, *Scylacem* Periplum suum inscripsisse volunt. Ita nullum erit ab *Olynthi* mentione Argumentum, cum vel ex hac *Messenies* mentione constet nostrum *Olynthi* clade fuisse juniorem. Hinc certo constat, *Scylacem* nostrum non esse antiquiorem *Epaminonda*, ut vult *Cl. Gronovius*; nec tale quid è mentione *Thebarum* sub *ῥάχης* nomine esse colligendum.

§. 9. *Messenies* Urbis mentio illum arguit saltem juniorem fuisse *Epaminonda*.

Hos ergo limites posuimus ætatis, qua scripsit *Scylax*, ne potuerit adeo, quam vulgo creditur, fuisse vetustus. Nunc viceversa, limites alii statuendi erunt, quibus non potuerit fuisse recentior. Certe <sup>2</sup> *Corinthum* & <sup>3</sup> *Carthaginem* ita memorat quasi etiamnum floruerint. Proinde ante annum U. C. 608<sup>m</sup> *Varronianum* scripsisse necesse est, quo utraque excisa est: *Corinthus* à *Mummio Achaico*, *Carthago* à *Scipione Æmiliano*. Non potuit certe restorationem utriusque Urbis sub *Julio Cæsare* attigisse, quem adeo antiquum credit *Strabo*.

§. 10. E mentione *Corinthis* & *Carthaginis*, colligitur anno *Varr.* 608 ne quidem potuisse esse juniorem.

Nota autem antiquitatis omnium altissima est, quod <sup>4</sup> *Cii* Urbis *Scylax* noster mentionem fecerit in *Mysia*: utique nondum, cum scriberet Auctor, excisæ. Sic item scribit Scholiastes *Apollonii Rhodii*, quasi etiam in cœvo sibi *Scylace* hoc idem reperisset. Non quidem hoc verbis asserit expressis, sed saltem videtur innuere. Meminit enim & ipse Urbis *Cii*, & de *Cio* fluvio testem advocat *Scylacem*. Sed vero *Cium* hanc

§. 11. Meminit idem *Scylax* Urbis *Cii*, à *Philippo Macedone* anno *Varr.* 553 excisæ, postea vero à *Prussia Bithynia* Rege sub novo *Prusidia* nomine restaurata.

<sup>1</sup> *Scyl.* p. 16. <sup>2</sup> *Scyl.* p. 15, 21. <sup>3</sup> *Scyl.* p. 47, 50, 51. <sup>4</sup> *Scyl.* p. 35.

candem



eandem fuisse *Urbem*, quæ postea a *Prusia Bithynia* Rege nomen acceperit *Prusiadis*, observavit Cl. *Vossius*. Nec alius erat ille certe *Prusias* à filio *Zela*. Illum enim ipsum *Prusiam Zela* filium, *Romanorum* abjectissimum adulatorem, *Prusiadis* conditorem fuisse docet <sup>1</sup> *Strabo*. Scripsit ergo certe noster ante mortem *Prusiae*, qui antea decessit quam dirueretur *Carthago*: imo etiamnum superstiti *Cio*, nondum Urbis nomine *mutato*. Proinde ante obitum *Philippi Macedonis*, quem *Strabo* testatur *excisam* à se *Cium Prusiae* genero *donasse*. Decessit autem <sup>2</sup> *Philippus* ille anno *Varron.* 575, *Olymp.* CL,  $\frac{1}{2}$ . Imo annum ipsum cladis *Ciana* docuit <sup>3</sup> *Polybius*: illum scilicet, quo *Pax* data est *Carthaginensibus*, secundo in illos Bello profligato: nempe *Varr.* 553, *Olymp.* CXLIV,  $\frac{3}{4}$ . Quare ante hunc annum scripserit oportet *Scylax*, si quidem ipse sibi explorata scripserit. Hoc si verum esset, vix potuit idem esse qui scripsit in *Polybium*. Senex enim ipse *Polybius* se ad scribendam *Historiam* accinxit. *Historiam* certe ad *Belli Punici tertii & Achaici* finem perduxit, ut ipse <sup>4</sup> in Opere nondum affecto profiteretur. Quantum temporis in ipsa *scriptionis* opera collocarit, non habemus exploratum. Itaque ante ann. *Varr.* 608, ne quidem potuit illum oppugnare *Scylax*: fortasse ne tum quidem. Is autem erat annus ab excidio *Cii* 55. Si fuisset, cum *Periplum* exararet vel *vicenarius*, tunc annum attigerit ætatis LXXVIII. Sed paulo ante *Cii* excidium scripserit illa oportet Auctor: nec statim ab *Historiae* fine *Historiam* *absolvere* potuit, & in *lucem* edere, *Polybius*; nec rursus mox ab *Editione* potuit legere *Scylax*. Ut proinde vix octuagenario minor esse potuerit *Scylax*, cum *Polybium* refutaret. Parum hæc fortasse commoda videri poterunt; non tamen quæ evenirent prorsus *impossibilia*. Sed *Cium* à *Prusa* perspicue distinguit *Plinius*, l. v. c. 32; & merito distinguendam esse docet ad *Stephanum*, verbo *Πρῦσα*, Cl. *Holstenius*. Quare minus certum est illud Argumentum, utcumque illi faverint nonnulli etiam è *Veteribus*. Itaque aliunde explorandum est, itane se res habuerit? Erat quidem nota illa *recentior* pulsus ex *Italia Gallis*.

§. 12. Tyrimeninit *Scylax* sub insula nomine, quæ tamen ab *Alexandro M.* facta est peninsula.

tium notitiam

Non tamen adeo commode convenit cum alia illa, quam dedimus, nota exultæ partium *Occidentalium Geographiæ*. Ipso enim illo anno, quo Bello *Punico* 2º finem imposuit *Scipio Africanus* major, *Cium* excidit *Philippus Macedo*. Sed suis temporibus, sed *Paci* quæ Bellum illud secuta est, accuratam illam partium freto *Herculeo* adjacentium notitiam acceptam refert, uti vidimus, *Polybius*, cum jam

<sup>1</sup> *Strab.* L. XII. p. 563. <sup>2</sup> *Liv.* L. XL. c. 54. <sup>3</sup> *Polyb.* Excerpt. L. XV. 21. <sup>4</sup> *Polyb.* L. III. c. 5.

otium esset à curis *Bellicis*, & *Pax* stabilita liberum commercium aperuisset. Sequebatur autem mox à *Bello* illo novum Bellum cum *Philippo*, tum deinde cum *Antiocho*, denique cum *Perseo*. Mitto enim *minoris* momenti Bella, quæ peregrinandi, & studia Pacis excolendi aviditatem non adeo impedirent. Ita certe ante annum U. C. *Varr.* 586, quo debellatum cum *Perseo*, vix potuit *Scylax* adeo accurate scribere de oris *Occidentalibus*. Imo ne tum quidem potuit ea *explorata* habere, quæ *primus* docuit novis suis navigationibus ipse *Polybius*, quem, *Scipione Æmiliano* res in *Africa* gerente, testatur navigasse <sup>1</sup> *Plinius*. Atqui de *Hispania* ipsa scribit noster <sup>2</sup> *Scylax* pro ipsius mente *Polybii*. *Hispaniam* universam ut <sup>3</sup> *Polybius*, ita etiam *Scylax*, communi *Iberia* nomine complectitur, à freto etiam *Gaditano*. Sunt ergo in hoc Opere notæ temporum *diversorum*, nec sibi invicem consentaneorum. Occurrit & aliud simile exemplum in mentione Urbis *Tyri*: <sup>4</sup> Ἀὐτὴ (inquit) ἡ νῆσο βουλόμεν Τυρίων ἡ ἀπὸ τοῦ γένους τῶν Ἰουδαίων γ'. Hæc certe Urbs erat ab *Alexandro* Magno expugnata, & per aggerem ab ipso factum annexa *continenti*. Eam *βουλόμεν* appellat *Scylax*, quod, cum *Regibus* pareret ditio *Tyriorum*, Urbs illa fuisset *Regia*. Duplicem hoc in loco notam habemus temporum *Alexandro* antiquiorum. Aliam, quod esset jam adhuc *insula*, cum *peninsulam* illam ipse fecerit *Alexander*, testibus omnibus qui de ea obsidione egerint. Imo adhuc *suis temporibus* adjunctam *continenti* perstitisse testantur <sup>5</sup> *Strabo* atque <sup>6</sup> *Plinius*. Est & alia nota, quod adhuc *Regibus* paruerit *Tyrus*, cum Urbs illa esset *Regia*. Erant enim olim sub *Regibus* *Tyrii*, quorum successionem pertexuit *Menander Pergamenus*. Imo cum eam expugnaret *Alexander*, adhuc *Regem* agnovit, & *stirpem Regiam*. Ex illa *stirpe* suffecit quidem *Regem* ipse *Alexander*, quæ tamen brevi postea defecit. Nam *Olymp.* cxiv, 3, sub *præfecto* fuisse *Macedone* testatur *Diodorus*. Nec postea *Reges Tyriorum* ullos, quod sciam, legimus, nec *Macedonibus* rerum potentibus, nec *Romanis*. Hæc ergo Auctoris fuisse necesse qui scripserit ante annum *Period. Julian.* 4382, *Varr.* 422, *Olymp.* cxii ann. im. *ineuntem*, quo *Tyrum Alexander* expugnavit. Et tamen multo *recentiorum* temporum notas in ipso jam *Scylace* observavimus, quibus ipsum scripsisse propterea necesse sit.

Ex his tamen longe invicem *distantibus* Temporibus notis colligimus, non *unius* ejusdemque *sili* hunc nostrum esse *Periplum*, sed è variis *diversorumque temporum* singularum regionum *Periplus* integrum hunc *Maris Mediterranei* *Periplum* à *Scylace* esse confarci-

§ 13. Hunc *Periplum* non ipse navigavit *Scylax*, sed ex aliis *singularum partium* inter se commissis *Periplus* pro *Mari Mediterraneo* *universo* ipse confecit.

<sup>1</sup> *Plin.* N. H. V. 1. <sup>2</sup> *Scyl.* p. 1. <sup>3</sup> *Polyb.* L. III. c. 37. <sup>4</sup> *Scyl.* p. 42.  
<sup>5</sup> *Strab.* L. XVI. p. 757. <sup>6</sup> *Plin.* N. H. V. 19. natum.



natum. Idque sane aliunde etiam verum esse constat. In aliis regionibus *diurnis nocturnisque* spatiis navigationes emetitur, in aliis per *stadia*. Scio quidem à <sup>1</sup> *Marciano Heracleota Scylacem* illis accenseri qui *dierum nocturnumque* spatiis tantummodo, non item *stadiis*, navigationum intervalla distinxerint. Num ergo alio *Scylace* usum *Marcianum* existimabimus? Non puto. Cur ita fuerit locutus *Marcianus*, exponit ipse *Scylax*. In fine enim <sup>2</sup> *Europæ* methodum docet, qua sint ad *nocturnum diurnumque* supputationem revocanda *stadia*. Eademque methodo procedendum esse monet in fine <sup>3</sup> *Asiæ* atque <sup>4</sup> *Libyæ*. Inde manifestum est, *Periplum universum* ab illo ad *diurna ac nocturna* spatia esse redactum. Ut recte proinde *Marcianus* illum inter eos numerarit, qui non *stadiis* *Periplos* suos, sed *diurnis nocturnisque* itineribus metirentur: quod scilicet *stadia* ipsa ad *diurna & nocturna* spatia redegerit. Hinc tamen vicissim manifestum est, jam *Scylacis* etiam *ætate* morem fuisse nonnullis, ut per *stadia* *Periplos* suos metirentur; & proinde *Timosthene* illum fuisse recentiorum. Sic etiam in aliis regionibus, oras tantummodo (pro *Peripli* officio) percurrit *maritimas*; in aliis *Urbes* immiscuerit *Mediterranæ*. Sic & in aliis *situs* ordinem observavit accuratissime; in aliis *ordinis* rationem habuit plane nullam. Nonnunquam *mores* regionum, & *viros* etiam celebres designat, quos tamen plerumque nullos attingit, ne quidem in *patriis* omnium *celeberrimis*, & bonorum exemplorum proventu *refertissimis*. Unde, quæso, tam *varia* illa *methodorum* diversitas, nisi à *Periplorum*, quos in *singulis* partibus excerpfit, diversitate? Inde tanta illa diversarum hujus *Peripli partium* invicem discrimina. Sunt enim aliæ aliis longe *accuratiores*: pro capto scilicet *Auctorum*, quorum alii aliis fuerint *peritiores*. Valde autem eò faciebat *ætas Auctoris* & *patria*, si aut vixerit illis *temporibus* quibus jam oræ illæ, de quibus agebat, *maritimæ Græcis* fuerint exploratæ; aut si *locis* ipsis *propinquus* fuerit, ut qui fuissent *nuperrimi accuratissimique* locorum illorum *Peripli*, id saltem haberet exploratum. Nescio enim *primariumne* *Periplum* ullum ab ipso Navigationis *duce* scriptum excerpserit *Scylax*. Suspicio potius à suis accepisse *Asianis*, qui ante illum scripserant, & *Græcorum* *Periplos* excerpserant. Vix potuit alioqui in *Græcia* ipsa toties peccare, nisi *decessorum* erroribus suos etiam addidisset ipse *Scylax*. *Græcarum* enim *Civitatum* ubique studium proficitur omnium maximum. Quod porro à *continente* ad *fitas* ex adverso *Insulas*, inde rursus ad locum, quo filum *Peripli* interruperat in *continenti*, *trajectiones* faciat; ne quidem ea *primarii Navigatoris* nota est, sed illius potius qui sua omnia *alienis* debuerit *navigationibus*. Id, cum

<sup>1</sup> *Marcian. Herasl. p. 63.*   <sup>2</sup> *Scyl. p. 30.*   <sup>3</sup> *Scyl. p. 43.*   <sup>4</sup> *Scyl. p. 51.*

ita se habuerit, non erit proinde cur miremur, si *diffitorum Seculorum* vestigia in hoc Opere appareant, quibus illi vixerint *Auctores*, quorum *scrinia* compilarit ipse *Scylax*. Non est autem de *Scylacis ætate* pronunciandum, præterquam è notis temporum *recentissimis*. Aliæ potius ad *Auctorum ætates* spectare censendæ sunt, è quibus invicem *commisis* Periplus integrum *Scylax* confecerit *Maris Mediterranei*. Facile inde rationem reddemus *locorum*, siqui fuissent in hoc *Periplo*, qui ante veram *Scylacis* quam dedimus, *ætatem* intercidissent. Non scilicet ipsius illa fuisse *Scylacis*; sed Auctoris alicujus *antiquioris*, cujus, in ea saltem *Peripli parte*, fidem secutus fuerit ipse *Scylax*. Huc Ego potius retulerim tam sibi *diffentaneam* Operis universi *methodum*, quam eò quo referendam censuit uterque *Vossius*. Quasi nimirum, cum in more receptum esset apud *recentiores Græcos* ut *collectanea* è diversis ejusdem Argumenti Veterum Scriptis in unum *Corpus* coacervarent, tum demum à recentissimo ejusdem nominis *Scylace* prodierit hoc etiam *Corpus Periplorum* per *Mare Mediterraneum* universum. Tum *Geoponica*, tum *Strategica*, tum *Mechanica*, tum rei *Veterinariæ*, *Accipitrariæ*, similibusque Artium *Reipublicæ* necessariarum, *Corpora* prodierunt videmus. Inde natum suspicantur exemplum *Periplos* etiam in unum *Corpus* cogendi, quo illum, quem habemus, *Periplum* concinnarit nuperrimus ille *Scylax*. Sed nihil simile occurrit in hodierno *Scylace*. *Principibus* ut plurimum *Corpora* illa debemus, quorum omnium primus *Justinianus Leges* in *Corpus Triboniani* opera digesserit. Sic enim *Geoponica Constantini* cujuscpiam recentioris auspiciis collecta legimus. Sic etiam *Corpus Historiarum Constantini Porphyrogeneti* jussu congestum fuisse constat. Hic nullum *Principis* prorsus vestigium est, sed hominis tantummodo *privati*. In *Corporibus* illis Auctorum *nomina* & *verba* ipsa repræsentantur. *Auctorum*, è quibus *Scylax* sua excerpserit, ita *Catalogum* habemus nullum, ut ne quidem Auctoris vel *unius* nomen. In *Corporibus* illis de rebus *iisdem* diversorum *Auctorum* sententiæ proferuntur. Hic plusquam *unam* de eadem regione sententiam nusquam legimus. In illis *recentiorum* pariter ac *antiquiorum* Scripta invicem copulantur. Hic nihil est *Polybii* saltem *ætate* recentius. Nullæ prorsus *Alexandriæ*, nullæ *Antiochiæ*, nulla, ut observavit *Gronovius*, *Lyfimachia*; ne quidem locus ullus in Oriente *Alexandro* ipso recentior, ut jamdiu observavit *Anonymus*, è quo constare possit, ullumne secutus fuerit in hac *Orientis* plaga *Scylax Alexandro* recentiore, nedum *Polybio*: cum tamen tot novas Urbes *Alexander* ipse proximique illius *Successores* in Oriente condiderint. Tantum abest ut sit locus ullus, qui postremi *Scylacis* ætatem sapiat. Scio quidem in *Mauritania* ita legi: ἡ ἐκείνη πόλις καὶ λιμὲν.

1 Scyl. p. 50.

\* H

Sed



Sed jam optime, ἡλ legendum, monuit Cl. *Vossius*. Nam ne quidem, cum *Cæsarea* posterioribus temporibus *Urbs* illa appellaretur, quemquam tamen Veterum, ut puto, legimus, qui illam *Juliam* appellarit.

§. 14. Θῆβαι τῆς  
χθ. Auctoris qui  
inter *Ol.* CXI, 2,  
& *Ol.* CXVI, 2,  
scripserit.

Jamque facilis est ad *Gronovii* in contrarium exempla Responso. Nihil illa ad *Scylacis* patriam, aut ad loca saltem patriæ *finitima* spectant, quæ potuit ipse per se habere explorata. Imo ad loca alia quæ è Periplus *alienis* & se *antiquioribus* ipsum oportebat discere *Scylacem*. Itaque non *Scylacis* ætatem produnt, sed *antiquioris*, quem est in *illis* partibus secutus, Auctoris. Esto tamen, ad *Scylacis* ipsius ætatem ea retulerimus. Ne quidem ita tantam *Scylacis* antiquitatem probabunt, quantam vult *Gronovius*. *Thebas* quidem τῆς<sup>1</sup> fateor memorare *Scylacem*. Hinc ante *Epaminondam* florentem & *Thebas* erigentem suspicatur scripsisse *Gronovius*. Vis ergo Argumenti, ni fallor, in eo sita est, quod tam *infrequentes* intra *Thebarum* mœnia fuerint ædes, ut mœnia potius, quam *Urbs*, fuerit appellanda. Id si volebat, Ego potius viceversa colligerem Auctorem qui ita scripserit, etiam *Alexandro*, etiam *Cassandro*, qui mœnia ab *Alexandro* diruta restaurarit, fuisse juniorem. Restauravit *Cassander Olymp.* CXVI, 2, anno ex quo diruerat *Alexander* XX<sup>o</sup>, qui cladem intulit *Olymp.* CXI, 2, teste *Diodoro*. Antea enim, dum starent *antiqua mœnia*, primarium certe locum inter Civitates *Bœotiae* sibi vendicabant *Thebæ Bœotiae*, nullum per offingentes annos excidium passæ, ut monet idem *Diodorus*. Itaque *Thebas* ita *desolatas* nullus potuit, qui ante *Alexandrum* vixerit, nosse *Scylax*, ne quidem ille omnium *antiquissimus*. Ego τῆς<sup>1</sup> illud libentius non ad *Urbem* ipsam, sed ad *portum* potius, retulerim. Semper enim fere *Scylax* τῆς<sup>1</sup> sua in locis statuit *maritimis*, & cum *portibus* jungit atque *navalibus*. Ut proinde in *fluctus* potius *marinos*, quam in *hostes*, munimenta intelligantur. Et certe oram hoc in loco legit *maritimam*, quam *Orchomeno* ἐν μισσηῖα μοι opponit. Quidni ergo ad *navalia*, *Epaminondæ* hortatu, à *Thebanis* condita hæc retulerimus, cum de *Maris* dominio suis civibus afferendo meditaretur? Sic fuerit Scriptor *Olymp.* crv, 1, junior, quo hæc ab *Epaminonda* gesta narrat *Diodorus*. Quod sane convenit cum *Messenes* mentione ab *Epaminonda* restauratæ, de qua jam supra egimus. Ego adhuc *juniorem* hujus partis Auctorem fuisse suspicor. Ut nempe illo ipso *vicennio* scripserit, quo jacuit in *ruinis* *Urbs* ipsa *Thebana*. Solet enim *Scylax*, cum ejusmodi *navalium* portuumque *muris*, *Urbes* ipsas, siquæ fuissent, conjungere, etiam cum *longe* invicem abessent. Nec sane, cum *Ur-*

<sup>1</sup> *Scyl.* p. 23.

bem *Bæotia* mediterraneam *Orchomenon* memorarit, (quam tamen *Bæotia* adjectam fuisse docet <sup>1</sup> *Strabo*) Urbs omnium *Bæoticarum primaria* erat prætermittenda. Itaque eam, cum nulla hic compareat, suspicor adhuc nullam fuisse. Medio ergo tempore inter *Olymp.* CXI, 2, & *Olymp.* CXVI, 2, vixerit oportet, non quidem *Scylax* ipse, sed *Auctor* ille saltem, cujus fidem *Scylax*, hac *Peripli* sui parte, secutus est. Serius nimirum quam *Scylacem* ipsum vult scripsisse *Gronovius*.

In his certe *Collectaneis* prudentius argumentabimur, si ex exemplis omnium recentissimis colligamus quam fuerit recens *Auctor* ipse *Collectaneorum*, quam si viceversa è locorum olim desolatorum mentione colligamus quam fuerit antiquus. Hoc uno alterove exemplo ostendam in *Auctore*, cujus ætatem habemus exploratam. Nostram

§. 15. Urbes sæpe antiquioribus, quam pro sua ætate, nominibus recensent *Excerptores*, qualis erat *Scylax*.

*Britanniam*, anno *Æræ* nostræ *Christianæ* receptæ 43, in *Populi Romani* potestatem redegit *Claudius*, eo ipso tempore quo scripsit *Mela*. Hoc docent *Melæ* verba in hanc sententiam manifesta: <sup>2</sup> *Britannia qualis sit, qualesque progeneret, mox certiora & magis explorata dicentur. Quippe tamdiu clausam aperit ecce Principum Maximus, nec indomitum modo ante se, verum ignotarum quoque gentium victor, qui propriarum rerum fidem ut Bello affectavit, ita Triumpho declaraturus portat.* Ex illis verbis constat, jam in ipsa Expeditione fuisse *Claudium*, cum scriberet *Mela*, qui tamen anno sequenti 44 rediit atque triumphavit. Hic tamen ipse <sup>3</sup> *Mela Olynthum* ita memorat, quasi tum quoque nondum fuisset excisa. Frustra ergo ex hoc exemplo *Scylacis* ætatem colligit *Gronovius*. Mihi certe suspicio est, Urbem saltem illam à juniore aliquo Principe fuisse restauratam, nec *Philippi* ætate antiquiores fuisse omnes eorum quos habemus hodieque numos. *Potidæam* præterea habet idem *Mela*, & quidem ita, quasi jam tum *Potidææ* receptum fuisset etiam nomen. <sup>4</sup> *Ibi* (inquit) *est Potidæa*. Et tamen nomen ejus in *Cassandriam* mutatum esse docet non junior modo *Plinius*, verumetiam antiquiores *Mela*, <sup>5</sup> *Strabo*, atque *Diodorus*. Certe ab ipsius, ut videtur, temporibus *Cassandri*. Successorum enim neminem scio qui *Cassandri* nomine Urbem fuerit appellaturus. De *Olyntho* autem ita loquitur, ut *Mela*, *Strabonis* etiam (quem solum hoc in loco habemus) *Epitomator*. *Οπὲρ ὁλωδὲ ἐπίκειον ἐστὶν Μηνύσειος ἐν τῇ Τονναίᾳ πόλει. Οπὲρ πλησίον Ὀλυνθὲ χωρίον ἐστὶν καὶ ἵλον καὶ λέρων Κανθαρώ-λετρον.* Locum posteriorem ex Opere ἀπὲρ Θωμάσο. ἀκκομ. desumfit fortasse *Strabo*. Sed & illum *Auctorem* excidio sub *Phi-*

<sup>1</sup> *Strab.* L. IX p. 411. <sup>2</sup> *Mel.* L. III. c. 6. <sup>3</sup> *Mel.* L. II. c. 2. <sup>4</sup> *Mel.* ibid.  
<sup>5</sup> *Strab.* L. VII. fin. *Epitom.*



*lippo* juniorem fuisse probavimus. Et de *Olyntho* ita loquitur etiam <sup>1</sup> *Plinius*. Itaque restauratam fuisse verisimillimum est. Quod si hoc, in tanto Veterum silentio, minus credibile censuerit *Gronovius*; hic etiam exemplum habebimus, ut *Veterum*, quos excerpserant, *tempora* cum *suis* juniores confuderint. Male ergo ex hac *Urbium* olim *dirutarum* mentione *Scylacis* ætatem colligit *Gronovius*, cum etiam *illum* antiquiorum Operum Excerptoribus accensendum esse jam ostenderimus. *Brundisium* *Gronovius* ipse in *Scylace* deprehendit sub nomine *Βορσωνίων*. & *Pellam* satis gloriose nominatam, cum dicat *Scylax* in illa fuisse *Regiam*. Non erant ergo *Urbes* illæ inter Argumenta, quæ antiquitati *Scylacis* faverent, qualis credebatur, accensendæ.

Hoc autem excepto, quod Periplorum *singulorum* mores *varios* sapiat, è quibus Periplum *Maris Mediterranei* *universalem* compegit ipse *Scylax*; non video sane quin *unius filii* Opus, quale ab Auctore prodiit, hodieque habeamus. Imo quale verisimile est ab ipso proditum fuisse *Scylace*. Jam vidimus illum *stadium* numerum in *dies* convertisse, & *noctes* etiam ad *dies* redeuisse, ut *diurnis* navigationibus *Europæ Asiæ Libyæque* *Paraplos* designaret. Nec est quod dubitemus quin, si non obstarent *mendæ* & *lacunæ*, summæ *particulares* universalibus fuissent responsuræ. Pollicetur præterea *Titulus* ipse *gentes*, & *regiones*, & *portus*, & *fluvios*, & *spatia* navigationum, quæ certe videmus observari accuratissime, dum constat *Textus integer*, & *sibi* consentaneus. Pollicetur idem *Titulus* *insulas septem habitatas*, prout quæque *adjacebat continenti*. Et sane à partibus *continentis* adversis ad *insulas* transitus facit, pro methodi ratione promissa. Addit *Titulus*, *ὅς αἱ νῆες αἱ ἐν τῇ αἰνέσει*. Vix est cur *Æolidas*, quæ ipsæ *septenario* numero censebantur, cum in animo habuisset suspicemur. Alium Ego potius *septenarium* cogitasse crediderim *insularum* in *Mari*, de quo agebat ille, *Mediterraneo maximarum*. Illum memorat Auctor de <sup>2</sup> *Mirabilibus Auscultationibus*: earumque *nomina* recensent <sup>3</sup> *Diodorus* atque <sup>4</sup> *Strabo*; nempe *Siciliam*, *Sardiniam*, *Cyprum*, *Cretam*, *Eubæam*, *Corficam*, *Lesbum*. Et quidem ex *Timæo* *Strabo*. Itaque jam usque à *Timæo* receptus est numerus ille *insularum maximarum septenarius*. Imo ante *Timæum*, si quidem recte Opus de *Mirabilibus Auscultationibus* *Theophrasto* asseruerimus. Et sane Catalogum *insularum maximarum* exhibet noster in Operis fine *Scylax*. Ibi primum locum

<sup>1</sup> *Plin. N. H. IV. 11. XI. 28. XVIII. 30.* Imo ante *Scymnus Chius*. <sup>2</sup> De *Mir. Aufcult.* p. 1157. <sup>3</sup> *Diod. L. V. p. 297.* <sup>4</sup> *Strab. L. XIV. p. 654.* & *Eustath. in Dionysium* v. 568.

obtinent ipsæ illæ, quas modo recensuimus, *septem insulæ*. Numerat autem, fateor, *Scylax* xx. Num ergo alias, quæ *septem* primis subjiciuntur, *insulas* à manu *recentiori* fuisse suspicabimur? Quod scilicet *alienæ* videri possint à Scriptoris consilio primario: quod, quale fuerit, è *Titulo* didicimus. Non puto. Imo *Titulum* ipsum potius *mutilum* fuisse arbitror. Sic enim hodie conceptus est, quasi, præter *septem*, alias nullas *insulas* agnovisset *ἰνσουλὰς*. Atqui hoc nemo Veterum, quod sciam, observavit. Nemo certe, qui intra *trium*, quos volunt, *Scylacum* ætates vixerit: nemo à *primorum* etiam *Historicorum* *Geographorumque* ætate. Sic ergo fortasse *Titulus* supplendus est, ut cum Operis *contextu* & *fine* conveniat: *καὶ αἱ ἑπτὰ αἱ ἐν τῇ [αἱ μὲν τε, ἔστιν αἱ] αἱ ἰνσουλὰς*. Addit præterea in fine *Diaphragmata* quædam, quibus mos esset ut è *Græcia* trajiceretur in *Asiam*. Eo autem nomine *lineolas* intellexit in *Tabulis* sui temporis *Geographicis*, quibus maris *trajecti plagæ*, quasi *sepimentis* quibusdam, dirimebantur. Tales enim *lineolas* habemus, quibus *itineræ* designantur, in *Tabulis* Veterum, quæ hodie exstant, omnium *antiquissimis*, nempe *Peutingeriæ*: etiam in itineribus *pedestribus*. Erant autem *Tabulæ* istiusmodi *Scylaci* coævæ omnium *antiquissimo*. Sub illo enim *Dario*, qui illum misit *Scylacem*, *Tabulas Geographicas* ab *Aristagora Milesio* *Cleomeni Lacedæmoniorum* Regi missas, Auctor est <sup>1</sup> *Herodotus*. Imo ab *Anaximandro Thaletis* discipulo, ipso quoque *Milesio*, excogitatas testatur <sup>2</sup> *Laërtius*. Duo autem habet istiusmodi *Diaphragmata*, & plane talia qualia erant à *Scylace* expectanda. Aliud est ab *Euripo Chalcidis* ad *Mycalen*, cujus tamen per medias, quas recenset, *insulas* minus recta erat navigatio. Aliud, à *Tenaro* fortasse Promuntorio, *ἵππὸς καὶ ὄρεα*, per *Cytheram* certe, & *Carpathum*, & *Rhodum*, in *continentem Asiæ* minoris. Sed miror non vidisse Interpretes, pro *Ægina* (quæ hic media ponitur inter *Cytheram* atque *Cretam*) reponendam esse *Ægila*. Mediam enim inter *Peloponnesum* & *Cretam* *Αἰγιάλειον* insulam refert <sup>3</sup> *Stephanus*. Mediam item inter *Cytheram*, oppidumque *Cretæ Phalasama* *Ægliam* <sup>4</sup> *Plinius*. Non aliam utique ab *Αἰγιάλειᾳ* <sup>5</sup> *Herodoti*, & <sup>6</sup> *Epla Ptolemæi*. *Ægliam* certe apud *Plinium* è *MSS.* fide restituit *Harduinus*. Hoc autem obiter. Quis autem hic non videt *itineræ maritima* à *Græciæ* *plaga Septentrionali* (quam amne *Peneo* concluderat *Scylax*) & *meridionali* designari à *Scylace*? Sic nempe fuerat ubique de *Græcis Urbibus* inprimis sollicitus. Quis item non videt utrobique *Diaphragmatum* *lineas* ad partes *Asiæ* minoris deduci *meridionales*? Plane ut *Scylacem*

<sup>1</sup> *Herodot.* L. V. <sup>2</sup> *Laërt.* L. II. n. 2. *Agathemer.* I. 1. *Strabo* L. I. p. 7.  
<sup>3</sup> *Steph.* voc. *Αἰγινία*. <sup>4</sup> *Plin.* N. H. IV. 12. <sup>5</sup> *Herodot.* L. VI. 107. <sup>6</sup> *Ptolem.* III. 6.

decurrit,



decurt, cujus patriam insulam *Caryandam Caribus* accensitam ipse testatur. Et quidem *Mycalen* olim *Cariæ* fuisse constat. Aliter se res habebat, cum scriberet *Scylax*. *Mycalen* enim *Lydiæ* ipse attributam esse docet. Hic etiam notam habemus Seculi *Polybio* coævi. Post victum enim *Antiochum*, anno *Varr.* 566<sup>1</sup>, *Caria Rhodiis Romanorum* Bello in *Antiochum* sociis concessa usque ad <sup>1</sup> *Mæandrum*. Tum ergo *Cariæ* finis factus est *Mæander*, unde *Cariam* censet etiam *Scylax*. Postea (cum ancipites essent in Bello cum *Perseo*) *Rhodiis* ademta est <sup>2</sup> *Caria*, sui que juris pronunciata: iisdem nempe *limitibus*, quibus antea *Rhodiis* fuerat attributa. Nempe anno *Varron.* 587. Inde intelligimus cur per *Rhodum* posterius ductum fuerit *Diaphragma*. Quod scilicet *Rhodiis*, cum illæ inciperetur Navigationis cursus, *Caria* ipsa paruerit. Patet ergo *unius* esse *fili* hunc Periplum universum; nec alteri *Auctori* melius convenire quam *Scylaci*; & ne quidem *Sæculo* alteri aptius respondere, quam quod *Nos Scylaci* tribuendum esse probavimus. *Recentioris* certe post *Christum Scylacis*, aut *Interpolatoris*, nulla prorsus apparent, quæ credebant *Magni Vossii*, indicia. Imo ex quo hic *Titulus* Operi præfixus legebatur, ægrè admodum vel esse poterant.

Collegit autem, ut videtur, *Scylax* noster hunc Periplum antea quam *Itinerario pedestri* manum admoveret. Si aliter fuisset, profecto aliquid de eo monuisset, cum *Urbes* saltem in nonnullis Peripli partibus recenset *Mediterraneas*. Nempe ut inde Lector accuratiora hauriret, cum etiam *Mediterranea* obiret ex professo, quam hic cum obiter tantummodo aliudque agens loca *Mediterranea* perstringeret. Pro Peripli autem exemplo verisimillimum est illam confectam esse Γῆς Περίοδον. Nempe ut è *variis* variorumque Navigatorum *Paraplis* unum confecit *Maris Mediterranei Periplum*: ita è *variis* Ὀδοιπορίων *Itinerariis* invicem commissis unum conflaverit *trium* continentum, qua saltem *Mari Mediterraneo* appropinquabant, Περίοδον, & spatia locorum vel *stadiis*, vel *diurnis* itineribus distinxerit. Suspicio autem locorum non aliorum, quam qui à *Mari* non longe abessent, in illa *Periodo* factam esse mentionem. Cur ita suspicio facit ipse *Scylax*. Πλῆν enim & Ὀδῶν ita invicem distinguit, ut Πλῆν nomine navigationis *maritimæ* spatium intellexerit inter *Urbes* in *ora* sitas *maritima*; Ὀδῶν autem, spatium inter easdem qua ex una in aliam transitus erat itinere *pedestri*. Ita è *Buthoë* in *Epidamnum* ΠΛΟΥΣ (inquit) <sup>3</sup> ἐστὶν ἡμῶν εἰς νῆπτιν, ΟΔΟΣ δὲ πρὸς τὴν ἡμετέραν. Rursus ex *Epidamno* in *Apolloniam*

<sup>1</sup> *Polyb.* Legat. XXV. *Liv.* Lib. XXXVIII. 39. <sup>2</sup> *Polyb.* Leg. XCIII. *Liv.* L. XLV. c. 25. <sup>3</sup> *Scyl.* p. 9.

ἰοδὸς ἡμερῶν δύο. In eandem sententiam. <sup>2</sup> Παράπλος δὲ οὗτος δὲ ἰσπερ ἐπὶ Κελεῖ μέτωπον, πρὶν ἡμερῶν καὶ τεσσάρων νυκτῶν. ὁ δὲ παρὰ γλῶσσαν πλαίσιον. ἔτι γὰρ καὶ πλάσιον. Ita *Periodus* fuisset Maris interioris *circuitus* per ὁδὸς, seu (ut è postremo loco constat) παρὰ γλῶσσαν. Et usus erat, ut ita de brevissimis constaret itinerum *compendiis*. Et vera *Περίοδος* fuisset, si oræ præsertim *terrestres* intervalla in hoc alio ejus Opere docuisset *Scylax*, sicut in *Periplo* (quem habemus) oræ spatia docuit præcipue *maritimæ*. Fieri autem potest ut hæc & alia quædam, in quibus locorum *mediterraneorum* spatia legimus, è *Periodo*, quæ periit, in *Periplum* emanarint: seu id *Scylacis* ipsius opera, seu *recentioris* manu, contigerit. Potuit tamen causa fuisse cur *Periodus* interciderit, si multa inde fuissent in *Periplum* translata. Estque sane illa primaria vocis *Periodi* significatio, ut nusquam à rei ambitæ limitibus discesserit dum ad primum motus *exordium* rediretur. Atque ita ab *Hodæporicis* distinguere solebant *Periodi*. Quod scilicet etiam *recta* Itinera *Hodæporicorum* nomine intelligenda venirent; *Περίοδος* autem & *Περίηγησις* non aliæ appellarentur quam quæ fuissent in *circuitu*. Tandem edeventum ut *Itineraria* omnia *Periodi* appellarentur, si saltem ad idem redirent, unde exorsa fuerant, *initium*, utcunque in *medio* à *limitibus* deflexissent. Ita Civitatum *Periodicæ*, tam *Ecclesiastici* quam *Civiles*, loca suæ ditionis omnia, *media* pariter ac *finitima*, obibant. Ita S. Petri aliorumque Apostolorum *Periodos* plerumque *Itinerariorum* nomine *Latini* reddunt Interpretes, quasi nihil *singulare* habentes præ aliis *Itinerariis*. Hæc vocis *significatio*, num *Scylacis* ætate fuerit recepta, nescimus. Spectant autem ad *limites* loca *Scylacis* à *Strabone* advocata. Saltem gentium regionumque *marimarum limites* atque *intervalla* *Scylacem* in *Periodo* designasse verisimillimum est, etiam qua *continente* ibi obversabantur. Nam & in *Periplo* Urbes sæpe recenset etiam *Mediterraneas*; *intervalla* autem vix fere alibi præterquam in ora *maritima*. Sed diu periit, ut opinor, *terrestre* illud *Itinerarium*. Neminem certe Veterum observavi, qui inde Testimonia advocarit post *Strabonem*. Scripsit præterea, ut existimo, *utrumque* *Itinerarium*, antea quam refutaret *Polybium*. Est enim sane *juvenilis* admodum hic omnis labor *colligendi* potius quam *judicandi*. Nullus plane hic occurrit Scriptorum *delectus*, quo operam suam Lectori commendaret. Nulli hic observantur Geographorum *errores*, nulla *mendacia* peregrinantium, (quæ tamen frequentissima fuisse in sui quoque Seculi Geographia docuit *Polybius*) nullæ vel Auctorum non dedita opera fallentium saltem *discrepantiæ*. Tam longe abest ut studium Argumenti, in quo versabatur, *excolendi* vel venditarit. Ne quidem eam curam ad-

1 *Scyl.* p. 10. 2 *Scyl.* p. 29, 30.



hibuit, ut *eandem* methodum ubique observaret, & quæ *deerat* in uno Auctore ea ex alio earundem Regionum descriptore *suppleret*. Judicium nondum *adultum* aut *maturum* illa produnt, ni fallor, omnia. Aliter se rem habuisse verisimillimum est, cum Scriptorem iudicii subactissimi *Polybium* redargueret.

§. 18. Quæ habet *Scylax* de ora *Africae externa*, non ex *Hannone* videtur accepisse, sed potius à *Polybio*.

Jam superiori Dissertatione ostendimus, quæ habet *Scylax* de ora *Africae* vixdum satis explorata, ea ipsum non ex *Hannone* didicisse. Idque confirmare puto *Scylacis* nostri verba illa in *Peripli* fine: *Λίγιστοι δὲ πινυ τῆς τῆς Αἰθιοπίας περι- κεν συνελθὼς διὰ τῆς ἐν τῇ Αἰθιοπίας, ὅτι εἶναι ταύτων θαλάσσης συνελθὼς ἀπὸ τῆς Αἰθιοπίας. De eo*

autem dubitare non potuit, si quid de *Hannonis* *Periplo* rescivisset, quem Nos, pro Veterum sententia, *Africam* ad Mare *Erythræum* usque circumnavigasse jam ostendimus. Dubia saltem fuerit oportet *Pseudo-Hannonis* fides apud illum qui ita scripserit, nec talis certe ut in *communibus* cum *Hannone* locis *Hannonis* fidem fuerit secuturus. Imo ne quidem cum *Hannone* convenit. Ait *Hanno* à *Carthagine* ad *columnas*, atque à *columnis* ad *Cernen* navigationes respondere. Non ita *Scylax*. A *columnis* enim ad *Cernen* dies numerat XII. A *Carthagine* autem ad *columnas* dies tantummodo VII, noctesque VII. *Noctium* autem à *diebus* distinctarum calculus est quidem apud *Scylacem* frequentissimus, qui tamen nusquam occurrit in *Hannone*. Ultra hanc (quæ à *columnis* dierum XII navigatione distabat) *Cernen* negat navigari potuisse *Scylax*. Inde dies ad minimum XXVI se ultra pertigisse profitetur *Hanno*. *Polybianæ Cerne*, quam in *extrema Mauritania contra montem Atlantem* statuit <sup>1</sup> *Plinius*, conveniunt potius nostri *Scylacis* illa quæ diximus, quam *Hannonianæ*. Sic enim fuerit *extremus Africae* versus *Occidentem* limes, cum tamen ad eam aliquot dierum navigationes in *Orientem* narret hodiernus *Hanno*. Convenit porro in eo quoque cum <sup>2</sup> *Polybio* *Scylax*, quod dubium eousque fuisse significarit, num *Peninsula* esset *Africa*, an cum alia aliqua *meridionali continente* iuncta. Sed quod addit, quæ ultra *Cernen* insulam sita essent, ea non fuisse propter *maris brevia*, & *cænum*, & *algam*, navigabilia; ea potius *fabulatorum* indolem fortasse sapiunt (ut jam observavit *Cl. Vossius*) quam *Polybii*, Scriptoris tam à *fide* quam *judicio* laudatissimi. Sed fieri potest, ut quæ ignorantiae suæ celandæ causâ obtendere solebant fabulatores, ea hic *revera* locum habuerint, obstiterintque quo minus ulterius *Polybius* in navigatione procederet. *Algam* certe in hac ora *Africae* memorant etiam juniores, terrendis, in tanta rei *Nauticae* imperitia, Navigatoribus satis op-

<sup>1</sup> *Plin. N. H. VI. 31.* <sup>2</sup> *Polyb. L. III. c. 38.*

portunam. Et cœnum similiter & æstus & pelagos, in ora Hispaniæ, ultra columnas idem narrat fuisse <sup>1</sup> Scylax. Non tamen propterea oram illam ignoravisse putandus est, in qua tot memorat Carthaginiensium Emporia. Imo ad Promuntorium usque Sacrum, cujus meminit Scylax, oram illam Hispaniæ habebat exploratam. Sed in ea ora Hispaniæ omnia fuisse quæ observavit Scylax, docet <sup>2</sup> Strabo, qui eo Seculo vixit quo omnia illa erant *comperitissima*. Nec sane quisquam Veterum est (quod quidem sciam) à quo hæc extra fretum Herculeum adeo accurata mutuari possit Scylax, præterquam à Polybio. Proximum ante illum, qui memoria recentissima rem Geographicam excoluerit, Eratosthenem fuisse docet <sup>3</sup> Strabo. Hunc fuisse ait πλεῖστον παραγματοδοτήδην εἰς τὴν Γεωγραφίαν, quem tamen de Iberia admodum <sup>4</sup> imperitum convictumque à Polybio fuisse testatur. Nec oras hæc navigavit Timosthenes, quem tanti fecit Eratosthenes ut Opus illius integrum in suos usus converterit, teste Marciano Heracleota. Etiam situs locorum, & Ἀγρήματα quibus invicem distarent, pollicebatur, Strabone teste, <sup>5</sup> Polybius. Plane pro consilio Scylacis, qui etiam ipse in ora maritima Ἀγρήματα ubique designaverat. Sunt autem illa, fateor, plerumque *stadiorum*, non *diurnorum nocturnorumque* itinerum, pro methodo Scylacis. Sed qualia fuerint in oris ab ipso Polybio navigatis, non constat. Ibi consentaneum est, *dies* atque *noctes*, quas ille navigationi insumserit, fuisse numeratas. Poterat enim Polybius ipse, quod fecit Scylax, alienarum navigationum *stadia* in *dies noctesque*, aut vicissim *dies* & *noctes* in *stadia*, facili admodum supputatione convertere. *Terminum* præterea Asia Scylax in Tanai fluvio ponit. Hoc etiam debuit fortasse Polybio. Erat enim certe sententia illa non *veterum*, sed *juniorum*. Veteres enim à Phaside Colchorum fluvio Asiam censebant. <sup>6</sup> Agathemerus: Ἀσίας δὲ ἐν Εὐρώπῃ οἱ μὲν ἈΡΧΑΙΟΙ λέγουσι Φάσιον ποταμὸν ἢ τὸ ἕως Καππίας ἰσθμὸν, τὸ δὲ πρὸ Σάβου. Οἱ δὲ ὑστερον ΝΕΩΤΕΡΟΙ Μαιώτην λίμνην ἐν Τανταῖν ποταμὸν. Vel hinc obiter intelligimus, non adeo antiquum, quam vulgo creditur, fuisse Scylacem. Ita autem sensit certe <sup>7</sup> Polybius: & fortasse primus eorum, qui Geographiæ excolendæ duces haberi solebant. *Ætas* enim ejus talis est, quæ si junior censeatur, ita tamen prope accesserit ad eam quæ pro antiqua haberi solebat Seculo Agathemeris, ut merito inter junioris ætatis *primordia* accenseri posset. Alexandri M. ætatem antiquam censuit Anonymus, qui Scylacem nostrum propterea ἀρχαιοτατέον pronunciavit, quod illum antiquiorem Alexandro fuisse crediderit. Et propinquos Alexandro, sed

<sup>1</sup> Scyl. p. 1. <sup>2</sup> Strab. L. III. p. 142, 143. <sup>3</sup> Strab. L. II. p. 104. <sup>4</sup> Strab. L. II. p. 93, 104, 107. <sup>5</sup> Apud Strab. L. X. p. 465. <sup>6</sup> Agathem. L. I. c. 1. <sup>7</sup> Polyb. L. III. c. 37.



tamen *juniores* illo, *Antiquitatis*, quam genti suæ afferit, *testes* advocat <sup>1</sup> *Josephus*, ipse nihilominus senior *Agathemero*. Et de *Tanai Asiæ* limite eandem, quam *Polybius*, sententiam sequitur *Scymnus Chius*, *Polybio* ipsi non admodum ætate dispar, & juniores deinceps plerique omnes. *Phaside Asiam* terminabant, ut vere observavit *Agathemerus*, antiquiores *Polybio*. <sup>2</sup> *Æschylus* & *Herodotus*, & qui medium, inter maria *Euxinum Caspiumque*, *Isthmum* pro *Asiæ* termino habebant. Meminit quidem utriusque termini <sup>3</sup> *Herodotus*. Id ergo vult *Agathemerus*: ita apud *recentiores* receptam viguisse sententiam de termino *Asiæ Tanai*, ut deinceps raro admodum Lectorem de *alia* Veterum sententia monuerint, quasi sola illa fuisset, nec ullæ unquam ea de re viguissent Veterum *discordiæ*. Loquiturque, pro illo recentiorum more, non *Polybius* modo, sed noster quoque *Scylax*. Quod si vere hæc è *Polybio* desumerit *Scylax*; ne quidem *Carthaginis* mentio & *Corinthis* ad *Scylacis* ætatem designandam faciet, sed *Auctoris* potius illius quem in *illa* Peripli sui parte *Scylax* ipse fuerit imitatus. Utcunque tamen ne *Polybio* multo junior esse possit, obstat qui eum *antiquum* censuit *Strabo*: obstat, quod tot loca *antiquioribus* ipso *Polybio* nominibus appellarit. Exempla jam supra dedimus: nunc aliud damus. Urbem in montis *Atho* cacumine <sup>4</sup> *Acrothron* memorat *Scylax*. Hujus loco inter alias *Uranopolim* suecessisse docet <sup>5</sup> *Plinius*. Hanc ab *Alexarcho Cassandri* fratre conditam ex *Heracleide Lembo* testatur <sup>6</sup> *Athenæus*. Obstat quod recentioris *Polybio* nominis locum *nullum* habet. Fieri vix potest ut tot olim *Seculis* antiquata nomina collegerit *Scylax*, nec ullum unquam *recentiorum* nominum *vestigium* servarit, si tam *nuperus* ipse fuerit quam volebat *Vossius*. Prorsus credibile non est, ut tot recentioribus accuratioribusque Paraplis *neglectis*, ex *antiquissimis* tantummodo, tamque *Seculo* suo, quo vixit ipse, *remotis*, sua omnia acceperit.

<sup>1</sup> *Joseph.* L. I. contr. Apion. <sup>2</sup> *Æschyl.* Prom. solut. <sup>3</sup> *Herodot.* L. IV. c. 45.  
<sup>4</sup> *Scyl.* p. 26. <sup>5</sup> *Plin.* N. H. IV. 10. <sup>6</sup> *Athen.* L. III. c. 10.

## DISSERTATIO TERTIA.

Ostendens *tempus*, quo de *Mari Rubro*,  
vel de *Gentibus* potius *Meridionali-*  
*bus*, scripsit *Agatharchides*.

**A**gatharchidis Cnidii ætatem hac una  
nota designavit Magnus *Vossius* pater,  
quod *Heraclidis Lembis* Anagnostes fu-  
erit, teste *Photio*: quem quidem *He-*  
*raclidem Lembum* sub *Ptolemæo* sexto vixisse tradi-  
dit *Suidas*. Recte quidem ille fortasse, si *Ado-*  
*lescentiam* *Agatharchidis* intelligamus, quæ ætas erat maxime  
idonea officio *Lectoris*. Non tamen propterea credendum est  
sub *Philometore* hæc de *Rubro Mari* commentatum esse *Agathar-*  
*chidem*. Imo diu post *Philometorem* hoc, in quo versamur,  
Opus ab eo esse elucubratum evinci posse puto. Nam sub eo-  
dem *Ptolemæo Philometore* florebat, ut dixi, ipse *Heraclides*  
*Lembus*: *Agatharchide* utique aliquanto senior, quem habebat  
*Anagnosten*. Itaque multis sub eodem illo *Ptolemæo* annis vixit  
*Heraclides*, ut sub illo nominis *celebritatem* consequi posset. Nec  
erat *Anagnostæ* munus ei necessarium antea quam *inclaruisset*.  
Proinde affecto *Philometoris* Regno, adhuc *Adolescens* erat *A-*  
*gatharchides*. Cum autem *unicus* memoretur *vixus ille Ptolemæus*;  
illo profecto tempore floruerit oportet *Heraclides Lembus*, quo  
*solus* erat in Regno *Philometor*, sine Regni collega. Itaque vel  
*primis* *Philometoris* XI, qui ab anno *Varr.* 572 pertingunt ad  
ann. 583, similiter *Varronianum*; vel postremis XVIII, qui ab an-  
no *Varr.* 590 ad ann. 608 numerandi sunt. *Mediis* enim annis  
vel collega erat, vel *solus* sine collega regnavit, *Euergetes*. Ergo  
*priori* spatio, vel forte *posteriori*, certe affecto, floruit *Heraclides*:  
ut proinde iisdem etiam limitibus *Agatharchidis Adolescentia*  
concludenda sit. *Utro* autem spatio claudenda sit, ex iis melius  
constabit quæ mox tradituri sumus.

Cæterum cum huic *Operi* manum ultimam im-  
poneret, *senem* se jam agnoscit idem *Agatharchi-*  
*des*. <sup>1</sup> Οἶδεν γὰρ (inquit) πρὸς οὐτὸν ὅτι, καὶ πολλὰν  
ἡλικίαν ἔχων πρὸς ταῦτά. Itaque de *Insulis* serius

§. 1. *Agathar-*  
*chides* sub *Ptole-*  
*mæo Philometore*  
duntaxat *ado-*  
*lescens*.

§. 2. Idem *senex*  
cum de *Mari*  
scriberet *Erythræo*.



reperitis, deque aliis ad *Troglodyticam* spectantibus, scribendi laborem excusat, tam aliis de causis, quam illa quoque, qua premebatur, *senectutis*. Sic enim postea : <sup>1</sup> ἔτι δὲ πόρον τὴν ἡλικίας οὐκ ἔστιν ἀποφύγειν δυναμένης. Idque etiam observavit alibi <sup>2</sup> *Photius* verbis in hanc sententiam satis disertis. Itaque multis post *Philometorem* annis hæc scripserit oportet, ut ab *Adolescentia* ad *senectutem* perveniret. Idem præterea exinde colligimus, quod *Syriam* agnoscat *Ptolemæo* subditam, quam *Arabes* ditant. Verba hæc sunt : <sup>3</sup> Οὗτοι πολὺ χρυσὸν τῷ Πτολεμαίῳ Συρίαν πεποιήκασι. Vix est cur dubitemus quin *cavam Syriam* intellexerit, de qua *Bellum* erat *Antiochi Epiphanis* in hunc ipsum *Ptolemæum*. Erat autem certe tum in *Syriæ* possessione *Antiochus*, cum succederet *Philometor*, ut docet <sup>4</sup> *Livius*. Nec ante *supremum* vitæ Regnique annum *Philometor Syria* potitus est, cum eo nomine <sup>5</sup> *duo diademata capiti suo imponeret*. Nam certe *Syriam* eo loco *Asiæ* nomine Scriptor intellexit. Itaque post *Philometorem* hæc scripsit *Agatharchides*.

§. 3. Scripsit *Agatharchides* sub *Ptolemæo Alexandro*, cujus Tutor fuerat. Proinde inter ann. Varr. 649, & 666.

Habet autem & aliam *temporis* notam, quod, ut *senex* hæc commentatus est, ita sub eo quoque *Rege*, cujus *Pueritiæ tutelam* ipse gesserat *Agatharchides*. Hoc enim docent verba illius in hunc sensum satis manifesta : <sup>6</sup> Εἰς δὲ αὐτῷ ἡλικίᾳ ἢ τύχῃ με κατέστησεν ἐπίτροπον τῆς σιμερίας τῆς αὐτοῦ παυσιλῆος ὄντος, & τῆς ὅλης βασιλείας &c. In his verbis docet, *Pupillum* illum, quicumque demum is fuerit, *Agatharchidis*, in *Regni* fuisse *possessione*; & quidem *solum*. Aliter non potuisset, illius nomine, *Regni totius* administrationem habere *Tutor Agatharchides*, dum ipse annos administrationi legitimos ac idoneos attigisset. Erat quidem sub <sup>7</sup> *Tutela*, cum primum succederet, ipse *Philometor*. Potuitque fortasse sub *Tutela* fuisse frater ejus *Euergetes*, anno illo *unico*, quo, *fratre* adhuc *superstite*, in *Regni* possessione *solus* fuit. Post fratris mortem certum est *Tutelæ* annis fuisse *majorem*. Sed neutri illi *Ptolemæo* parebat *Syria*. Nec in *senectutem* *Agatharchidis*, nec annos *senectuti* vel *proximos*, convenire potuit illa, siqua fuisset, *Tutela*. Itaque post *Euergetis* mortem quærendus est *Pupillus* ille *Regius*. Non potuit autem ille *major* *Euergetis* fuisse *filius*, quem *Soterem* *Porphyrus*, alii *Physonem* appellant. Hujus annos *primos* cum *matre* communes numerat *Porphyrus*, dum fratris *Alexandri* annum *viii<sup>m</sup>* cum *Cleopatrar* matris anno committit *xi<sup>o</sup>*, & fratris *initium* cum anno *Soteris* componit *iv<sup>o</sup>*. Nec opus erat ei *Tutore Regni* administratore dum

<sup>1</sup> Pag. 69. <sup>2</sup> Cod. 215. <sup>3</sup> P. 64, 65. <sup>4</sup> Liv. L. XLII. c. 29. L. XLV. c. 11. <sup>5</sup> 1. Mac. XL 13. <sup>6</sup> P. 14. <sup>7</sup> Liv. L. XLII. c. 29.

sociam haberet in Regni administratione matrem. Postea, cum, fratre mortuo, in Regnum denuo reciperetur; tum certe major erat ætate Pupillari. Hinc sane manifestum est, post obitum Philometoris, neminem fuisse Principem, cujus Tutelæ præfici potuerit Agatharchides, ante fratrem Soteris minorem Alexandrum. Illumne ergo fuisse censebimus? Sed vero antequam Regnaret solus, VIII jam annis in Cypro, & cum matre, regnaverat. Ætas autem ejus quæ fuerit, cum Cypro præficeretur, non constat. Sed triennio minor esse vix potuit, cum tot anni à morte Patris elapsi essent. Annum ergo ætatis XII<sup>m</sup> ad minimum explevisse oportet cum Regni hereditatem solus adiret. Utque unus fortassis alterve annus accessisset; non tamen obstaret quo minus vere *ῥιπαιῶς* appellari possit, dum multi adhuc restarent ad maturitatem administrationi parem. Primus autem illius annus cum anno U. C. Varr. concurrebat 649. Qui annus erat à morte Philometoris XLII<sup>us</sup>, ab initio autem LXXVII<sup>us</sup>. Sic autem Principem, cui Opus inscripserat, alloquitur Agatharchides, ut innuat, jam adhuc fuisse illum (ut cum curam ejus primam susciperet) saltem *ῥιπαιῶν*, nec se fortasse Regni, pariter ac corporis, cura liberatum. Regnum ergo, ni fallor, non admodum affectum fuisse innuit, cum hæc commentaretur. Regno excessit Alexander anno Varr. 666, post annum à morte Philometoris LVIII<sup>m</sup>; ab initio autem XCIV. Hæc ætas est à qua longe verba ejus docent non abfuisse Agatharchidem. Sed fieri potest, fateor, ut ne quidem Philometoris initio fuerit vel natus. Si nempe Philometoris exitu floruerit Heraclides, Lectoremque habuerit Agatharchidem. Potuit enim vel vicenarius per aliquot annos munus obisse Lectoris. Satis enim erat, per Canones, ætas annorum XVIII, ad officium Lectoris Ecclesiastici. Ita Justinian. Novell. 123, 13. Sed minores etiam annis Pubertatis, nempe ann. XIV, in Lectorum officio supponit Concilium Carthaginense, Can. 16. pro more his temporibus propiori. Et pro more, ut videtur, receptissimo in aliis Lectoribus. Nihil tamen obstabat quo minus etiam minores idem legendi officium præstare possent hominibus privatis. Major enim necessaria erat morum gravitas in Lectoribus Ecclesiasticis. Esto ergo. Qui sub Philometore paucis saltem annis hoc munus obierit, fuerit saltem, cum decederet Philometor, vicenarius. Sic quoque fuerit, cum obiret Alexander, annorum LXXVIII. Postea rediit in Regnum Soter, tenuitque per annos VII, ad annum scilicet Agatharchidis LXXXV<sup>m</sup>. Itaque si Ptolemæi, qui postea successit, Dionysi tutelam gessit, vix potuit nonagenario minor fuisse Agatharchides. Nec tamen constat, illius Ptolemæi num ætas fuerit, cum succederet, Pupillaris. Paucorum dierum Principes, qui medii inter Soterem intercedebant &

Dio-



*Dionysum*, non est cur moremur, cum verba ipsa *Agatharchidis* fati manifeste innuant spatium Principis, cujus tutelam gessit, fuisse diuturnius. Quare verisimillimum arbitror *Ptolemæum* non alium ab *Alexandro* fuisse, cujus tutelam obierit *Agatharchides*. Hoc si verum, hoc Opus scripserit inter annum *Varr.* 649, quo cæpit, & 666, quo è vivis excessit *Pupillus Alexander*.

§. 4. Sub *Alexandri* initio Regi *Egyptio* parebat Syria cava, quæ non parebat *Ptolemæo* *Dionysio*.

Erat certe hoc spatium *Egyptiorum* Regibus obnoxia pars aliqua *Syriæ*. *Hyrcano* *Judæam* obtinente, obsessis ab eodem *Samaritanis* suppetias tulit *Ptolemæus Soter Alexandri* frater, *Josephus Lathurus*, ἀκρότης τῆς μὲντος. Εἰς ὅσον ἔπνευ τῶ ἀρχῆς αὐτῆς ἐκείνης ἀρχῆς, inquit idem <sup>1</sup> *Josephus*. Ergo anno U. C. *Varron.* 647. Hoc tempore eximiam quandam *Judæorum* felicitatem observavit *Josephus*, non *Hierosolymis* duntaxat, verum etiam *Alexandriæ*. Quod scilicet in *Judæa* ipsa *Hyrcano* res pro voto succederent. Et quod in *Egypto* duces præfecerit *Cleopatra* *Judæos*, quorum opera ex *Egypto* filium expulerit. Hunc locum *Josephus*, ni fallor, ob oculos habuit *Eusebius*, cum ad *Olymp.* CLXVIII, 2<sup>m</sup> annum, qui cum prædicti anni *Varroniani* parte posteriori concurrebat, hæc verba apponit: *Jonatha* gloriose apud *Judæos* principatum gerit. Observavit quidem recte *Scaliger* *Jonathæ* nomen hoc loco pro *Johanne*, quod nomen erat *Hyrcani*, legi. Et quidem *Eusebii* ipsius errore. Non item observavit erroris occasionem. Quod *Jonatham* quendam memorarit ibidem <sup>2</sup> *Josephus*, qui *Hyrcani* gratia floruerit, & cujus consiliis fuerit obsecutus *Hyrcanus*. Sed & aliis hujus temporis exemplis constabat quantum in *Syria* possent Reges *Egyptii*. Paulo antea petiit ab eo datumque *Syria* Regem *Alexandrum Zebinam* idem narrat <sup>3</sup> *Josephus*, quem tamen tum non *Lathurum* appellat, sed *Physconem*. Postea *Alexandro* *Judæo* ipso Regni initio *Ptolemæidem* obsidente, pulsus jam *Egypto* *Ptolemæus*, iterum *Lathurus*, à *Ptolemæidensibus* in auxilium vocatus est. Et in <sup>4</sup> *Cælosyria* rem gessit in *Ptolemæum* filium dux *Cleopatræ* *Judæus Chelcias*. Postea rursus adhuc exsul *Lathurus*, Regem *Syriæ* *Damascenæ* etiam præficit è stirpe *Seleucidarum*. Et proinde eousque *Syriam* cavam fratri *Lathuri Alexandro* paruisse verisimillimum est, cum jam antea *Lathurum* è *Syria* repulisset mater *Alexandri* *Cleopatra*. Sed post hoc exsilium *Lathuri* Regna *Syriæ*, tam *Antiochenæ* quam *Damascenæ*, sub *Seleucidis* legimus. A Regibus *Alexandrinis* data nulla uspiam, opinor, legimus. *Syriam* autem cavam deinceps, sub Rege *Judæorum Alexandro*, *Ptolemæis* ereptam fuisse docet

<sup>1</sup> *Joseph.* Ant. XIII. 18. p. 452. <sup>2</sup> *Joseph.* ib. p. 453. <sup>3</sup> *Joseph.* Ant. XIII. 17. <sup>4</sup> *Joseph.* Ant. XIII. 21.

<sup>1</sup> *Josephus.*

<sup>1</sup> *Josephus*. Nam & *Syriae* Urbes multas *Alexander* ipse lucratus est; & *Cœlosyriae* Regnum *Arabs Aretas*; idque sex ad minimum annis ante finem *Alexandri*. Triennio enim ante mortem febre quartana laboravit: & triennium aliud Expeditioni alteri infumfit *Alexander*, victus ab *Areta* jam cava *Syriae* possessionem adepto. Inivit *Alexander Olymp.* CLXVIII, 3. U. C. *Varr.* 648: ut mox notis in Tabulam Successionis Regum *Aegyptiorum* ostendemus. Regnavit annis in universon xxvii. Detraherentur vi, & reliquus erit annus Regni xxi, qui proinde anno *Varr.* 669 concurrerit, *Lathuri* illius, seu *Soteris*, anno ab initio xxxii<sup>2</sup>, post mortem *Alexandri*, & ante initium *Dionysi*. *Syria* ergo, quæ *Ptolemæo Dionysio* paruerit, plane nulla erat. Non potuit ergo illius fuisse Tutor, aut sub illo scripsisse *Agatharchides*. Recteque adeo illum ad Regnum *Alexandri*, exuta matre, retulimus. Illum τὸς ἐν Αἰγύπτῳ καὶ βασιλεὺς accenset <sup>2</sup> *Diodorus*.

Supereft denique & alia nota, qua hujus Operis tempus adhuc angustioribus limitibus constringimus. Nempe ut non admodum diu post initium *Alexandri* hoc Opus Pupillo suo inscripserit *Agatharchides*. Scripsit enim de *Æthiopia* non solus *Agatharchides*, verumetiam *Artemidorus*, ut ostendit <sup>3</sup> *Diodorus*. Sed priori loco *Agatharchidem* idem recenset *Diodorus*. Non tamen è

§. 5. Et quidem initio *Alexandri* scripsit *Agatharchides* ann. *Varr.* 649, vel 650. Paulo ante *Artemidorum*.

loci ordine hoc tantummodo colligimus. Hoc idem ipse docet <sup>4</sup> *Agatharchides*. Orbe in quatuor plagas Cardinales diviso, observavit de Occidente *Lycum* scripsisse & *Timæum*; de Oriente *Hecatæum* & *Basilim*; de Septentrione *Diophantum* atque *Demetrium*; τὸ δὲ πρὸς μὲν ὀρεῖαν, φερὲν, φρεῖ, (inquit *Photius*) τὸ ἀναστῆ, ΗΜΕΙΣ. Cur ita, nisi quod intactum ab aliis Argumentum ipse prior occupavisset? Vix autem potuit *Agatharchidem* fallere *Artemidorus*, qui similiter in *Ægypto* vixit scripsitque ac ipse *Agatharchides*: qui Regum *Aegyptiorum* auspiciis sumtibusque itinera obierit tam *maritima*, quam *pedestria*. Hujus autem tempus docuit <sup>5</sup> *Marcianus Heracleota*: κατὰ τὴν 649<sup>ο</sup> Ὀλυμπιάδα γεγενης. Cum *Cnidio Artemidoro* Geographum cognominem *Ephesium* confudit *Wendelinus*, quem sub *Augusto* vixisse credidit. Primus ut plurimum *Olympiadis* annus ea forma designari solet, quæ numerum anni *Olympiadici* non apponit. Sic anno *Varr.* 650, vel 651, periplum ediderit *Artemidorus*. Proinde anno 649, vel 650, hoc Opus ediderit *Ptolemæi Alexandri Tutor Agatharchides*, nempe *Pupilli Alexandri* anno vel 1<sup>o</sup>, vel 11<sup>o</sup>.

<sup>1</sup> *Joseph. Ant.* XIII. 23. p. 462. <sup>2</sup> *Diod. L. III.* <sup>3</sup> *Diod. ib.* <sup>4</sup> *Agatharchid. p. 48.* <sup>5</sup> *Marcian. p. 65.*



Antea ne quidem potuit, cum sub Tutela nondum ipse fuisset *Alexander*, saltem pro Regno toto. Imo adhuc ann. Varr. 649i. initio, in Regni administratione erat ipsa *Cleopatra*. Rediit enim illa <sup>1</sup> è Syria in *Ægyptum* quo tempore major illius filius *Soter* è Gaza (ubi hyemavit) recessit in *Cyprum*. Ergo ante ann. Varr. 649, in Tutela officio ne quidem esse potuit *Agatharchides*, & quidem affectum. Itaque hoc Opus anno potius 650 fortassis exararit, paulo ante *Artemidorum*.

Pendent autem hæc quæ disputavimus de *Agatharchide* omnia à temporibus Regum *Ægyptiorum*. Damus ergo eorum seriem à temporibus *Philometoris*, sub quo prima *Agatharchidis* mentio est, accuratissimam. Damus autem è Fragmentis *Porphyrii* Philosophi, auro contra non caris, à *Scaligero* in *Græca Eusebiana* relatis.

Docuit ille primum varias eorundem Regum *Ægyptiorum* Epochas ad rem Chronologicam plane necessarias. Hinc nempe discimus, non à decessorum excessu Regum annos plerumque esse numerandos, qui tamen error in *Chronologis hodiernis*, etiam accuratissimis, occurrit frequentissime. Hinc etiam discimus, ne quidem eorundem Regum annos semper sibi invicem fuisse continuos, sed ex intervallo alienorum Regnorum annis sæpe fuisse interpolatos. Hinc discimus annos Regibus postea fuisse attributos, quibus tamen extra patriam in exilio egerint, potestate Regia exuti. Hinc porro discimus coævorum Regum anni quomodo invicem committendi sint. Facile autem prudentes intelligent quanto rei Historicæ damno hæc nescienda sint. Sed animum, fateor, pro rationibus *Porphyrii* adjecimus omissum in Canone *Astronomorum*, qui tamen vulgo habetur accuratissimus: nec sane, in aliis intervallis, immerito. Notis ergo è coæva Historia petitis annus ille muniendus erat, & tota adeo Successio ad finem *Cleopatrae* deducenda, ut ita constaret futurum, nisi annus ille interponatur, hiatus. Adjecimus autem *Ptolemæorum* etiam varia cognomina. Ut enim facile inter ipsos confusionem fecit commune omnibus nomen *Ptolemæi*; ita etiam quod cognomina eadem acceperint *Ptolemæi* invicem diversissimi. Sic factum, ut temporis nota omnium certissima sit, qua possint invicem secerni. Juvabunt tamen nonnunquam ipsa illa cognomina ut internoscantur. Malo autem ut ex usu, quam è mea prædicatione, dispositionis *Porphyrianæ* præstantiam intelligas.

<sup>1</sup> Joseph. Ant. XIII. 21. p. 459.

U. C. Varr.	Seleuci- dar.	Olym- piad.	Nabo- nass.	Philo- metoris ab init.				
573	131	149 $\frac{3}{4}$	568	1				
574	132	149 $\frac{4}{5}$	569	2				
575	133	150 $\frac{1}{2}$	570	3				
576	134	150 $\frac{2}{3}$	571	4				
577	135	150 $\frac{3}{4}$	572	5				
578	136	150 $\frac{4}{5}$	573	6				
579	137	151 $\frac{1}{2}$	574	7				
580	138	151 $\frac{2}{3}$	575	8				
581	139	151 $\frac{3}{4}$	576	9				
582	140	151 $\frac{4}{5}$	577	10				
583	141	152 $\frac{1}{2}$	578	11	Philom. cum fra- tre.	Euerg. ab init. cum fratre.		
584	142	152 $\frac{2}{3}$	579	12	1	1		
585	143	152 $\frac{3}{4}$	580	13	2	2		
586	144	152 $\frac{4}{5}$	581	14	3	3		
587	145	153 $\frac{1}{2}$	582	15	4	4		
588	146	153 $\frac{2}{3}$	583	16	5	5		
589	147	153 $\frac{3}{4}$	584	17	6	6		
590	148	153 $\frac{4}{5}$	585	18	Philom. sol Regni possest.	7	Euerg. ab init. cum fratre.	Euerg. Libyæ & Cyrenes.
591	149	154 $\frac{1}{2}$	586	19	18	Philom. restit.	8	1
592	150	154 $\frac{2}{3}$	587	20	19	2	9	2
593	151	154 $\frac{3}{4}$	588	21	20	3	10	3
594	152	154 $\frac{4}{5}$	589	22	21	4	11	4
595	153	155 $\frac{1}{2}$	590	23	22	5	12	5
596	154	155 $\frac{2}{3}$	591	24	23	6	13	6
597	155	155 $\frac{3}{4}$	592	25	24	7	14	7

VI. Ptolemaeus Philometor, Ptolem. Epiphanis filius maior. VII. Euergetes 2. Philometoris frater, Epiphanis filius minor. Alexandrinis Cacergetes. Etiam Philologus appellatus. Et Phylcon Strab. XVII. de Joseph. II. contra Aion.

† Hunc annum receptæ Ægyptiorum Chronologiæ inferendum esse probamus in Notis.

\* K



## 74 De ÆTATE SCRIPTI AGATHARCH.

U. C. Varr.	Seleu- cidar.	Olym- piad.	Nabo- naß.	Philo- metori ab initio	Philom. fol. regni posseß.	Philom. restituti	Euerg. ab initio cum fra.	Euerg. Libya & Cyrenes.
598	156	$155\frac{4}{136}$	593	26	25	8	15	8
599	157	$156\frac{1}{2}$	594	27	26	9	16	9
600	158	$156\frac{2}{3}$	595	28	27	10	17	10
601	159	$156\frac{3}{4}$	596	29	28	11	18	11
602	160	$156\frac{4}{157}$	597	30	29	12	19	12
603	161	$157\frac{1}{2}$	598	31	30	13	20	13
604	162	$157\frac{2}{3}$	599	32	31	14	21	14
605	163	$157\frac{3}{4}$	600	33	32	15	22	15
606	164	$157\frac{4}{158}$	601	34	33	16	23	16
607	165	$158\frac{1}{2}$	602	35	34	17	24	17
608	166	$158\frac{2}{3}$	603	f 36	35	18	25	18
				Euerg. II. Egypti fol.	Euerg. ab init. cum fratre.	Euerg. ab initio Libya & Cyrenes.	ab initio Philome- toris.	
609	167	$158\frac{3}{4}$	604	1	26	19	37	
610	168	$158\frac{4}{159}$	605	2	27	20	38	
611	169	$159\frac{1}{2}$	606	3	28	21	39	
612	170	$159\frac{2}{3}$	607	4	29	22	40	
613	171	$159\frac{3}{4}$	608	5	30	23	41	
614	172	$159\frac{4}{160}$	609	6	31	24	42	
615	173	$160\frac{1}{2}$	610	7	32	25	43	
616	174	$160\frac{2}{3}$	611	8	33	26	44	
617	175	$160\frac{3}{4}$	612	9	34	27	45	
618	176	$160\frac{4}{161}$	613	10	35	28	46	
619	177	$161\frac{1}{2}$	614	11	36	29	47	
620	178	$161\frac{2}{3}$	615	12	37	30	48	
621	179	$161\frac{3}{4}$	616	13	b 38	31	49	

U. C. Varr.	Seleu- cidar.	Olym- piad.	Nabo- naß.	Euerge. II Ægypti sol.	Euerge. ab initio cum fra.	Euerge. Libya & Cyrenes.	ab initio Philo- metoris.
622	180	161 $\frac{4}{1}$ 162 $\frac{1}{1}$	617	14	39	32	50
623	181	162 $\frac{1}{2}$	618	15	40	33	51
624	182	162 $\frac{2}{3}$	619	16	41	34	52
625	183	162 $\frac{3}{4}$	620	17	42	35	53
626	184	162 $\frac{4}{1}$ 163 $\frac{1}{1}$	621	18	43	36	54
627	185	163 $\frac{1}{2}$	622	19	44	37	55
628	186	163 $\frac{2}{3}$	623	20	45	38	56
629	187	163 $\frac{3}{4}$	624	21	46	39	57
630	188	163 $\frac{4}{1}$ 164 $\frac{1}{1}$	625	22	47	40	58
631	189	164 $\frac{1}{2}$	626	23	48	41	59
632	190	164 $\frac{2}{3}$	627	24	49	42	60
633	191	164 $\frac{3}{4}$	628	25	50	43	61
634	192	164 $\frac{4}{1}$ 165 $\frac{1}{1}$	629	26	51	44	62
635	193	165 $\frac{1}{2}$	630	27	52	45	63
636	194	165 $\frac{2}{3}$	631	28	53	46	64
637	195	165 $\frac{3}{4}$	632	29	54	47	65
				Soteris & Cleopatra			
638	196	165 $\frac{4}{1}$ 166 $\frac{1}{1}$	633	1			
639	197	166 $\frac{1}{2}$	634	2			
640	198	166 $\frac{2}{3}$	635	3	Alexan- dri.		
641	199	166 $\frac{3}{4}$	636	4	1		
642	200	166 $\frac{4}{1}$ 167 $\frac{1}{1}$	637	5	2		
643	201	167 $\frac{1}{2}$	638	6	3		
644	202	167 $\frac{2}{3}$	639	7	4		
645	203	167 $\frac{3}{4}$	640	8	5		
646	204	167 $\frac{4}{1}$ 168 $\frac{1}{1}$	641	9	6		

VIII. Ptolemæus Soter Euerget. II. ex Cleopatra fil. major.  
Irene Phylcon, & Lathurus, & Pothinus, & Philometor.  
Cleopatra mater cum eo, & uno anno post illum.  
IX. Ptolemæus Alexander, vel Alexas.  
Cleopatra filia Soteris, uxor Alexandri, nupsit  
Alexandro filio Alexandri, ab eo post dies XIX occisa, qui  
ipse propterea mox interfectus est. Hunc Romæ misit Sulla.



76 De ÆTATE SCRIPTI AGATHARCH.

U. C. Varr.	Seleu- cidar.	Olym- piad.	Nabo- nass.	Soteris & Cleo- patra.	Ale- xandri.	
647	205	168 $\frac{1}{2}$	642	10	7	
648	206	168 $\frac{2}{3}$	643	Cleopa- tra. 11.	8	Alexan- dri folius
649	207	168 $\frac{3}{4}$	644	ab initio Soteris. 12	9	1
650	208	168 $\frac{4}{5}$ 169 $\frac{1}{5}$	645	13	10	2
651	209	169 $\frac{1}{2}$	646	14	11	3
652	210	169 $\frac{2}{3}$	647	15	12	4
653	211	169 $\frac{3}{4}$	648	16	13	5
654	212	169 $\frac{4}{5}$ 170 $\frac{1}{5}$	649	17	14	6
655	213	170 $\frac{1}{2}$	650	18	15	7
656	214	170 $\frac{2}{3}$	651	19	16	8
657	215	170 $\frac{3}{4}$	652	20	17	9
658	216	170 $\frac{4}{5}$ 171 $\frac{1}{5}$	653	21	18	10
659	217	171 $\frac{1}{2}$	654	22	19	11
660	218	171 $\frac{2}{3}$	655	23	20	12
661	219	171 $\frac{3}{4}$	656	24	21	13
662	220	171 $\frac{4}{5}$ 172 $\frac{1}{5}$	657	25	22	14
663	221	172 $\frac{1}{2}$	658	26	23	15
664	222	172 $\frac{2}{3}$	659	27	24	16
665	223	172 $\frac{3}{4}$	660	28	25	17
666	224	172 $\frac{4}{5}$ 173 $\frac{1}{5}$	661	29	26	18
667	225	173 $\frac{1}{2}$	662	30	Soteris Regni possest. 11	Soteris à redinu. 1
668	226	173 $\frac{2}{3}$	663	31	12	2
669	227	173 $\frac{3}{4}$	664	32	13	3
670	228	173 $\frac{4}{5}$ 174 $\frac{1}{5}$	665	33	14	4
671	229	174 $\frac{1}{2}$	666	34	15	5

U. C. Yarr.	Seleu- cidar.	Olym- piad.	Nabo- nast.	Ab ini- tio So- teris.	Soteris Regni posseff.	Soteris reditu.
672	230	174 $\frac{2}{3}$	667	35	16	6
<sup>m</sup> 673	231	174 $\frac{3}{4}$	668	36	17	<sup>n</sup> 7
				Dionysii.		
674	232	174 $\frac{4}{5}$ 175 $\frac{1}{5}$	669	1		
675	233	175 $\frac{1}{2}$	670	2		
676	234	175 $\frac{2}{3}$	671	3		
677	235	175 $\frac{3}{4}$	672	4		
678	236	175 $\frac{4}{5}$ 176 $\frac{1}{5}$	673	5		
679	237	176 $\frac{1}{2}$	674	6		
680	238	176 $\frac{2}{3}$	675	7		
681	239	176 $\frac{3}{4}$	676	8		
682	240	176 $\frac{4}{5}$ 177 $\frac{1}{5}$	677	9		
683	241	177 $\frac{1}{2}$	678	10		
684	242	177 $\frac{2}{3}$	679	11		
685	243	177 $\frac{3}{4}$	680	12		
686	244	177 $\frac{4}{5}$ 178 $\frac{1}{5}$	681	13		
687	245	178 $\frac{1}{2}$	682	14		
688	246	178 $\frac{2}{3}$	683	15		
689	247	178 $\frac{3}{4}$	684	16		
690	248	178 $\frac{4}{5}$ 179 $\frac{1}{5}$	685	17		
691	249	179 $\frac{1}{2}$	686	18		
692	250	179 $\frac{2}{3}$	687	19		
693	251	179 $\frac{3}{4}$	688	20		
694	252	179 $\frac{4}{5}$ 180 $\frac{1}{5}$	689	21		
695	253	180 $\frac{1}{2}$	690	22		
696	254	180 $\frac{2}{3}$	691	23		

Ptolemæus Dionysius, vel *Ἰδίου Διονυσίου*, filius Soteris. Idem Antiochus.



# 78 De ÆTATE SCRIPTI AGATHARCH.

U. C. Varr.	Selen- cidar.	Olym- piad.	Nabo- nasti.	Diony- si.	Cleopa- tra & Berenic.	
697	255	180 $\frac{3}{4}$	692	24	° 1	Berenice: folius.
698	256	180 $\frac{4}{5}$ 181 $\frac{1}{5}$	693	25	2	1
699	257	181 $\frac{1}{2}$	694	26	3	2
700	258	181 $\frac{2}{3}$	695	27		
701	259	181 $\frac{3}{4}$	696	28		
702	260	181 $\frac{4}{5}$ 182 $\frac{1}{5}$	697	29		
				Cleopa- tra.	Fratr. majoris.	
703	261	182 $\frac{1}{2}$	698	1	1	
704	262	182 $\frac{2}{3}$	699	2	2	
705	263	182 $\frac{3}{4}$	700	3	3	
706	264	182 $\frac{4}{5}$ 183 $\frac{1}{5}$	701	4	4	
707	265	183 $\frac{1}{2}$	702	5	Fratr. mi- noris. 1	
708	266	183 $\frac{2}{3}$	703	6	2	
709	267	183 $\frac{3}{4}$	704	7	3	
710	268	183 $\frac{4}{5}$ 184 $\frac{1}{5}$	705	8	4	
711	269	184 $\frac{1}{2}$	706	9		
712	270	184 $\frac{2}{3}$	707	10		
713	271	184 $\frac{3}{4}$	708	11		
714	272	184 $\frac{4}{5}$ 185 $\frac{1}{5}$	709	12		
715	273	185 $\frac{1}{2}$	710	13		
716	274	185 $\frac{2}{3}$	711	14		
717	275	185 $\frac{3}{4}$	712	15	Chalcidis sec. Cle- opatra.	
718	276	186 $\frac{4}{5}$ 187 $\frac{1}{5}$	713	16	P 1	
719	277	187 $\frac{1}{2}$	714	17	2	
720	278	187 $\frac{2}{3}$	715	18	3	
721	279	187 $\frac{3}{4}$	716	19	4	

Cleopatra cum fratribus.

U. C. Varr.	Seleu- cidar.	Olym- piad.	Nabo- nass.	Cleopa- tra.	Chalcid. &c. Cle- opatra.	
722	280	$187\frac{4}{5}$ $188\frac{1}{5}$	717	20	5	
723	281	$188\frac{1}{2}$	718	21	6	
724	282	$188\frac{2}{3}$	719	22	7	

## Notæ ad Tabulas.

a viii<sup>m</sup> Philometoris annum cum anno Nabonassar 574. labente committit Ptolemaus L. vi. Magn. Constr. c. 5. Ex Eclipsi Lunari Thamenoth 27. seq. 28. Nempe Maji Juliani die 10. Hinc situs hujus anni certissime stabilitur.

b Hoc anno questus est per Legatos Antiochus Epiphanes de Bello in se parato à Tutoribus Ptolemai. Nempe sub Coss. anni Varr. 583. Liv. XLII. 29. Cum non esset tuta mentio Paois cum Perseo. Polyb. Legat. LXXII. Bello nimirum in Perseum nuper decreto. Itaque ante hunc annum prima ejus in Ægyptum Expeditio esse non potuit. Tum vero erat in apparatu. Olymp. CLII. 1. ponit Eusebius. Certe post Majum Expeditio ipsa fuerit oportet. Tum enim adhuc annus erat Ptolemai xi<sup>us</sup>. ut è prædicta Eclipsi constat. Itaque hoc anno, ut videtur, exeunte, Philometori diadema ademit Antiochus. Sequenti, ut videtur, Evergetes in eum Rex factus ab Alexandrinis, & Philometor ab iisdem restitutus, sociusque in Regno additus Evergeta. Videmus ergo quam hæc accurate conveniant cum rationibus, quas sequimur, Porphyrii, qui, post annum Regni xi<sup>m</sup>. socium Philometoris in Regno fuisse tradit Evergetem.

c xii<sup>us</sup> Philometoris idem ius erat Evergeta. Nam à xii ad xvii Concordes erant in Regno fratres. Sic enim diserte Græc. Scaliger. p. 68. Edit. Amstel. 1658. Proculdubio è Porphyrio, quanquam illo in loco Porphyrii ne quidem occurrat nomen. Inde corrigenda quæ habet alibi è Porphyrio nominatim advocato, p. 60. ἱεροματίταις αὐτῶν φιλομήτρος. 15'. Εὐεργέτης δὲ ἔν. Legendum fortassis, ut alibi correximus: Εὐεργέτης δὲ ε'. Nisi magis placeat: 16'. Εὐεργέτης δὲ ε'. quod male in h corruperit Librarius. Sic p. 68. τῷ δεκάτῳ τῷ φιλομήτρος ἐπὶ πρῶτον ἔτος τῷ Εὐεργέτης. Correctio facillima: Δωδεκάτῳ. Post hanc Expeditionem Antiochus anno Seleucidarum 143 Templum Hierosolymitanum prophanavit. 1 Macc. I. 19, 20, 21. &c. Pulsus nimirum ab Alexandrinis.

d Sub hujus anni Varroniani Consulibus, Ægypto (cum secundam Expeditionem medicaretur Antiochus Epiphanes) interdictus à Popilio Lanate, Liv. XLV. 11, 12.

e Post xvii<sup>m</sup> Philometoris annum, qui vi<sup>us</sup> erat Evergeta, pellitur ab Evergeta Philometor, fuitque adeo hoc anno solus in Regno, sine æmulo, Evergetes. Proximo anno restituitur Philometor à Romanis. Græc. Scalig. p. 68. Victo ergo in Cypro Evergeta Philometor Libya & Cyrenes Regnum concessit. Ipse autem Philometor solus in Ægypto regnavit per annos alios xviii. Græc. Euseb. Scalig. p. 60, 68. Nempe post annos xvii, quos egerat in Regno, continuos, & annum ab initio Philometoris xviii<sup>m</sup>, quo exsulavit ipse Philometor, solus autem in Regno fuit (ut dixi) Evergetes, ut constabit è dicendis. Desideratur autem in Canonè Astronomorum hic annus, vacillatque adeo Observationum Astronomiarum recentiorum fides, qua illas in Epocha Nabonassarea designatas legimus apud Ptolemaum. Jam certe diu ante nos observavit Petavius Astronomorum sub Hadriano & Pio Observationes uno anno, quam oportebat, antiquius in Era Nabonassarea designari. Non quidem ita quin recte se habeant intervalla, si in Epocha ipsa Nabonassarea supputentur; sed quod annorum Principum situs



in ea Epocha uno anno citius æquo constituatur. Quod sane necesse erat, cum prædictus annus in Canone prætermitteretur, quo committebantur anni Principum cum numeris Epochæ Nabonassareæ. Similiter ergo errarit fortasse Melaeus Astronomus, qui cum anno Nabonass. 845 annum Trajani im commisit, qui erat potius cum anno Nabonassareo 846 fortasse committendus. Ita si dicamus, non erit necesse ut Nerva adhuc superstes abdicaret, aut Trajani annus ius ante Nerva mortem censitus fuerit, ut alibi existimavimus. Videant etiam Astronomi, annon hic idem annus omisus errores fecerit in calculis Tarrutii Astronomi de conceptione & natali Romuli, Urbisque Romana etiam natali. Vix enim est cur dubitemus, quin veras Eclipses designarit Tarrutius, quas tamen nullas in annis ab eo designatis hodierni reperiunt Astronomi. Vixit enim certe ipse Varro, atque adeo Tarrutius, postea quam hoc anno mutaretur Canon Astronomicus. Itaque in hac omni Chronologia, quæ per Epocham Nabonassaream instituitur, utilis erit ad annos Principum explorandos Canon, semper ut meminerimus, post hunc, in quo versamur, annum omisum, annum Epochæ Nabonassareæ addendum esse, ut numeri per annos Principum collecti numeris Epochæ Nabonassareæ respondeant.

f xxxv duntaxat annos Philometori tribuunt plerique. Plane, ut in proximo legitur Regni possessi laterculo. Inter illos, Canon, quem dixi, Astronomicum. Imo his ipsis in locis Porphyrius. Et ne credatur error Librarium, obstat, quod ex hoc numero (additis annis xxix, quibus regnasse tradit Euergetem) summam annorum LXIV. oriri testatur, quæ fuerit in universum utrique tribuenda. Et tamen idem viceversa Porphyrius annum Philometris memorat xxxvi<sup>m</sup>, & cum Euergetæ anno committit xxv<sup>o</sup>. Plane ut in Tabulis nostris hîc legitur. Imo Edictum ipsius memorat Euergetæ ut ita committerentur. Hoc enim docent, ni fallor, ejus illa verba: Τὸ γὰρ τετρακοστὸν ἐκ τῶν βασιλευσάντων, δὲον προσαγορεύεται τὴν τῆς βασιλείας, πρὸς αὐτὸς εἰκοστὸν πύμπη ΠΡΟΣΕΞΕ γράψαντα. Fieri ergo vix potest ut hic errarit. Convenit porro accuratissime, quod idem addit, ex his xxv, (quos habuit cum fratre communes) cum xxix aliis (quibus ipse, post fratris excessum, solus in Ægypto regnarit) summam constari annorum LIV. quibus in universum regnarit à primo ejus communique cum fratre initio. Tam itaque certum est annos Philometris xxxvi ab Euergete numeratos esse, quam & illud certum est, primum Euergetis initium à fine anni fratris xi cœpisse, ut xii<sup>m</sup> Regni fratris annum im ipse sui Regni annum numerarit. Imo è prædictis Porphyrii verbis, causa, ni fallor, manifesta est, cur ita præceperit Euergetes. Annus enim, quo, fratre superstito, solus fuerat in Regni Ægyptiaci possessione Euergetes, revera ad jus spectabat Euergetis, ut monet etiam hoc loco ipse Porphyrius. Nec enim aliud profecto nomen in illius anni συμβολαίῳ lectum fuisse verisimile est. Hæc enim causa fuisse videtur cur annum illum suo Regno ne quidem ipse imputarit Philometor. Non imputasse exinde constat, quod post annos xvii, quibus in Regni possessione fuerat, ante annum illum quo solus Regnavit Euergetes, xviii deinceps annos duntaxat numerarit Philometor, qui superioribus additi annos facerent in universum tantummodo xxxv, quibus regnarit ipse Philometor. Ergo annum ab initio suo xix<sup>m</sup> ipse tamen Regni sui numeraverat duntaxat xviii<sup>m</sup>, atque ita numerandum præceperat Philometor in Regni denuo redintegrati συμβολαίῳ. Et sic in reliquis ad eundem modum. Ita factum ut ultimum Regni sui annum tantummodo xxxv<sup>m</sup> ipse numerarit. Potuit ergo de jure Euergetes annum illum à decessore suo sibi relictum sibi imputare, ut primum à fratris morte annum secundum numeraret. Imo revera sibi imputavit. Non quidem ita, ut primum à fratris obitu secundum appellarit. Nec enim tum receptum est, ut qui olim sub decessore Reges appellati fuerant novam aliam à collegarum exitu Epocham inchoarent. Imo receptum, ut numerum annorum sub decessore caput, pariter, extincto decessore, continuarent. Sic autem certe fecit Euergetes. Nam &

& illum quoque annum, quem *solus* tenuerat vivente fratre *Philometore*, ipse sibi accensuit, cum annum à fratris initio xxxvi<sup>m</sup>, *suum* numerarit xxv<sup>m</sup>. Sic enim nullum prorsus ab xi<sup>o</sup> fratris hiatum agnovit, unde ipsum *exordium* duxisse vidimus. Jus tamen aliquod suum in fratris honorem ab eo remissum innuit *Porphyrus*. Sed quodnam illud fuerit, age, videamus. Non quidem illud quod verba, qualia hodie leguntur, videntur innuere. Non in eo sitam esse gratiam, quod *Philometoris* annum xxxvi<sup>m</sup>, *suum* ipse xxv<sup>m</sup> numerarit. Sed viceversa potius in eo, quod *suum* annum xxv<sup>m</sup>, *Philometori* xxxvi<sup>m</sup> appellandum edixerit. Hoc enim *πρὸς Εὐεργετον* edixisse docet *Porphyrus*. Nempe quod, cum annum quem xxxv<sup>m</sup> numeraverat *Philometor*, ipse nihilominus *Philometori* xxxvi<sup>m</sup> numeraret, annum qui sui fuisset solius, *Philometori* etiam imputasset. Et quod *primus* hoc fecisset *Euergetas*, cum priorem ejusdem anni partem, qua superstes fuerat *Philometor*, xxxv<sup>o</sup> ejus anno accensuissent *Acta Publica*, aliaque id genus monumenta. Sic enim factum, ut sub *Euergete* cœperit mos ille annum eundem *Philometori* xxxvi<sup>m</sup> numerandi. Meruerat autem hanc gratiam à fratre *Philometor*, quod, pro modestia sua, à fratris anno sibi vendicando temperasset, dum ipse rerum (fratre quantumlibet inviro) potiretur: & quod *vixit* fratri *Pacem* adeo honorificam concessisset. Sed vero anni ab initio suo xxxvii partem saltem aliquam *Philometorem* attigisse certum est. Nam certe *Demetrius*, quem *Regem* fecerat moribundus *Philometor*, ab anno *Seleucidarum* cœpisse dicitur clxxvii<sup>o</sup>. i. *Macc.* xi. 19. Qua nempe anni illi, in priori illo *Libro Maccabaico*, inire censentur à *Xanthico*, qui mensi *Attico Munchioni* fere respondebat, in Cyclo jam *Calippico*. Nam ante mensem illum anni *Varr.* 608, nondum vel cœperat annus ille *Seleucidarum* quo cecidit *Philometor*. Et tamen his quoque fortasse temporibus, vel paulo junioribus, defuit mos antiquus annos *Aegyptiorum Regum* à *Thoth* censendi, aut ab uno aliquo alio anni exordio. Sex enim quibus regnaverat, præter annos integros, menses *Ptolemao Soteri* attributos docet *Porphyrus*, anno *Varr.* 673. Itaque *Philometori* pars illa saltem anni ab initio xxxvi<sup>i</sup>, quam tenuit, assignanda erat; imo annus integer, pro norma illa quæ annos integros iisdem tribuebat, qui *Thoth* saltem inente in Regni possessione fuerant. Facile autem erat, ut annus ille, quem ne quidem ipse suis rationibus accensuerat *Philometor*, nec ad numerum spectabat annorum, quibus, post fratris obitum, tenuerat *Euergetes* (quorum *seculorum* rationem habebant *Chronologi juniores*) penitus è Regis utriusque rationibus excideret. Verum autem fuisse annum, non ea modo quæ diximus, sed quæ etiam postea dicemus, ostendent.

g Hic est, ut puto, annus *Euergetis* xxviii<sup>us</sup>, cujus mentio in monumento *Adulitano*. Nec enim tot annos regnavit prior *Euergetes*. Nec habuit (quod quidem docet *Porphyrus*, aliisve Veterum quisquam) annos cum *decessore* communes.

h Si quidem annus xxxviii<sup>us</sup>, quo venit in *Aegyptum* *Siracides*, (teste ipso in *Ecclesiastici* Prologo) idem fuerit *Euergetis* ipsius xxxviii<sup>us</sup>, hunc annum esse quem designarit, equidem existimarem. Et ab hoc ipso *Euergete* illud fuisse proinde periculum cuius ipse meminit *Siracides* Cap. li. 7. 8. 9. à Rege iniquo, & a lingua injusta. Convenit enim certe cum hujus *Euergetis* moribus. De eo ita *Diodorus*: Πολλὰς περιελαλόντων δὲ ἐπιβουλῶν αὐτῷ, ἃ τὴν μὲν ἀναρχίαν, τὴν δὲ συκοφαντίαν φονεῖν εἶχεν, ἃ τὸς ἰσθίους αὐτοῦ ἀφαιρῆμαί τε. *Græc.* *Euseb. Sealig.* p. 68. Et *Excerpt. Porphyrogeneta* è *Diodoro Vales.* p. 350, 353, 354. Inde *Cæsergetem* eundem appellabant *Alexandrini*, teste *Athenao* xii. 27. Hæc ergo si vera sit *Siracidis* Interpretatio, constabit inde, jam illo quoque ipsius *Euergete* Seculo morem obtinuisse, ut anni ejus, non ab eo tempore, quo fratri successerit, numerarentur, sed ab eo quo primum factus est fratris in Regno collega. Sed verba *Siracidis* ἐν τῷ *Eὐεργετῇ* alibi aliter interpretati sumus, non ut annum ipsius *Euergete* xxxviii<sup>m</sup> designarent, sed ut anni potius ab initio



Philadelphus xxxviii<sup>m</sup> partem illam quæ in *Euergeta* prioris tempus incidit. Itaque ut minus valida illa è *Siracide* procederet Argumentatio, saltem ex *Edicto* ipsius *Euergeta* idem colligere licebit, quo præcepit ut annus suus xxv<sup>us</sup> idem numeraretur fratris xxxvi<sup>us</sup>, nempe in *συμβολαίσις*. Hic enim Regni sui Epocham, non à *successione* deduxit, etiam posteaquam successisset, sed à priori illo communique cum fratre exordio. Hinc ergo apparet, quantum fuerint aberraturi, siqui annos Regum *Egyptiorum* in *coavis* monumentis designatos à *decessorum* obitu supputarent, quod faciunt hodierni Chronologi. Apparet etiam quantum debeat egregiis hisce *Porphirii* fragmentis res literaria Chronologica *Egypti*. Quippe sine quibus fuisset ut concurrenti cum *decessoribus* annos plane nesciremus, & incerta adeo fuisset per annos Regum *Egyptiorum* temporis designatio.

¶ Hoc *Soteris* anno frater *Soteris* *Alexander* Rex *Cypri* factus est. Cæpit cum *Sotere* mater *Cleopatra*. Ita factum ut annus (*Cleopatra* xiv<sup>us</sup> idem fuerit *Alexandri* viii<sup>us</sup>. Accurate pro rationibus *Porphirii*.

¶ Hujus anni situm è *Josepho* colligimus: plane talem, qualis esse debuit pro rationibus *Porphirii* à nobis explicatis. Post pulsum *Sotere* unico anno regnavit *Cleopatra*. Reliquos enim annos xviii tenuit *Alexander* in regno suo. Ita scilicet, ut tamen annum, quo periit, xix<sup>m</sup>, idem numeret *Porphyrus*. Nempe à fratris exsilio, accensito etiam anno illo matris unico. Praefuit autem *Egypto* *Cleopatra* initio *Alexandri* *Judaorum* Regis, cum ille *Ptolemaidem* obsideret. *Ptolemaidensibus* enim suppetias tulit exsul *Egypto* *Soter*, iam regnans in *Cypro*, quem *Lathurum* appellat *Josephus*, Ant. xiii, 20. Et vicissim *Alexandro* *Judaorum* Regi subvenit in filium *Cleopatra*, ibid. c. 21. Satis accurate. Successit *Hircanus* junior *Olymp.* clxxvii, 3. sub *Coss.* anni *Varr.* 685. *Joseph.* Ant. xiv, 1. Regnavitque *Alexander* ipse ann. xxvii. Ant. xiii, 23. *Alexandra* autem *Alexandri* uxor ann. ix. Ant. xiii, 24. ante initium *Hircani*. Hi duo numeri invicem juncti annos faciunt xxxvi, seu *Olympiadas* ix. Demantur ergo *Olympiades* ix è numero *Olympiadum*: reliquus erit annus *Olymp.* clxviii<sup>m</sup>, 3<sup>us</sup>, quo successerit *Alexander*. Demantur rursus ex *Epocha Varroniana* anni xxxvi. Ita successerit *Alexander* anno *Varr.* 649. Poterant quidem in prædicta summa pauci redundare *mensēs*, qui effecerint ut successerit *Alexander* *Olymp.* clxviii<sup>m</sup>, 3<sup>i</sup> anni parte ea quæ anno *Varr.* 648 potius responderit. Vix potuit annus deesse integer, ut anno *Varr.* 647<sup>o</sup>, *Olymp.* clxviii<sup>m</sup>, 2<sup>o</sup>, saltem succederet *Alexander*. Quod tamen necessarium erat, si prædictus annus *Varr.* 590 è Regum *Alexandrinorum* *successione* excluderetur. Hinc ergo rursus colligimus, recte à nobis illum annum receptæ *Egyptinorum* Chronologiæ, etiam *Astronomorum*, esse restitutum. Tenuit autem anni *Varr.* 649 etiam initio *Cleopatra*. Pulsus enim à *Cleopatra* ducibus è *Calosyria* *Soter* *Gaza* hyemavit. Inde in *Cyprum* recessit. Nec tamen ante recessum illius videtur in *Egyptum* rediisse *Cleopatra*, *Joseph.* xiii, 21. Non tamen obstabat pars illa anni sequentis: qua Regni possessionem tenuit *Cleopatra*, quo minus anni integri *χρηματισμῶν* retinuerit solus *Alexander*.

¶ Ultimi hujus *Alexandri* anni situm, pro mente *Porphirii*, verum esse docet, quod eum cum anno à primo ejus initio (quod 1<sup>o</sup> fratris anno cœpisse vidimus) xxvi<sup>m</sup> numerarit ipse *Porphyrus*. Recte ergo annos ejus xviii cum numero annorum xix, quem habet alibi *Porphyrus*, conciliavimus.

¶ Sic loquitur *Porphyrus*, quasi *Soter* post mortem fratris *Alexandri* vii annos, & vi præterea *mensēs* implevisset. Inde alii qui justos duntaxat annos numerabant, annos eidem post reditum viii tribuunt. Quasi nimirum ad annum spectarent viii<sup>m</sup> supervacui illi *mensēs*. Habet tamen alia *Porphyrus*, quæ ad annum potius viii<sup>m</sup>, *mensēs* illos referendos esse suadeant. Spatium universum à Patris obitu ad obitum *Soteris* concludit numero λέξιντος πέντε μηνῶν ἔξ. Rursus postea sex alios *mensēs* memorat Successori tribuendos, οἱ συνιστάται τὰ τελέοντα ἔξ ἔτη. Iterumque ait, τὸς πάντας [χρόνους scilicet]

τὰ ἐξ ἡ τελευτῶν τῶ προεχόντων προσέμνηται. Et tamen Soteris ipsius recenser. κατὰ διαφόρους χρόνους, δεκάετη δ' ἐτὶ ἡ μύνας ἐξ. Pro prioribus nempe rationibus. Fieri potest, ut in primi Soteris decennii sine hi fuerint numerandi menses, spectarentque ad annum Cleopatra xim. Ita fieret, ut in sequentem annum protrudendus esset ille Cleopatra annus, quod è Josepho jam probavimus fuisse verissimum. Utcunque tamen xxxvi annos in universum numerandos esse, pro mente Porphyrii, sane manifestum est: seu redundarint in annorum numero menses illi, seu etiam defecerint. Recte ergo habent Tabula. Defecisse autem potius indicat, quod paulo postea in Græcis Eusebianis Soteri ἐτὶ 15' μύνας ε', habet Scaliger; si quidem illud etiam hauserit ex iisdem hisce Porphyrii rationibus.

Et hujus quoque anni situm habemus exploratum. Ipsum quoque talem qualem postulant nostræ hæ, quæ ad Porphyrii rationes exiguntur, Tabula. Missus enim est à Sulla Alexander Alexandri prædicti filius dierum xix duntaxat Princeps. τὸ ἐν Αἰγύπτῳ δυναστείας ἀνδρῶν ἐρημὴν γενομένης. Utiq; post mortem Soteris. Regni gubernacula tenente filia Soteris Cleopatra. Eodem proinde anno quo è vivis Soter ipse decesserat. Non anno certe alio, cum ne quidem menses, qui deerant ad Soteris annos absolvendos, his (propter Regni brevitatem) attributos esse testetur ipse Porphyrius. Eo autem anno missum à Roma Alexandrum tradit Appianus, qui 11m Sulla Consulatum, quo collegam habuit Q. Cæcilius Metellum Pium, proxime præcessit. Is autem non alius est quam Varronianus 673, cum quo Soteris annum ultimum necunt proinde rectissime nostræ Tabula. Convenit Chronicon Eusebianum, quo Dionysi initium Olymp. clxxiv, 4 assignatur. Concurrit annus ille Olympiadu cum posteriori parte prædicti anni Varroniani 673, ut è nostris Tabulis manifestum est. Et ad illam ipsam anni Varroniani partem rejici necesse erat propter sex illos menses, quos dixi, additicios. Siquid ergo in Chronici Eusebiani dispositione sanum sit, hoc ita se habere verissimillimum est. Habuit ergo, ut videtur, Eusebius Auctores Græcos, qui Ptolemai Dionysi introitum ad prædictum Olympiadu prædictæ annum retulerint. Hinc autem rursus apparet, annum illum, quem nos postliminio restituumus, plane esse necessarium.

o Triennio regnasse Dionysi filias, Cleopatram, (quæ etiam Tryphans appellabatur) & Beronicen, docet Porphyrius. Ita scilicet, ut amba primo anno regnarent; deinde, extincta Cleopatra, per biennium sola Beronica. Situs hujus triennii è Fastis Consularibus certus est. Nam sub Coss. anni Varr. 697 Romam venit Ptolemaus. Sub Coss. autem anni Varr. 699 reductus est in Regnum à Gabinio.

p Nova hæc Cleopatra Epochæ inivit ann. Varr. 718, teste Dione. Tum enim multa data Cleopatra. Convenitque examussim cum rationibus Porphyrii. Nullus autem hic deficit redundatus annus usque ad ann. Varr. 724, quo certum est extinctam fuisse in Cleopatra stirpem Ptolemaorum. Hinc ergo rursus apparet annum à nobis restauratum receptæ Egyptiorum Chronologiæ addendum esse.

Unum est forrasse quod in his rationibus dubium videri possit. Mors enim Ptolemai Dionysi hic refertur ad annum Aetæ Varroniana 702. Cæsius autem in Epist. ad Ciceron. Famil. L. VIII. 4. ad annum refert 703. Scripsit enim Epistolam illam postquam factus esset Consul C. Marcellus, & cum adhuc designatus esset Consul Paullus. Ambo scilicet in annum sequentem Varron. 704. Ergo certe anno Varr. 703. Et tamen Kalendis Sextilibus. Tum scribit nuntiatur, & pro certo jam haberi, Regem Alexandrinum esse mortuum. Ipso proinde illo, ut videtur, anno. Convenitque quod multi Ptolemai Dionysio annos tribuant xxx. Sic enim eveniret ut hoc ipso, quem dixi, anno Varroniano 703 decesserit. Nec pugnat illud forrasse cum numero Porphyrii, si quidem primus ille annus Principis fuerit damnatus, quique adeo postea, actò illo in exsilium, ad Dionysi rationes accesserit. Ita Philometoris rationibus accessit annus ille unicus quo solus in Regno fuerat Evergetes 11us. Ita & Soteris 11i



## 84 De ÆTATE SCRIPTI AGATHARCH.

calculos auxerunt anni *Cleopatra Alexandrique* xix, ut eundem *Porphyrium*, cui hæc debemus omnia, agnovisse vidimus. Et quidem erat post *Alexandrum* 11<sup>m</sup> alius quisquam *susceptorum* natalium *Ptolemaus Cocces* filius, non *Cleopatra*. Hic si annum à morte *Soteris* impleverit, quem non implevit *Cleopatra Soteris* filia cum viro suo *Alexandro* 11<sup>o</sup>, teste *Porphyrio*; sic omnia convenient satis accurate. Nam & suo jure xxix annos absolverit *Dionysius*; & *damna* hujus *Ptolemaus* anno addito, xxx. Male enim colligunt eruditi annos xvi illum exegisse in Regno *Alexandrino*, quod post annum demum à *Soteris* morte xvi<sup>m</sup> *Tyri* fit mortuus. Regnum enim ejus brevissimum fuisse docent *Au-ctores*. *Extrior* 10305, inquit *Strabo* L. XVII. p. 794. Sic autem annus majoris *Cleopatra* fratris rv<sup>us</sup> ultimusque in annum *Varr.* 707 conveniet rectissime. Perit enim Bello *Alexandrino* *Ptolemaus* ille, quod ipso illo anno gessit *Caesar*, *Alexandriam* enim recepisse *Mart.* xxvii traditur *Caesar* in *Kalendario* veteri. *Gruter.* cxxxiii. Quod hoc demum bello profligato factum. Et finem Bello posuit prælium illud quo cecidit *Ptolemaus*. Melius ergo hæc cum *Dionysi* filiique majoris morte fortasse convenient. Sic autem fieri non potuerit ut annum Regni xxii<sup>m</sup> *Cleopatra* absolverit. Utra autem ex his rationibus magis placeat, penes *Lectorem* esto judicium. Sunt enim hæc quoque minime spernenda.

DISSER.

## DISSERTATIO QUARTA.

De ætate Peripli Maris Erythræi,  
ejusdemque Auctore.

**Æ**tatem hujus Scripti primus, ut puto, in dubium vocavit *Salmasius*. Sic tamen ille, magis ut rationes *dubitandi* suppeditarit, quam quicquam certo *statuendi*. Nunc enim Vir Maximus *Plinio majori* coævum fuisse censuit, quod *Reges in India* illos memorarit, quos *sibi* coëvos credidit ipsum agnovisse *Plinium*. Nunc viceversa *aliam* Peripli ætatem fuisse suspicatur, hoc fretus Argumento: Quod *Muzirin India* portum mercimoniis celebrem fuisse tradat Auctor Peripli verbis<sup>1</sup> disertissimis; quem contra *nec mercibus abundasse, nec propter vicinos Piratas expetendum*, sua ætate docet fuisse<sup>2</sup> *Plinius*. Est etiam alibi, ubi adhuc *Plinio antiquiorem* fuisse suspicatur hunc Auctorem: imo *Augusti* potius temporibus admovendum. Nempe quia cladis meminit *Arabie felici* à *Cæsare* illatæ. Et quidem paulo ante suam ætatem. Sic enim<sup>3</sup> loquitur: *ἡ δὲ πόλις ἔστιν ὑπερίσχυον χρόνον*. Hanc autem cladem ad *Augusti* tempora retulit *Salmasius*. Hæc tanti Viri *fluctuatio* vel sola satis erat Argumenti, in quo versabatur, difficultati prodendæ, ne facile nova hæc illius sententia Eruditorum suffragia obrineret. Et tamen placuit Magno<sup>4</sup> *Gerardo Vossio*. Placuit item *Salmasii* æmulo Cl.<sup>5</sup> *Harduino*. Videamus ergo, rectene à sententia recepta decesserit *Salmasius*. Quod tamen, salvo Viri in his literis meritissimi honore faciendum.

§. 1. *Salmasius* ipse, in hac causa, dubius.

*Possessoris* certe causam, donec evincatur, meliorem agnoscunt *Juriconsulti*. Is autem *Arrianus* erat, si fides hodiernis *Librariis*. Maxime vero *Possessori* favendum, si *Scripti* ipsius notæ magis *Arriani* tempora videbuntur designare, quam *Plinii*, nedum *Augusti*. Idque sane verissimum est. Hoc ex illo ipso loco colligi posse arbitror, è quo contrarium elicuit *Salmasius*. Nempe quod paulo ante Scriptoris ætatem, *Arabie felici* Emporium

§. 2. *Trajano junior* erat hujus Scripti Auctor.

<sup>1</sup> Ἡ δὲ Μύζις Βασιλεὺς μὲν τῶν αὐτῶν, ἀμείνων δὲ τῶν ἀπὸ τῶν Ἀσιακῶν αὐτῶν ἀρχαίων πλοίων δὲ τῶν Ἑλληνικῶν. Peripli Mar. Erythr. p. 30. <sup>2</sup> *Plin.* N.H. VI. 23. <sup>3</sup> Peripl. p. 15. <sup>4</sup> *Voss. Hist. Græc. L. II. c. 7. fin.* <sup>5</sup> Ad loc. *Plin.* VI. 23.



florētissimum (quod ipsum quoque Arabiæ felicis nomine veniebat) *Cæsar* devastarit. Nec enim erat ullus, sub *Augusto*, *Cæsar*, de quo hoc vere Auctor potuerit affirmare. Erat quidem in Oriente *Tiberius*, sed nondum *Cæsar*. Erat & filius Augusti *Cæsar Caius*. Sed nec ille res gessit in *Arabia*. Testem habemus exceptione majorem ipsum<sup>1</sup> *Plinium*. Nam *C. Cæsar Augusti filius proflexit tantum* (inquit) *Arabiam*. Addit in eandem sententiam verbis proxime præcedentibus: *Romana autem arma solus in eam terram adhuc intulit Ælius Gallus ex Equestri Ordine*. *Ælium* illum *Largum* appellat *Dio Cassius*, annumque docet, quo Expeditionem illam suscepit, *Varr.* scil. 730. Si quidem is Romanorum solus fuerit qui *Romana arma* in *Arabiam* intulerit; si adhuc nemo præterea alius: Quis, quæso, potuit esse *Cæsar* qui ante *Plinium Arabiam* devastarit? Si nemo ante *Plinium* hoc fecit *Cæsar*; non potuit certe *Plinio* cœvus Auctor ita scribere, paulo ante sua tempora *Cæsarem* in *Arabiam* penetrasse, & nobilissimum illud *Arabie* Emporium evertisse. Nequeunt ergo ambo illa in unum eundemque Scriptorem convenire, quod voluit *Salmasius*. Postea *Cæsar* alius, ante *Trajanum*, nullus est, de quo suspicio ulla esse possit de armis in *Arabiam* illatis. Huic autem *Arabiam* in *Provinciae* formam redactam *Numi* gratulantur (ut alibi<sup>2</sup> ostendimus) etiam *Historici*. Hic idem classem in *Rubro Mari* instituit, quod non ita facile fuisset nisi occupata utraque illius Maris ripa. Is autem facile id consequi potuit qui *Euphratem* constituit Imperii *Romani* limitem. Suntque præterea alia in hoc eodem *Periplo*, quæ aliò nequeant, quam ad has *Traiani* in *Arabia* felici victorias, commode referri. Ait Auctor in<sup>3</sup> *Ἀδύνη κόμην*, qua patebat aditus ad *Petram*, & ad *Malicham* Regem *Nabataeorum*, præsidium fuisse *Centurionis* cum *σπάρτωμα*, tam custodiæ causa, quam quartæ partis mercium, quæ importarentur, accipiendæ. Aptè hæc posteaquam classem in *Mari Rubro* instruxisset *Trajanus*, *Arabiasque* ipsas in *Populi Romani* potestatem rede-gisset. Potuit enim aditus tenere præsidio *Hadrianus*, cum *Regiones* tamen ipsas præsidii liberasset. Memorat idem *Peripli* Auctor Regem *Ἀγρίππης* *Agrippas*. Partitionem illam *Provinciarum* cognominum in *primas secundasque* in *Romani* Imperii *Notitiis* frequentissimam fuisse constat. *Barbaris* morem eundem fuisse nihil est, quod sciam, quod evincat. Imo rem se ita habuisse docet *Festus Rufus* in *Breviario*. Sub *Trajano* enim demum testatur *Syrias & Arabias Provincias* esse factas. Loquitur autem de *primis* *Provinciarum* victoribus. Sed vero numero *plurali* has *Provincias* designavit, cum reliquas (quæ

<sup>1</sup> *Plin.* N. H. VI. 28. <sup>2</sup> *Præl. Camd.* IV. ad *Spart. Hadr.* §. 10. <sup>3</sup> *Peripl.* Mar. Erythr. p. 15.





pore *honorem* aliquem gessit *Arrianus* huic *Periplo* ipse præfectus. Nostro proinde ætate *major*. Nec sane *diu* post *Hadriani* initium superesse potuit *Epictetus*, quem tamen audivit *Arrianus*, ipse ab eo nomen consecutus *Epictetei*. Editas certe ab *Arriano* *Epicteti Dissertationes* advocat aliquoties *Gellius*, imo, apud *Gellium*, seniores *Gellio Philosphi*, cum tamen *Pii* *sine* scriberet ipse *Gellius*. *Marcus* sibi gratulatur de *Libris Epicteti* sibi à *Junio Rustico* ostensis. Ipsum *Epictetum* si vidisset, multo magis gratulaturus. Tam longe abest ut *Marci tempora* attigerit ipse *Epictetus*, quod tamen verum credidit *Themistius*. Alium ergo fuisse verisimillimum est Auctorem nostrum ab *Arriano*, & quidem *Arriano juniorem*. Et certe aliam à *Pliniana* ætatem ejus observavit ipse *Salmasius*. Ex eo nimirum, quod *parum* frequens fuerit mercimoniis *Muxiris*, ætate *Plinii*; quibus tamen *floruerit*, cum scriberet noster *Periplum Maris Erythraei*. Domitos enim eo spatio *Piratae* fuisse verisimile est præsidiis quibus instruebantur naves *Mercatoriae*. Ab illis enim maximus imminabat metus. Sed *recentioris* hoc ætatis, magis quam *antiquioris*, fuisse magis consentaneum est.

§. 4. Scriptis no-  
fiter, ut videtur,  
sub Marco & Vero.

Age autem, ætatem hujus *Scripti*, *Auctorisque*, exploremus adhuc accuratius. Memorat noster in *Arabia* Regem *Charibaëlem* *Homeritarum* atque <sup>1</sup> *Sabaëtarum*, *οὐρανίου ἡγεμόνα καὶ δυνάστην τῆς Ἀβυλαρίας*. Innuere videtur plures fuisse, cum hæc commentaretur, Romanorum *Ἀβυλαρίωνες*. Hæc, si vera sit, Observatio tempora designabit *Augustorum* Fratrum *Antoninorum*, *Marci* atque *Lucii*, in ipsa *Augustea* dignitate pene *parium*. Vix enim hæc ad *Cæsaream* *Marci* cum *Pio* Potestatem referri poterant, qui *Cæsar* quidem, & *Augusti Filius*, in *Numis* appellari solet; non autem *Ἀβυλαρίων*, sive *Imperator*. Qui autem post annum *Ær. Chr. cxiii* natus est, is anno ejusdem *Æræ* *clxi*<sup>o</sup> (quo successit cum Fratre *Lucius*) annum ætatis *xlviim* *superare* non potuit. Potuit esse *junior*. Itaque cum hujus Auctoris ætate optime convenit nota illa *plurium Augustorum*. Tum etiam convenientissimum erat, ut Amicitiam suam *continuis* *Legationibus* donisque profiteretur *Charibaël*, dum Bellum *Parthicum* gereret in Oriente *Verus*, ne, Bello pendente, dubius videretur. Itaque ante annum *clxvi* (quo rediit ad Triumphum Imperator) continuo *Belli* *Quinquennio* *continux* illæ fuerint *Charibaëlis* *legationes*. Nec multo fortasse postea collegerit hic Auctor suum *Maris Erythraei Periplum*. <sup>2</sup> *Parthos* certe adhuc *Indiæ* *Domino* agnoscit, quos tamen *Persæ* ejecerunt paulo ante tempora *Alexandri* Imperatoris.

<sup>1</sup> Peripl. p. 13. <sup>2</sup> Peripl. p. 22.

Videamus

Videamus jam quibus Argumentis contrariam nobis sententiam tueatur Cl. *Salmasius*. Nempe in Tabula *Peutingerana* Templum *Augusti* observavit in *Scythia*, ut putat, *Limyrica*. Inde *Augustum Cæsarem* fuisse colligit, cujus noster mentionem fecerit Auctor *Peripli Maris Erythræi*.

§. 5. Non potuit *Augustus* ille fuisse *Cæsar*, cujus meminuit Auctor *Peripli*.

Sed res *Cæsaris* sui in *Arabia* gestas tradit noster, non in *Scythia Limyrica*: ne quidem in vicina *Scythiæ* regione. Nescio an Virum memoriæ felicissimæ fugerit quam longe invicem distarint. Id potius fortasse voluit, qui ultra *Euphratem*, ultra *Indum* arma tulerat, eum proculdubio *Arabiam* in medio sitam subegisse. Quanquam ne ea quidem sequela sana sit, pugnat præterea Expediit illa *Augusti* in *Indiam* (ut jam ostendimus) cum bonæ fidei monumentis omnibus, quæ nulla ejus in *Oriente* gesta memorant, præterquam in *Antonium*. Erat præterea, diu ante illas Tabulas, Principum summorum omnium commune nomen illud *Augusti*. Unde ergo colligemus, è tot *Augustis*, quis demum fuerit cui Templum illud fuerit consecratum? Ut tamen *Octavianus* ille fuerit *Augustus*, Ego mercatoribus potius *Romanis*, quam victoriis Templum illud assignarim, si quidem ullum fuerit *Augusto* cœvum. *Pandionis* enim legationem ipsi *Augusto* fuisse mox ostendam, à cujus Regno non longe distabat illud Tabulæ *Peutingerane* Templum. Sic enim commodissime eveniet ut nullam Historiæ cœvæ vim inferamus.

Sed & alio pugnat Argumento *Salmasius*. Quod nempe *Taprobanen* olim *Palæsimundi* Insulam, sua vero ætate *Salicam*, ejusque incolas *Salas*, appellatos fuisse testetur *Ptolemæus*; Noster autem antiquiorem *Ptolemæo* appellationem usurparit *Palæsimundi*, non recentiorem *Salicæ*, cœvamque *Ptolemæo*. Non tamen pugnat hoc

§. 6. Novum *Taprobanes* nomen nescire potuit *Ptolemæo* paulo senior *Arrianus*.

Argumentum quo minus hujus Operis Auctor fuisse credatur *Arrianus*, qui eadem vixit, qua *Ptolemæus*, ætate; paulo tamen senior annisque provectior. *Hadriano* certe nullas antiquiores habemus ipsius *Ptolemæi* in re *Astronomica* Observationes. Imo ne quidem anno *Hadriani* IX<sup>o</sup>. Et tamen ipsi *Hadriano* ineunti Ponti *Euxini* Periplum inscripsit, ut modo vidimus, *Arrianus*. Tunc orbem *Romanum* ipse lustravit *Hadrianus*. Ut proinde eodem tempore Pontum *Euxinum* illius auspiciis aptissime lustrarit *Arrianus*. Sic *Alexander M.* ipse in procinctu *Nearchum* emisit atque *Onesicritum*, qui oras *Indiæ* maritimas præternavigarent. Hunc imitatus est ex professo *Trajanus*. Nec alienus erat à veterum Heroum imitatione ipse *Hadrianus*. Jam sane alibi<sup>1</sup> ostendimus quanto studio *Numam* fuerit æmulatus. Nec

<sup>1</sup> Præl. Camd. VII.



fane est cur dubitemus quin is idem fuerit *Arrianus* qui *Ponti Euxini* Periplum scripsit, resque ab *Alexandro M.* gestas. Præter *Inscriptionem* Librarii, se certe in ipso *Opere* prodit Auctor. Meminit enim non uno in loco *Xenophontis senioris*: & quidem ex illo ipso *Opere* quod Κύρις Ανάστασις inscripserat *Xenophon Socraticus*. Hinc ergo colligimus jam & illum, qui *Alexandri* res in *Asia* gestas simili Ανάστασις titulo insigniverat, *Xenophontis junioris* cognomen fuisse consecutum. Itaque hoc innuit, cum *Grylli* filium *Xenophontem seniore* vocat, se jam pro *Xenophonte* haberi *juniore*. Erat enim ostentator sui maximus *Arrianus*, ut ex ipsis Ανάστασις Libris manifestum est. Proinde ante *Periplum* scripserat jam de *Alexandro Magno* *Arrianus*, & tantam nominis celebritatem adeptus fuerat, ut *Xenophontis*, quod ambivit, νωτίς nomine designari soleret. *Trajani* ergo Imperio inclaruisse consentaneum est, qui tam insignis fuerit sub initium *Hadriani*. Nec fane aliter tot *Epiſteti* Dissertationibus interesse potuit (quas illum docet scripsisse *Simplicius*, multo, quam habemus, plures) ut inde ille Επιστήτης audiret, teste *Suida*.

§. 7. Multa primus prodidit *Ptolemæus*, quæ decessores ejus latuerant.

Neque vero est quod miremur si parvo etiam intervallo decessoribus plura de rebus etiam iisdem prodiderit ipse *Ptolemæus*. Poterat enim à mercatoribus *Alexandrinis* Indisque ea discere de *Insula*, quæ *Taprobane* habebatur, quæ nondum innotuerant cum scriberet *Arrianus*. Ita fane rem fuisse necesse est, si is idem fuerit *Arrianus* ad quem *Plinii* junioris tot legimus *Epistolas*. Imo pro ætate, quam jam probavimus, *Epiſteti* *Arriani*, quem sub *Hadriani* initium Scriptis inclaruisse vicimus. Magna enim indies incrementa cepit lucrosa illa *Alexandrinorum* in *Indiam* mercatura. Scripsit *Ptolemæi* ætate *Marinus*. Imo ὕστατος (sic enim ait) ἢ καὶ ἡμῶς. Scriperant ergo eadem ætate alii, quorum ille ὕστατος. Hunc autem hoc nomine laudat ipse *Ptolemæus*, quod plura decessoribus suis haberet ipse explorata. Sic enim ait: <sup>1</sup> Φαίνεται πλείοσι ἰσχυραὶ ἀναπληρωτικῶς παρὰ τὰς ἐπὶ ἀνὰ εἰς γῶσιν ἐλθόντας. Et tamen plura de *Indiæ* statu, quam vel ipse *Marinus*, didicerat <sup>2</sup> *Ptolemæus*, παρὰ τὸ ὅτι οὐκ ἐπὶ ἀπλοῦσιν, & χρόνον πλείονι ἐπιλήθων τὰς τόπους, & παρὰ τὸ ἐκῆθεν ἀφικόμενον ὡς ἡμῶς. Quidni ergo in his esse potuit mutatum *Taprobanes* nomen ex *Insula Palæsimundi* in *Salicam*? Quidni quod coævum *Ptolemæo* *Marinum* latuit, idem latere non potuerit *Ptolemæo* paulo *seniore* *Arrianum*?

1 *Ptol. Geogr. L. I. c. 6.* 2 *Ptol. ib. c. 17.*

Sed nos juniorem *Arriano* hujus *Peripli* Auctorem probavimus. Imo ipso quoque *Ptolemæo*. Efficiet hoc ut de hoc Auctore magis, quam de *Arriano*, mirum videatur, cur nihil ipse de mutato *Taprobanes* nomine resciverit ex Insula *Palasimundi* in *Salicam*. Præsertim si fuerit Auctor, ut erat *Ptolemæus*, ipse quoque pariter *Ægyptius*, imo *Alexandrinus*. Mirum tunc videbitur, non hoc ipsum ex iisdem didicisse *testibus*, à quibus ipse *Ptolemæus*, mercatoribus nimirum tam *Alexandrinis*, quam etiam *Indicis*. Mirum saltem non ab ipso didicisse *Ptolemæo*, si laborem ipse gravaretur consulendi mercatores (si sub *Augustis* fratribus *Periplum* suum Auctor concinnarit) cum sub *Hadriano* atque *Pio* potissimum flourerit *Ptolemæus*. Videamus ergo hæc quo pacto invicem possint conciliari. Mihi, fateor, omnis illa suspecta est Historia mutatorum *Taprobanes* nominum. <sup>1</sup> *Plinius* oppidum ait fuisse *Palasimundum* totius Insulæ clarissimum, ac *Regiam*, juxta quod oppidum *fluvius* ejusdem nominis tribus alveis in portum influxerit. Quis inde non facile intelligat, inde *Insulæ* universæ nomen accessisse *Palasimundi*? Sed nec oppidi, nec *Regiæ*, nec *fluvii* ita appellati, vestigia ulla apud *Ptolemæum*, qui tamen *Taprobanes* Urbes *fluviosque* plures quam alius Veterum quispiam memoravit. *Fluvios* *Taprobanes* *Ptolemæus* recenset quinque: *Phasin*, *Gangem*, *Baracum*, *Axanum*, *Soana*. In his nullum, qui ad *Palasimundi* vel similitudinem aliquam accedat, ut pro illo potuerit, vel per errorem, usurpari. *Plinius* *Palasimundi* duos duntaxat agnoscit: *Palasimundum*, quem dixi; aliumque qui ad Septentrionem *Indiam* versus decurrerit, *Cydara* nomine, quod nec ipsum quidpiam affine habet cum prædictis *Ptolemæi* fluminibus. Addit *Plinius* è stagno *Megisba* amnem illum utrumque erupisse. Hujus autem stagni, aut *Megisbæ*, nulla prorsus mentio apud *Ptolemæum*, qui nihilominus amnium omnium à se memoratorum fontes describit, & à montibus omnes, à stagno nullum arcessit. *Regiam* porro *Ptolemæus* unicam in tota Insula agnoscit *Anurogrammum*, ipsam quoque à *Palasimundi* *Pliniani* nomine alienissimam. Sed nec portum ullum in *Taprobane* *Hippuros* agnoscit *Ptolemæus*, quo tamen illos appulisse tradit *Plinius*, qui sub *Claudio* Insulæ illius commercium aperuerint. Imo ne portum quidem ullum, qui ad illius nominis vel sonum accedat. *Populos* præterea in *Taprobane* multos recenset *Ptolemæus*, in his *Salas* plane nullos, præterquam quo loco *Taprobanen* eandem Insulam fuisse asserit, quæ olim *Palasimundi*, postea *Salica*, fuerit appellata. Mirum est profecto non ab ipso observatum *Ptolemæo*,

§. 8. Alia erat Insula *Palasimundi* à *Taprobane* *Ptolemæi*. Quod tamen nescivit ipse *Ptolemæus*.

<sup>1</sup> *Plin.* N. H. VI. 32.



aliam à se describi *Insulam* sub nomine *Taprobanes* ab ea quæ olim nomen habuerat *Palæsimundi*.

§. 9. Unde evenit, ut de *Taprobane* adeo sibi non constarent *Veteres*.

Ego rem ita se habuisse crediderim. *Taprobanes* notitiam *Veteres* è *Nearchi* atque *Onesicriti* Itinerariis hausérunt. Sed plane *rudem*, atque admodum *imperfectam*. Deerant enim illis itinerum *cardines*, deerant *mensuræ* omnimodæ. *Onesicriti* (inquit<sup>1</sup> *Plinius*) & *Nearchi* *navigatio* *nec nomina* habet *mansionum*, *nec spatia*. Deerat, aut incertum potius erat *Navigationis exordium*. Nam *Xylenopolis* illa ab *Alexandro* condita, unde ceperunt *exordium*, juxta quod *flumen*, aut ubi fuerit, non satis ibi explanatum testatur idem *Plinius*. Sed vero ab incerta *Epocha* reliqua omnia *ratiocinia* incerta processisse necesse erat. Deerat posterorum *commercium*, quo per multa *Secula* intermisso, *nomina* deinceps mutaverant (cum è tanto intervallo repeterentur) alioqui notissimæ *Alexandri Magni ætate* *Regiones*, ut ægre admodum per notas, quas tradiderant cœvi *Alexandro* *Duces*, posteris innotuerint. Deerat denique & narrantium *fides*, cum fuerint illius ævi *Itineraria*, ut jam olim observavit<sup>2</sup> *Strabo*, plerunque mendacissima. Et sane pauca admodum de *India*, suo quoque tempore, comperta fuisse, idem agnoscit *Strabo*. Fallebant etiam, post redintegrata commercia, *mercatores*, partim *literarum imperitia*, partim contemtu *cognitionis* minime *lucrosæ*, partim etiam dedita *opera* gloriabundi, ut ibidem etiam observavit *Strabo*. Hoc ergo hausérunt ex antiquioribus, ipsique *Alexandro* cœvis, *Itinerariis*, multorum dierum *navigatione*, *meridiem* versus, *magnam* fuisse *Insulam* quæ *Taprobane* appellabatur. *Indiam* autem censebant ab *Indi ostio*, unde *navigationem* suam in *Oceano* coeperat *Nearchus*. Quæ vero illa esset *Insula*, aut ubinam sita, hæc suis tantummodo colligebant *ratiociniis*. Ita scilicet, ut, quæ *prima* deinceps occurreret *magna*, & par *famæ*, quam de *Taprobane* acceperant, eam pro ipsa haberent *Taprobane*. Præsertim, si multorum dierum *navigatione* ab *Indi ostio* distaret. Nec enim de dierum numero apud ipsos *Veteres* conveniebat. Estque alioqui etiam incertissima dierum *supputatio* in itineribus *maritimis*, eadem quoque navium fabricâ, multo magis in *diversa*. Maxime autem hoc procedere credebant, si ad extremos *Continents* fines *Meridionales* *Insula* illa reperiretur. Nec enim credibile censebant ultra conspectum *terræ* ad lævam sitæ navigasse *Nearchum*, in tanta rei *Nauticæ* *imperitia*. Ita certe, si aut *Verum* fuerit, aut (quod in hac causa eodem redit) pro vero saltem haberetur,

<sup>1</sup> *Plin.* N. H. VI. 23. <sup>2</sup> *Strab.* Geogr. L. XV.

quod scribit <sup>1</sup> Plinius : Siderum ibi in navigando nullam fuisse observationem, nec Septentrionem cerni.

Primam autem Taprobanes cognitionem, qua saltem Romanis innotuerit, Plinius à temporibus Claudii deducit. Hanc certe priscorum de Taprobane receptis Traditionibus opponit. <sup>2</sup> Nobis (inquit) diligentior notitia Claudii principatu contigit, legatis etiam ex Insula advectis. Id accidit hoc modo: Annii Plocami, qui maris Rubri vectigal à fisco redemerat, libertus circa Arabiam navigans, Aquilonibus raptus præter Carmaniam, xv<sup>o</sup> die Hippuros portum ejus inveñtus, hospitali Regis clementia sex mensium tempore imbutus alloquio, percontanti postea narravit Romanos & Cæsarem. Mirum in modum in auditis justitiam ille suspexit, quod pares pondere denarii essent in captiva pecunia, cum diversæ imagines indicarent à pluribus factos. Et hoc maxime sollicitatus ad amicitiam, legatos quatuor misit, principe eorum Rachia. Regio certe quo appulerit ille Annii Plocami libertus, Indiæ erat Ariace, vel saltem Ariace finitima, qua licet illam ex hac descriptione colligere. Ad Indiam enim Maris Erythræi nomen extendunt Veteres, ut simul utrique, tam Arabico quam etiam Persico, prætenderetur. Inde factum ut ad Carmaniam usque vectigalium Rubri Maris colligendorum causa progressus fuerit Plocami libertus. Hinc, præter Carmaniam, raptus ab Aquilonibus xv<sup>o</sup> die Hippuros portum tenuit. Et situ satis opportuno portum Ariace proximum Hippocura repræsentat Ptolemæus. Plane, ut videtur, eundem cum Plinii Hippuris, ut sit proinde ex hoc Ptolemæi loco Plinius fortasse corrigendus. Habet etiam idem Ptolemæus in Ariaces mediterraneis Hippocura alia Regiam Baleocuri Regis. Nescio an portus nomen Hippuris hac ipsa addiderit de causa Plinius, ut ab aliis, seu Hippuris, seu Hippocuris, quæ Regia erat, portum ipsum secerneret. Nec enim erat alioqui necesse ut portum fuisse indicaret, quo appulerit Aquilone raptus itinere maritimo libertus. Potius tamen eò propendeo, ut portus ille fuerit Urbis Palæsimundi Regiæ. Nec enim aliud ejus iter memoratur, quo fuerit adductus ad Regem, præterquam à Navali ad Urbem Regiam : in propinquo nempe sitam, ut solent Urbibus suis esse Navalia. Habebat enim hoc tempore proprium sibi Regem Insula illa Palæsimundi, à quo legati venerint ad Claudium : & proinde Urbem Regiam. Proinde si quo fluvii ostio situm illud fuerit navale, fluvium illum ipsum crediderim fuisse Palæsimundum. Convenit satis accurate cum situ Palæsimundi, qualem descripsit <sup>3</sup> Plinius. Alterum enim Insulæ fluvium Cydara ad Septen-

§. 10. Insula Palæsimundi sub Claudio detecta, cur Salica postea fuerit appellata.

<sup>1</sup> Plin. N. H. VI. 22.    <sup>2</sup> Plin. N. H. VI. 22.    <sup>3</sup> Plin. N. H. VI. 22.



*trionem Indiamque versum fuisse testatur. Hunc autem portum contra Meridiem appositum oppido Palæsimundo, juxta quod in portum tribus alveis fluvius Palæsimundus influxerit.* Proinde in Oceanum. Plane ut situm *Hippocurorum* descripsit *Ptolemæus*. Regem illum, cujus nomen nullum servavit *Plinius*, ipsum quoque suspicor appellatum fuisse *Palæsimundum*, proprio utique nomine appellandum (ut solent alii designari *Reges* à quibus ad *Romanos* Imperatores *legati* venerint) si quod aliud sibi nomen proprium habuisset. Erat enim sane apud nonnullos *Indos* mos ille receptus ut ab *Urbibus* Regiis *Reges* ipsi nomen acciperent. Ita *Strabo* de Rege<sup>1</sup> *Palibothrorum*: Τὸν δὲ βασιλεύοντα ἐπώνυμον δέει τὴ πόλιν εἶναι Παλιέσθρον καλέσθαι, ὥς τῷ ἰδίῳ τῷ ἐκ γένους ὀνόματι, καθάπερ τὸ Σανδρόγῳτον, ὥς δὲ ἦεν ὁ Μεγαδένης πριμφθέας. Nec erat *Palibothrorum* propria illa consuetudo. Recepta est etiam in alia quoque urbe illustri *Taxilis*. *Mophim* enim fuisse τῷ ἐκ γένους ὀνόματι (ut *Strabonis* verba usurpemus) testatur *Diodorus*, quem *Alexander*, mutato nomine, *Taxilum* appellavit: urbis nimirum illius factum deinceps ab *Alexandro* Regem. Curtius *Omphim* appellat: eadem tamen mutati nominis reddita ratione. Sic enim habet: *Omphis*, permittente *Alexandro*, & Regium insigne sumpsit, & more gentis suæ nomen, quod Patris fuerat, *Taxilem* appellavere *Populares*, sequente nomine Imperium, in quemcunque transfret. Atque hoc fortassis exemplo tot alias quoque his partibus regiones legimus singulorum hominum nominibus insignitas: <sup>2</sup> *Assacani*, <sup>3</sup> *Abiasari*, <sup>4</sup> *Sopithis*, <sup>5</sup> *Muscani*, <sup>6</sup> *Sabuta*, <sup>7</sup> *Porticani*. Saltem in eo quod illarum Regionum Reges illis, quæ dixi, nominibus perpetuo insignirentur. Ne *Pharaones* jam memorem atque *Ptolemæos* in *Ægypto*, & *Cotyres* in *Thracia*, & in *Edessa* *Agbaros*. Sic itaque à fluvio *Palæsimundo* nomen traxerit *Urbs Regia*, & ab Urbe *Reges* ipsi. Et simili exemplo *Urbes Regias* plures recenset *Ptolemæus* in regionibus *Indiæ* huic *Insulæ finitimis*. Hic legimus *Ozenen Regiam Tiascani*. In illo *Bætana Regiam Siroptolemæi*. In illo *Hippocura Regiam Baleocuri*. In illo *Cerura Regiam Ceprobotis*. In illo *Modura Regiam Pandionis*. His omnibus exemplis non *Regias* tantummodo, verumetiam *Reges* habemus eodem, ut videtur, nomine perpetuos. Recte ergo, pro more *Indorum*, *Insula* hæc *Palæsimundi* fuerit appellanda, dum *Regem* haberet ipsum quoque nomine *Palæsimundum*. Postea, antea tamen quam scriberet *Ptolemæus*, alteri alicui ditioni *Insula* illa, ut opinor, accessit, exuto *Regio* dominatu. Inde factum ut *Palæsimundi* amplius appellari non possit. Tum vero congruum erat, pro more etiam *Indorum*, ut à *Populo* *Insulam* in-

<sup>1</sup> *Strab.* L. XV. p. 702. C. <sup>2</sup> *Strab.* L. XV. p. 698. <sup>3</sup> *Strab.* ib. p. 698.  
<sup>4</sup> *Strab.* ib. p. 699. <sup>5</sup> *Strab.* ib. p. 701. <sup>6</sup> *Strab.* ib. p. 701. <sup>7</sup> *Strab.* ib. p. 701.

colente *nomen* acciperet. Qui cum *Salæ* appellarentur, satis consentaneæ, pro Analogia *Grammatica*, *Salica* deinceps erat appellanda. Quæ vero habet de hac Insula *Plinius*, ea, cum ad Imperium *Claudii* spectent, è Libris illius Principis de *vita sua* eum hausisse suspicor. In illis missas ad se gentium *legationes*, & suscepta jussu suo *Itineraria*, & cœptam patrocínio illius *mercaturam* adeo lucrosam *Alexandrinis*, ipsum *Claudium* complexum fuisse consentaneum est. Atque hinc effectum arbitror ut memoria *Claudii* adeo cara fuerit *Alexandrinis*, ut Libri ejus publice recitarentur in <sup>1</sup> *Museo*, quod novum ille addidit *Alexandrinis*. Ipsum enim certe *Claudium* inter *Scriptores Romanos* recenset *Plinius*, è quibus ipse hunc, in quo versamur, Librum excerpterit. Vix ergo est cur de illis dubitemus, quæ tanto fretus testimonio de hac *Insula* prodidit.

Erat autem *Insula* illa *Palæsimundi* mercatoribus *Alexandrinis* multo propior quam fuerit alia illa *Ceilani*, quam pro *Taprobane* habet ipse *Ptolemaeus*. *Insulam* enim faciunt *Nanagunæ* fluvii è monte *Vindio* oriundi *ostia* (ut à *Ptolemæo* describuntur) cujus latus alterum clauferit *ostium* proprio *Nanagunæ* nomine appellatum; alterum *Gnoris* fluvius, seu *Bindæ*, in quos influit *Nanaguna*. Ita certe credidisse Veteres ostendit *Asiæ* Tabula x<sup>a</sup> *Ptolemaica*. Et pari jure *Insula* appellanda erat Regio *Nanagunæ ostiis* inclusa, quo & *Patalene Indi* duobus (quæ sola Antiquis innotuerant) *ostii* similiter inclusa. In hac sane *Insula* reperiri jam observavimus portum *Hippocura*, quod nomen propius accedit ad nomen *Hippurorum Plinianorum* quam nomen *portus* ultimum in *Taprobane Ptolemaica*. Hanc autem *Insulam*, cur pro Veterum habuerint *Taprobane*, causa esse potuit, falsa quidem illa (quæ tamen vera tunc credebatur) oræ illius *maritimæ* descriptio. Quod scilicet à *Simylla promontorio* & oppido inde ad orientem deflectere crederent oram *continentis*. Sic enim oram illam repræsentant *Tabulæ* ad mentem *Ptolemæi* expressæ. Sic enim fieret ut terminus ille *meridionalis Indiæ* continentis haberetur, quo loco ratiociniis suis collegerant, ut vidimus, Veterum fuisse *Taprobanen*. Situm eundem firmat *Plinius*, cum Regnum *Ceprobotis*, dum illa proderet, fuisse testatur. *Progressu* nimirum hujus mercaturæ, paulatim *ulteriora* patefacta fuisse consentaneum erat, tot annis post repertam *insulam Palæsimundi*. Nam sub *Vespasiano Ceprobotes* innotuerit oportet, anno *Æræ* nostræ LXXVII<sup>o</sup>, quo *Plinius* illa scribebat. Ut tamen ultra *insulam Palæsimundi* Regnum erat *Ceprobotis*, & (cujus idem meminit)

<sup>1</sup> Sueton. Claud. c. 42.



*Pandionis*; ita certe citra *Taprobanem Ptolemaicam*. Sic enim de his *Indiæ Regnis*: <sup>1</sup> *Nec pigebit totum cursum ab Ægypto exponere, nunc primum certa notitia patefcente. Digna res, nullo anno Imperii nostri minus HS. quingenties exhauriente India, & merces remittente, quæ apud nos centuplicato vaneant.* Loquitur nimirum, hoc in loco, de mercibus *Indiæ*, non suæ *Taprobane*, sive *insula Palæsimundi*. Hoc facile colligimus ex *Emporiorum* nominibus infra recensitis illius mercaturæ nomine celebrium. *Portus* illi erant *Muxiris* in Regno *Ceprobotæ*, & *Beccare* in Regno *Pandionis*. Horum alterum *Ceprobotem* (sic enim nomen in *Plinio* recte, ut puto, emendat *Salmasius*) tunc regnasse docet <sup>2</sup> *Plinius*, cum illa *proderet*. Prædicto scilicet anno *Ær. Christianæ LXXVII<sup>o</sup>*. Proinde paulo antea primum *Ceprobotem* Romanis innotuisse verisimillimum est. Tum enim *annorum* aliquot *experimenta* fuerant illius *commerci*. Itaque ultra *insulam Palæsimundi* Regni illius *situs* fuerit oportet, cum tot demum *annis* postea *Romani*, progrediente *mercatura*, patuerit. Quod ne quidem verum esse poruit de *Taprobane Ptolemaica*. Firmat porro nostram de illo *situ* sententiam lectio *Solini* à viro maximo, nobis nuper amicissimo, *Isaaco Vossio* restituta, si quidem vera sit, ut est profecto verisimillima. Sic enim habebat locus *Solini* ex illius emendatione: <sup>3</sup> *Diu orbem alterum putavere, & quidem eum quem habitare Antiscythas crederent. Illos Scythas Australes fuisse censet vir sagacissimus, aliis Scythis finitimis oppositos. Et sane Scythiæ nomen hucusque pervenisse concedit ipse Salmasius. Proximamque huic Palæsimundi insulæ regionem Limyricen Scythiam appellant Tabulæ Pentingeranæ. Qui autem ad Taprobanem Ptolemaicam nomen Scythiæ produxerit, Veterum, ut puto, neminem reperiemus. Convenit etiam huic loco, potius quam Taprobane Ptolemaica, ut à Salis habitata, & inde Salica appellata diceretur. Nempe unicam in insula Palæsimundi gentem fuisse innuit, cum tamen multæ fuerint in Taprobane Ptolemaica. Et sane unicam in hac insula Nanaguna gentem agnoscit ipse Ptolemaeus, quam Sudian nomine insignitam ipse docet, facillimo errore è literarum majuscularum Δ & Α confusione oriundo, si è Salis emanarit. Sed nec ullum in Taprobane Ptolemaica exemplum est Gentilis ad imitationem Salivæ à Salis formatæ, cum sint tamen istiusmodi Gentilia in locis Nanagunæ propinquis frequentissima. Sic enim legimus in illis partibus Siraftrenem, Laricem, Ariacem, Limyricem, &c. Præcipua vero ratio erat cur ita appellaretur, ut ab Ariace secerneretur, in qua sita erat Urbs Regia Baleocuri Hippocura, si quidem is fuerit qui Regnum & Regiam in Palæsimundi insula extinxerit.*

<sup>1</sup> *Plin. N. H. VI. 24.*   <sup>2</sup> *Plin. N. H. VI. 23.*   <sup>3</sup> *Is. Voss. ad Mel. III. 7. 60.*

Quod sane facit ut suspicemur Urbs illa ejus *Regia* ejusdem cum *Palæsimundi* portu nominis. Facit eodem, quod non longe ab *Insula Solis* hanc *sui* temporis *Taprobanem* fuisse testetur <sup>1</sup> *Plinius*. Hæc enim nota *his* potius locis convenit inter *Indiam* fitis & *Arabiam*, cum *contra Indi ostia* illa fuerit *Insula*, teste <sup>2</sup> *Mela*. Facit etiam, quod de *Taprobane Alexandri liquere* tradit <sup>3</sup> *Plinius*, eam *Insulam* fuisse; idque ut liqueret, *Alexandri M. ætatem* resque præstitisse. De hac *juniorum Taprobane*, dubitavit *Solinus*, dubitavit *Mela*, dubitavit ante *Melam Hipparchus*, essetne *Insula*. Vel inde colligitur, non *continuae* *juniorum Traditioni*, sed haustis è longinquo *ratiociniis*, deberi omnem illam, quæ in *minorum gentium* Veteribus occurrit, sententiarum, de *Taprobanes* situ, discordiam. Dubitare enim poterant *juniores*, num revera *Insula* esset, quam illi pro *Veterum* habebant *Taprobane*, si nemo eousque repertus esset, qui eam circumnavigasset. Sic enim de nostra quoque *Britannia* dubitatum est, essetne *Insula*, antequam illam circumnavigaret *Agricola*, ut <sup>4</sup> alibi ostendimus. Postea comperit (ut ad *Indiam* redeamus) adhuc *meridiem* versus tendere *continentem*, ultra *Simyllæ* promontorium. De eo ubi rescivissent, tum demum colligebant, *Insulam* illam, (cujus meminerant sub *Taprobanes* nomine *maiores*) in fine *meridionali* illius continentis, adhuc esse querendam. Huic tribuendum *ratiocinio*, ut pro *antiquiorum Taprobane Ceylan* haberetur: certe ante *Ptolemeum*. In eo tamen erravit *Ptolemæus* ipse, secutique illius fidem alii *minorum gentium* Veteres, quod male illi ad *sui* temporis *Taprobanem* retulerint, quæ ad *Insulam aliam* (quæ olim *Taprobane* habebatur) retulerant *maiores*, & coævi *Ptolemæo* *mercatores*. De *Palæsimundi Insula* didicerat *Ptolemæus à mercatoribus*, eam suo Seculo *Salicam*, non autem *Taprobanem* appellari. Quæ ille imperite detorsit ad *aliam* illam *Insulam*, quæ suo tempore *Taprobanes* nomine frequentabatur. Simili *ratiociniorum* errore Nos etiam alibi ostendimus, *Thules* (quæ etiam ipsa ignota erat) nomine nostram quoque venisse <sup>5</sup> *Britanniam*. Ex hac autem Veterum *incertitudine* ortum, ut commentitias plane *fabellas* de hac *Taprobane* finxerit *Iambulus*. Sic enim censet <sup>6</sup> *Lucianus*. Et tamen ipsas illas *fabellas* sequitur *Diodorus*, qui bonos quidem Auctores, infirmo tamen ipse *judicio*, usurpavit. Similes erant etiam de *Thule fabulæ*, non *Pythææ* modo *Massiliensis*, verum etiam <sup>7</sup> *Antonii Diogeniani*. Similes *Euemeri Messenii* *fabulæ* de *Panchaia*, & (qui illius fidem minus, quam *Diodorus Historicus*, absurde sequebatur) *Poëtæ Ennii*. Erant enim & illæ quoque *Insulæ*, fama magis incerta *majorum*, quam certa aliqua *Traditio-*

<sup>1</sup> *Plin. N. H. VI. 22.*   <sup>2</sup> *Mel. III. 7. 63.*   <sup>3</sup> *Plin. VI. 22.*   <sup>4</sup> *Annal. Quintil. §. 22.*   <sup>5</sup> *Annal. Stat. §. 57.*   <sup>6</sup> *Lucian. Ver. Hist. L. I.*   <sup>7</sup> *Ap. Phot. Bibliothec.*



nis fide, exploratæ. Docent hæc quam non necesse esset ut *Ptolemaeum* sequeretur noster, ducem (ut vidimus) his in rebus adeo imperitum.

§. 12. Hujus utriusque *Taprobanae* notas confundit noster, proinde *Ptolemao* saltem *evavus*. Quod facit etiam *Marcianus Heracleota* *Ptolemaeo* junior.

Utcunque tamen *ejusdem nostrum* fuisse, cujus *Ptolemaeus*, ætatis, vel ex illis colligo quæ de hac *Insula* scribit *Taprobana*. Communem enim ille cum *Ptolemaeo* errorem habet, quod *Insulam Palæsimumdi* similiter ipse cum *Taprobana* confuderit, atque *Ptolemaeus*. Nec enim certe illum de *Pliniana* loqui *Taprobana*, sed de *Ptolemaica*, situs ipse docet qui *Taprobana* à *nostro* assignatur. Ait quidem *Insulam* illam, quæ ἀρχαίσις αὐτῶν *Taprobane*, tum raro *Palæsimumdi* appellabatur, *Indiæ* continenti πρὸς αὐτὴν πλὴν δόσον fuisse. Quæ nota *Taprobanae* *Pliniana* est, quam revera *Palæsimumdi* fuisse diximus. Sed reliquæ omnes *Ptolemaicae* sunt. Ponit enim illam noster post Regna *Ceprobotis* & *Pandionis*, & ex adverso *Azaniæ* *Æthiopicae*. Quæ *Ptolemaicae* *Taprobanae* magis respondent, quam *Pliniana*. Vixit ergo scripsitque noster postquam novam (quæ *Ptolemaei* ætate credebatur) *Taprobana* reperissent mercatores. Proinde potius tempore *Ptolemaei*. Nec enim est quod miremur *duarum Taprobana*rum notas ab eo invicem esse permixtas. Fecit hoc idem *Marcianus Heracleota*, quem certum est scripsisse post *Ptolemaeum*. En verba. Ἡ δὲ τῶν ἐν τῇ Ἰνδῇ ἢ ἐν τῇ Γάγγει ποταμῷ κειμένη, ἥς καὶ τὸ μισαίτων τῆς ὑπερὶ νῆσος κατ' ἀντικρὺ κείται μεγίστη Τροπιδόνη καλουμένη. Quod *mediæ Indiæ* *Taprobana* opponit, *Pliniana* *Taprobanae* nota est, non *Ptolemaica*. Et tamen, quo loco de *Taprobana* agit ex professo, *Ptolemaicam* describit, non *Plinianam*. Imo *Ptolemaeum* testem advocat, eumque sequitur, etiam errantem. *Insulam* ille *Palæsimumdi*, similiter ac ipse *Ptolemaeus*, cum *Taprobana* eandem censet, & *Salicam* suo seculo appellari scribit. Hæc illi scilicet ex Auctoribus qui notas *duarum* ediderant *Taprobana*rum, quas illi ad unam eandemque retulerunt, quod fecit ipse *Ptolemaeus*. Hoc uno discrepat à *Marciano* noster, quod nomen *Taprobanae*, quo insignitur à *Ptolemaeo*, omnium recentissimum, non negarit quidem, sed duntaxat omiserit. Sic tamen ille, ut quæ scribit omnia verissima esse possint, etiam pro sententia ipsius *Ptolemaei*. Ait noster: νῆσος λεγόμενη Παλαισιμύδου, παρὰ δὲ ἀρχαίοις αὐτῶν Τροπιδόνη. Non ait ἡ νῦν λεγόμενη. Sic enim recentiorem illam *Σαλικῆς* appellationem fortassis exclusisset. Intelligit ergo *λεγόμενη* ποτὶ. Nec enim *nupera*, sed *antiqua*, *Palæsimumdi* illam appellationem opponit: illi scilicet, quæ παρὰ ἀρχαίοις αὐτῶν in usu fuerat. Ni-

1 *Marcian. Her.* p. 14. hujus Ed. 2 p. 16. 3 *Peripl. Mar. Erythr.* p. 35.

hil obstat quo minus, pro nostri quoque Auctoris sententia obsolevisse potuerit appellatio illa *Palæsimundi*, modo non fuerit Insulæ nomen *antiquissimum*. Nihil hic video quod non potuerit ab ipso dici *Ptolemæo*. Erat enim nomen *Palæsimundi* in illa *Insula* (dum pro *Taprobane* haberetur) longe celebrius. Imo cum *Salica* appellaretur, jam ad *aliam Insulam* transierat nomen *Taprobanes*. Merito ergo nomen illud *omitti* potuit, cum de *Taprobane* ageretur. Imo *rectius* ab illo potuit *reticeri*, quam à *Ptolemæo* memorari.

Sic autem noster *antiquos*, quos excerpfit, cæca fide est secutus, ut sæpe nullos *coævus* sibi testes de rebus iisdem consuluerit. Constat hoc è *fabulis erroribusque* admodum crassis, qui non modo è *Ptolemæo*, sed è quovis alio *recentiori* earundem regionum lustratore, poterant redargui. *Indum* ipsum fluvium *Sinthum* <sup>1</sup> appellat noster, cum tamen *Sinthonem* secundum ejus ab occidente *ostium* tantummodo testetur fuisse *Ptolemæus*. Sed vero *Indum* ipsum, non *unum* ejus duntaxat *ostium* à *nostro* intelligi, exinde constat; quod *septem ostia* sui agnoscat *Sinthe*, qui numerus est *ostiorum Indi* apud *Ptolemæum*. Hoc ille hausit è *juniorum* inventis, cum vix plura *duobus Indi ostia* innotuerint *antiquioribus*. Docet quidem <sup>2</sup> *Plinius*, *Indum* ipsum *Sindum* ab incolis appellatum. Sic enim è *MSS.* lectionem restituit *Cl. Harduinus*, cum antea *Sandus* legeretur. Inde fortasse *Sinda* oppidum, & *Sindi* Populus, & regio *Sindice*. Sed magis, ut opinor, ab illo *Indi ostio*, quam ab ipso *fluvio Indi*. Ut tamen *Indus* nomen illud apud *indigenas* obtinuerit (ut vult *Plinius*) sic nihilominus loqui videtur *noster* quasi *fluvium* illum longe omnium celeberrimum, à quo *Indi* universi nomen acceperint, ipse nesciverit. Ait enim suum illum *Sinthum* fluviorum, qui in *Mare Rubrum* influerent, esse *maximum*, quod sane dubium apud Lectorem esse non potuit, si *Indum* illum fuisse meminisset. Nec erat sane cur *nomen* fluvii longe *notius* reticeret, si ipse exploratum habuisset. Ait præterea <sup>3</sup> *Plinius* ex *Onesicrito* & *Nearcho*, classem *Alexandri* ab *hydris marinis* esse *territam*. Noster eandem fabulam, ut à vetustioribus acceperat, repetit de <sup>4</sup> *serpentibus* in hoc mari natantibus. Nec potuit *Cayamano*s intelligere, aquarum potius *dulcium*, quam *marinarum*. Idem *thuris* <sup>5</sup> *Divinam* quandam *custodiam* narrat in sinu *Sachalitico*, plane qualem acceperat à *fabulatoribus*. Vix potuit certe toties *Veterum fabulas*, quasi *veræ* fuissent, Lectoribus suis propinare, si narrationes eorum *fabulis* refertissimas ipse ad *juniorum* accuratiorumque *testium* fidem

§. 13. Noster  
Veterum errores  
nullos correxit  
è *coavis*.

<sup>1</sup> Peripl. Mar. Er. p. 21. 22. <sup>2</sup> Plin. N. H. VI. 20. <sup>3</sup> Plin. N. H. VI. 23. <sup>4</sup> Peripl. p. 23. 24. 31. <sup>5</sup> Peripl. p. 19.



exegisset. Tantum abest ut hoc ipse fecerit, ut ne quidem professus fuerit, quod tamen facere solent Scriptores accurati. Nuspiam ille *mercatorum coævorum* fidem appellat, cum tamen continuum eorum in his partibus *commercium* agnoscat. Nuspiam ille vel *Scriptorum delictum* profitetur, ut *recentissimos accuratissimosque* eum excerpisse crederemus. Ne quidem unicum decessorum errorem ipse correxit, quos tamen vidimus, in hac saltem *Geographiæ* parte fuisse *frequentissimos*. Nec *sua* unquam *Persona* loquitur, aut *sua fide* quidpiam obtendit, quod facit in *Euxini* Maris *Periplo* ipse *Arrianus*, quasi sua aliqua *αὐτοψία*, aut saltem *αὐτοψία* *testimoniis*, illa didicisset. Proinde *Scriptis* eum omnia debuisse verisimillimum est, & fide prodidisse *aliena*. Nihil ergo est cur cultum omnem, qui à *coævis* suis hauriri potuerit, ab hoc nostro (quicumque demum is fuerit) Auctore exspectemus. Male ergo illum *Ptolemæo antiquiorem* colligit fuisse *Salmasius*, quod non omnia complexus fuerit, quæ discere potuit à *Ptolemæo*. Hac certe *Indiæ* mercatura *florante* scripsisse ex ipso manifestum est, quæ fretus multa potuit, quod non fecit tamen, *emendare*. *Marcis* tempora *Ptolemæum* attigisse docet *Suidas*. Noster *flexum* illum oræ *Indiæ* maritimæ in *orientem* nullum agnoscit qualem descripsit *Ptolemæus*: proinde certiores ipso *Ptolemæo* duces secutus, & *Geographico Ptolemæi Opere* fortasse *junior*. Hoc tamen ante *Ptolemæum* innotuerit oportet, cum exinde emanarit ut *alium* *Australioremque Taprobanae* situm quæfiverint mercatores. Male ergo *Ptolemæus* vetustiorum chartas cum juniorum narrationibus commisit. Noster autem *Sophistæ* potius operam præstitit, quam *mercatoris*; *Excerptorisque* potius, quam *excultoris*. Nec sane necesse est, ut etiam *editum Ptolemæi Opus* consuluerit *Scriptor* quilibet *Alexandrinus*. Multa enim istiusmodi exempla *Secula* omnia suppeditant *neglectorum* ejusdem Argumenti *Scriptorum*, quantumvis *celebrium*.

§. 14. Quod Regum eorundem meminerit noster, quorum meminit *Plinius*; non proinde sequitur illum *Plinio* fuisse *coævum*.

Sed alio pugnat Argumento *Salmasius*, quod ipse *invincibile* appellat. Id quidem si tale fuisset, jam nihil esset quod in contrarium obtenderemus. Sed non est certe illud Argumentum, ut censuit *Vir celeberrimus*, *invictum*. Ait quidem *Plinius* Regem in *India*, dum illa *proderet*, fuisse *Ceprobotem*. Ait idem de finitima regione: *Ibi regnat Pandion*. Amborumque meminit similiter qui *Maris Erythræi* *Periplum* scriptis mandavit. Ideone sequetur *invictæ coævum* *Plinio* fuisse *Peripli* Auctorem? Hoc si admittatur, erit præterea *Plinio* *coævus Ptolemæus*, qui etiam ipse *Regis* utriusque meminerit, tam *Ceprobotis*, quam *Pandionis*. Vidit hoc miratusque est in *Ptolemæo* ipse *Salmasius*, observavitque proinde *Ptolemæum*

*Ptolemæum* prisca Urbium & jam pridem exoleta nomina, quasi sua etiamnum ætate superessent, sæpe memorare. Hoc autem si licuit *Ptolemæo*; cur, quæso, idem non licuit Auctori *Peripli Maris Erythræi*? Si *Ptolemæus* hoc Argumento *Plinio* coævus non probetur, non erit propterea cur *Peripli* Auctor *Plinio* coævus existimetur. Ita nihil valet invictum *Salmasii* Argumentum. Hoc unum erat quod inde rite colligi posset, *Plinio* antiquiorem esse non potuisse, qui *Regum* meminerit *Plinio* coævorum. Perperam ergo *Augusti* temporibus *Cæsaris* illius Expeditionem tribuit, cuius *noster* meminit, cum tot annis antea mortuus fuerit *Augustus*, quam vel nasceretur major ille *Plinius*. Nulla autem verba habet Scriptor *Peripli*, quæ coætaneos sibi Reges illos fuisse vincant, magis quam ipse *Ptolemæus*.

Non scilicet occurrebat viro aliqui sagacissimo, ita *Periplorum* veterum *Itinerariorumque* Auctores excerpere solere *juniores*, ut loca iisdem appellationibus designent, quibus in *vetustioribus*, quorum fidem sequebantur, Auctoribus designata repererant. Hoc est scilicet quod in *Ptolemæo* adeo miratus non tamen intellexit *Salmasius*. Alpes *Cottias* multi memorant Scriptores, qui postea scripserunt quam defierat in vivis esse *Cottius*. Nempe, ut videtur, quod in *Rationario Imperii*, quod *Senatui* redditum testatur ab *Augusto* <sup>1</sup> *Suetonius*, Alpes illas hoc nomine censitas repererant. Similiter se res habebat in Regnis *Rhæmetalcis* & *Rhascuporidis*, & in ejusmodi Regnis aliis, dum *Rationaria* conficerentur, cum haberent *Romani instrumenta servitutis* & Reges. Ad Imperium enim *Romanum* spectare censabantur Regna istiusmodi assignata. Ita in locis, quibus, post Reges istiusmodi defunctos, mutationes erant exploratissimæ. Magis autem consentaneum erat, ut hoc idem observaretur in Regionibus cum quibus rara erant commercia, quales hæ sunt in quibus jam versamur. Hic enim necesse erat ut ex *ultimis* *Itinerariis*, utcunque *antiquis*, describerentur, dum *nova* alia suppetere *Itineraria* quæ res illarum *nuperrimas* patefacerent. In his facillimum erat, ut de *Regibus*, qui *Itinerariorum* temporibus vixerant, perinde loquerentur *Itinerariorum Excerptores*, ac si adhuc *Excerptorum* ætate viverent: quod scilicet de *Regum* illorum *posteris* nihil compertum haberent *Excerptores*. Nec sane aliter se res habebat in his, de quibus agimus, *Indiæ* *Regibus*, *Ceprobote* & *Pandione*. Nulla erant *Romanis* cum illis Regnis continua commercia, nisi sub illis Principibus cum quibus erat firma amicitia. Junioribus ergo *Geographis* illa erant *Itineraria* excerpenda, è quibus primum innotuerant *Romanis* *Ceprobotes* &

§ 15. Sæpe nominibus Regum, qui olim decesserant, Regiones solent designare juniores.

<sup>1</sup> Suet. Aug.

*Pandion,*



*Pandion*, dum nova alia prodirent, quæ *posterorum* mutationes proderent.

§. 16. *Indica* Navigationis *compendium* sub *Claudio* invenit *Hippalus Alexandrinus*.

Prima hæc tam lucrosæ mercaturæ hujus *origo* coepit illa quidem, ut vidimus, sub *Claudio*. Exculta tamen postea est, ut, cum scriberet *Plinius*, tum demum magna ceperit incrementa. Primum tamen *Indiæ* Regem, qui *legatos* misit ad *Claudium*, *Palæsimundum* fuisse probavimus, non *Ceprobotem*. Stabilita autem cum *Palæsimundo* amicitia, ita demum ad *ulteriora* progressa est, ut *Vespasiano* tandem Imperante Regnum attigerit *Ceprobotis*. Navigationis autem *compendium* primum, ait *Peripli* <sup>1</sup> Auctor, invenisse *Hippalum*, & ventum etiam annum *Libonotum*, qui eodem tempore in mari *Indico* spirarit, quo, apud *Ægyptios Alexandrinos*, Mediterranei Maris, qui ab *alio* tamem *Cœli cardine* spirabant, *Etesia*. Inde *ventus* ille nomen accepit *Hippali*, ut legitur apud *Plinium* hodiernum. Legatio illa *prima* primis fuerit fortasse *Claudii* temporibus, quæ desiderantur apud *Tacitum*. Potuitque adeo & illa quoque *maritimi* itineris exploratio ab *Hippalo* Naclero, ipsa quoque in *Claudii* tempora quadrare. Facit ut ita rem fuisse suspicemur, quod *Hippali* mentionem nullam reperiamus inter Auctores, è quibus Librum illum *Plinius* excerpterit, sed tantummodo *Claudii*. Satis enim consentaneum est, susceptum auspiciis  *suis* cursum maritimum integrum, qualem illum ab *Hippalo* acceperat, in Libros suos retulisse *Claudium*. Si autem *post Claudium*, *compendium* illud navigationis reperisset *Hippalus*, certe vel *Hippalum* ipsum, vel sequentem aliquem *Principem*, sub quo navigarat *Hippalus*, inter hujus Libri Auctores retulisset *Plinius*. Certe *Hippali* Personæ conveniunt examussim hujus *Itinerarii* notæ. Nomen ipsum illum *Alexandrinum* fuisse prodit, nec *Romanum* scilicet, nec *Ægyptium*, sed plane *Græcum*, qualia erant *colonorum Macedonum Alexandrinorum*. Recte ergo *Etesias* illos Maris *Erythræi Libonotos* Mediterraneis *ναῦς ἡμῶν* (sic enim loquitur) *Etesias* opponit, quibus *Nili* incrementum Veteres tribuebant. Nec opus erat cur aliam causam comminisceretur *Salmasius*. *Alexandrinorum* enim, ex ipsis *Itinerariis*, quæ ab ipsa *Alexandria* mansiones arcessunt, omne illud cum *India* constat fuisse commercium, ad *Nili* ostia fitorum. Idem exinde colligitur, quod *tempestates* navigationi idoneas *Itinerarii* Auctor *mensium* nominibus designarit *Ægyptiis* quidem, non tamen *Ægyptiorum indigenarum*, sed *colonorum Alexandrinorum*: *fixis* nimirum, non *vagis* (ut volebat *Harduinus*) atque *mobilibus*. Nec enim alii usibus *Naclerorum* futurorum inservire poterant, nec cum *mensibus Romanis Solaribus* com-

<sup>1</sup> *Peripl.* p. 32.

poni (penes quos ipsorum *Alexandrinorum* erat Imperium) ut à *Romanis* mercatoribus *fixæ* illæ navigandi *tempestates* intelligerentur. Componit autem cum *Romanis* mensibus menses illos *Alexandrinus*, non *Peripli* Auctor solus, verumetiam ipse *Plinius*. Sed non pariter incipiebant atque definebant menses *Romani* atque *Alexandrini*, etiam *fixi*. Inde factum, ut cum *duobus* mensibus *Romanis* contendere potuerit mensis quilibet *Alexandrinus*: alio, quo non quidem *incipiebat* mensis *Alexandrinus*, sed cum quo tamen *pars* ejus longe *maxima* concurreret; alio autem quo *incipiebat*. Priori modo supputat Auctor *Peripli*, apud quem *Thoth* *Septembri*, *Tybi* *Januario*, *Epiphi* *Julio* respondet. Quod scilicet *Thoth* *Augusto* coeptus, paucis tamen admodum diebus exceptis, cum *Septembri* concurreret, & sic in reliquis. Estque sane hic modus comparandi longe *accuratior*, magisque idoneus qui ab ipsis usurparetur *Alexandrinis*, tam *Romanis*, quam *Ægyptiis*. Et magis adeo idoneus qui ab ipso *Hippalo*, & à *Peripli* Auctore, adhiberetur, quem fuisse suspicamur *Alexandrinum*. Posteriori modo *Plinius* menses *Alexandrinus* cum *Romanis* conferendos censuit, non quibus *maxima* sui parte concurrerint, sed quibus *caperint*, quod fugit tamen Cl. *Harduinum*. Sic enim *Tybi* cum *Romano* contendit *Decembri*, *Mechir* autem cum *Januario*. Quod scilicet *Tybi* *Alexandrinus* *Romano* *Decembri* semper *inierit*, sed *desinente*; *Mechir* autem *inierit* *Januario*, sed similiter ipso quoque *desinente*. Sic enim ipse (cui accurata mensium *Alexandrinorum* initia non erant explorata) cautissime se processurum credidit, si menses *Alexandrinus* integros mensibus *Romanis*, quibus *inierint*, integris composuisset. Gravissimo, ut ex hoc ipso loco constat, errore. Male enim *Mechiris* diem *sextum* intra *Idus* concludit *Januarias*: quasi nimirum, quia *Januario* *Romano* coepit *Mechir*, proinde *sextus* dies *Mechir* *sextus* respondisset diei *Januarii*. Ita certe videtur sensisse *Plinius*, cum intra *Idus* *Januarias* *sextum* *Mechiris* fuisse colligit, quod à *sexta* *Januarii* die *Idus* numerari solerent, pro more *Romano*. Par huic exemplum erat cum menses eosdem *Romanos* nunc *Signis* tribuerent Veteres quæ mense designato *inirentur*, nunc viceversa illis quæ eodem mense fuissent *expleta*.

Haufit ergo multa noster ex his *Claudio* coævis originibus. Habet tamen & alia illis originibus *recentiora*, quæ illum *Plinio* juniorem fuisse vincant. *Portus*, unde coeperint navigationes *Indicæ*, numerat <sup>1</sup> *Plinius* tantummodo duos: *Ocelim* & *Caven*, utrumque in *Arabia*. Alium habet inter eos *medium* Auctor *Peripli* in *Arabia*, qui ipse proprio quodam no-

§. 17. Habet noster alia *Hippalo*, ipsoque *Plinio* recentiora.

<sup>1</sup> *Plin. N. H. VI. 23.*



mine <sup>1</sup> *Arabia felix* fuerit appellatus, cujus nulla prorsus mentio apud *Plinium*. Et tamen usum ejus frequentissimum fuisse testatur antea quam à *Cæsare* vastaretur. Facile vel inde colligimus *junio*rem *Plinio* illum fuisse *Cæsarem*, qui *portum* hunc florentissimum è *felici desertum* fecerit, qui tamen, scribente *Plinio*, ne quidem *felix* esse coeperit. Addit <sup>2</sup> *Peripli* nostri Auctor alium, in ipsa *Africa*, *portum*, *Aromatum*, in cognomine situm *promontorio*, cujus vel usum *Plinio* *junio*rem fuisse verisimillimum est. Et sane *aliter* scribit hujus *Peripli* Auctor quam in *Periplo Euxini Maris Arrianus*. In *Euxini Maris Periplo* partes habuit Auctor in navigatione præcipuas, resque adeo prodit sibi exploratas, nec aliena fide nitentes, ut jam supra observavimus. Noster è contra *Maris Erythraei* descriptor ita loquitur, quasi qui nihil fide *sua*, sed *aliena* fide narraret omnia. Non esset ergo cur miraremur, si, qui *sua* è fide collegerit *aliena*, notas temporis habuisset à *suis* (quibus vixit ipse) temporibus *alienas*. Sed nihil est necesse ut, hac in causa, eo confugiamus.

§. 18. *Ceprobotis* & *Pandionis* nomina in Regnis illis fuisse videntur *hereditaria*.

Jam enim supra observavimus, solenne fuisse apud *Indos*, ut ditionum earundem *Reges* eodem nomine appellarentur. Sic potuit tam *Plinius* quam *noster* coævus sibi habere *Ceprobotes* atque *Pandionas*, nec tamen propterea sibi invicem fuisse coævi. Prævidit hoc *Salmasius*. Non vidit autem quæ jam diximus de recepto apud *Indos* more. Opponit tamen quæ habet *noster* de *Callienes* Regibus, *Saragano* seniore atque *Sandace*, multisque aliis Regibus proprio quibusque nomine hoc opere memoratis. Maxime autem ad causam illius fecit hoc exemplum, quo diversa habemus nomina decessoris atque successoris. Sed ad aliam spectat ditionem, non autem has *Ceprobotis* atque *Pandionis*. Poterantque apud *Indos* diversi fuisse mores. Nec sane loco illo quo *portus* erat *Callienes* Regnum aliquod reperimus apud *Ptolemæum* nostrumve, aut *Regiam* à Rege denominatam. Et tamen in ipsis illis locis, quibus *hereditaria* erant *Regum* nomina, propria illos in *antiquis* nomina retinuisse vidimus. Sic erat *Sandrocottus Palibothrus* ad quem venerit *Megasthenes*. Sic *Mophis*, vel *Omphis*, quem *Taxilorum* corona ornavit *Alexander Magnus*. Atque his *Natalium* nominibus additis se creverunt invicem, ni fallor, *Indi* Reges suos earundem ditionum cognomines. Erat enim plane necessarium ut *Regum* etiam cognominum gesta nihilominus invicem secernerentur. Poterant ergo is quoque *Saraganus* atque *Sandaces*, præter nomina natalitia, aliud tamen habere Imperii ditionisque commune nomen. Noster autem voluit illos invicem distinguere, quod *Natalitiis* nominibus erat faciendum.

<sup>1</sup> *Peripl.* p. 14. <sup>2</sup> *Peripl.* p. 7. 8.

Si autem à Natalitiis, non vero hereditariis, Regum nominibus appellatæ fuerint illæ ditiones; male pro concessio sumit *Salmasius*, Reges illos fuisse cœvos. Fuerit enim *Plini* tempore *Ceprobotes*, non tamen fuit certe is *Pandion*, à quo Regnum *Pandionis* in *India* appellabatur. Hic enim certe legatos ad ipsum misit *Augustum*. Ita <sup>1</sup> *Græca Eusebiana Scaligeri*. Τὸν δὲ Πανδίων ὁ Ἰνδῶν βασιλεὺς ἐπικηρυκισάτω φίλος Αὐγύστῳ γενόμενος καὶ σύμμοχος. Utinam indicasset *Scaliger* unde hæc & reliqua quod omnia hausert, quæ ipse venditat pro *Eusebianis*. Ne autem de his dubitemus, facit testis *Eusebio* ipso quantumvis genuino major *Strabo*. Ejus hæc sunt verba in hanc sententiam disertissima: <sup>2</sup> Καλεῖται δὲ ἀπ' ἐνὸς τῆς ἐπὶ παρ' ἐνὸς βασιλέως Πανδίωνος καὶ ἄλλου Πάριου, ἡγεῖν ὡς Καίσαρος τὸ Σινοῦσι δῶρα καὶ περιστάσεις, καὶ ὁ κατακαύσας ἰαυτὴν Ἀθήνησι σοφιστὴς Ἰνδὸς καλεῖται καὶ ὁ Κάλωσθε Ἀλεξάνδρῳ τὸ πτωχὸν τῶν ἐπιδεικνύμενος. Firmat hæc præterea *Templum* illud *Augusti*, cujus meminit è *Tabula Peutingerana Salmasius*, quod certe longe ab eo loco distare non potuit, quo Regnum illud *Pandionis* à *Vetere* collocatur. Et quidem duplex erat illa ad *Augustum* legatio, cujus utriusque tempus habemus exploratum. Prior Bello *Cantabrico*, quam *Tarracone Augustus* accepit, teste <sup>3</sup> *Orosio*. Nempe anno post cædem *Julii* XVIII<sup>o</sup>, ut vult *Hieronymus* potius quam *Eusebius* in *Chronico Eusebiano*. Is erat *Varr.* 728. Nec sane id incommode. nam VIII<sup>m</sup> *Consulatum*, quem gessit anno illo 728, & IX<sup>m</sup>, quem sequenti anno gessit 729, *Tarracone* illum inivisse docet <sup>4</sup> *Suetonius*. Mense ergo *Januario* *Tarracone* hyemavit, & in *hibernis* legationem illam ab *Indis* accepit. Secundam deinde legationem anno *Varr.* 734 assignat <sup>5</sup> *Dio*, quo tempore *Sami* hyemavit *Augustus*. Hos vidit, ni fallor, legatos *Nicolaus Damascenus Antiochiæ*, (*Samum*, ut videtur, petentes) teste <sup>6</sup> *Strabone*. Multis autem antea, quam nasceretur *Plinius*, annis, utraque illa erat legatio, & multis proinde illo annis antiquius erat Regnum illud *Pandionis*. Quare si unicus fuerit *Pandion*, necessario emendandus erit locus *Plinii*, & pro <sup>7</sup> *Ibi regnat Pandion*, reponendum, vel *Ibi regnavit Pandion*, vel, *Ibi regna Pandionis*. Nihil certe ibi habet de tempore quo illa prodebat, ut in causa *Ceprobotis*. Sed magis ed propendeo, ut hereditarium fuerit illius Regni nomen, nec proinde temporis certi nota sit, quod satis erit ad convellendum Argumentum invincibile *Salmasii*.

§. 19. Ita ni fuisset, *Pandion* certe non *Plinii* vixerit temporibus, sed *Augusti*.

<sup>1</sup> *Euf. Chr. Gr. Ed. Amst. p. 75.* <sup>2</sup> *Strab. Geogr. L. XV. p. 686.* <sup>3</sup> *Oros. VI. 21.* <sup>4</sup> *Suet. Aug. 25.* <sup>5</sup> *Dio L. LIV.* <sup>6</sup> *Strab. L. XV. p. 719.* <sup>7</sup> *Plin. L. VI. 23.*



## DISSERTATIO QUINTA.

De ætate Epicteti atque Arriani, con-  
scriptique ab Arriano Peripli Maris  
Euxini &c.

§. 1. Sub exi-  
tum Hadriani de  
Mari Euxino scri-  
psit Arrianus.

**S**cripseram quidem de hoc Maris Euxini Pe-  
riplo nonnulla, cum de Periplo Maris age-  
rem Erythræi: sed pro modo quem con-  
cessit nata in alieno Opere occasio. Jam  
paulo agam accuratius. Sub Hadriano scriptum  
fuisse docet ipse titulus. Sed propius initio Hadriani scriptum tum  
arbitrabar, quod quidem Reges harum partium finitimi à Trajano  
dati etiamnum essent in vivis. Unicus autem is erat, quem me-  
moravit Arrianus, Rex Apfilarum <sup>1</sup> Julianus à Trajano desi-  
gnatus; <sup>2</sup> plures autem idem refert, quos fecerit Hadrianus. Et  
Trajani Imperio exeunte factos fuisse verisimillimum est, quos ille  
Reges dedit, cum jam victoriæ illius in Oriente fecissent ut vi-  
cini, & tam Parthis quam Romanis finitimi, à Romanis diade-  
mata libentius quam à Parthis acciperent. Antea certe causam  
Trajano Belli in Parthos dedit, quod Armenia à Parthis Regem  
accepisset. Tum ergo vel inde vincitur, nondum Romanorum  
tantum in his partibus fuisse terrorem: proinde multos ab Ha-  
driani initio annos elapsos esse necesse est, cum jam plures essent  
ab eo, quam à Trajano, Reges.

Erat autem certe Arrianus ipse, cum hæc scri-  
beret, in Imperio, & gladii jure ornatus. Hoc  
inducant militum sub eo <sup>3</sup> exercitia, & ab eodem  
soluta <sup>4</sup> stipendia: hoc etiam <sup>5</sup> navium ab eo-  
dem assignatæ stationes: hoc <sup>6</sup> munitionum illa,  
quam profitetur, cura: hoc etiam rei <sup>7</sup> annonæ  
hoc quod Sannos tributa recusantes à se <sup>8</sup> exterminandos  
minatur, ni pactis starent, fidemque à se obligatam liberarent:  
hoc denique quod <sup>9</sup> aras à se in Provincia positas fuisse doceat,  
& quod <sup>10</sup> statuas in honorem Principis dedicandas ad se mit-

<sup>1</sup> Peripl. p. 12. <sup>2</sup> P. 12. 19. <sup>3</sup> P. 3. 11. <sup>4</sup> P. 6. 11. <sup>5</sup> P. 5. <sup>6</sup> P. 6. 9. 10.  
<sup>7</sup> P. 6. <sup>8</sup> P. 11. <sup>9</sup> P. 2. <sup>10</sup> P. 2.

tendas esse moneat. Nec sane oram Ponti *Euxini universam* à se lustratam obtendit, sed à *Trapezunte* tantummodo ad *Dioscuriada*, quæ etiam *Sebastopolis* fuerit appellata. Aliam omnem oram inde ad *Bosporum Cimmerium*; rursusque inde ad *Byzantium*, *Bosporumque Thracium*, non sua fide narrat, sed *aliena*. Et ne quidem à *Bosporo Thracio* ad *Trapezuntem* oram innuit à se fuisse *navigatam*. Cur ita, quæso, si Pontum *Euxinum universum* auspiciis *Hadriani* lustrandum suscepisset? Cur ita, inquam, si *classis* potestatem *alibi* habuisset quam in suæ *Provinciae* ora tantummodo *maritima*? Cur denique à *Trapezunte* *Periplum* hujus *Maris* inciperet, quem alii plerique à *Bosporo* potius incipiunt *Thracio*, nisi quia ab illo demum portu usque ad *Dioscuriada* terræ pariter ac *maris*, potestatem habuisset? Obnoxios sibi in hac omni *ora* fuisse *militēs* ipse indicat. Abruptum hoc, quod à *Trapezunte* petebatur, exordium credebat *Struckius*: quod scilicet, non occurrerit, hos *Provinciae*, cui præerat *Arrianus*, fuisse *limites*. Facilis autem erat *universi Peripli* occasio, cum jus rei *Nauticæ* eousque ipse, pro *Provinciae* jure teneret, si *reliquas Euxini* *Maris oras* sigillatim, *aliorumque* fide narratas, adjunxerit. Certe *Flavium Arrianum* sub *Hadriano Cappadociæ* præfuisse testatur <sup>1</sup> *Dio*, quem alium à nostro non fuisse verisimillimum est: nam *Trapezuntem* nunc *Ponto* <sup>2</sup> *Cappadocio*, nunc <sup>3</sup> *Cappadociæ* ipsi accensuit *Ptolemæus*, qui *proximus* nostri temporibus vixit *Arriani*. Itaque hoc *Seculo* ad Pontum usque *Euxinum* pertigit, *Pontique* regionem complexa est *Cappadocia*, & *Tibareniam* & *Colchida* usque ad Urbem, quam dixi, *Dioscuriada*. *Pontum* sæpe *Provinciam* suam ipse appellat *Arrianus*, p. 4, 5. In eo *Ptolemæo* consentaneus, qui *Pontum* appellat *Cappadocium*. Sic autem scribit de *Athenis*: Εἰς γὰρ τοῦ ἐν Πόντῳ Εὐξείνῳ ἁγῶνι ὅρα ἡδὲ ποῦ. De *Regione* loquitur, quæ *Ponti* nomine veniebat, non de *Mari*. Idem paulo postea dicit *ventum*, qui in *Ponto Thracias* appellabatur, in *Græcia Scironem* esse appellatum. Ait denique lignorum *καυτηρησίων ἀφ' οὗ* fuisse *ἐν τῷ Πόντῳ*: propter navis quam passus fuerat jacturam. De *sua* utique rursus intelligendus *Provincia*. Nam eousque jam pertigisse vidimus provinciam *Arriani*. Hos autem hujus *Provinciae limites* *Trajani victoribus* debebant, ut existimo, *Romani*. *Colchos* certe ab eo subactos referunt *Rufus Festus* & *Eutropius*. *Seculi* ergo saltem, quo hæc gesserit *Arrianus*, notam in his ipsis *Provinciae* hujus *finibus* tenebimus.

<sup>1</sup> Dio L. LXIX.    <sup>2</sup> Ptolem. Geogr. L. VI. c. 6.    <sup>3</sup> Ptolem. Geogr. L. VIII. Asia Tab. I.



§. 3. *Cappadocia* anno *Hadriani* XX<sup>o</sup> præerat *Arrianus*.

*Tempus* autem quo hanc *Provinciam* his *limitibus* circumscriptam tenuit *Arrianus*, ex ejusdem *Tacticis*, ni fallor, colligemus. Scripsit illa anno *Hadriani* XX<sup>o</sup>. <sup>1</sup> *ἡ τὴν πάλαι, τὴν παλαιάν, ἢν Ἀδριανὸς ἐκτίσεν τὰ τ' ἐπὶ βασιλείῃ.* Verba ejus *Imperium Hadriani* designare videntur post *obitum Trajani*. Nam inde artem, de qua ibi loquitur *Arrianus*, *militarem* excoluit *Hadrianus*. Cœpit annus ille *Hadriani* XX<sup>mus</sup> anno *Æræ nostræ Christianæ* 136, *Aug.* XI<sup>o</sup>. Desiit autem anno ejusdem *Æræ Christ.* 137, *Aug.* XI<sup>o</sup>. Medio autem tempore se ad scribendum de re *militari* accinxit *Arrianus*, cum jus *gladii* esset à Principe consecutus. Convenit cum nobis *Arriani Dioniani* hæc etiam nota accuratissime. Confecto Bello *Judaico* (nempe cum *Barcocheba*) Bellum *Alanorum* à *Pharasmene* motum tradit <sup>2</sup> *Dio*. Qui idem addit, terrore *Flavii Arriani* fuisse repressos, qui tum *Cappadociæ* præerat. Cœpit Bellum illud in *Barcochebam* anno *Hadriani* XVII<sup>o</sup>, si *Chronico Eusebiano* fides. *Ἡμεῖς* anno ejusdem Principis XVIII<sup>o</sup>, teste meliore, illisque temporibus propinquiore, <sup>3</sup> *Aristone Pellæo*. Si tum fuerit illud in *ἡμεῖς* Bellum; sequenti certe, qui annus erat *Hadriani* XIX<sup>us</sup>, *debellatum* fuisse consentaneum est. Ita videmus quam apte motus illi *Alanorum*, & proinde *Præfectura* etiam *Arriani*, ad annum referantur *Hadriani* XX<sup>m</sup>. Scripsit *Arrianus Alanica*, teste <sup>4</sup> *Photio*. Hujus nimirum *Belli*, ut videtur, occasione. Et fragmentum illius *Operis* habemus hodieque de *acie* illa qua *Alanos* ad *Pacem* terruit *Arrianus*. *Arrianum* enim ipsum illius *aciei* fuisse ducem <sup>5</sup> mox ostendemus. Nec ultra *terrorem* processisse docuit, ut vidimus, ipse *Dio*. Porro eundem illum, qui *Alanos* ad Bellum concitavit, *Pharasmensem* in *vicinia* sua *Zydritis* imperasse, cum de *Mari* hæc *Euxino* commentaretur, idem testatur <sup>6</sup> *Arrianus*. Nihil ergo est cur dubitemus quin idem fuerit *Arrianus*, qui & *Cappadociam* moderatus fuerit, & *Bellum* gesserit in *Alanos*, & qui *Tactica* scripserit, & de *Mari* etiam *Euxino*. Addit *Dio Massagetas* fuisse hos, cum quibus res *Arriano* fuerit, *Alanos*. Fieri potest ut hoc quoque fuerit utcumque verum. At in illius *Seculi Geographia* novum fuisse suspicor, quod aut *iidem* haberentur cum *Massagetis Alani*, aut *sedes* tenuerint huic *Arriani Cappadociæ* propinquas. *Albanos* appellat, ut videtur, è *Dione Zonaras*. Estque sane in his partibus *Albanorum* nomen, quam *Alanorum*, longe notius. Antiquitus omnes invicem *diversissimos* fuisse constat è veteribus, tam *Ala-*

<sup>1</sup> *Tactic. fin.* <sup>2</sup> *Dio*, ubi supra. <sup>3</sup> *Ap. Euseb. H. E. IV. 6.* <sup>4</sup> *Phot. Cod. LVIII. 5 §. 6.* <sup>5</sup> *P. 11.*

nos, quam *Albanos*, quam etiam *Massagetæ*: imo ne *sedium* aliqua propinquitate conjunctos. Quod ergo tandem coaluerint, inde factum arbitror, quod *Massagetarum ultimi* in *has* sedes translati ab *Albanis* victi in nomen pariter ditionemque victorum transierint. Constat enim certe jamdiu intercidisse nomen *Massagetarum*. Et cum in *Albanorum* nomen deinde concessissent, facilis inde error erat, ut iidem *Alanorum* nomine intelligerentur: eorum scilicet qui *Albanos Asiaticos* non satis accurate ab *Europæis* distinxerunt *Alanis*. Hæc tamen obiter.

Cæterum initio gestæ à se Provinciæ hæc scripsit *Arrianus*. Cum nempe primas redderet Provinciæ à se administratæ (pro recepto officii munere) rationes. Ad illud certe munus spectare videntur *ῥημάτων*, quorum toties meminit, <sup>1</sup> *Πρωμύνη*. Hoc enim exigebat ipsa Imperii *Romani*

§. 4. Initio Præfecturæ ante Bellum cum *Alanis*, ann. Chr. 137, hunc *Periplus* scripsit *Arrianus*.

Majestas, ut ne alia lingua, quam *Romana*, conciperentur forme omnes rationum solennes & legitimæ, seu *Principi* essent, seu *Senatui*, reddendæ, *Archivis*que publicis recondendæ: his nempe *Hadriani* temporibus, cum nondum in *Romanam* Civitatem recepti essent vel *Romani* Imperii cives *Græci*, quod postea factum à *Caracalla*; nec novi jam Imperii caput esset *Urbs Byzantina*, ipsa quoque olim stirpe *Græca*. Literis ergo *Romanis*, quæ *scriniis* Principis recondendæ erant, multo liberius de *arcanis* *Hadriani* mandatis se egisse ipse indicat *Arrianus*. Plane, ut decuit in *arcanis* Imperii. Nec in *literis Romanis* quicquam à Provinciæ rationibus alienum fuisse verisimile est. In illis itaque soli Provinciæ Paraplo locum fuisse consentaneum est, à *Trapezunte* scilicet usque ad *Dioscuriada*. Alibi certe nusquam *literarum* occurrit vel mentio *Romanarum*. Si quid præterea ad illas literas accesserit, illud fortasse fuerit, ut Provinciæ suæ Paraplum à *Dioscuriade* ad *Bosporum* continuaret *Cimmerium*. Est enim sane ratio *Politica* cur eousque iter *maritimum* describeret, siquam forte novam Expeditionem eò meditaretur *Hadrianus*, propter mortem, quæ nuper <sup>2</sup> contrigerat, *Cotyos* Regis *Bosporani*: de qua propterea monendum duxit, pro officii ratione, *Hadrianum*. Suspicio ergo inter Regna Imperii *Romani* adsignata hoc tempore accensitum fuisse Regnum *Bosporanum*. Erat certe ætate etiam *Strabonis*. Illius verba sunt: Καὶ νῦν ὑπὸ τοῖς τῷ Βοσπορείῳ βασιλείῳ, ὃς Ρωμαῖοι κατέστησαν, ἄπαντα ἐστὶν. L. VII. p. 312. Inde similia monita de Rege *Bosporano* sub *Trajano* legimus, *Bithyniam* tenente *Plinio* juniore. L. x. Ep. 13, 14, 15. A *Byzantio* ad *Trapezuntem* Paraplum addiderit fortasse quem obierit ipse cum in Provinciam veniret. Id si verum; à *Roma* venerit, fueritque adeo

<sup>1</sup> P. 6. 10.    <sup>2</sup> P. 18.



*Hadrianus* ipse in *Italia*, cum mitteret *Arrianum*. Quod sane anno Imperii xx<sup>o</sup> verisimillimum est, cum de successore *Ælio Vero* ageret *Hadrianus*. Obstabat enim causa illa ne pedem ipse ex *Italia* moveret. Reliquum Paraplum à Bosporo *Cimmerio* ad *Thraciam* non video cur addiderit *Arrianus*, nisi ut Maris illius *Euxini universi Periplum* abolveret. Nuperum autem illius in *Provinciam* appulsum indicat *itinerum* illa tam accurata descriptio, quæ adeo opportuna non fuisset, si jam itineribus illis aliquandiu assuevisset. Sic enim sua etiam in *Provinciam itinera* nuper peracta descripsit *Cicero*. Sunt & alia quæ nuperum *Arriani*, cum hæc scriberet, appulsum fuisse doceant. *Sannas* ait πάλιν fuisse tributarios, tunc autem latrociniis intentos solutionem neglexisse; se autem operam daturum, ut vel solutionem præstarent, vel è sedibus <sup>1</sup> pellerentur. Hæc ad suam ipse contumeliam, si, se gubernacula tenente, officio defuissent. Meminit etiam <sup>2</sup> *Pharasmans*: sed nulla adhuc de eo suspicio. *Alanorum* autem ne meminit quidem. Inde facile colligimus, nullos adhuc eorum fuisse motus. Cavet enim noster ne quid *Hadrianum* celaret, quod Reipublicæ, si nesciretur, perniciem afferre posset. Inde tempestiva illa monitio de morte *Cotyos*. Recte ergo, ni fallor, *Arriani* adventum ad annum *Æræ nostræ Christianæ* 136<sup>m</sup> exeuntem retulerimus, quo prædictum de re *Militari* commentarium ipse scripserit, cum primum gladii jus acciperet, nullo adhuc hostis manifesti metu. Aliter fuisset, hostium mentio facienda erat, & disciplinæ eorum *Militaris*, cum quibus rem gesturus erat. Medio enim anno *Roma* discedebant plerumque *Provinciarum Præsides*, ut è *Legibus* <sup>3</sup> *Claudii* de eorum discessu satis apparet. Ita necesse erat ut anno *Juliano* exeunte in *Provincias* remotas, quales erant hæc, de quibus agimus, *Asiaticæ*, venirent. Sub *Traiano* <sup>4</sup> *Plinius* xv Kal. *Octobris* venit in *Bityniam*, quæ tamen propius aberat à *Roma* quam nostri *Arriani* *Provincia Cappadocia*. Itaque si anno 137<sup>o</sup> *Augusti* diem xim superasset *Arrianus* antea quam in *Provinciam* appelleret, sic annus fuisset *Hadriani* non jam xxus, sed xxius. Quare anno *Æræ nostræ* venerit oportet 136. Illum enim certe diem elapsum esse cum veniret, ipse innuit. Narrat enim, cum *Provinciam* præternavigaret, <sup>5</sup> *procellas* magnas. Et tamen nondum ὄρεων ἔργα fuisse indicat, qua naves essent in portus subducendæ. Cæterum non longe illam abfuisse ipso facto docuit, quod primo quoque tempore illas in portus subduxerit, <sup>6</sup> πρὶν παντοίας ἀρριωδῆναι τὴν θάλασσαν. Facile inde intelligimus paulo illum ante *Maris claudendi* tempus eo appulisse. Quod sane cum xx<sup>o</sup> *Hadriani* anno concurrere non

<sup>1</sup> P. II. <sup>2</sup> P. II. <sup>3</sup> Dio L. LX. <sup>4</sup> Plin. L. X. Ep. 28. <sup>5</sup> P. 4. <sup>6</sup> P. 5.

potuit alio *Æræ nostræ Christianæ* anno quam 1360. Proximo ergo anno 137<sup>o</sup> eruperit seditio *Alanorum*, concitante *Pharasmæ*: ita scilicet, ut *Romæ* hoc nomine sub *Hadriano* accusatus<sup>1</sup> fuerit ipse *Pharasmæ*: ita ut ab *Hadriano* *Romam* invitatus ipse tamen sibi *consciis* venire<sup>2</sup> contemserit: ita ut vicissim *munera* ab ipso missa contemserit<sup>3</sup> *Hadrianus*: ita denique ut *Regulos alios* qui venerint ita acceperit *Hadrianus* ut<sup>4</sup> *Pharasmæ* recusantis *invidiam* excitaret. Non sunt hæc omnia in limites nimis *angustos* contrahenda. Itaque intervallum aliquod agnoscendum est inter primos *Alanorum* motus mortemque *Hadriani*. Nec tamen *magnum* illud fuisse è *numis* colligo. Nec enim aliò, quam ad hos *Alanorum* motus, *Cappadociæ* mentionem retulerim, quæ in *Numis* occurrit *Hadriani* atque *Pii*. Numi *Hadriani*, qui *Cappadociæ* meminerint, *Consulatu* illius signantur 1110, qui ab anno *Ær. Christ.* 119, ad finem *Hadriani* pertigit, annumque *Christi* 138. Numi *Pii* *Consulatu* ejus 110, qui non ultra annum *Æræ nostræ* 139, quo *Consulatum* illum gessit, extendendi sunt. Proximo enim anno *Christ.* 140, *Consulatum* suscepit gessitque 1110. Hinc intelligimus ad finem *Hadriani* illud referendum esse *Bellum*, de quo *numi* gratulatorii adhuc *Pii* initio excudebantur.

Certe horum *temporum* indolem refert *examus* hic, in quo versamur, *Periplus*. Cum *Urbibus* memorat celeberrimas quasque *Mythicorum* *Historias*, & *Historiarum*, siqua credebantur exstare, etiam *monumenta*. His enim sane, siquis *Princeps* alius, maxime delectabatur *Hadrianus*. Sed & disciplinæ *Militaris* curam proficetur *Arrianus*, quam multis novis *inventis* locupletaverat hic atque excoluerat Imperator. Et sane *Tactica* ad illam ipsam *normam*, quam stabiliverat *Hadrianus*, exegit *Arrianus*, quæ etiam ad<sup>5</sup> *Dionis* tempora *inviolata* permanfit. <sup>6</sup> Idem *Urbium* novæ memorat tam *munimenta*, quam *ornamenta*, quorum studiosissimum hunc eundem fuisse constat *Hadrianum*. <sup>7</sup> Nescio quicquamne *Principum* cum eo fuerit, hac in causa, conferendus. Et *Peregrinationum* nomine idem *Princeps* celeberrimus erat, teste <sup>8</sup> *Spartiano*. Talem quoque supponit *Arrianus*. Ait se summa cum voluptate mare *Euxinum* lustrasse ex eodem <sup>9</sup> loco, ὅθεν (inquit) καὶ Εὐβοῖαν καὶ Ὀρ. Et quo loco de fano *Jovis Uris* <sup>10</sup> loquitur: Τούτῃ μὲν ἔδδεν ὅτι λέγει. Itaque jam illas quoque *Ponti Euxini* oras peragraverat *Hadrianus*. Quod tamen sero tandem fa-

§. 5. Horum certe *temporum*, & hujus etiam *Principis* indolem referunt quæ hoc in *Periplo* tradit *Arrianus*.

<sup>1</sup> Dio Excerpt. Theodof. <sup>2</sup> Spart. Adrian. c. 13. <sup>3</sup> Spart. Adrian. c. 17. <sup>4</sup> Spart. Adrian. c. 13. <sup>5</sup> Dio L. LXIX. <sup>6</sup> Arrian. Periopl. Mar. Euxin. <sup>7</sup> Dio & Spartian. <sup>8</sup> Spartian. Adrian. c. 13. <sup>9</sup> Periopl. Eux. p. 1. <sup>10</sup> P. 12.



etum opinor, cum nulla hujus itineris nota habeatur apud *Spartianum*. Nisi forte hæc ad iter illius per <sup>1</sup> *Asiam* retulerimus, quo & *servitia castris profutura à Cappadocibus Arriani nostri suscepit*. Affectum ergo *Hadriani Imperium*, vel *præceps* potius, & ad exitum vergens, supponunt hæ notæ. Cum nempe jam & disciplinam *Militarem* ad exitum perduxisset, & Provincias plurimas itineribus lustravisset idem *Hadrianus*.

§. 6. *Arrianus* hic *Peripli* Auditor, & *Præfès* *Cappadocia*, idem cum *Philosopho Epicteti* Discipulo.

Conveniunt eadem præterea cum temporibus *Arriani*. Erat enim profecto hic *Arrianus* non alius à *Philosopho*, quem *Epictetum* appellant Veteres, quod fuerit *Epicteti* discipulus. Is enim *Arrianus*, qui aciem instruxit in *Alanos*, & qui proinde *Cappadociam* Provinciam habuit, in illo ipso fragmento quod habemus hodieque scriptæ ab eo *Historiæ Alanicæ*, *Xenophon* appellatur. Ο δὲ ἡγεμὼν τῆς πόλεως (inquit) ἑταῖρος Ξενοφῶν. Et postea: Οἱ δὲ ἐπὶ λαμπρῶν ἱππέων ἀντὶς Ξενοφῶντος ἵσταται &c. Sed quis ille fuerit *Xenophon*, non videntur observasse fragmenti Editores: nedum, ipsum fuisse *Arrianum*. Et tamen nomine *νῦν Ξενοφῶντος*, seu *Xenophontis junioris*, appellatum fuisse omnes sciunt: non item illud, hoc nomine ipsum delectatum fuisse *Arrianum*, nec alio libentius appellari voluisse. Ut proinde quoties in illius Scriptis *Xenophontis* nomen simpliciter occurrit, non alius ab ipso intelligendus sit *Arriano*. Hoc tamen verissimum esse ex aliis ejusdem Scriptis manifestum est. In Libro de *Venatione*, de *Xenophonte Grylli filio* facta mentione, ipse mox de se ita subjungit: <sup>2</sup> Ταῦτα λίαν ὁμιλίαις τε ἀν' αὐτῶν, καὶ πόλεως τῆς αὐτῆς, καὶ ἡμερῶν ταύτης δὲν νῦν ἰσχυροῦς, κωμῆσις, & ἑταιρία, & σοφία. Hinc intelligimus ab ipso nomen hoc esse affectatum; & cur affectarit, etiam *rationem*. Quod etiam ipse pariter ac *major ille Xenophon*, in vita *δρακικῇ* & *πρωματικῇ* præfecerit, & sub professione *Philosophiæ* peritissimus fuerit *Imperator*. Sic enim de *Xenophonte seniore* <sup>3</sup> *Laërtius*: καὶ δὲ Φίλιππος & φιλοκύνητος & τακτικός. Sic & alibi, cum de *Xenophonte antiquo* sermo esset, <sup>4</sup> οὐ ζώμενος, ait, τὸ ἑμαυτῷ ὁμιλίαις. Idem *canis* suæ nomen designandum censuit, <sup>5</sup> ὡς & ἐς ὕστερον ἀποκαλεῖσθαι αὐτῆς. ὅτι ἡ αὐτῆς Ξενοφῶντος τῆς Ἀθηναίων κύων. Οὐ μὴ ὀνομα, ἀκατάτη & σφατάτη, & ἰερωτάτη. Hic etiam <sup>6</sup> *Xenophontem seniore* imitatus est, cui *canis* erat, cujus & nomen traditur *Hippocentaurus*. Sed *Stoico* magis placuit nomen *Οὐρανός*, qui *Epicteti* tam multa servavit de *ὁρμαῖς* & *ἀφορμαῖς*, vocibus in disciplina *Stoicorum* decantatissimis. Favebat præterea, quod in receptis *canum* nominibus, ipso quo-

<sup>1</sup> *Spartian*, *Adrian*. c. 13. <sup>2</sup> *Arrian*, de *Venat*. c. 1. <sup>3</sup> *Laërt*. L. II. n. 56. <sup>4</sup> De *Ven*. c. 17. <sup>5</sup> De *Ven*. c. 5. <sup>6</sup> *Pollux* *Onomast*. L. V. c. 5. n. 2.

que teste <sup>1</sup> *Arriano*, locum habuerit *Oeui*. Inde factum ut *Argumenta* pleraque delegerit cum illo quoque *seniore Xenophonte* communia, *cujus nomen* affectabat. Scripsit *Cyri junioris Aná-  
gram Xenophon Socraticus*. Et *Alexandri* similiter *Anágram* scripsit *Xenophon Epictetus*. Congessit *Socratis Memorabilia Grylli* filius. Et *Præceptoris Epicteti* similiter *Colloquia* scriptis mandavit *Arrianus*. Scripsit uterque de *Venatione*. Sic tamen ut quæ deerant in *Socratico* suppleverit <sup>2</sup> *Arrianus*. Erat præterea *Taxu-  
m* superior ille *Xenophon*, ut modo vidimus à *Laërtio*. Proinde *Taxu-  
m* Personæ, quam susceperat, *junioris Xenophontis* congruam judicavit *Arrianus*. Primum præterea *Philosophorum* fuisse, qui *Historiam* scripserit, *Xenophontem* observavit <sup>3</sup> *Laërtius*. De *Enchyri-  
dis* præcipue, ut videtur, intelligendus. Inde cognati *Ar-  
gumenti* tot nostri quoque *Arriani* Libri, *Αλεικῶν*, *Βαθυμυκῶν*, *Πα-  
ρδύων*, *Ιδιῶν*. Hinc loca, quorum meminerat antiquior ille *Xenophon*, observavit in *Periplo* *Arrianus*, captatque omnes illius memorandi occasiones. Sic tamen ut, quoties illum nominandum censuit, fere aliquid adjunxerit, quo à se alius fuisse nosceretur. Nempe illum Ἰγνῆς, ἡ πάλαι, ἡ ἀνωτέρως appellat. Non ita, ut videtur, appellaturus, nisi ut à *juniori Xenophonte* alio *Atheniensi* alius fuisse intelligeretur, nempe à seipso. Sic loquitur in *Tactici*: sic in Libro de *Venatione*: sic in *Periplo*. Est ergo horum omnium *Auctor* idem cum præfecto *Cappadociæ*, & cum *Arriano Epicteto*. Alius autem ab <sup>4</sup> *Arriano Maturio* *Plinii* junioris amico *Altinati*. Erat enim tunc temporis extra *Italiam*, *Nicopoli*, in disciplina *Epicteti* *Arrianus* noster *Epictetus*, cum in ipsa fuerit *Italia* *Arrianus* ille, cum quo *literarium* habuit commercium junior ille *Plinius*, ipse quoque tum similiter in *Italia*.

Itaque, cum *Arrianum* hujus Scripti *Auctorem* tenemus; Age, jam *etatem* illius constituamus paulo magis, quam sit hætenus factum, accurate. Prima autem illius Scripta omnia erant de *Præceptore Epicteto*. Primæ omnium videntur fuisse *Dissertationes*, quæ eo invito pariter ac nescio in vulgus emanaverant, tandem ab ipso emissæ & *L. Gellio* inscriptæ. Ex his deinceps ipse collegit *Enchiridion*. Denique & illa egidit de *Præceptoris vita*, quæ docet illum edidisse <sup>5</sup> *Simplicius*. *Dissertationes* collegit in *memoria* suæ subsidium. Ipse *ἐπιχρηματισμῶν* appellat, quæ *Xenophon Socraticus* *δῆμον μὲν ὀνόματι*: proinde sermone non elaborato, sed *familiari*, quali usus fuerat, cum differeret, ipse *Epictetus*. Sic enim magis ipsum repræsentarent *Epictetum*, sic magis vim illam nativam retinerent, quam habebant, dum ex

§. 7. Prima *Arriani* Scripta de *Epicteto*, paulo post mortem *Epicteti*.

<sup>1</sup> *Arrian.* de Ven. c. 19. <sup>2</sup> *Arrian.* de Ven. c. 1. <sup>3</sup> *Laërt.* L. II. n. 48. <sup>4</sup> *Plin.* L. III. Ep. 2. <sup>5</sup> *Simplic.* in *Epict.* *Enchirid.* init.



ore ejus prodirent, quam tantam fuisse dicit, ut <sup>1</sup> *neceſſe eſſet ſe affici auditorem ut eum ipſe affici volebat*. Supponunt, ni fallor, hæc omnia, non jam amplius fuiſſe in vivis *Epictetum*, cum illius *ὑπομνήματα* in animum revocanda eſſent: alioqui *Epicteti* ipſius teſtimonium advocaſſet, qui tantam rerum ab eo auditarum tantæ Religioſam fidem præ ſe fert, ut *verba* quoque ipſa pro virili ſua numerarit. Neque tamen à memoria admodum *longinquæ* repeti potuit repræſentatio tam accurata *verborum*. Non me tamen fugit *Senecam* patrem *verba* etiam ipſa Oratorum à ſe Adoleſcente auditorum in *Senectute* ſcripſiſſe. Sed prodigioſa erat tanta illa memoriæ felicitas. Suntque præterea alia quæ ſuadeant, nuperiori *Epicteti* memoria hæc mandaviſſe *Arrianum*. Stylum excuſat, quod ſane neceſſarium non fuiſſet, ſi jam alia edidiſſet *ſtyli* ſpecimina, è quibus judicari potuiſſet, quam peritus eſſet *ſtyli* artifex. Ait præterea *Epicteto* nullam, ſibi non admodum magnam, fuiſſe de *ſtylo* ſolicitudinem. Quam hæc aliena ſunt à jactantia illa, qua ſe poſtea pro *primario* Græcæ *Scriptore* venditavit, ut nullum habuerit Græcorum *Alexander M.* ſibi in *armis* parem! Verba ejus hæc ſunt: <sup>2</sup> οὐκ ἀπαύσιμα ἱμαῖον ἢ ἄρσενον ἢ τὴν φωνὴν τὴν ἐκείνου ἀπὸ τοῦ ἑ. Αλέξανδρος ἢ τὸ πῶς ἔπαιον. Produnt *priora* illa animum ab *Epicteti* nupera inſtitutione *modestum*, & *veræ Philoſophiæ* profeſſione dignum: poſtrema nimio gloriæ ſtudio *corruptum* tandem atque *degenerem*. Edidit ergo has *primitias* ſuas *Arrianus*, paulo poſt *mortem* Præceptoris *Epicteti*, cum *primo* Philoſophiæ ſtudio caleſceret.

§. 8. *Scriptis* *Arriani* recentiores erant ejusdem *honoris*.

Sed vero hanc ipſam *Epocham* incertam fecit *Chronologia* his temporibus *obſcuritas*. Si etiam <sup>3</sup> *Suidam* audiamus, aut antiquiorem *Suida* <sup>4</sup> *Themistium*, ad *Marci* tempora ipſe pervenit *Epictetus*. Quomodo ergo Præfecturam *Cappadociæ* ſub *Hadriano* gerere potuit *Arrianus*? *Honores* enim quos geſſit omnes *Philoſophiæ* ſtudio debebat; *Scriptisque*, quæ poſt *Philoſophiæ profeſſionem*, imo poſt *Epicteti mortem*, ut vidimus, edidit, pulcherrimis. Διὰ τὴν τῆς παιδείας δεινότητα, inquit <sup>5</sup> *Suidas*, teſte *Heliconio*, <sup>6</sup> qui ad *Theodoſii* majoris tempora ſeriem temporum deduxit, ipſe proinde ad ea tempora referendus. Διὰ τὴν τῆς παιδείας ἐπίσημον, ait <sup>7</sup> *Photius*. Imo de hoc meliorem hiſce teſtem habemus, ipſum ſcilicet *Arrianum*. Sic enim de *Scriptis* ſuis <sup>8</sup> ipſe: Εμὲ πατρὶς τε καὶ γένος καὶ ἀρχαὶ οἶδε. οἱ λόγοι ἐσὶν τε ἑ δὲ νόμιμα ἐπὶ ἑγώ. Patriam ſcilicet *ſcriptis* debuit, quod ipſe *Bitthynus*, civitatisque *Nicomediensis*, in civitates *Nicomedia* longe co-

<sup>1</sup> Præf. *Arrian.* ad *L. Gell.* <sup>2</sup> *Arrian.* *Exped. Alexandr.* *L. I.* <sup>3</sup> *Suid.* *ΕΠΙΧΤΗΤΟΥ*. <sup>4</sup> *Themist.* *Or. XII.* <sup>5</sup> *Suid.* *Ἀρριανός*. <sup>6</sup> *Suid.* *ΕΛΙΚΩΝΙΟΣ*. <sup>7</sup> *Phot.* *Cod. LVIII.* <sup>8</sup> *Arrian.* *Exp. Alex.* *L. I.*

labriores propterea fuisset adscriptus, quod erat sane in viris celebribus, illo Seculo frequentissimum. *Atheniensem* se fuisse proficetur, ut vidimus, in Libro de *Venatione*, ut propterea & nomen *Atticum* etiam assumeret *Xenophontis*. Et *Romanum* fuisse docent nomen *Romanum Flavii Arriani*, & honores *Romani* ab eo gesti, præsertim *Consulatus*, qui non aliorum erant quam civium *Romanorum*. Hanc ergo civitatem si *Scriptis* debuerit, vel inde obiter illum alium fuisse colligemus ab *Arriano Pliniano*. Sic enim probabile erit, cum scriberet junior ille *Plinius*, nostrum ne quidem nomen habuisse *Arriani*. Ita & *ῥῆος* & *ἀγῶος* similiter *Scriptis* suis debuerit, gentem scilicet honoresque *Senatorios Romanos*. Habuit quidem & in patria sua, ut ipse docet, honores. Nempe *Sacerdotium Cereris & Proserpine*, ut nos docet ex illius *Bithynicis Photius*, Cod. xciii. Sed quos minori loco habuit præ honoribus civitatum adscititiarum. Illos tamen potuit *Eruditioni* debere. Commendabant enim civibus suis *externi* quoque honores, ad munera quibus alioqui *impares* fuissent pro origine *domestica*. In *Græcis* civitatibus omnibus constat quanto fuerit in pretio nomen *Olympionicis*. Et, cum omnes *Romani* parerent, summo in loco fuisse certum est honores apud *Romanos* ipsos summos, nempe *Senatorios*. Ornavit ergo patriam suam *Arrianus* potius quam ab ea ornabatur, si post *Romanos* honores novos alios à patria accepisset. Hoc idem fecisse censetur, cum & ipse honores patrios capefferet, qui *Arrianum* ornavit, <sup>1</sup> *Hadrianus*. Utcunque tamen, cum honores *Scriptis* debuerit, sequitur sane, cum nondum *Scripta* elaborata lucubrasset, nondum illum honores consequutum. Post mortem autem *Epicteti* *Scripta* illius accurata fuisse, ni fallor, evicimus. Itaque ejusdem *Epicteti* morte honores *Arriani* omnes recentiores fuisse necesse est. Proinde ante annum *Hadriani* xxm, quo *Cappadocie* præerat *Arrianus*, jam decesserat *Epictetus*. Honorem enim illum *Arriani* sub *Hadriano* fuisse, melioribus, quam sit *Suidæ* aut *Themistii*, testimoniis evicimus.

Etiā aliunde *Epictetum* sub *Hadriano* obiisse probamus: & quidem è propinquieribus *Epicteto* testimoniis, quam sint ea quæ proferuntur in contrarium. *Epictetum* *Hadriano* in summa familiaritate fuisse testatur <sup>2</sup> *Spartianus*. Loquiturque sane de tempore *Imperantis Hadriani*. Tum enim familiarem habuit, quem cum *Epicteto* junxit *Spartianus*, *Heliodorum*, licet famosissimis postea literis *Heliodorum* lacessiverit *Hadrianus*, eodem referente <sup>3</sup> *Spartiano*. Itaque *Hadriani* tempora saltem *Epictetus* attigerit. Quousque autem attigerit, ita, ni fallor, colligemus. Alieno ani-

§. 9. *Epictetus* sub *Hadriano* mortuus.

<sup>1</sup> *Spartian. Adr. c. 19.*   <sup>2</sup> *Spartian. Adr. c. 16.*   <sup>3</sup> *Spartian. Adr. c. 15.*



mo erat *Epictetus* à redeundo *Romam*, postquam inde pulsus fuisset *Edicto Domitiani*. Exinde nuspiam illius præterquam *Nicopoli* meminerunt <sup>1</sup> *Arrianus* atque <sup>2</sup> *Gellius*. Itaque in *Græcia Hadrianum* fuisse necesse est, cum in *summa familiaritate Epictetum* haberet. Anno autem Imperii *VI<sup>o</sup> Atheniensibus* *leges concessisse* è *Draconte & Solone petitas* refert *Eusebius in Chronico*; *VII<sup>o</sup>* etiam dicit eum *Athenis hyemasse*: nempe annis *Æræ nostræ Christianæ* 123, & 124. Hoc ergo tempore *Epictetum familiarem* habuerit *Hadrianus*, seu *Philosophorum causa Athenas* venerit *Epictetus*, seu *Epicteti* conveniendi causa ipse potius *Nicopolin* accesserit *Hadrianus*. Vix potuit certe superesse multo serius. Erat enim *Epictetus* ipse <sup>3</sup> *senex*, cum redirent *exsules*, ut videtur, *Domitiani*: anno nimirum *Æræ nostræ* 97. Tunc enim *Reditum Exsulum* gratulantur numi. Loquitur autem de ea *saltem Senectute*, qua jam officiis *Reipublicæ* immunes per <sup>4</sup> *Leges* liberum erat deinceps, si liberet, ut in *otio* viverent & *secessu*. Ait enim majorem se natu *exsulem* ætatis obtentu muneribus *Reip.* renunciasse, quibus tamen se à *Principe* invitatus implicuerit. *Ætas illa sexagenaria* erat, citimus *Senectutis* limes, eorum scilicet quos *ὑπογέρονες* *Veteres* appellabant. Hanc ergo *ætatem* egerit saltem illo etiam anno *Epictetus*. Natus proinde anno *Æræ nostræ* 37<sup>o</sup>. Ita annum egerit *ætatis* 87<sup>m</sup>, prædicto *Domini* anno 124<sup>o</sup>; *ætatis* autem 124<sup>m</sup>, si vel 1<sup>m</sup> attigerit *Macti* annum, qui *Domini* erat 161<sup>m</sup>. Nec sane longe hunc aberrare calculum exinde colligo: quod cum multa in his ab *Arriano* scriptis *Dissertationibus* suæ *ætatis* in memoriam revocet *Epictetum*, nihil tamen habeat antiquius *Nerone*, sub eo autem <sup>5</sup> multa. Admodum sane commode, cum pro his nostris rationibus annum egerit *Epictetus*, cum *Nero* succederet, *XVII<sup>m</sup>*. Ne autem hoc *Epicteto* temere excidisse suspicemur, <sup>6</sup> rursus se paulo postea *γέροντα* *ῥαλόν* appellat.

S. 10. *Mortuus* antea quam nasceretur *Gellius*: qui tamen sub *Hadriano* natus, floruit etiam sub *Pio*, temporibus *Hadriano* proximus.

Sic etiam de *Epicteto* qui proxima *Epicteti* memoria vixit <sup>7</sup> *Gellius*: *De Epicteto &c. recentior est memoria quam ut scribi quasi oblitteratum debuerat*. Certe, cum de memoria loquitur *Epicteti*, jam plane *mortuum* supponit: imo aliquandiu *mortuum*, cum *memoriam* ejus ait nondum fuisse *oblitteratam*. Prope autem fuisse innuit, ut è *viuentium* animis oblitteraretur. *Recentem* autem propterea agnoscit, quod etiamnum in *viuis* essent, qui illius me-

<sup>1</sup> *Arrian. Epictet. L. I. c. 19, 25. L. II. c. 6. L. IV. c. 1.* <sup>2</sup> *Gell. L. XV. c. 11.*  
<sup>3</sup> *Arrian. Epictet. L. I. c. 10.* <sup>4</sup> *Senec. de Brev. vitæ. Plin. L. IV. Ep. 23. à Varrone Nonius voce Sexagenarios. Celsorin. de die Nat. c. 14.* <sup>5</sup> *Arr. Epictet. L. I. c. 1, 2, 35. II. 16. III. 22. IV. 5.* <sup>6</sup> *Arr. Epictet. L. I. c. 16.* <sup>7</sup> *Gell. L. II. c. 13.*

miniſſent. Quod erat ſane veriſſimum. *Favorinum* enim teſtem advocat <sup>1</sup> *Gellius* verborum *Epicteti* à ſe auditorum: atque hæc ipſa, uti alia multa, à *Favorino* didicit audivitque ipſe *Gellius*. Cæterum ante *Hadrianum* nulla adhuc occurrit, quod quidem ſciam, vel mentio *Favorini*. Sub *Hadriano* adeo inclaruit, ut illum æmulatus fuerit ipſe <sup>2</sup> *Imperator*. Itaque ſub *Hadriano* *Favorinum* *Epicteto* innotuiſſe veriſimillimum eſt. Certe *Gellii* ipſius memoria antiquiorem fuiſſe *Epictetum* hæc *Gellii* verba ſatis evincunt. *Ætas* enim *Gellii* ea eſt, ut Natalem fortaiſſis habuerit ſub finem *Hadriani*, vitæ autem partem longe maximam egerit ſub *Pio* *Hadriani* ſucceſſore. Semper apud illum <sup>3</sup> *Divus* *Hadrianus* appellatur, quoties ipſe loquitur, aut quoties quis loquitur quem ipſe ſaltem audivit: nec rei geſtæ ſub *Hadriano* ullius memoriam propria *Perſona* reſtricat. Idem tamen à temporibus *Hadriani* non admodum remotus. Audivit enim in *Rhetoricis* à *T. Eufacium* à *D.* (inquit) *Hadriano* in mores atque literas ſpectatum: audivit & *Favorinum*, quem ſub *Hadriano* clarum oſtendimus. Sic tamen audivit, ut alterius ſe ſeculi fuiſſe innuat, quam fuerit ipſe *Favorinus*. *Valerium* *Probum* <sup>4</sup> noſtrum *Probum* quaſi parem appellat *Favorinus*. Auditor *Favorini*, cœvius proinde *Gellio*, de hoc eodem *Probo* ita loquitur: <sup>5</sup> *Valerium*, inquit, *Probum* audivi hoc dicere. Ipſe *Gellius* *Valerii* *Probi* <sup>6</sup> diſcipulas audivit, & <sup>7</sup> familiarem. Qui ergo aliorum Præceptorum diſcipulos, alios ipſos audivit, qui floruerant ipſi ſub *Hadriano*; ejus certe *Adoleſcentiam* (quæ ætas erat audiendorum *Magiſtro- rum*) non longe ab *Hadriano* abſuiſſe neceſſe eſt. *Muſonii* porro dicta ab <sup>8</sup> aliis narrata audiit *Adoleſcentulus*: paulo nimirum poſtea quam annum ætatis *XIVm* abſolviffet, & togam adeo præteſtam, virili ſumta, poſuiſſet. Idemne hic erat *Muſonius*, qui ſub *Nerone* floruit & *Domitiano*? Sic autem de eo loquitur <sup>9</sup> *Herodes* *Atticus*, quaſi ipſum audiviſſet, quem tamen *Herodem* ipſe convenit *Gellius*. Sic item de eo loquitur *S. Juſtinus* <sup>10</sup> *Martyr*, quaſi admodum nupera vixiſſe memoria, cum *Antonino* *Pio* ipſe Apologeticum inſcriberet. Ita neceſſe erit ut *Hadriani* temporibus floruerit ille *Muſonius*. A *Tauro* præterea Philoſopho multa didicit *Gellius*. Idem *Taurus*, cum <sup>11</sup> *Plutarchum* noſtrum appellat, ita de *Plutarcho* loquitur, quaſi ipſum audierit. Vix potuit autem *Plutarchus*, qui ſub *Nerone* vixit, diu ſuperſuiſſe poſt tempora *Hadriani*. Itaque nec diu poſt *Hadrianum* neceſſe eſt vixiſſe *Gellium*, qui *Tauri* adeo multis colloquiis interfuit. Idem autem

<sup>1</sup> Gell. Noſt. Att. L. XVII. c. 19. <sup>2</sup> Spartian. Adr. c. 15. <sup>3</sup> Gell. III. 16. XI. 15. <sup>4</sup> XHL. 21. XVI. 13. <sup>5</sup> Gell. XIII. 21. <sup>6</sup> Gell. III. 1. <sup>7</sup> Ap. Gell. ib. <sup>8</sup> Gell. IX. 9. <sup>9</sup> Gell. XIII. 20. <sup>10</sup> Gell. V. 1. XVI. 1. <sup>11</sup> Gell. IX. 2. <sup>12</sup> Juſtin. Mart. Apol. I. p. 46. <sup>13</sup> Gell. I. 26.



Gellius, cum <sup>1</sup> *Taurum memoria* sua celebratum fuisse tradit, jam non amplius illum in *vivis* fuisse innuit, cum illa commentaretur. Ipsum tamen illum *Taurum Gellius Athenis* audiverat. Itaque inter *reditum* ex *Athenis* & *Librum* vim elaboratum decesserat, & de decessu ejus nuncium Gellius acceperat. Erat porro *Cornelius Fronto* in arte Oratoria Tutor tam *Marci* quam etiam *Veri*. Hunc etiam audiit Gellius *Adolescentulus*. Ita tamen audiit non quasi Scholæ *Rhetorem*, sed ut *emeritos* jam *Rhetores*, jam potius <sup>2</sup> *Oratores*, nec *Scholis* præfectos, nec *mercenarios*, audiebant *Romani Adolescentes*, cum *Oratoriæ* studiis imbuerentur: proinde, ut videtur, postquam *Rhetor* esse desierat, jam *Marci* saltem studiis præfectum. Is enim mos erat, ut postquam *Principum* studia moderanda suscepissent, <sup>3</sup> *Scholæ* deinceps renunciarent. Et sane tum quoque *Principem* alterum instituisse *Frontonem*, innuit ipse <sup>4</sup> Gellius, cum in vestibulo *Palatii* eum fuisse tradit, cum illius colloquio ipse interesset. Simile enim colloquium narrat *Favorini* Philosophi <sup>5</sup> in *area Palatina*, dum *salutationem* *Cæsaris* opperirent. Tum quoque *Consularem* <sup>6</sup> *Frontonem* fuisse dicit, qui honor conferri solebat in *Principum* Tutores *emeritos*. Ætatem illam *Adolescentuli* suam censet Gellius, dum *Romæ* *Oratoriam* sub *Rhetoribus Magistris* excoleret: nempe eousque dum <sup>7</sup> *Athenas* proficisceretur, *ad capiendum*, <sup>8</sup> ut inquit ipse, *ingenii cultum*. Cœptum enim *Romæ* studium *Rhetorices* *Athenis* prosecutus est. Eo enim spectant verba *Tauri* Philosophi, cum Gellium recens in *diatribam acceptum Rhetoricum* <sup>9</sup> appellaret: *existimans*, inquit, *eloquentiæ unius extendendæ gratia* illum *Athenas* venisse. Eo quod ipse se testetur *Athenis* apud *Magistros* <sup>10</sup> fuisse, & se, cum ibi esset, accenset nunc <sup>11</sup> *juvenibus*, nunc <sup>12</sup> *Adolescentibus*. Hinc facile colligimus, cum *Athenis* esset, jam adhuc *ætatem* illam, qua se *Rhetoribus* in disciplinam tradere, & *Scholas* eorum frequentare solebant *Romani*, nondum superasse Gellium. Colligimus item <sup>13</sup> *ætatem* illam communem fuisse *Juventuti* atque *Adolescentiæ*. Eam scilicet partem *Juventutis* censer, quæ à toga cœperit *Virili*, nec tamen fines excesserit *Adolescentiæ*. Imo *Adolescentiam* illam, qua sub *Rhetoribus* merere incipiebant, ab anno ætatis *XVIII<sup>o</sup>* inire jam <sup>14</sup> alibi probavimus. Hoc ergo anno *major*, & extremo *Adolescentiæ* termino (quo *Curatoribus* liberabantur, Jusque rerum suarum plenum assequebantur, anno scilicet *XXV<sup>o</sup>*) *minor* fuerit oportet Gellius, cum *Athenas* proficisceretur. *Majorem* certe annis

<sup>1</sup> Gell. VI. 10. <sup>2</sup> Annal. Quint. §. 1. <sup>3</sup> Annal. Quint. §. 35. <sup>4</sup> Gell. XIX. 13.  
<sup>5</sup> Gell. IV. 1. XX. 1. <sup>6</sup> Gell. II. 26. <sup>7</sup> Gell. XIX. 8. <sup>8</sup> Gell. I. 2. <sup>9</sup> Gell. XVII. 20.  
<sup>10</sup> Gell. I. 2. <sup>11</sup> Gell. XV. 2. <sup>12</sup> Gell. I. 2. <sup>13</sup> Annal. Quintil. §. 3. <sup>14</sup> Annal. Quintil. §. 3.

XVIII fuisse arguit, quod in *judicem* fuerit *lectus* à <sup>1</sup> *Prætor*e. Hoc enim officium hujus fuisse *ætatis* <sup>2</sup> alibi ostendimus. Hoc tempus fuisse ait, quo *primum* judicia exercuerit: dedita nimirum id opera. Erat enim tempus aliud, quo non, ut antea, *lectus* à *Prætor*e, sed à *Consule* <sup>3</sup> *datus*, & quidem *extra ordinem*, judicaret. Itaque alterius *anni* hoc *judicium* fuisse verisimillimum est. Ut proinde *duobus* annis *judicia* exercuerit, ad annum *vite* adeo *xxm*, & quidem *absolutum*. Ita *Athenas* venire non potuit ante annum *vite* *xxim*, quo *barbam primam* ponere solebant, qui *citimus* erat *Adolescentiæ* terminus. *Primam* enim certe *Adolescentiæ* partem *Romæ* exegisse, qua <sup>4</sup> *Adolescentulus* pariter ac *Adolescens* appellandus erat, ipse testatur. Annum autem quo fuerit *Athenis*, ita indagamus. Audivit *Gellius Athenis Peregrinum* <sup>5</sup> *Philosophum*. Hic se combussit *Olympiad.* *ccxxxvi*, quæ anno *Æræ* nostræ *Christianæ* 165 conveniebat, ut in *Chronico* docet *Eusebius*. Itaque ante hunc saltem annum eum *Athenis* convenerit oportet *Gellius*. Sed & *Olympiad.* *ccxxxv* contemni coepisse *Peregrinum* testatur <sup>6</sup> *Lucianus*, qui jam tamen summo erat in *honore*, cum illum conveniret *Gellius*. Itaque ante ann. *Chr.* 161, qui cum illa concurrebat *Olympiade*, *Athenis Peregrinum* vidit *Gellius*. *Olymp.* *ccxxxiv* fugatus *Roma* venit in *Græciam*, *tertia* nimirum antea quam se è *vivis* subduxerit, *Peregrinus*. Itaque hoc *quadriennio* audivit illum *Gellius*, cum ne quidem nomen <sup>7</sup> *Protei* adhuc sumisset. Quis *annus* ille fuerit, exinde discimus, quod *Delphos* ad <sup>8</sup> *Pythia*, cum *Tauro* *Philosopho*, quem *Athenis* audivit, profectus fuerit *Gellius*. Jam <sup>9</sup> alibi ostendimus in annos *Olympiadum secundos desinentes* convenisse *Pythia*. Ita anno *Dom.* 159, *Olymp.* *ccxxxiv* <sup>2</sup> *Athenis* erat *Gellius*, ætatis anno saltem *xxii*<sup>o</sup>. Et proinde ante annum *Chr.* 137 excefferit *Epictetus*. Nec enim hoc *primum* anno *Athenas* venit. *Verno* enim tempore erant *Pythia*, cum tamen <sup>10</sup> *Æstiva* fuerit anni tempestas, qua *Athenas* appulerit. <sup>11</sup> *Saturnalibus* jam in ipsis versabatur *Athenis*. Proinde non ad ipsum annum, quo *Athenas* venit *Gellius*, spectare poterant illa *Pythia*, sed saltem ad *sequentem*. Exegit præterea *æstum* anni & <sup>12</sup> *Autumnus* (vix, ut opinor, illius, quo venerit) anni in villa *Herodis Attici*, ipsiusque ditionis *Atticæ*. Sed plusquam *unius* <sup>13</sup> *hyemis* in *Attica* absumptæ non meminit, qua primas hujus Operis *Annotatiunculas* collegerit, *breviter* & *indigeste* & *incondite*, ad subsidium memo-

<sup>1</sup> Gell. XIV. 2.    <sup>2</sup> Prælect. V. ad Sp. Adrian. §. 12.    <sup>3</sup> Gell. XII. 13.    <sup>4</sup> Gell. XX. 6. XIII. 17.    <sup>5</sup> Gell. VIII. 3. XII. 11.    <sup>6</sup> Lucian. Mort. Peregrin.    <sup>7</sup> Gell. XII. 11.    <sup>8</sup> Gell. XII. 5.    <sup>9</sup> Dissert. V. de Cyclis Græc. &c. §. 2.    <sup>10</sup> Gell. II. 21.    <sup>11</sup> Gell. XVIII. 2, 13.    <sup>12</sup> Gell. I. 2. XVIII. 10.    <sup>13</sup> Gell. Præf.



ria. <sup>1</sup> Rediit deinde *Romam*, anni hujus 159 fortasse *fine*: sed pedestri itinere usque ad *Cassiopeiam*. Hujus enim *portus* his temporibus usum fuisse in trajiciendo mari *Adriatico* docet <sup>2</sup> *Avianus*: præcipue autem in *hibernis* navigationibus. Non idem erat iter *Athenas* proficiscenti per *Æginam* ad *Piræum*, & per Promontorium proinde *Maleæ*: quod scilicet iter illud *Æstivum* fuisse probaverimus. Et sane redeuntium <sup>3</sup> *procellæ* hoc idem faciunt ut verum fuisse suspicemur. Tum deinde in *Italiam* reversus, ex illis *Annotatiunculis* hos confecit, quos appellat <sup>4</sup> *Commentarios*, ediditque per singulos seorsim *Libros*. Jam certe innotuerant *Libri* <sup>5</sup> *priores*, cum conderentur posteriores. Imo in 1<sup>o</sup> quoque *Libro* mentio eorum qui hoc Opus <sup>6</sup> *emulati* fuerint: non certe tum *Editione* notum, sed è receptis illius *Sæculi recitationibus* atque *retractationibus*. Certe inter *reditum Librumque* VII<sup>m</sup> *absolutum*, jam decesserat Philosophus *Taurus*, *nunciūque* de illius decessu acceperat *Gellius*. <sup>7</sup> *Athenis* enim illum viventem docentemque audiuit. Cum *Librum* VI<sup>m</sup> ederet, ait illum <sup>8</sup> *memoria sua disciplina Platonica fuisse celebratum*. Verbum *memoria* illum ex *intervallo* mortuum videtur indicare. Non tamen *multorum* erat *spatium* illud, ni fallor, *annorum*. Cum enim *Librum* ederet XII<sup>m</sup>, <sup>9</sup> *Peregrino* Philosopho postea *Protei* nomen factum ait, quod nondum ei attributum, cum illum conveniret *Athenis*. Nihil tamen etiam tum de illius *incendio* rescivisse videtur: nihil de novo nomine *Phenixis*, quod illum paulo antea, quam *flagraret*, *assumisse* testatur <sup>10</sup> *Lucianus*. Hinc facile colligimus, nondum annum *Christi* 165<sup>m</sup>, quo se combussit *Peregrinus*, elapsū esse, cum *Libro* XII<sup>m</sup> manum ultimam *Gellius* imponeret. Forte ne quidem annum 161<sup>m</sup>, quo se *sequenti Olympiade* è vivis *migraturum* <sup>11</sup> in celeberrima totius *Græcia* *Panegyri* prædixerit. Vix enim est cur hæc *Roma* agentem *Gellium* latuisse suspicemur. Sed *mortem* obstitisse suspicor, quo minus processerit ultra *Librum* Operis XII<sup>m</sup>. Conveniunt his nostris rationibus *temporum* notæ omnes. Etiam antea quam *Athenas* veniret *Gellius*, jam <sup>12</sup> *bis* *Cos.* fuerat *Erucius Clarus*, quem 2<sup>m</sup> *Consulatum* gessit ann. *Chr.* 146. Et *Præfectus Urbis*. *Athenis* *Herodem Asticum* convenit: jam nempe *Consularem*. Post ann. *Chr.* 143, quo *Consul* fuerat *Herodes*. Et ab *Urbis* anno trecentesimo, <sup>13</sup> ad hunc (inquit) diem, anni esse non longe minus septingenti videntur. Sed vero annus *Christi* 147 idem *U. C.* erat *Varr.* 900, & proinde à prædicto *Urbis* anno trecentesimo sex-

<sup>1</sup> Gell. IX. 4. XVI. 6. XIX. 1. <sup>2</sup> Epictet. E. III. c. 7. <sup>3</sup> Gell. XIX. 1. <sup>4</sup> Gell. Pref. <sup>5</sup> Gell. XIV. 6. <sup>6</sup> Gell. I. 25. <sup>7</sup> Gell. II. 2. <sup>8</sup> Gell. VI. 10. <sup>9</sup> Gell. XII. 11. <sup>10</sup> Lucian. Mort. Peregrin. <sup>11</sup> Lucian. ib. <sup>12</sup> Gell. VI. 6. XIII. 17. <sup>13</sup> Gell. XX. 1.

*centesimus*. Itaque *post* illum annum colloquium illud *Phavorini Gellii* audivisse necesse erat, ut vel *captus* intelligi possit ille *centenarius*. Hinc sanè constat *mortem Epicteti* sub *Hadriano* statuendam esse, ut *Natali Gellii* aliquanto *antiquior* esse posset, nec tamen haberetur *obliterata*.

Poterit etiam aliquid fortasse colligi de *morte Epicteti* è *Luciani Demonactæ*. Vixit enim certe *Demonax* post ann. *Christi*. 170. Illius enim anni *Consulem Cethegum* <sup>1</sup> vidit, cum per *Græciam* in *Asiam* proficisceretur, futurus *Patris* in *Provincia* *legatus*. Sed vidit non jam *Consulem*, sed tantummodo *Consularem*. Itaque *post* illum, quem dixi, annum. Nec tamen, ut videtur, *diu*. Superavit enim *ætatem Consularem* ipse *Cethegus*. Et *Patrem* tamen habuit *Provinciae* administrandæ *parem*. Quamdiu postea vixerit *Demonax*, nihil habet, quod quidem observavi; *Lucianus*, unde liceat colligere. Sed vel ita potuit illum *Athenis* audire *Lucianus*. Erat enim è quatuor *Olympiadicis*, quas exegit in *Græcia* *Lucianus*, una illa quæ arsit *Peregrinus*, anno *Ær. nostræ* 165. Cum moreretur *Demonax*, non multis annis aberat à *centenario*, eodem teste *Luciano*. Sic poterat satis commode *exsulem* videre in *Græcia* *Epictetum*, ut illum vidisse certum est. Sed nondum constat, qua demum *ætate* sua illum convenerit. *Juvenem* autem fuisse innuit, quod ad uxorem ducendam illum hortatus fuerit *Epictetus*. Hoc enim à *Juvenibus* *Leges Romanæ* exigebant. Et si non rursus supponit *Epictetum* *Responsio Demonactis*, se quidem pariturum, si *filiam* haberet quam sibi locaret *Epictetus*. Nondum tamen ex his apparet, quamdiu fuerit in vivis *Epictetus*, & num ad *Marti* usque tempora pertigerit. Aliunde tamen fortassis hoc etiam colligemus. Ait *Lucianus* *Demonactem* non ab *Agathobulo* ad studium *Philosophiæ* fuisse excitatum, sed à *Antisthenis* *discipulo*, sed *Enkratitæ* *inceptorum*. *Agathobulum* illum sub *Pio* floruisse docet ipse *Lucianus*, in *vita Peregrini*. *Quarta* <sup>2</sup> enim *Olympiade* ante illam, qua se combussit *Peregrinus*, ex *Ionia* venit in *Græciam* ipse *Lucianus*. Anno proinde *Æræ nostræ* *Christi*. 153. Tunc *comitem* habuit *Navigationis* suæ *Peregrinum*, jam *Cynicum*, rejectumque adeo à *Christianis*: forte *hereditatem* suam à patria *Paro* repetiturum. Ea spe dejectus *Ægyptum* petiit *Peregrinus*, ut sub *Agathobuli* disciplina exerceretur. Erat ergo tum temporis in *Ægypto* *Agathobulus*, quem tamen *Athenis* convenerat *Demonax*. Ex *Ægypto* *Italiam* petiit *Peregrinus*. *Italia* pulsus à *Præfecto Urbis*, propter convitia in *Principem* mitissimum, *Elidem* se ad *Olympia* contulit *Peregrinus*: anno scilicet *Æræ Christianæ* 157.

§. 11. Mortem *Epicteti* sub *Hadriano* statuendam etiam è *Luciani Demonactæ* colligitur.

<sup>1</sup> *Lucian. Demonact.* <sup>2</sup> *Lucian. de Mort. Peregrin.*



Una enim tantummodo inter hanc, eamque, qua se flammis tradidit *Peregrinus*, intercessit *Olympias*. Medio ergo aliquo anno inter 153, & 157 in *Ægypto* erat *Agathobulus*. Proinde antea *Athenis*, & sub *Pio*, cum eum *Athenis* conveniret *Demonax*. Certe *Peregrino* senior, cum eum pro *Magistro* habuerit ipse *Peregrinus*. Imo *Demonacte*, qui major erat *Peregrino*, seniore arguunt verba illa *Luciani*. Nec enim ab alio quam à *seniore* expectandum erat, ut ab eo ad *Philosophiam* adduceretur ipse *Demonax*. De *sine* ergo *Agathobuli* loqui necesse est in *Peregrini* vita *Lucianum*, qui in *Pii* tempora inciderit. *Florentis* autem in *Scholæ* *Magisterio* *ætas* necesse est ut fuerit saltem sub *Hadriano*. Atqui hoc ipso *Agathobulo* antiquiorem fuisse tam *Demetrium*, quam *Epictetum*, verba prædicta arguunt *Luciani*. *Demetrius* ille *Cynicus* fuisse videtur, cujus responsionem *Neroni* datam ipse quoque memorat <sup>1</sup> *Epictetus*. Erat ergo *Epicteto* ipsi coævus, ut proinde vix potuerit *Hadriani* tempora superare. Sic ergo etiam omnia optime convenient, si Imperio *Hadriani* non admodum affecto decesserit *Epictetus*.

§. 12. *Epictetum*  
ab anno Ær. Chr.  
104. audivit *Arrianus*.

Redeamus jam ad tempora *Arriani*. Vidimus prima ejus de *Præceptoris Epicteti* doctrina scripta post *mortem Epicteti*, nec tamen diu, prodiisse. Vel inde vincitur ad *Marci* tempora non vixisse *Epictetum*. Hos enim ipsos *Arriani* Libros advocant coævi <sup>2</sup> *Gellio* Philosophi, quem sub *Pio* Philosophos Rhetoresque audivisse probavimus. Non tamen tum *primum* prodiisse, sed sub *Hadriano*, ostendimus. Erat ergo sub *initium Hadriani* in *Epicteti* Schola *Arrianus*. Multis autem sub *Epicteto* didicisse annis, tot illius de *Magistro* Libri, *Διατριβήν*, *Ομιλίαν*, & de *Vita*, docent. Quo autem tempore ad *Epicteti* Scholam accesserit *Arrianus*, indagandum. His autem Libris <sup>3</sup> *Nicopoleos* tam frequens mentio facit ut suspicemur, nihil *Arrianum* ab *Epicteto* hausisse antea quam *Domitiani* Ediçto in *exsilium* actus fuerit *Epictetus*. Tum demum enim *exsilii* locum *Nicopolim*, teste <sup>4</sup> *Gellio*, delegit *Epictetus*. Non tamen inde colligendum, *mox* ab *Exsilii initio*, ad *Epictetum* sese contulisse *Arrianum*. Imo ne quidem ullam fuisse, quæ tum patuerit, *Epicteti* Scholam, est sane verisimillimum. Erat enim Philosophis *ipsis* invidiosum, si ad illos sub Principis indignatione positos *Discipuli* magno numero confluxissent. Utque metus nullus ipsi fuisset *Epicteto*, ab *Discipulis*, nondum *Philosophis*, quid, quæso, est cur fuisse dubitemus? Nocuisset etiam *illis* tam prolixus favor in *exsulem* Principi suspectum, & in *Disciplinam* quæ habebatur adeo *Principibus* per-

<sup>1</sup> *Arrian. Epiç. L. I. c. 25.* <sup>2</sup> *Gell. I. 2. XVII. 19. XIX. 1.* <sup>3</sup> *Arrian. Epiç. I. 19. 25. II. 6. IV. 1.* <sup>4</sup> *Gell. XV. 11.*

nicioſa. Harum certe *Differtationum initio* liberior eſt in *Veſpaſianum* <sup>1</sup> *Epiſtetus*, quam ferrent tempora *Domitiani*. Præſertim accedente metu à <sup>2</sup> *militibus delatoribus*, cujus ipſe meminit *Epiſtetus*. Nec tamen ulla virum, utcunque aliter *intrepidum*, adegit officii, neceſſitas ut *exempla* iſtiusmodi familiaribus colloquiis immiſceret. Nulla certe quæ *periculum*, ſiquod immiſſet, compenſaret. Potius, *Domitiano cæſo* revixiſſe probabile eſt ſtudio *Philosophiæ* à *Veſpaſiano* repreſſum atque *Domitiano*. Vix tamen ante *Reditum Exſulum*, quem III<sup>o</sup> demum *Nervæ Conſulatu* impreſſi gratulantur *numi*, anno proinde *Æræ Chriſtiænæ* receptæ 97<sup>o</sup>. Nec ſane verba haber, quod meminerim, in his quos habemus Libris, *Epiſtetus*; è quibus liceat colligere, poſt *exſilium*, & tamen ante *Reditum* Epocham, ulla fuiſſe illi de *Re-publica*, aut de *Philosophia*, libera colloquia. Hoc demum tempore viſitatum ſe à prædicto *ſene* redeunte teſtatur, qui *ætatis* obtentu, *negotiis* renunciaverit, & *ſeceſſus* ſtudio profeſſus fuerit. Hunc tamen queritur, cum *Italiam* attigiſſet, literis Principis delinitum à propoſito diſſiliſſe; tum autem, cum illa diſſereret *Epiſtetus*, *annoque* fuiſſe præfectum, & negotium aliud ex alio ſibi accumulaviſſe. Hic ſane manifeſtum eſt ſpatium eſſe neceſſarium, poſt *reditum*, quo *negotia* tam *varia* accumularit iſte *ſenex*, & deinceps aliud quo de *accumulatione* reſciverit *Epiſtetus*. Illud ergo conſtat, non ſub *Nervæ* hæc, ſed ſub *Traiano*, diſſeruiſſe *Epiſtetum*. Quo autem *Traiani* anno ita differentem audierit *Arrianus*, non adeo habemus exploratum. *Traiani* autem diſerta mentio eſt in *his* quoque *Epiſteti* Sermonibus, quibus interfuit <sup>3</sup> *Arrianus*. Meminit præterea Belli *Dacici*: meminitque ita, quaſi tum quoque gereretur, dum illa diſſereret. Sic enim habent illius verba: <sup>4</sup> *ἡ νῦν Περσικὴ πόλες ἔσται. Ἡ Γερμανία* enim illi *Daci* erant, teſte *Dione*. Hac nota *temporis* antiquiorem aliam præſentis *Arriani*, in his quos habemus Libris, opinor non habemus. Audivit ergo *Arrianus Epiſtetum* à Bello uſque *Dacico*. <sup>5</sup> Duplex autem illud erat *Traiani* Bellum: aliud cui finem impoſuit *Trajanus* anno *Æræ noſtræ* 102: aliud, quod anno demum 105 abſolverit. Poſterius ergo potius intelligendum ſuſpicor. Poſtea enim *Pacem* à *Cæſare* reſtauratam gratulatur, & quidem (ut videtur) *diutinam*. <sup>6</sup> Bis enim illius mentionem legimus, nec ullum legimus deinceps Bellum. Pax autem quæ Bellum *primum* ſequebatur, & *brevis* erat, & pro ipſa quoque illa brevitate *ſuſpecta*. Mox enim *nova* paravit arma *Decebalus*. Pax vero *poſterior* erat ſane, qualis ab *Epiſteto* deſcribitur, *diuturnior*. Pertigit enim ab anno *Chriſt.* 105, ad 112, quo novum

<sup>1</sup> *Arrian. Epiſt. I. 2.*   <sup>2</sup> *Arr. Epiſt. IV. 13.*   <sup>3</sup> *L. IV. c. 5.*   <sup>4</sup> *L. II. c. 22.*  
<sup>5</sup> *Psxl. Camden.*   <sup>6</sup> *L. III. c. 13. 22.*



aliud *Bellum* aggressus est *Trajanus* in *Parthos*. Saltem ergo ab anno 104 in Schola *Epicteti* fuerit *Arrianus*. Ut paulo fortassis antea accesserit, fac eum supponamus hoc anno saltem fuisse *vicenarium*. Multo profecto minor esse vix potuit, cum ad talem Philosophum accederet, qualis erat *Epictetus*, qui non simul fuerit, ut alii plerique, *Sophista*. Oratoriam enim, quam non proficebatur *Epictetus*, alibi didicerit oportet *Arrianus*. Et ea, quæ postea maxime inclaruit, tum quoque se imbutum innuit in *Præfatione*. Sic ergo annum superavit L<sup>m</sup>, anno *Christi* 137, quo *Cappadocia* illum præfuisse probavimus. Nec multum, ut opinor, in hoc calculo, aberrabimus. Erat enim ætas illa satis comoda muneri, quod suscepit, administrando. Nec limites multo laxiores angustioresve patiuntur res tanto intervallo medio gerendæ. Ita annos exegerit in *Epicteti* disciplina circiter xx. Num continuos, de eo nihil affirmare possumus. Interciderunt enim Libri Dissertationum *postremi*, è quibus tempora Discipulatus *postrema* discenda erant. Interciderunt *Epicteti* *Quæstiones* ab eodem *Arriano* scriptæ: interciderunt quæ de *Vita* *Præceptoris* idem exaravit *Arrianus*: interciderunt & *Rufi* è dictis *Epicteti* à *Stobæo* memorata *Collectanea*; si tamen is alius fuerit *Arriani* sub *Epicteto* condiscipulus, & non sua potius ex ipso collegerit *Arriano*.

De hoc autem nostro *Arriano* ita habet in Chronico *Eusebius*, ad annum *Pii* ix<sup>m</sup>: *Arrianus Philosophus Nicomediensis agnoscitur*. Ita fere solet *Eusebius* insigniores vitæ Epochas, quas nescivit, ad certos annos redigere. Ex illis nimirum *Epitomarum* Auctoribus, qui ne quidem ipsi exploratum habebant, quis ille fuisset insignis eventus, qui annum, de quo loquebatur, fecerat insignem. Nunc autem annum forma illa designat quo quis natus fuerat, nunc item quo quid gesserit, quo in hominum memoria inclaruerit. *Natalem* certe *Thaletis* annum hac ipsa forma designavit *Eusebius*, quem certum est ab eo non esse designatum in *Arriano*. Ergo factum aliquod, ni fallor, intellexit *Arriani*, quod hoc demum anno contigerit, aut forte potius illius *Consulatum*. Erat quidem *Consulatus* satis maturus, qui hoc anno *Christi* 147 annum superavit pro nostris rationibus Lx<sup>m</sup>. Sed Scripta fuisse quibus potissimum inclaruerit, ipsum jam profitentem audivimus *Arrianum*. Erant autem duplicia illius Scripta: alia quibus honores meruerit, quæque adeo honores ipsos præcesserint; alia post gestos jam honores, in otio proinde, ut videtur, & secessu. Hoc enim ipse nos docet in vita *Alexandri*. Memorat ibi suos ἀνὴρ λόγους, quibus inclaruerit, honoresque adeo consecutus fuerit. *Parthica*, ut opinor, quibus

§. 13. Anno Chr. 147 secessus *Arriani* post honores, quo *postremas* scripserit *Historias*.

quibus  
Conv  
xxxv  
tuit c  
jani,  
venit  
quar  
tio su  
Præc  
Com  
jano  
mem  
Asia  
finem  
de r  
ipsun  
tem  
oppo  
accep  
tur,  
etian  
rum  
Scri  
in ca  
enim  
nian  
quoc  
no,  
quer  
nito  
notu  
ctet  
Had  
tum  
bere  
natu  
Erat  
ipsum  
dria  
liqu  
tum  
nec  
1  
n. 10

quibus res à Trajano in Parthos gestas celebraverit, teste <sup>1</sup> Photio. Conveniunt res illæ in *juventutem Arriani*, qua anno *ætatis* xxxv *juventus* concludi solebat, pro censu *Romanorum*. Vix potuit certe de hoc Opere suscipiendo cogitare ante exitum *Traiani*, nec tamen postea diu differre ut in *juventutem* ejus conveniret. Non patitur hæc ratio, ut *Natalis* ejus fuerit multo, quam nostri ferunt calculi, *antiquior*. Nec viceversa patitur ratio superius à nobis allata, ut fuerit multo *senior*. Itaque post editas Præceptoris sui *Dissertationes*, cæptos antea de rebus *Parthicis* *Commentarios* absolverit: nempe in gratiam adoptati à *Traiano Hadriani*. Tunc etiam vitam *Tillibori* latronis scripserit, cujus meminit <sup>2</sup> *Lucianus*. Recenti scilicet *patriæ* memoria rerum *Asiaticarum*. Inde fortasse *Provinciam* meruit *Cappadociam* sub finem *Hadriani*. Paulo post *Provinciam* scripserit etiam *Alanica*, de rebus à se in *Provincia* gestis in *Alanos*. Eo enim spectat ipsum illud, quod habemus, *Alanicorum fragmentum*. Vitam autem *Alexandri M.* cum scriptis à *juvene* *Libris* etiam *accuratis* opponit; cum & *imperii* & *patriam* illis in *juventute* *Scriptis* accepta referat. Tum sane se, cum de *Alexandro* commentaretur, *senem* fuisse innuit, saltem pro *primo* *Senectutis* limite; tum etiam & *Atheniensem* se & *Romanum* factum esse supponit, *priorum* nempe merito *Scriptorum*. Ipsa illa de *Epicteto* *Præceptore* *Scripta* satis ipsa per se sufficiebant, ut illum facerent *docentibus* in ea *Urbe Philosophis*, ipsique *Urbi* *commendatissimum*. Quanti enim fecerint *cives* etiam *alienos* eo nomine illustres, docent *Atheniensem* in *Zenonem Cittieum* <sup>3</sup> collati honores: imo illo ipso quoque *Seculo* in <sup>4</sup> *Demonastem*, pariter & ipsum, ut fuerat *Zeno*, *Cyprium*. Accessit autem ad cumulum, cum *priorem* quoque, quem appellat, *Xenophontem* in *Historia* gloria, & *styli* etiam nitore, æmuleretur *Arrianus*. *Hadriano* vero tum demum innotuit, cum in *summa familiaritate* *Magistrum* illius haberet *Epictetum*. Tum scilicet cum in *Græcia Athenisque* ipsis versaretur *Hadrianus*, ut supra vidimus. Inde civitate primum *Romana*, tum & *latulaviq*, donatum esse verisimillimum est, quo *Jus* haberet capeffendorum honorum *Senatoriorum*. Hoc certe *jure* ornatum sub *Hadriano*, ex *Provincia* illius colligimus *Cappadocia*. Erat quidem *Provincia* illa, ut ex *Euxini Maris Periplo*, & *Dione*, ipsiusque *Arriani Alanicis*, constat, *armata*. Inde colligimus *Hadriani* potius *Legatum* fuisse *pro Præatore*, quam *Senatus Populi*que *Romani Proconsulem*, ut putabat *Stuckius*. Potuit quidem tum quoque fuisse *Consularis*. Non tamen erat hæc dignitas tanta *necessaria* ad *Principis Legatum*. Erat tamen *Prætoria* plerum-

<sup>1</sup> Phot. Cod. LVIII. <sup>2</sup> Lucian. Alex. Pseudomant. <sup>3</sup> Laert. Zenon. L. VII. n. 10, 11, 12. <sup>4</sup> Lucian. Dem.



que necessaria. Ratæ enim erant *Præfecturæ Aegyptiacæ*. Plane autem *necessaria* ad Jus Gladii, quod locum habuit hoc, in quo versamur, *Arriani* exemplo. Cæterum si hoc *primum* fuerit *Arriani Imperium*, nondum *Consulem* fuisse verisimillimum erit. Mounit enim *Augustum Mæneas*, ut *Legatos* suos, si bene Provincias administrarent, ad *Consulatus* promoverent. Itaque, re bene in *Provincia* gesta, inde ad novum *Consulatus* honorem *Arriano* viam patefactam fuisse verisimile est. Jam enim observarunt eruditi cum Imperii administrandi Regulis consentire illam *Mæneatis* Orationem. Ita non diu dilatus fuerit *Arriani* ille *Consulatus*.

§. 14. *Arriani* honores *Romani* non adeo *Legibus* *Romæ* *Annalibus* congrui, quam eorum qui *primo* ortu fuerant *Romani*.

Obiter tamen Observandum in his Civibus, qualis erat *Arrianus*, *adscititiis*, non unde quaque similem procedere, ac in reliquis à *primo* ortu civibus, Argumentationem. Suadet prædicto in loco *Mæneas*, ut è *Provincialibus* viri primarii in *Senatum* adlegerentur. Nec aliunde proculdubio ortum habuerunt *Romani* hujus *Arriani* honores. Jam enim olim, diu ante *Hadrianum*, recepta illa apud *Romanos* fuerat consuetudo: etiam in libera Republica. Paucis à *Regifugio* annis, nempe *Æræ Varronianæ* anno 250, receptus est in civitatem è *Sabinis Appius Claudius Regillensis*. Et quidem ita, ut non receptis inter cives gradibus, sed mox fuerit inter <sup>1</sup> *Patres* lectus & *Patricios*, & novam etiam *Tribum* condiderit à se *Claudiam* appellatam. Sic etiam *Bello Punico* 11<sup>o</sup> receptus <sup>2</sup> *Pænus Mutines*, dux *Annibale* ipso non multo inferior. *Civis* & ipse *Romanus factus*, rogatione ab *Tribuno Plebis* ex *Auctoritate Patrum* ad *Plebem* lata. Sic & <sup>3</sup> *Magius Campanus*, ipse *Civitate* donatus, filii autem duo mox per saltum *creati Prætores*. Erant præterea civium *adscititiorum* exempla decantatissima, in *Cornelio Balbo* & *Ventidio Basso*, qui ad summum *Romanorum* honorem ascenderint, etiam *Triumphalium*. Etiam in *Ordine Equestri* eadem obtinuit consuetudo, ut è *Provincialibus* legerentur. *Gaditanorum Equites* 500 in cœva sibi *Censura* censitos observavit <sup>4</sup> *Strabo*; nec in ulla aliqua Civitate, etiam *Italica*, tantum fuisse Ordinis illius numerum, præterquam *Patavii*. Potuit ergo, cum Civitate donaretur, inter *Prætorios* legi *Arrianus*, pro exemplo duorum *Magii* filiorum. Ita scilicet ut honores nullos obierit ante *Præturam* capeffendos, nec media expectarit intervalla inter *Quæsturam*, qui primus erat in *Senatu* gradus, atque *Præturam*. Id si verum, mox *sellæ Curulis* Jus habuerit; nec *suffragandi* tantummodo, verumetiam *sententia dicenda*; & *Provinciæ*, cum visum esset Principi, administrandæ,

<sup>1</sup> *Dionys. Halicarn. L. V. Liv. L. II. c. 16.* <sup>2</sup> *Liv. L. XXVII. c. 5.* <sup>3</sup> *Vell. Pat. L. II. c. 16.* <sup>4</sup> *Strab. L. III. p. 169.*

cum jure *Gladii*. Primi ergo *Arriani* honores non sunt ad *Leges Romanorum Civilium Annales* exigendi. In reliquis deinceps locum habere poterant eadem *Leges*. Hæc tamen obiter.

Redeo jam tandem ad nostrum *Arrianum*. Illud ergo certum est, cum de Expeditione ageret *Alexandri Magni*, actos jam nonnullos fuisse quos *literis* meruerit honores, cum illorum hoc ipso Opere meminerit. Id quoque probavimus, honores ejus *Romanos* inter illos censer, quos hoc

§. 15. Scripsit *Arrianus* de *Alexandro M.* aliaque *Historica* post *secessum*.

ipso *καυδίας* nomine meruerit, & prolixam *Romanorum* Principum in illum benevolentiam. Sed vero in *Maris Euxini* Periplo de gratia in se *Hadriani* sibi gratulatur. Sic enim de suis in primo adventu *Sacrificiis*: ὅτε ὃ ἀρχὴν παζαρά ἡνέχοντο, οὐ λαοφύλακας σὲ, τὸν τε πρῶτον τὸν ἡμέτερον σὲ ἀγνοῦντα, καὶ σπανὶς συνειδέναι, ὅτι ἄλλος ἐστὶν ὑπὲρ ὅτε πάντες εὐξάντο παζαρά, καὶ ὅσοι ἡμῶν ἑλαττον ὑπὸ σὺν πρῶτον. Coepit à vivo *Epicteto* in discipulum *Epicteti Arrianum* *Hadriani* favor, quem non multis ab initio *Hadriani* annis vixisse probavimus. Quid ergo miremur, si xx<sup>o</sup> *Hadriani* anno primum honorem consecutus fuerit *Arrianus*? Primum præterea bene actum *Consulatus* ipem fecisse jam probavimus. Is ergo *Consulatus*, si secundus fuerit honor, elapsus fuerit oportet antea quam se accingeret ad scribendum de *Alexandro M.* Atqui certe parum verisimile est debitum ex illa Provincia *Consulatum* ad annum xm esse dilatum. Magis ergo libenter notam *Eusebii* prædictam ad *secessum Arriani* retulerim, quo, gestis jam honoribus, se totum otio literariisque deinceps duntaxat laboribus adixerit. Nono enim illo *Pii* anno, annum egerit *Arrianus* præter propter LXIII<sup>m</sup>. *Ætas* erat, qua plerunque se *Romani* studiis dediti ad otium receperint. Itaque hoc demum tempore Opus hoc primarium scripserit *Arrianus*, quo recte is agnoscere dici poterit, qui studiis præsertim, *Librisque* elegantissimis, inclaruerit. Tum deinde *Indica*. Hæc enim pro prioris Operis *Appendice* ipse habet *Arrianus*. Proximo, ni fallor, loco de rebus scripsit post *Alexandrum* gestis prolixum Opus à <sup>1</sup> *Photio* recensitum. Inde de *Timoleonte* scripsit & *Dione*. Denique de rebus patriæ *Bithynicis*. Quartum enim hoc fuisse Opus ab *Historia Alexandri*, & hoc ipso quem descripsimus ordine quartum, ex *Arriani* quæ vidit *Bithynicis*, docet ipse <sup>2</sup> *Photius*. Tot autem *Libros* uno quasi & perpetuo filo elucubratos, post gestos in Republica *Magistratus*, vel inde intelligimus commodissime ad *secessum* referendos esse, quo se recipere solebant *Romani* ætate jam declivi & ad res gerendas inepta. Illos autem, si hoc demum anno *Pii* ix<sup>o</sup> coeperit, sub eodem *Pio* ad exitum perductos existimarim. Con-

1 *Thes. Cod. XCII.* 2 *Thes. Cod. XCIII.*



veniunt certe *tempora*. Quo loco agit de morte *Calani*, tñrum est, nihil hic habere *Arrianum* de morte *Peregrini*, qui simili plane ac *Calanus* morte *intendii* absumtus fuerit, si quidem *nupera* illius memoria scripisset. Remotius erat *Gymnosophistæ* exemplum, qui sub <sup>1</sup> *Augusto* ita se è vivis subduxerit, quam ut necesse esset illius mentionem fecisse *Arrianum*. Nec plane simile erat <sup>2</sup> *Euphratis* exemplum, qui sub initium *Hadriani*, impetrata Principis venia, decesserit.

§. 16. *Marci* tempora fortassis attigit *Arriani*.

Vera *Arriani* tempora *proxime*, ni fallor, attingunt quæ jam tradidimus. Idque ipsum gratulandum est, in his præsertim *temporibus*, in quibus nullos prorsus habemus probatæ fidei *Annales*. Ita fiet ut anno *Æræ Christ.* 161<sup>o</sup>, quo cœpit *Marcus*, ab anno ætatis LXXX<sup>o</sup> non longe abfuerit *Arrianus*. Eo tamen pertigisse volunt antiquitatis mediæ infimæque Scriptores. Sed quàm incerta sit eorum fides in *his* temporibus, jam luculento, ni fallor, exemplo ostendimus in *Epicteto* *Arriani* Præceptore, quem illi similiter ad eadem *Marci* tempora vixisse volebant. Imo aliquot sub *Marco* vixisse annis necesse esset, si quidem is ipse fuisset, qui *Periplum* scripserit *Maris Erythræi*. Fieri autem potest ut id fuerit, saltem de *Arriano*, verum. Sed *rem* gestam nullam, *Fæstumve*, proferunt quo id verum fuisse vincatur. Nec viceversa suppetunt in *contrarium* Argumenta, quibus falsum fuisse probatur. Sic meminit *Arriani* *Gellius*; ut nihil innuat fueritne etiamnum in *vivis*. Nuspiam illum *visis* à se accenset seu *Rhetoribus*, seu etiam *Oratoribus*: nuspiam vel illius meminit, fueritne *sua*, an *majorum*, memoria. Si quidem fuerit in *Secessu*, cui nostræ favent rationes, hæc satis commoda causa esse potuit, quæ obstiterit quo minus *Gellio* innotuerit. Maxime si in *patriam* secesserit, ut *Secessus* tempestatem non *Romæ*, sed *Athenis*, exegit *Herodes Atticus*. Utcunque tamen, fac *Marci* tempora attigerit *Arrianus*; non certe *superasse* verisimillimum est. Potuit autem aliquatenus esse verum, *Marci* tempora attigisse *Arrianum*, qui anno saltem *Christi* 147 superstes fuerit, & scribendis deinde *Historiis* incubuerit. Ipso enim illo anno, in *Pii* decennialibus *Tribunitiam Potestatem* accepit *Marcus*, ipsiusque *Imperii* particeps factus est. Ut ab eo usque anno *Edicta Publica utriusque* nomine conciperentur. Idque ipsum satis erat fallendis mediæ hujus Antiquitatis Auctoribus. Id tamen itane se habuerit, statuere non possumus, nisi *verba* ipsa vetustiorum haberemus, quibus freti juniores *Arriani* vitam ad *Marci* Imperium prorogarint.

1 *Strab.* L. XV. p. 686, 719, 720. 2 *Dio & Euseb.* Chron. num. MMC. xxxvii.

Videndum

Videndum porro quid sibi velint verba Chronici *Paschalis* ad *Coss.* anni *Æræ Christi*. 148. *Pii* autem Imperatoris *XII<sup>m</sup>*. *Ἐν τῇ τῶν ὑπᾶτων Αἰρετικῆς πλεονεξίᾳ*. Vidit jam præstantissimus *Cangius* de *Africano* Chronographo ne quidem intelligi potuisse. Habuit quidem *Trajanus* in *VI<sup>o</sup>* suo Consulatu collegam *Africanum*, cujus obitus ad hunc annum potuit non absurde referri. Causam tamen nullam reperio cur illius *Africani* obitus potius quam aliorum cœvorum *Consularium* fuerit commemorandus, cujus res *gestas* in illius *Seculi* Historia *nullas* plane legimus. *Biennio* duntaxat discrepat *situs* à mentione prædicta *Arriani* in Chronico *Eusebiano*, quod ad annum *Pii IX<sup>m</sup>* *Arrianum* retulerit *Eusebius*, ad *XII<sup>m</sup>* autem *Africanum* retulerit Auctor Chronici *Paschalis*. Facilis est in istiusmodi *Chronicis* error *biennii*. Et tamen *unici* duntaxat *anni* error erit, si ad *Consulum* situm potius quam ad annum *Imperatoris* attendamus. Annum enim *medium* designant *Consules*, *Æræ* nimirum *Christianæ* 148<sup>m</sup>. Suspicio ergo ex iisdem fontibus hausisse sua utriusque *Chronici* Auctorem; nec alium proinde à *nostro* esse *Arriano* quem *Paschalis* Chronici Auctor appellavit *Africanum*. Sic nos docebit *Paschalis* Auctor quo nomine hunc annum insignem fecerit *Arrianus*, & quodnam illud fuerit *γνώσεμεν* quo *ἐγνωρίζετο*. Hoc enim *Græcum* verbum est, cujus vice *agnoscitur* reponere solet *Hieronymus*. Sed vocis *πλεονεξίᾳ* duplex potest esse sensus. Alius ut hoc anno *mortuus* fuerit *Arrianus*. Sic *medio* spatio inter annum *Hadriani* *XX<sup>m</sup>*, & hunc annum *Pii* *XII<sup>m</sup>*, ea scripserit omnia, quæ post *primos* ejus *honores* scripta esse probavimus. Et falsa adeo erunt illa juniorum testimonia, quæ ætatem *Arriani* ad *Marci* usque tempora producant. Fieri autem *potest*, ut nihil aliud illa voce Auctor intellexerit, quam ut ad illos usque *Coss.* aut ad illum *Pii* annum *Historiam* aliquam à se scriptam produxerit, seu *Parthica* illa fuerit, seu fortasse potius *Alanica*: admodum certe commode, cum ille ipse *annus* tot aliis fuerit nominibus, ut modo vidimus, insignis; hoc vero præcipue, quod *Secularis* fuerit, *Urbis* nimirum, pro Epocha *Varroniana* (quam *popularem* fecerat *Seculo* elapso *Claudius*) *nongentesimus*. Erat enim hoc apud *Historicos* jam olim receptissimum, ut *annis* istiusmodi *illustribus* *Historias* *terminarent*: apud *Romanos* vero sub *Augustis*, ut *Quinquennialibus* *Augustorum*, quorum *ætate* scripserant, concluderent, aut *Decennialibus*. Hoc ergo potius forte eligendum, dum certiora suppetent, quibus *juniorum* etiam *Traditionem* refellere possimus, de vita *Arriani* ad *Marci* tempora proferenda.

§. 17. In Chronico *Paschali* pro *Africano* forte reponendus *Arrianus*.

\* R

DISSER-



## DISSERTATIO SEXTA.

De *Arriani Nearchi*.

§. 1. Scripsit, ut videtur, *Nearchi* Periplum *Arrianus*, paulo post Expeditionem *Alexandri M.* antea quam innotesceret *Geographia Ptolemæ*.

**N** *Earchi* hunc, quem habemus, *Periplum*, non à *Nearcho* ipso, sed ab *Arriano* scriptum esse constat. Est enim *lacinia* ex *Arriani Indici* depromta. Tempus ergo quo in lucem emanarit, non è *Nearchi*, sed ex *Arriani* potius, ætate colligendum est. Ipsa autem *Indica Libris* de *Alexandri M.* Expeditione omnium insignissimis subiecta fuisse ipse proficitur *Arrianus*. Nihil ergo est cur dubitemus, quin post illos de *Alexandro Libros*, alio nullo Opere interposito, hunc quoque *Periplum* concinnarit. Proinde paulo post *secessum*, quem anno *Æræ nostræ Christianæ* 147<sup>o</sup> supra asseruimus. Certe sub *Pio*. Nihil enim illi exploratum est de commercio illo lucrosissimo inter *Alexandrinos* ipsosque *Indos*, quod *oram* illam omnem patefecerit, cujus veluti jam stabiliti meminit *Ptolemæus*, qui scripsit etiam ipse sub *Pio*.<sup>1</sup> Itinera enim recenset in hoc Opere *Arrianus*, ex *Ægypto* ad *Susas*, non tamen duobus plura: aliud exercitus *Cambysis*; aliud missorum à *Ptolemæo Lagide* ad *Selenium Nicanorem*. *Navigaciones* per has oras maritimas, quales erant, cum scriberet *Ptolemæus*, *statas*, nullas plane cognovit. Hoc nos docent illius diserta in hanc sententiam illa verba: οὐ πρὸς παρὲν πλωσι τὴν ἐδαμῶς ἀνθρώπων καὶ καύματος ἔρημους, εἰ μὴ πρὸς τὰ πελάγιοι κομίζονται. Quæ de instaurato hoc commercio scripserat<sup>2</sup> *Plinius*, ignorare cum venia potuit *Arrianus*. Seculo quippe alio scripsit *Plinius*, & lingua etiam alia quam qua usus est *Arrianus*, ipse stirpe *Græcus* & in *Romanam* Civitatem duntaxat adscititius. Sed quæ idiomate *Arriani* nativo *Græco* scripsit<sup>3</sup> *Ptolemæus* vir Seculi sui celeberrimus; quæ ipsa *Arriani* scripserat, & quidem admodum recenti, memoria: ea *Arrianum* latere vix poterant, si tum prodiiisset in lucem *Geographia Ptolemæi* cum hæc ipse commentaretur. Vel inde suspicamur recte Nos hunc *Nearchi* Periplum ab *Arriano* editum *Pii* temporibus assignasse, cum nondum prodiiisset, aut certe nondum longe innotuisset, Geo-

<sup>1</sup> *Nearch. Peripl. p. 39.*   <sup>2</sup> *Plin. N. H. VI. 22.*   <sup>3</sup> *Ptolem. I. 17. 19.*

graphia *Ptolemæi*. Sed vero eum, qui Maris *Erythræi* Periplum concinnarit, de illo *Alexandrinorum* Indorumque commercio rescivisse constat, quod noster tamen, cum de *Nearchi* Periplo ageret, nescivit *Arrianus*. Ideone Periplum Maris *Euxini* *Arriano* abjudicabimus? Nihil plane necesse est, ut ita faciamus. Hoc unum sequitur, *serius* illum Maris *Erythræi* Periplum, quam *Nearchi*, confecisse. Idque sane necesse erat, si quidem *Marco* demum Imperante prodierit Periplus Maris *Erythræi*. Medio autem tempore inter *Pii* decennalia successionemque *Marci* potuit hoc didicisse *Arrianus* ipse, quod antea nesciverit. Seu hoc ab ipso didicerit *Ptolemæo*, seu à mercatoribus *Alexandrinis*, à quibus edoctus fuerit ipse *Ptolemæus*. Hinc ergo potius idem horum Periplorum ordo fuisse vincitur temporis quem nostræ modo traditæ ferunt rationes.

*Suis* autem, non *Nearchi* verbis *Nearchi* sententiam exponit *Arrianus*: & *Dialecto* etiam alia quam qua usus fuerat in *Historia Alexandri*. Historiam enim *Dialecto* concepit *Attica*, *Periplum* autem *Nearchi* non *Attica* sed *Ionica*. Forte ut *Veteres* in omni *Dialecto* æmuleretur *styli* ostentator jactantissimus. Nec tamen, vel sententiam *Nearchi* integram repræsentavit, & qualem ipse scripserat *Nearchus*. *Nearchi* *Breviarium* dedit <sup>1</sup> *Plinius*, in quo tamen nomina occurrunt, quæ frustra quænaverimus apud *Arrianum*. Nullam habet *Arrianus* vel *Xylenopolim* ab *Alexandro* conditam, unde ipsum erat Navigationis exordium: & ne quidem *Arbis* oppidum à *Nearcho* conditum, nisi forte <sup>2</sup> portum munitionemque tumultuariam, ne castra diriperentur, in finibus *Arabiorum*, hoc nomine intellexerit *Arrianus*. Sed nec ullus apud *Arrianum* fluvius *Nabrus*, nec portus *Argenus*, nec flumen *Hytanis*. Et alia in tam brevi compendio adeo multa occurrunt, quæ locum plane nullum habent in *Arriano*, ut facile intelligamus, plurima fuisse, quæ omiserit *Arrianus*, si ipsum haberemus *Nearchum*. Sunt item è contra in *Arriano* nonnulla quæ aliunde *Arrianus* quam è *Nearcho* acceperit. *Onesicriti* (inquit *Plinius*) & *Nearchi* navigatio nec nomina habet mansionum, nec spatia. Et tamen spatia sæpe, pro *Nearchi* sententia, memorant *Nearchi* excerptores. Hæc ergo ita interpretatur Magnus <sup>3</sup> *Usserius*, quasi ut à *Juba* aut *Onesicrito* Navigatio *Nearchi* prodita est, nulla habuerit spatia, habuerit autem Textus ipse *Nearchi* genuinus. Sed cur, quæso, illud observaret *Plinius*, nisi Textus illos *Nearchi* atque *One-*

§. 2. Nec nomina locorum omnia complexus est *Arrianus*, quæ apud ipsum repererat *Nearchum*. Et tamen viceversa locorum spatia, quæ nulla fuerant in ipso *Nearcho*, ipse addidit.

<sup>1</sup> *Plin.* N. H. VI. 13.    <sup>2</sup> *Peripl. Nearch.* p. 7.    <sup>3</sup> *Annal. Period. Jul.* 4388.



*ficriti* sincerissimos credidisset, in quibus *spatia* nulla reperiebantur? Hoc autem si verum fuerit; ita necesse erat ut *spatia* illa in receptis *Nearchi* Periplis à *juniorum* interpolationibus omnia emanarint. Estque id sane verisimillimum. Erant enim sane, præter ea quæ retulerat ex *Nearcho* atque *Onesicrito Juba*, & aliæ quoque *separatæ* utriusque Auctoris Editiones, etiam ætate *Plinii*. Hoc inde colligo, quod in Auctorum *Catalogis*, è quibus Libros Operis sui *singulos* collegit *Plinius*, occurrit, præter *Jubam*, seorsum mentio tam *Nearchi*, quam etiam *Onesicriti*. Quod sane non fuisset necesse, si, quæ de utroque habet *Plinius*, ea omnia ex solo hausisset *Juba*. His autem separatis *Nearchi* atque *Onesicriti* Editionibus *spatia* fuisse, certissimum est ex advocatis Operis utriusque *testimoniis*. Nec tamen illa in *Archetypis* locum habuisse, est sane merito quod suspicemur. *Spatia* utriusque *milliaribus* censet *Plinius*: *Carmania* (<sup>1</sup> inquit) *oram patere duodecies centena L. millia passuum* *Nearchus* scripsit. Iterum, de utroque: <sup>2</sup> *Onesicritus & Nearchus ab Indo amne in sinum Persicum, atque illinc Babylonem Euphratis paludibus, scripserunt xxv mill. passuum esse*. Quasi vero *milliaribus* *spatia* emetiri solerent cœvi *Alexandro Græci*. Non ita Scriptores *Græci*, qui de hujus oræ *spatiis* testimonia advocant, seu *Nearchi*, seu etiam *Onesicriti*. Nuspiam apud illos *milliaria* reperiemus, sed tantummodo *stadia*. Ita <sup>3</sup> *Strabo*. Ita noster etiam <sup>4</sup> *Arrianus*. Ideone illis *utramque* mensuram tribuemus, tam *milliarium*, quam *stadiorum*? Rectius è contra *neutro* modo scripsisse colligemus *Nearchum* atque *Onesicritum*; sed potius utraque *juniorum* deberi ratiociniis; *Latinorum* *milliaria*, *stadia* vero *Græcorum*. *Milliaribus* *Nearchi* *spatia* & *Onesicriti* designavit Scriptor aliquis *Romanus*, Romanisque *moribus* magis assuetus quam *Græcorum*. Ut sane, vel ex hoc ipso Opere *Pliniano*, constat, alios fuisse *Romanos* Scriptores multos, qui similiter *spatia* *Græcorum* in *Romana* *milliaria* converterint. Si *suspicioni* venia sit, crediderim ipsum fuisse *Jubam*. Cur ita credam, faciunt *Plinii* illa: <sup>5</sup> *Euphrate navigari Babylonem è Persico mari ccccxiij mill. passuum tradunt Nearchus & Onesicritus. Qui vero postea scripsere, à Seleucia ccccxl mill. Juba à Babylone Characem clxxv mill. passuum*. Videmus hic *Jubam* *spatia* *Græcorum* omnia ad *Romanorum* *milliaria* redegisse. Congrue admodum, cum regnarit ipse in regione, quæ fuerat ante illum *Romana* *Provincia*, & *moribus* pariter *Romanis*, & *linguæ*, etiam assueverat. Vel hinc mihi suspectum esse fateor, rectene illum Eruditi vulgo *Græcis* Scriptoribus accenseant. Tam enim *Græcis* plerisque *ignota* fuissent *Romana* *milliaria*,

<sup>1</sup> *Plin. N. H. VI. 23.* <sup>2</sup> *C. 23.* <sup>3</sup> *Strab. Geogr. XVI. p. 766.* <sup>4</sup> *Arrian. Nearch. p. 4. &c.* <sup>5</sup> *Plin. N. H. VI. 26.*

quam viceversa *Græcorum stadia* ignorabant *Romani*. Porro è prædicto *Plinii* loco illud etiam constat, *Nearchi* sententiam atque *Onesicriti* à *Juba* fuisse explicatam. Ita scilicet, ut à sui Regni Scriptoribus atque Lectoribus intelligeretur *Romanis*, qui longius aberant ab ea *Africæ* parte qua *Linguae Græcæ* usus obtinuerit. Cæterum ita ut *sincerissimi* haberentur *Nearchi Onesicritique*, apud *Jubam*, Textus; quippe ab ipsis eorundem Scriptis *proxime*, sine Interpretum *interpolationibus*, desumpti. Inde factum merito ut pro *seorsim* exstantium Paraplorum *norma* haberentur. Non itaque aliundè commodius spatia *Romana*, quæ nullum prorsus in *Græcis* locum habere poterant, arcessemus.

Sed quo tandem (inquies) jure *Nearcho* atque *Onesicrito* tribui illa poterant, quorum mentio nulla prorsus esse potuit apud *Nearchum*, ipsumve *Onesicritum*? Illo, ut opinor, quod ea saltem in utroque occurrerint, unde spatia illa *Romana* ratiociniis suis *Juba* ipse collegerit. Cum tamen nullum fuerit apud illos *spatii* nomen, ne quidem *stadii*, alteriusve cujusvis quod posset saltem ad *stadia* redigi; mirum fortasse videbitur, quidnam fuerit unde sua elicuerit *milliaria Juba*; quidnam (inquam) cujus meminerint *Nearchus* atque *Onesicritus*, qui tamen *milliarium* nusquam meminerint. Ego *diurna itinera* fuisse suspicor quæ ad *Romana milliaria* Rex ipse *Juba* redegerit. In eo enim conveniunt, ut opinor, omnes, *dierum* numero navigationes designasse tam *Nearchum*, quam etiam *Onesicritum*. Et certe hæc *temporis spatia stadiis* (quæ sola memorat *locorum spatia*) opponit <sup>1</sup> *Marcianus Heracleota*, non admodum in eo, huic *Plinii* exemplo dissimilis. Imo *Plinii* fuisse sententiam docent, ni fallor, alibi *Plinii* illa verba: <sup>2</sup> *Timosthenes classum Philadelphie præfectus, sine mensura, dierum LX à Syene Meroën iter prodidit*. Idem ergo apud illum valet, *diebus* intervalla designare, quod *sine mensura*. Tantundemq; rursus *sine mensura* esse, quod *spatia* non habere. *Facilem* porro, sed *rudem* admodum *incertamque* methodum habebant qua *itinera diurna* in *stadia* converterentur; sed *ipsam* quoque, pro *Auctorum* diversitate, *diversam*. *Quingenta stadia diurnæ* navigationi tribuit <sup>3</sup> *Scylax*. Sed *stadia septingenta diei uni* concedit <sup>4</sup> *Marcianus Heracleota*. Medium scilicet inter numeros *stadiorum nonginta*, *spatii diurni velocissimi*; & *quingentorum*, quem *diurnæ* navigationis censet esse *tardissimæ*. Minimam ergo *diurni* itineris mensuram usurpavit *Scylax*: nempe, ut videtur, ut *nocturna* itinera à *diurnis* excluderet, & *seorsim* numeraret. Sic autem *laxior* erit *majorque* quam oportuit. Hinc intelligimus, quam *sibi* dissimilis

§. 3. Cur spatia, quæ nulla erant in Nearcho & Onesicrito, illis tamen tribuerint juniores.

<sup>1</sup> Marcian. Heracl. Peripl. p. 63.    <sup>2</sup> Plin. N. H. VI. 29.    <sup>3</sup> Scyl. Peripl. p. 30.  
<sup>4</sup> Marcian. Heracl. p. 67.



unius ejusdemque Auctoris *sententia* videri posset, cum ipse intercidisset, si modo tam *dispari diurnæ* navigationes in *stadia* vel *milliaria* converterentur. Cæterum si *stadia* ipsa in *milliaria* convertenda è *Græcis* hausisset *Juba*; jam & alia potuit, in horum Auctorum *sententia Latinis* repræsentanda, accedere discrepantia. Erant enim qui in *milliari Romano stadia* numerarint *octona*. Erant autem qui *septena* duntaxat & *dimidium*. Sed cum *spatia* à *Jubæ* Textibus abfuerint; *diurna*, ut videtur, itinera non proxime in *stadia*, tum deinceps in *milliaria*, sed in *milliaria proxime* redegit. Tanti interest, ut recte de veterum *sententia* pronunciemus, ut primo constet quid veteres ipsi *dixerint*; tum deinde colligamus, quid non ipsorum debeamus *verbis*, sed *juniorum* tantummodo *ratiociniis*.

§. 4. Nullæ erant in Nearcho, vel Onesicrito, continuæ mansiones.

Neque vero *spatia* sola, sed & *mansiones* Nearcho ipsi atque Onesicrito, abfuisse docet <sup>1</sup> Plinius. Nomine *mansionis* id proculdubio intellexit ille quod volebant *Itinerariorum* Auctores, qui Regionum intervalla *mediis*, quibus se reficiebant viatores, locis designabant. Hic enim aliquantisper *manebant*, hic *stabulabantur*: proinde *mansiones* appellari solent, *Græcis* *μοναί*, vel *σταθμοί*. Locum hic plane nullum habet illa *μονή* significatio, quam in juniore aliquo fabulatore legimus, qui scripsit *Οδυππολέων δὲ πρὸς Ἐδμή & Παιγδαίον ἐς τὴν Περμαίον*, in MS<sup>o</sup>. Vossiano. *Η μὲν*, inquit, *ἔχει μίλιον ἕ'*. Ibi *spatii* nomen est à quo Plinius *mansionem* disertissime secernit. Ideone *locorum nomina*, in quibus *quieverint*, nulla erant in Paraplis Nearchi atque Onesicriti? Hoc falsissimum esse vincunt, non alii tantummodo eorum *Exscriptores*, verumetiam ipse Plinius, qui in illo ipso *Breviario* è *Jubæ* depromto multas exhibet istiusmodi *mansiones*. Sic ergo intelligi ne quidem *potest*. Hoc ergo potius fortasse volebat. Constabant recepta *Itineraria continuis mansionibus*, mansionumque *spatiis*, quæ sibi invicem commissa *Itinerariorum universorum* *spatia* conficere solebant. Sic enim fere habent *Itineraria antiqua*, quæ hodieque exstant, *Antonini*, *Peutingermanum*, *Hierosolymitanum*, &c. uti etiam *antiquiora* illa quorum vestigia apud Plinium, aliosque, etiamnum habemus. Hoc ergo volebat Plinius, nihil fuisse in Paraplis Nearchi & Onesicriti, quo, de *curfu* quem tenuerint, aut navigationis universæ *intervallo*, pronunciari posset. Quod scilicet nec *locorum*, quibus manserint, *nomina continua* apud illos legerentur; nec *locorum spatia* exhiberent, ipsa quoque similiter *continua*. Hæc autem si recipiatur Interpretatio; poterant & *stadia*, aut *Parasangæ*, aut *Schoeni*, aut alia horum locorum temporumque *spatia* ab his Auctoribus usur-

<sup>1</sup> Plin. N. H. VI. 23.

pari, modo ne fuerint etiam ipsa continua. Non multo certe postea  
<sup>1</sup> *Indiam Eratosthenes* ab Occidente ad Orientem, usque ad *Pali-*  
*bothra, schœnis* emensus est: verum itinere tantum pedestri.

Id quoque è prædicto *Plinii* loco colligimus, *Nearchi* etiam separatam Editionem, qualiscun-  
 que demum ea fuerit, è *Juba* emanasse. Certe  
 quæ prodiderat <sup>2</sup> *Onesicritus*, ea proxime à *Juba*  
 narrata fuisse, verbis testatur expressis, opponit-  
 que temporis sui navigationibus. Mox autem de  
 utraque tam *Nearchi* quam *Onesicriti* Navigatione ita loquitur,  
 quasi eadem fuisset cum ea, cujus supra meminerat, solius *One-*  
*sicriti*. Id enim postea de utraque præstat, quod de solius *One-*  
*sicriti* Paraplo pollicitus fuerat, ut eam juniorum Navigationibus  
 præmitteret. Idem innuere videtur, quod modo observavimus,  
 quod miliaribus spatia emensus fuerit, quæ in *Græcis* Auctori-  
 bus nulla fuisse verisimillimum est, ut proinde ab *Interprete* il-  
 lorum *Romano* aliquo necessario emanarint. Idem, quod è *Juba*  
 collegerit *Plinius*, nulla fuisse apud utrumvis mansionum nomina,  
 nec spatia, quæ tamen ipse è separatim utriusque Editionibus de-  
 scripserit. Hinc suspicamur, utriusque rationes à *Juba* descriptas pro  
 norma habuisse *Plinium*, ad quam receptæ palam Editiones essent  
 exigendæ. Et quidem jure merito, cum in *Libro* suo *Juba* ipsos  
 excerpserit Auctores, in separatim Editionibus verba Aucto-  
 rum permixta exhiberentur cum *Jubæ* saltem interpretamentis.

Qui tamen *Jubæ* primi opera *Romanis* inno-  
 tuit *Nearchus*, poterat, fateor, jam olim ante *Ju-*  
*bam* *Græcis* suis fuisse notissimus. Poterat, qui-  
 dem. Defunt autem monumenta, quibus ita fuisse  
 vincatur. Jamdiu interciderunt Historici *Alexan-*  
*dro* coævi omnes, è quibus statui possit, tum in-  
 notuerit, necne, *Nearchus*. Interciderunt proxi-  
 morum temporum omnes, qui Nos docerent an  
 vel proxima innotuerit *Alexandri* memoria. Antiquissimus eorum  
 qui *Nearchi* Navigationisque ejus meminerint, ut puto, *Diodo-*  
*rus* est, *Jubæ* ipsi coævus, qui tamen paulo antea, quam *Juba*  
 ipse, scripserit. Historiam quidem terminavit Belli *Cæsaris* *Gal-*  
*lici* initio *Diodorus*. Scripsit autem certe post mortem *Cæsaris*,  
 cum illum *Divum* appellet. Imo acute observavit <sup>3</sup> *Scaliger*, af-  
 fecto etiam *Augusti* Imperio, adhuc superfuisset *Diodorum*, cum  
*Bissexto* quarto cuique anno, & quidem absoluto, convenire  
 norit, quem tamen tertio quoque anno finito intercalaverant *Pon-*  
*tifices* ante *Augustum*. Nisi fortasse *Pontificibus* ipsis peritior fue-

§. 5. A *Juba* Re-  
 ge ad *Romanos* e-  
 manavit tam *Ne-*  
*archi* Paraplus,  
 quam *Onesicriti*.

§. 6. Primus *Ne-*  
*archi*, non tamen  
*Parapli* ejus, me-  
 minit ante *Ju-*  
*bam* *Diodorus*. Et  
 scripti meminit à  
*Nearcho* *Parapli*  
 proximus *Juba*  
*Strabo*.

<sup>1</sup> *Strab.* L. XV. p. 689. *Arrian.* Ind. <sup>2</sup> *Plin.* N. H. VI. 23. <sup>3</sup> *Num.* *Euseb.*  
 MDCCCC. LXVII.



rit *Diodorus*, quod ne credam faciunt *multi* ejus, in re *Chronologica* præsertim, & *crassissimi*, errores. *Jubam* autem tum *puerum* duxit in triumpho *Julius* anno *Varroniano* 7c8. Sed scriptit vergente in finem *Augusti* Imperio. Inscriptit Libros suos <sup>1</sup> *Cajo* *Cæsari*, & de *Caji* *Cæsaris* Expeditione *Arabica* in illis ipsis egerat *Libris*. Medio ergo tempore aliquo *Libros* edidit inter Expeditionem *Arabicam*, mortemque *Caji*, sub initium *Æræ* nostræ *Christianæ* vulgo receptæ. Innotuerat ergo *Græcis*, etiam ante *Jubam*, saltem *Nearchi* nomen, qui *Alexandri* auspiciis *Paraplum* ab *Indi* ostio ad ostium *Euphratis* obierit. Nihil autem habet *Diodorus*, unde constare possit, *Scriptumne* aliquod viderit *Diodorus* ipse sub nomine *Nearchi*, quo ipse *Navigationem* suam posteris tradiderit. Nihil *Diodorus* de *Xylenopoli* primo *Navigationis* portu. Sed nec quicquam de locis aliis gentibusve in *Paraplo*, qualem illum reperit *Juba*, memoratis. At <sup>2</sup> *Strabo* certe *Juba* coævus (qui tamen ipse sub *Tiberio*, & post *Jubam*, scripserit) ea habet è *Nearcho*, quæ è *Scripto*, quale tunc legebatur, emanasse verisimillimum est. A *Græcis* ergo accepit *Juba* quæ primus ipse communicavit cum *Romanis*. Desunt autem *testes*, quibus *Juba* *Nearchus* multo antiquior fuisse probetur, cum *Diodoro* neminem antiquiorem habeamus, qui *Nearchi* vel meminere.

§. 7. Ignoratus  
*Nearchus* *Agatharchidi*, *Eratoſtheni*,  
primisque rerum  
fabularum colle-  
ctoribus.

Causam porro *Nearchi* suspectam facit patronus ipse *Juba* fabularum patrociniis infamis. Sic Regem illum perstrinxit, & *Libycas* illius *Historias*, vetus aliquis *Poeta*, & in persona *Democriti* ipse quoque <sup>3</sup> *Athenæus*:

Εἰ μὴ π τέτων λόγος ἴσθῃ,

καίριτω

Λίβυκαῖσι βίβλοις.

Eundem, ni fallor, eodemque nomine perstrinxit *Plutarchus*, vel, si quis alius potius Auctor habendus est *minorum Parallelorum*. Nec enim alios fere in illo Opere advocat Auctores præterquam *fabulatores*. Suspecta faciunt tot alii rerum ab *Alexandro* gestarum *sublestæ fidei* Historici. Hoc agnoscunt tam <sup>4</sup> *Strabo* quam <sup>5</sup> *Arrianus*. Ipsumque *Nearchum* illis accenset etiam de nomine *Strabo*. Fieri vix potest ut adeo essent *mendaciis* infames, adeo invicem *discordes*, si vel Auctores fuissent *coævi*, eorundemque cum rebus gestis *temporum*. Pudor enim saltem aliquis fuisset *mentiendi* dum tot alii etiamnum *superessent*, etiam scripssissent, earundem rerum *testes*. *Postremi* saltem fidem suam munivissent, quod tamen à nullo factum observavimus. Secu-

<sup>1</sup> *Plin.* N. H. VI. 27. <sup>2</sup> *Strab.* L. II. p. 70. L. XI. p. 524. L. XV. p. 686. 689. 693. 696. 725. L. XVI. p. 766. <sup>3</sup> *Athen.* L. III. c. 5. <sup>4</sup> *Strab.* L. II. p. 70. <sup>5</sup> *Arrian.* de Exp. Alex. L. I. init.

rior autem erat mentientium fama è *longinqua* rerum gestarum memoria comminiscantium, cum nemo esset in vivis *testis*, à quo convinci possent. Sed nec adeo sunt hi Auctores *testimoniis* exploratæ *fidei* aliunde muniti, ut nullus pateat de illis dubitandi locus. Age ergo, propius hanc causam pressiusque expendamus. Paulo ante *Diodorum* vixit *Agatharchides*, quem sub *Ptolemao Alexandro* senem scripsisse probavimus. Is autem nescivisse videtur plerosque Scriptores de rebus *Indicis*, qui coævi *Alexandro* M. fuisse creduntur, & in illis nostrum quoque *Nearchum*. De<sup>1</sup> orbis enim tum explorati plaga *Orientali* Scriptores sibi cognitos *Hecatæum* recenset duntaxat atque *Basilim*. Non illum, ut opinor, veterem intelligit *Hecatæum* qui scripserat *Asiæ Periegesin*, seu *Milesius* is fuerit, seu alius, ut volebat *Athenæus*, & fortasse junior, *Insularis*. Nec enim satis constabat, etiam *veteribus*, quid *vetustissimo Milesio Hecatæo*tribuendum esset, quidve *aliis* eodem nomine *junioribus*. Imo potius *Eretriensis* ille fuisse videtur *Hecatæus*, quem de rebus *Alexandri* M. testem advocat<sup>2</sup> *Plutarchus*. *Basilim* illum *Indica* scripsisse docet *Athenæus*. Qui obscuriorem illum *Hecatæum* memoria dignum censuit, eumne clarissimum navigationis *Indicæ* præfectum, ipsique *Alexandro* charissimum, *Nearchum*, eumne navis *Prætoris* nauclerum *Onesicritum*, siqui tunc in hominum manibus versarentur, præteritum suspicabimur? Certe *Plinii* & *Strabonis* etiam sæculo, partes in *Asiæ Indiæque* descriptione celeberrimas habere credebantur hi M. *Alexandri* comites, quos sane mirum est *Agatharchidi* non *innotuisse*, si quidem ulli prorsus tunc fuissent qui *possent* innotescere. Erat præterea gravi vir judicio *Agatharchides*, & *libraria* supellectile copiosissima instructus: imo in *Bibliotheca Alexandrina* jam *insenuerat*, cum de *Mari Erythræo* commentaretur. Vix ergo est ut illius diligentiam effugerint tam celebri nomine Scriptores, si qui *tum* omnino exstitissent. Etiam ante *Agatharchidem*, multa nobis, etiam de rebus *Indicis*, loca *Eratosthenis* conservarunt veteres. In his nullum, quo vel *Nearchi*, vel alterius cujusvis, qui de eodem Argumento scripserit sub *Alexandro*, mentionem fecerit. Habuit autem & ille usum *Bibliothecæ* instructissimæ *Alexandrinæ*: erant præterea, tam *Eratosthenis* ætate, quam antea, multi rerum *Paradoxarum* collectores. Hoc Argumento *Liber* erat *Mirabilium Auscultationum*, quem nos *Theophrasto* asseruimus. Hoc Argumento scripsit *Callimachus*, & *Antigonus Carystius*. Hoc Argumento *Epigrammata* scripsit<sup>3</sup> *Archelaus* quispiam *Ægyptius* in gratiam *Ptolemæi*. Et *Paradoxorum* etiam *Indicorum* exempla proferunt è *Ctesia* & *Megasthene*. Nuspiam autem è *Nearcho*, aut *Onesicrito*, aliisve istius-

<sup>1</sup> *Agatharchid.* p. 48.    <sup>2</sup> *Plutarch. Alex.*    <sup>3</sup> *Ap. Antig. Caryst. c. 23, 56.*



modi navigationis *Alexandri Indicae* Scriptoribus. Qui tamen, si adeo *fabulis* scaturerint, amplissimam praebituri erant huiusmodi *Collectaneis* supellectilem. *Scriptorumque* tam veneranda nomina id saltem effecissent, ut, si qui alii in Argumento tam futili *audiendi* viderentur, hi certe *contemptu* superiores essent habendi. Ita omnia consentiunt, ut *Jubae* demum *etate* Scripta sub nomine *Nearchi Graeci* confinxerint. Quo certe loco *Nearchus* ipse loquitur, nullum tamen est vestigium styli *Dorici* aut *Macedonici*, aut *communis* etiam, qualem legimus in *Philippi Regis* Epistola apud *Demosthenem*. Ne jam & illud observemus, *mensum* dies pro *juniorum* Calendariis designari. Quod tamen, nihil ad *Nearchum*.

Adde autem & aliud meae suspicionis Argumentum, de *Nearcho* pariter atque aliis id genus reliquis, qui sub *Alexandri M.* nomine sefellerrint, impostoribus. Recepta est *Alexandri*, proximiisque Alexandro, *temporibus* opinio, <sup>2</sup> *Indum* alicubi cum *Nilo* communi alveo fuisse commisum. Eidem fecere *animalia* in *Indo* à *Macedonibus* observata *Crocodilis* simillima, quae olim in *Nilo*, nec in alio praeterea ullo Orbis fluvio observaverant. Erant, ni fallor, illa eadem quae hodie *Cayamani* appellantur. Fluxit inde, ut videtur, error olim receptissimus, quo *Indus* atque *Nilus Paradisi* fluviiis accensebantur, & pro *Pisone* & *Geone* accipiebantur, nec sibi modo *invicem*, verumetiam cum *Tigride* & *Euphrate* confluere credebantur. Adjuvit errorem fortassis, quod *Nilo* saltem originem *caelestem* tribuerint *Aegyptii*, teste *Diodoro*. Non, ut opinor, aliunde quam quod *Aegyptum* suum fluvium <sup>3</sup> *Homerus* *divini* appellavit, quo nomine fluvium alium à *Nilo* ne quidem potuit designare. Erat enim de *Paradiso* similis apud veteres opinio, ipsum quoque fuisse duplicem: *Archetypum* atque *Ectypum*; & proinde *Caelestem* pariter atque *Terrestrem*. Cum nempe *Mysticis Allegoricisque* veteris Instrumenti Interpretationibus *Judaei* assuevissent: & cum, una cum *Macedonum* victoriis, *Philosophia* etiam *Platonica* ad *Judeos* emanasset. Certe à *Græcorum* Interpretum ætate, si quid commune cum *LXXII* Interpretatione ea habeat Interpretatio, quae nomine eorum jam vulgo insignitur. Inde factum ut terra *Chus*, quae *Geone* alluebatur, pro *Aethiopia* accipiant *Græci* Interpretes, à qua immane quantum aberat. Sic in ipsa <sup>4</sup> *Paradisi* descriptione: sic in *Reginæ Sabæ*, quae regioni *Chus* imperabar, historia, quam propterea *Aegypti Aethiopiaeque* Reginam censet fuisse <sup>5</sup> *Josephus*:

<sup>1</sup> Orat. pro Coron. <sup>2</sup> Strab. L. XV. p. 696. Arrian. de Exp. Alex. L. VI. init. <sup>3</sup> Homer. Odys. <sup>4</sup> Gen. II. 13. <sup>5</sup> Joseph. Ant. VIII. 2.

fic & in <sup>1</sup> *Tirhakæ* historia *Sennacheribo* cœvi, cujus *Chus* pro *Æthiopia Græci* pariter accipiunt Interpretes. Inde factum, ut è *Madianitide* in <sup>2</sup> *Æthiopissam* migraverit *Mosis* uxor *Zippora*, occasioneque dederit fabulæ de *Mosis* uxore alia filia Regis *Æthiopici*. Dedit nobis illam <sup>3</sup> *Josephus*: non tamen à se confictam, sed haustam potius ex <sup>4</sup> *Artapano*, cujus scrinia compilarit *Cornelius Alexander Polyhistor*, qui scripsit ipse sub *Sulla*. Ita *Sulla* ipso antiquior illa quôque fuerit Interpretatio, ex ipso quoque *Textu* nata, qualem illum tradiderint primi Interpretes sub *Ptolemæo* etiam *Philadelpho*. Atqui locum plane nullum habere potuit tam crassus error, si ab ipsius *Alexandri* temporibus tot fuissent, quot creduntur, hujus *Parapli* testes, ab extimo *Indi* ostio usque ad *Euphratem*. Qui enim ex *Indo* etiam in *Oceanum* navigaverant; quo pacto fieri potuit ut de illius aliquo cum *Nilo* confluxu somniarint? Qui etiam *Tigridis Euphratisque* commune ostium in *Oceanum* habebant exploratum; cur, quæso, amplius de communi aliquo eorum cum *Indo* aut *Nilo* alveo vel suspicarentur? Sed sero tandem Veteres ex his tam crassis erroribus quasi expergefacti è veterno evigilarunt. Non sane diu ante eximium *Ptolemæorum*. Itaque tum primum factæ sunt in *Orientem* Navigationes, quibus compertum est, ne quidem *alveum* ullum fuisse *Indo* atque *Nilo*, nedum *Tigridi Euphratique* communem.

Cæterum sub postremis *Ptolemæis* *Nearchum* hunc, similesque alios ejusdem farinae multos, qui cœvorum *Alexandro* nomina personabant, confictos esse suspicor. Erant quidem primi quoque ante *Alexandrum* Historici, pro Poëtarum, quibus successerant, exemplo, fabellis conditi, eo artificio, ut Lectoribus undequaque prodesse, & cum falsis dulcibus vera etiam utilia propinarent. Sed nondum invaluerat exemplum, ut nihil prorsus *Historicum* complecterentur *Historiæ Prosæ*. Postea invaluit: & quidem in styli soluti Libris, nec Poësim professis. Adhibent temporum locorumque circumstantias: edunt ducum, qui itinera navigationesque obierint, etiam nomina: nec, si unicam veritatem exceperis, *Historici* decori quippiam prætermittunt. Ita factum ut, sub *Ptolemæis*, *Geographia* omnis locorum parum *exploratorum* fuerit incertissima. Sic fuit hoc ipso, in quo versamur, nomine infamis <sup>5</sup> *Antiphanes Bergæus*. Simili exemplo erant & alii, <sup>6</sup> *Antonius Diogenes* de incredibilibus *Thules*, & <sup>7</sup> *Pytheas Massiliensis*; de *Panchaia* & Templo *Jovis Triphylii* <sup>8</sup> *Euemerus Messa-*

§. 9. Sub postremis præsertim *Ptolemæis* confictos esse pleraque de *Alexandro* Historiæ. Certe hæc *Nearchi*.

<sup>1</sup> 14 Reg. XIX 9. 15 XXXVII 9. <sup>2</sup> Num. XII. 1. <sup>3</sup> Joseph. Ant. II. 5. p. 59. <sup>4</sup> Ap. Euseb. Pr. Evang. <sup>5</sup> Strabo sæpe & Steph. Byz. ant. <sup>6</sup> Phot. Cod. CLXVI. <sup>7</sup> Strab. L. I. p. 63. & alibi passim, aliique. <sup>8</sup> Strab. L. II. p. 102. VII. p. 299. &c.



*nenfis*; de Infulis fortunatis <sup>1</sup> *Iambulus*, antiquior certe <sup>2</sup> *Diodoro*. Talis <sup>3</sup> *Euthymanes Massiliensis*. Talis antiquior etiam *Alexandro* & *Damastes Sigæensis*, quem *Antiphani* confert & *Eliemero Strabo*, prorsusque indignum censet qui ab *Eratosthene* testis advocetur. Non tamen illum totum fuisse mendacem exinde constat, quod ejus testimonium alibi advocet admittatque ipse <sup>4</sup> *Strabo*. Post *Alexandrum* autem erant hi fabulatores longe, quam antea, frequentiores. Inde queritur <sup>5</sup> *Polybius* de rara admodum, ut vidimus, Navigantium fide. Et Periplos sua ætate multos agnoscit. <sup>6</sup> *Marcianus Heracleota*, stadiorum etiam numero designatos, regionum gentiumque, quarum ne nomina quidem fuissent explorata. Et quidem ansam uberrimam suppeditabant res ab *Alexandro* gestæ maximæ Historiis sub illius nomine fingendis rerum etiam maximarum. Pro eodem scilicet exemplo, quo etiam postea Historias commentitias *Romanas* appellabant; cum rerum gestarum magnitudine gentium aliarum Historias longo intervallo superarent Historiæ *Romane*. Tum vero potissimum consentaneum erat, ut *Alexandri* nomine fabulæ conderentur, cum nondum res *Alexandri* vere magnas obscurassent res majores *Romanorum*, saltem apud *Græcos*. Pertigit hæc Epochæ ad annum *Varren*. 691, quo *Pompejus* ultimam manum imposuit Bello *Mithridatico*. Fecerunt enim illius victoriæ ut *Romani Græcis* ubique inclarescerent: non mox tamen inolevit memoria *Alexandri*. Imo erant, apud *Græcos* certe, qui res unius *Alexandri* cum *Romanis* omnibus contenderent; qui pares fecerint, vel etiam superiores. Ita rem fuisse docet <sup>7</sup> *Livius*. *Plutarchus* autem Libris de fortuna *Alexandri* & de fortuna *Romanorum* *Alexandro* primas tribuendas esse censet. Ipse nempe stirpe *Græcus*. Inde fieri potuit, ut *Græci* etiam Epochæ prædictæ juniores Historias mirandas sub *Alexandri* nomine comminiscerentur. Sic *Græci* etiam *Barbari*, alium quidem à Veteri, sed similiter mendacem, procuderunt *Callisthenem*, de rebus *Alexandri* Magni. Maximam autem partem Auctorum de hoc Argumento fictitiorum hac ipsa, quam dixi, Epochæ concludendam existimo. Sic tamen, ut paulo fuerit junior, de quo agimus, *Nearchus*.

§. 10. *Paraplus* *Nearchi* majoris Operis erat tantummodo pars: uti etiam *Onasiteriti*. Quod porro *Paraplus* *Nearchi* excerpterit tantummodo *Juba*, & cum *Romanis* suis communicavit; non est profecto cur miremur. Erat enim majoris Operis lacinia duntaxat ille ipse *Paraplus*. Res enim *Alexandri*, in Expeditione *Indica* saltem, omnes exsecutus fuisse videtur, quicumque

<sup>1</sup> *Lucian*. Ver. Hist. <sup>2</sup> *Diodor*. L. II. <sup>3</sup> *Aristid*. Orat. Æg. <sup>4</sup> *Ap. Strab*. L. I. p. 47. L. XIV. p. 648. <sup>5</sup> *Strab*. L. XV. p. 583. <sup>6</sup> *Polyb*. L. III. c. 38, 58. <sup>7</sup> *Marcian*. *Horac*. p. 62. <sup>8</sup> *Liv*. L. IX. c. 17, 18, 19.

demum is fuerit, qui *Nearchi* nomen personamque suscepit. De Populis *Asiæ prædatoribus*, etiam *mediterraneis*, locum adducit è *Nearcho*.<sup>1</sup> *Strabo*. Idem ex eodem rationem adducit cur per *Gedrosiam* duxerit *Alexander* exercitum. Et magnitudinem *Indiæ* universæ itinere pedestri idem describit ex eodem *Strabo*. De arboribus porro *lanam* producentibus *Nearchi* testimonium adducit idem *Geographus*. Hæc, quæso, quid ad *Paraplum*? Recte ergo *Juba*, non opus *integrum*, sed *partem* duntaxat, quæ ad *Navigationem* spectabat, in usus suos convertendam esse censuit. Quo minus hoc miremur in *Nearcho* facit quod idem ab *Onesicrito* factum ipse testetur *Arrianus*. Opus enim *Onesicriti* sic appellat: *ἑνὶ παραπλῷ ἅπλῳ ἐντὶ τοῦ Ἀλεξάνδρου ἑπιχειρήματι*. Quare illius quoque Operis *lacinia* erat, quam cum *Romanis* suis communicavit, *Onesicriti Paraplus*.

Quicquid autem de *Nearcho* sentiendum sit, at certe *Onesicriti* rationes hausit è *Juba* *Plinius*, tanquam è primario *Latinorum* fonte. Nec quentquam habemus, quod quidem sciam, qui ante *Jubam* *Onesicriti* vel *mentionem* fecerit. Minus ergo habet quo se hic tueatur *Rex* patronus *fabularum*. Est etiam fortasse quo *falsi* evincatur. De eo testem ipsum habemus *Arrianum*: *Τὸν* (inquit) *ἰψὺν αὐτοῦ, ναυαγῶντα ἐν τῇ ἐνθαυρῶντι, καὶ ἐν τῇ ἐνθαυρῶντι*. Sed qua demum fronte hoc audere potuit apud *coævum*? Qua, quæso, spe, fore ut *lateret*, cum tot essent in contrarium testes, quot fuissent in classe *militēs*, aut *viçtores*? Sed *coævum Alexandro* testem, quo tandem meliori testimonio opprimere potuit *Arrianus*? Alio scilicet quod *coævum* credebatur, nempe *Nearchi*. Atqui utrumque, in re tam manifesta, sibi invicem contrarium, *coævum* esse non potuit. Cur ergo *Nearchum*, qui se *Nauarchum* prædicabat, *Onesicrito* anteferendum esse duxit? Illa potissimum, ni fallor, causa, quod *prior* prodiiisset in lucem falsarius sub nomine *Nearchi*, quem tamen contemnere potuit *Auctor Onesicriti*, quod *originibus* illis multo *juniorē* esse nosset, recenti tunc memoria confictum, nec adeo sese multo antiquiorem. Facile enim vidit, nondum eam esse *Nearchi* fidem, ut pro *coævo* temporum *Alexandri* monumento haberetur; se autem, si hoc à *posteris* impetrasset, ut fraudes ejus *procederent*, id potius affecuturum, ut damnaretur æmulus *Nearchus*, si quid contrarium sibi prodidisset. Ita poterant ratiocinari, magno demum intervallo interposito, *Impostores*. Vix autem poterant *sinceri* eorumque, quibus censebantur temporum, *Auctores*. Scio quidem fuisse etiam *Alexandri* temporibus *coævum Onesicritum* *Dioge-*

<sup>1</sup> Strab. XI. p. 524. <sup>2</sup> Strab. XV. 686. <sup>3</sup> Strab. XV. 689. <sup>4</sup> Strab. XV. 693.  
<sup>5</sup> Arrian. Exped. Alexandr. L. VI. <sup>6</sup> Arrian. L. VI. Exped. Alexandr.



*nis Cynici discipulum: nec me fugit illum pro Periplus Auctore haberi à 1 Plutarcho. Sed cum illius Scripta recenſet Laërtius, nihil habet quod ad hunc Periplus commodè referri poſſit. Conſert ille cum Xenophonte noſtrum Oneſcritum. Ille (2 inquit) cum Cyro, hic cum Alexandro militavit. Ille Cyri Inſtitutionem, hic Alexandri ſcripſit, nempe Πῶς Αλέξανδρος ἔχθη. Ille Cyri, hic Alexandri proſequitur laudes. Eſt autem & ſtylus utriuſque ſimillimus, niſi quod, ut exemplar ex archetypo, minoris ſit eſtimandus. Eundem ſcilicet intelligit Oneſcritum. Nihil hic de Periplus, ſed de educatione Alexandri, qualia de Cyri Inſtitutione ſcripſerat ante Oneſcritum Xenophon. Nec aliter ſentiendum, ut opinor, de aliis huius ejuſdem Navigationis Scriptoribus.*

1 Plutarch. Alex. 2 Laërt. L. VI. n. 84.

DISSER-

## DISSERTATIO SEPTIMA.

## De Scriptis &amp; Ætate Marciani Heracleotæ.

**C**œvæ sibi *Geographiam* excoluit, pro virili sua, noster ille *Marcianus*. Non quidem *novis*, quas obierit, *Navigatio- nibus*; sed è decessorum *Scriptis*, quæ quidem videbantur *accuratissima*. Scripsit ergo *Periodos* & *Periplos*, tam scilicet *Itineraria* *pedestria* quam *maritima*, pro exemplo junioris, de quo supra egimus, *Scylacis*. *Περὶ τῶν περιόδων* sub nomine *Marciani* advocat *Stephanus*. Jam sane vidimus, *Periplos Scylacis* atque *Arriani* ex multis invicem *junctis* constituisse *Paraplis*. Sic & *majora Itineraria* *pedestria* è *breviorum Itinerariorum* nexu conflata esse constat. Recte tamen illa ita *annexa*, quoties infra eisdem *terminos* versarentur, pro *unico* haberi poterant *Itinerario*. Quoties autem *limitibus diversis* circumscripta *diversas* plane, nec sibi invicem *continuas*, lineas describerent, *diversasque* respicerent *cali plagas*; tum certe rectius *Itineraria*, quam *Itinerarium*, appellanda erant. Hoc enim discrepabant invicem *Itineraria* atque *Peripli*: quod orbis tum cogniti *Parapli* & *Peripli* omnes *unicum* totius *Orbis* conficiebant *Periplum*, quæ maris *interioris* oras omnes cum oris *Oceani*, seu maris *exterioris*, committebant. Non ita se res habebat in *Itinerariis*. Nunc enim *parallela* erant *Itineraria*, nunc etiam se invicem *intersecabant*, ut proinde nec ad unam *lineam*, nec ad unum *corpus*, referri omnia *Itineraria* potuerint. Recte ergo *plurali* numero *Marciani* Opus illud inscribebatur. Sed plusquam *περί τῶν περιόδων* plane non legimus. Non itaque, ut opinor, intellexit *περί τῶν περιόδων*. Numerum enim *magnum* proculdubio confecerant *Περίοδοι*, si in unum omnes eundemque numerum venissent. Erat ergo *πρῶτον Περίοδον βιβλίον*. *primus* quidem Operis *Liber*, qui tamen *multa* complectebatur *Itineraria*. Sed cum numerus *auctior* nusquam occurrat, subit suspicio, Opus universum *duorum* tantummodo fuisse *Librorum*:

§. 1. *Itineraria* collegit Marcianus, forte Occidentalis atque Orientalis Imperii.

1 Steph. Azar.

I

nempe



nempe pro exemplo *Itinerarii* quod vulgo appellatur *Antonini*: ut scilicet *Liber prior* Imperii *Occidentalis* itinera descripserit; *posterior* autem Imperii *Orientalis*. Coeperit prior, ut videtur, ab itineribus à *Roma* Imperii *Occidentalis* Metropoli per *vias omnes publicas*. Sic enim describuntur in prædicto *Antonini* *Itinerario*, & in *Tabulis Peutingeranis*. Huc itaque retulerim quod habet alibi è nostro itidem *Marciano* *Stephanus*: Ἀμωσα, πόλις Γερμανίας· Μαρμυρίδης ὁ τοῖς δὲ Ρώμης ἐπὶ τῆς διαστομῆς πόλις. A *Roma* certe ipsa ad *Amisiam*, *Embsen* hodiernam, in supremos *Germaniae* fines pertigit hoc *Itinerarium*. Eodem spectabat & lemma illud, quod in hodierno legimus <sup>1</sup> *Marciano*, ὡς τῶ δὲ Ρώμης ὡς τῆς διαστομῆς τὸ οὐκ ἐμὲ πόλις διαστομῆς. Ubi docemur in illo *Itinerario* fuisse *spatia*; seu *stadia* illa fuerint, seu, pro harum partium recepto more, potius *milliaria*. Sed nihil spectabat illud lemma ad hodiernum, in quo legitur, *Marciani* *Periplum*, sed potius ad *Periodos*: & ad *priorem* illum, quem dixi, *Periodorum* *Librum*. Loquitur ita, fateor, quasi ab *unica* Urbe *Roma* illa ad celebres omnes per οὐκ ἐμὲ *Urbes* describerentur *Itineraria*: quasi vero nulla esset Urbs *Roma* alia, quæ *nova* appellabatur, unde similiter essent describenda, nempe *Constantinopolis*. Hoc si verum, ita ante conditam *Constantinopolim* vixerit *Marcianus*. Idque fortasse verius est. De quo tamen quid sit sentiendum magis constabit ex infra dicendis. Sed mirari subit cur in plures *Libros* hæc distributa fuerint *Itineraria*, nisi fuissent quæ ex *ambabus Romis* exordium cepissent. Erant sane, etiam post fundatam *Constantinopolim*, rationes, cur ita loqueretur. Ut *Romanum* Imperium *universum* οὐκ ἐμὲ appellabatur, ita postea, ne *majestas* Imperii imminuta videretur, etiam, cum *duo* essent *Imperia*, sub *duabus Romis*, singula pariter οὐκ ἐμὲ appellabantur. Inde *Concilia* Imperii *Orientalis* *Oecumenica* appellata videmus, etiam cum nulli adessent ex *Occidente* vel *legati*. Ita certe *seres* habuit in *Concilio Constantinopolitano* I<sup>o</sup>. Inde *Patriarcha Constantinopolitanus* ambivit, ut ipse *Oecumenicus* appellaretur, hoc tantum, ut videtur, consilio, ne *nova Roma veteri*, hac etiam ex parte, haberetur *inferior*. Sed nihil est cur dubitemus, quin ex *Itinerariis*, hac etiam distributione Imperii *antiquioribus*, sua multa desumerit *Marcianus*. Egerant enim de hoc *Argumento* (ut ex *Plinii* *Indicibus* apparet) jam olim amicus *Augusti* *Agrippa Vipsanius*, atque ipse etiam *Augustus*, & *Domitius Corbulo*, & *Licinius Mucianus* ter *Consul* amicus *Vespasiani*. His *Roma* certe erat *unica* duntaxat, ad quam *Itineraria* Imperii omnia essent exigenda. Itaque in *horum* *Auctorum Excerptis* ita *Marcianum* loqui consentaneum erat, ut locuti fuerant *Auctores*, quos ex-

<sup>1</sup> *Marcian. Peripl. p. 34.*

cerpserat,

cerpterat, cum nihil ille proprium addiderit quod non ex aliis excerptisset. *Posteriorem* autem certe (si quis tamen fuerit) *Itinerariorum Librum* ex Auctoribus hausit *Constantinopoli* junioribus, qui similia ex Urbe illa in *Provincias* undequaque fitas collegerant *Itineraria*. Alia plane forma advocatur hic idem *Marcianus* à <sup>1</sup> *Stephano* ὁ πρῶτος Περίοδος. Quasi vero unius ejusdemque Περίοδος duo fuissent Δ. 291. Sed nulla erant *Romanorum* in *Æthiopia* illis temporibus *Itineraria*. Et si qua fuissent, Μόσχων ἀνωτέρων & ὑμπερίων nemo est quin facile videat Περίπλιν potius fuisse, quam Περίοδον. Itaque vix est cur dubitemus, legendum potius πρῶτον Περίπλιν. Certe Περίπλιν πρῶτον, ut ibi legitur, advocat alibi in *Æthiopia* idem <sup>2</sup> *Stephanus* ex eodem *Marciano*.

Sed in *Periplus* potissimum eluxit opera nostri *Marciani*. *Artemidori Ephesii* nomen erat in re *Geographica* celeberrimum. Hujus ergo *Libros* xi in <sup>3</sup> *Epitomen* redegit noster, servato *Librorum ordine* atque distinctione, relictis quidem quæ ad rem facerent *Geographicam*; suppleto tamen *Periplo*, quæ ibi deerant, aliunde *translatis*. Sed ex *antiquis* etiam, parisque cum *Artemidoro* fidei, Auctoribus. Cavitque sedulo ne Lectorem lateret quid scripserat *Artemidorus*; quidve aliunde, ex aliorum *Scriptorum* fide, addiderat ipse *Marcianus*. Sed periit Opus illud jamdiu, tam ipsius *Artemidori*, quam ejusdem *Epitome* à *Marciano* elucubrata. Fragmentum, quod occurrit hujus Editionis p. 61, nihil complectitur illius *Epitomes* præter titulum ipsum, & quæ sequuntur *lemmata*. Sequens enim *Præfatio* ad *Librum* 2<sup>m</sup> spectabat *Periplus* maris *Exterioris*, ut legenti constabit. Frustra ergo quis spectabit hic testimonia veterum ex illa *Artemidori Epitome* à *Stephano* aliove quovis veterum adducta. Tempus autem *Artemidori* designavit noster omnium accuratissime *Marcianus*, de quo & nos nonnulla diximus in <sup>4</sup> *Agatharchide*. Hunc *Periplus* primum edidit *Marcianus*. Rescidit autem ex *Artemidoro* *Barbarorum* civitates *Æthiopicas*. Quod quare fecerit, me fateor non videre. Nam in hac ipsa *Æthiopia*, præ aliis *Græcis* omnibus *Agatharchidem* atque *Artemidorum* à veracitate laudat expertus ipse <sup>5</sup> *Diodorus*. Nisi forte indignas illas *Barbarorum* civitates judicavit, quæ in *Periplus* rationes venirent *universalis*.

§. 2. Contraxit, supplevitq; Geographiam *Artemidori*.

<sup>1</sup> Steph. Μόσχων. <sup>2</sup> Stephan. ὁ πρῶτος. <sup>3</sup> Marcian. p. 1, 2, 35, 65. <sup>4</sup> Disf. III. §. 5. <sup>5</sup> Diodor. L. III.



§. 3. Similiter fecit in *Menippo*, qui *Marciano* ipso non multo senior fuisse videtur.

Postea *Menippum* simili exemplo edidit supplementumque *Marcianus*. *Menippus* ille *Pergamenus* tribus Libris *Maris Mediterranei* Periplum complexus est cum narratione *Historica* atque *Geographica*. Sed *Periplum* solum excolendum suscepit *Marcianus*. Viderat proculdubio aliquid in *Menippo* *Marcianus*, quod desideraverat in *Artemidoro*. Quid tamen illud fuerit, non satis aperte explicavit. Sed *Menippus* ille quando vixerit, nondum Eruditi habent exploratum. Suspicio autem proximum fuisse temporibus *Marciani*, qui *Artemidorum* non ex antiquis tantummodo locupletaverit, quod fecit ipse *Marcianus*, sed novis etiam juniorum inventis fecerit auctiorem. Certe nec admodum antiquum fuisse, nec sibi quoque tamen parem, innuit, ni fallor, ipse *Marcianus*. Recensuerat *Catalogum* *Scriptorum*, qui hoc eodem ante se *Argumento* fuissent occupati. Subjungit deinde: <sup>1</sup> Μὴνι ὃ τῶν τῶν πλείους Ἀρτιμίδωρος ὁ Ἐφέσιος γεωγράφος, καὶ Στράβων γεωγράφος ὁμοῦ τῷ Ἀρτιμίδωρ συντιθεμένων, Μένιπός τε ὁ Περσικῶν διάπλος γεώγραφος ἀναγνώστῳ δοκῶσι πλείων ἢ Ἀρτιμίδωρ συγχάινειν. Ait ergo hosce tres plerisque supra recensitis ætate fuisse juniores. Et tamen viceversa innuit, è prædicto numero fuisse saltem aliquem, qui his ipsis fuerit ætate junior. Itaque *Marciano* superior fuit, qui fuit horum trium ordine postremus. Nec temere illos, aut, ut in mentem veniebant, recensuit, ut videtur, *Marcianus*; sed potius pro ordine, qua quisque vixit, ætatis. Hoc si verum; ut senior erat *Strabone* *Artemidorus*, ita *Menippo* senior fuerit ipse *Strabo*. Id quod sane verisimillimum est. Effet enim alioqui sane cur miraremur, quod tam accuratum *Geographiæ* artificem *Strabo* nusquam advocarit. Ita autem illius non meminit *Strabo*, ut ne quidem meminerint *Strabone* juniores, quorum ætatem habemus exploratam. Non certe uno alterove sæculo *Straboni* propinqui. Non *Mela*, non *Plinius*, non *Ptolemaeus*, non eo ipso loco <sup>2</sup> *Laërtius*, quo sibi cognitos *Menippos* omnes recensuit, sex in universum, in his tamen nullum, qualis noster erat, *Geographum*. Non *Pausanias*, non *Athenæus*, non alius quispiam (quod quidem scimus) *Marciano* senior. Certe *Artemidoro* juniorem fuisse aliunde constat. *Hispaniæ* nullas Provincias distribuerat <sup>3</sup> *Artemidorus*, veteres duntaxat duas, quas ulteriorem citerioremque appellat *Livius*. Tres agnoscit <sup>4</sup> *Marcianus*, *Taracoensem*, *Bæticam*, & *Lusitaniam*. Unde, quæso, hæc præterquam è *Menippo*, cujus vestigia post *Apolldorum* preffit noster *Marcianus*. Sed vero ab *Augusti* dispositione, & à suis usque temporibus hanc Provinciarum ternariam partitionem ar-

<sup>1</sup> *Marcian.* Peripl. p. 63. <sup>2</sup> *Laërt.* L. VI. n. 101. <sup>3</sup> *Marcian.* p. 46. <sup>4</sup> *Marcian.* Peripl. p. 38. *Steph.* *IGeogr.* *Constantin.* de *Admin.* *Imp.* c. 23.

cessit <sup>1</sup> Strabo. Nec refragantur <sup>2</sup> Tacitus atque <sup>3</sup> Dio. Itaque Augusto juniorem Menippum nostrum non probat hæc temporis nota. Porro Pontorum duorum Periplum idem complexus est <sup>4</sup> Menippus. Erant ergo, cum scriberet Menippus, jam duæ Romanorum in Ponti regione provinciæ: & quidem, ut videtur, continua, quod ad ambas Provincias idem spectarit Periplus. Nihil ergo cum his Provinciis commune habuit Pontus Bithynicus. Artemidori tempore nulla erat Romanorum in Ponto Provincia, nondum debellato Mithridate, nedum Pharnace, quem è Ponto fugavit Julius. Hinc sane manifestum est, non solo Artemidoro, sed Julio quoque Cesare, juniorem fuisse Menippum, cum jam in binas tribueretur Provincias Pontus Mithridatis. Recenset Ptolemæus tres in illa ipsa Ponti Regione Provincias, Pontum Galaticum, Polemoniæ & Cappadocium. Sed quæ demum fuerit illarum tertia; aut an Ptolemæi demum ætate cœperit, non facile inde intelligimus. Pontum Polemoniæ à <sup>5</sup> Nerone Provinciam esse factam consentiunt Auctores. Sed ultima fuerit trium illa, an secunda, nondum constat. Tertiam potius fuisse suspicor, quod Halym veteris Ponti limitem nullatenus attigerit, sed media inter extremas sita fuerit. Neronis anno xi tribuit Eusebius, Æræ proinde nostræ Christianæ LXV. Proinde ante annum illum scripserit Menippus, nisi postea rursus alterutrius Ponti, vel Galatici memoria sublata, ita demum ad binarium numerum iterum Ponti Provinciæ redactæ fuerint. Quod sane incredibile non est, cum nomina illa adeo raro apud Auctores occurrant. Imo ita rem fuisse, ut puto, necesse est. Vetat enim Menippi tam serâ mentio apud certæ ætatis Auctores, ne illum adeo antiquum fuisse credamus. Verant & alia, quæ infra proferemus. Galliam præterea <sup>6</sup> noster quadripartitam facit, addita reliquis partibus Provincia Narbonensi. Augustum autem fuisse qui Narbonensem Provinciam instituerit, docet <sup>7</sup> Strabo. Suffragatur Ethicus, qui censui Augusti quadripartitam illam tribuit, quam sequitur ipse, Gallicæ distributionem. Aliter vix esset ut in rebus tam antiquis Ethico fidem adhiberem. Porro quod Pontum & Propontidem seorsim ab Europa atque Asia descripserit Menippus; cur factum arbitrabimur, nisi ut à Patria sua Pergamo Periplus inciperet? Quod hoc monendum duxerit <sup>8</sup> Marcianus; quo, quæso, retulerimus, nisi ut methodi suæ, quæ eadem futura erat cum ea qua præcesserat Menippus, Lectorem ita admoneret? Et sane conveniunt cum Provinciarum terminis à Marciano assignatis loca è Menippo à Stephano memorata. Harmene Menippo κῆρον erat Πα-

<sup>1</sup> Strab. L. III. p. 166. L. XVII. fin. <sup>2</sup> Tacit. Ann. IV. 5. <sup>3</sup> Dio L. LIII. <sup>4</sup> Menipp. ap. Steph. Xandria. <sup>5</sup> Suet. Neron. 18. & Eutrop. & Malel. <sup>6</sup> P. 46. <sup>7</sup> Strab. L. VI. p. 177. <sup>8</sup> Marcian. p. 67, 68.



φλαγγίας. Et hîc illam limitibus *Paphlagoniæ* concludi videmus. *Euarchus* *Paphlagoniam* & *Cappadociam* terminabat pro sententia <sup>1</sup> *Menippi* : ut *Paphlagoniam* *Pontique* duplicem Provinciam fecerit idem *Euarchus* pro sententia *Marciani*. Veteres enim *Cappadociam* ad *Pontum* usque *Euxinum* porrexisse idem monet <sup>2</sup> *Marcianus* : Νυνὶ δὲ μὴ τὴν Παφλαγγίαν τὰ ἰχθυῖα μίχεται τῇ Βασιλικῇ ὁρίων ἰδίως Πόντος καλεῖται διέχεται δὲ ἄς ἰστανχίας δύο. Poterat fortasse quispiam ex hoc *Marciani* loco colligere, multo *Marciano* antiquiorem fuisse *Menippum*, quod veterum illud nomen *Cappadociæ* usurparit hoc in loco *Menippus*. Poterat sane, nisi aliunde constaret è tot aliis *Stephani* locis *Ponti*, duorumque *Pontorum*, titulum, quem suorum temporum fuisse tradit *Marcianus*, etiam *Menippo* ipsi placuisse. Hinc enim potius è contra colligitur *coævos* fuisse, qui *coævorum sermonem* ambo usurparint. Convenit porro quod *Tion* Urbem & fluvium *Billæum* pro communi *Bithyniæ* *Paphlagoniæque* termino agnoscant ambo tam *Menippus* quam *Marcianus*. Hoc eo magis observandum, quod *Parthenium* limitem statuatur <sup>3</sup> *Arrianus*; & lineam à *Cotyoris* post *Parthenium* ductam, paulo junior *Arriano* *Ptolemæus*. Vel inde colligitur alterius ambo fuisse sæculi, quam quo vixerint *Arrianus* atque *Ptolemæus*. Ex his ergo, aliisque omnibus, locis, quibus *Menippum* advocavit *Stephanus*, manifestum est, idem cum *Menippo* sentire hodiernum quoque *Marcianum*, etiam in iis quæ erant *Menippo* singularia.

§. 4. De *Menippi*  
ætate alia.

Sed vero jam vidimus in exemplis modo recensitis Provinciarum illam distributionem, illi proximam quam fecit *Augustus*, ob oculos habuisse *Menippum*, & propterea quoque qui *Menippum* sequebatur, *Marcianum*. Nec ab illo tempore longe hoc ipsum discedit exemplum. Sentit enim cum *Menippo* & *Marciano* de finibus *Bithyniæ* & *Paphlagoniæ*, *Tio* Urbe & fluvio *Billæo*, etiam *Plinius*. En verba : <sup>4</sup> *Oppidum Tium, ab Heraclea triginta octo milibus passuum. Fluvius Billis. Ultra quem gens Paphlagonia, &c.* Sic ante *Plinium*, *Claudio* etiam Imperante, <sup>5</sup> *Mela* : *Tum Tios oppidum, Milesiorum quidem colonia, sed jam soli gentisque Paphlagonum.* Sed nulla tum mentio fluminis *Billæi* : & ne quidem apud *Strabonem*. Teji quidem meminit *Strabo*, sed quasi obscura cujusdam urbeculæ, quæ nihil haberet memoria dignum. Eo autem magis propendet ut Provinciarum limitem *Geographus* agnoscat in fluvio *Parthenio*. Sic enim habet, <sup>6</sup> *Εἰς τὸ Παρθένιον ποταμὸς, &c.* *Ἐκτετατὴ Παφλαγγία, καὶ οἱ Ἐντῆι.* Ita nondum sub *Augusto* obtinuerit limes ille *Menippi*, sed inter tempora *Strabonis* &

<sup>1</sup> *Steph.* Καππαδοκ. <sup>2</sup> *Marcian.* p. 73. <sup>3</sup> *Arr.* Pont. Eux. <sup>4</sup> *Plin.* N. H. VI. 1. 2. <sup>5</sup> *Mel.* I. 19. 41. <sup>6</sup> *Strab.* L. II. p. 543.

*Mela,*

*Mela*, vel etiam *Plinii*. Sed ne quidem ita cum dispositione Provinciarum, quam tradidit *Mela*, conveniet *Menippus*. *Mela* finem *Paphlagoniæ* ibidem facit *Armenen*, quem noster potius in fluvio ponit *Euarcho*. Cum *Plinio* melius conveniet, in quo pro incognito *Vareto*, *Euarcho* reposuit *Harduinus*: nec id pro *scitis* rationibus absurde. Ideone saltem ad *Plinii* ætatem *Menippum* referemus? Diu autem post *Plinium* floruit, qui primus *Menippi* meminerit. Nondum video quisquamne illius meminerit antiquior *Agathemero*. Hæc si vera sit Observatio, *posterioribus* demum fortasse temporibus eadem redierit, quæ olim fuerat recepta, *Provinciarum* distributio, *duabus* Provinciis in *unam* à juniore aliquo *Principe* redactis. Faciles enim sunt in rebus à Principum *arbitrio* pendentibus id genus vices. Sed jam vidimus in *Scylace* quam sit solenne ut loca, quorum memoria olim intercidisset, ita nihilominus recenscant *juniore*s, quasi *sua* etiamnum ætate inviolata permansissent: illi præsertim qui non sibi *explorata* scribunt, sed quæ *fidei* debent *alienæ*. Hoc autem censu fuisse verisimillimum est tam *Menippum*, quam ipsum quoque *Marcianum*.

Male tamen, ut dixi, prædictas *Artemidori* & *Menippi* Editiones ad hodierna, quæ debemus *Hæschelio*, *Marciani* nostri fragmenta retulerunt Viri Eruditi. Nam ad mare (quod *interius* appellavit *Marcianus*) spectabat Epitome illa *Artemidori*. Idque, ni fallor, docet ipse *Marcianus*. De mari illo, quod vocat ipse καὶ ἡμεῖς, non certe alio quam interiori, ita subiungit: Ἐν τῷ ῥῶν ἐν Περικλάου τῆς θαλάττης ζώτης διὰ τῆς ἰπποκράτους τῶν καὶ βιβλίων Ἀρτεμίδου τῶ γυναικὸς σαρῆ καὶ τῆς ἡμετέρας, ὡς σαρῆται. Oceani autem *Orientalis* *Occidentalis*que *Periplum* αἰκίω πῶς αἰσθητὶς, ut proinde locum ibi nullum habuerit *Artemidorus*. Verba illa, ὡς σαρῆται, hinc etiam superiora esse explicanda docent, quo loco de eodem egerat (de quo hic etiam loquitur) *Argumento*. Locus ille mox initio *Operis* occurrit, quo monuerat, se nuper inventorum adjectione effecisse, ut in ea parte *Geographiæ*, quam excoluerat *Artemidorus*, nihil desideraretur, ὡς μηδὲν ἐνδὲν σαρῆς τελειοποιῶν σαρῆται πῶς σαρῆ τῶν τὸ μέγος τὸ Γεωγραφίας σαρῆται. Hic sententiam finiendam arbitror, & deesse deinde verba nonnulla, quibus transitum fecerit ad *Operis* à se suscepti consilium. Proximæ vocis initium fuisse à *vocali* facit saltem ut suspicemur, & finalis in præcedentis vocis *sine*. Docet quidem, fateor, etiam extra columnas in *Oceano* navigasse *Artemidorum* *Strabo*: imo & noster. Sed non aliunde illum quam ab Oceani ἐξ ἑσθῶν *Periplum* suum inchoasse, mox ipso sui Ope-

§. 5. Opus *Marciani* hic Editum aliud ab ejusdem *Artemidoro* & *Menippo*. Ætas *Protagora*.



ris initio docet *Marcianus*. Hinc etiam colligimus maris fuisse *interioris*. Nam ab *Oceani* *ἰκεῖν* Periplus cœperit oportet *Oceani*. Imo <sup>1</sup> alios ab *Artemidoro* Auctores in hoc suo *Oceani* Periplo se imitatum esse monet, *Ptolemæum* scilicet, & in *stadiorum* dimensione *Protagoram*. Utinam de hujus *Protagoræ* etiam ætate constaret. Arbitror autem *Ptolemæo* fuisse recentiorem, qui gradus *Longitudinis Latitudinisque*, quibus intervalla designavit *Ptolemæus*, in *stadia* redegerit. Vix enim illud credibile est à *Ptolemæo* illum discrepasse, cum tanti noster fecerit *Ptolemæum*; cum <sup>2</sup> *ὑποτάσσῃ* & *σφαιρατικῇ*; cum magno alioqui *Eratosthene*, ut *annis juniorem*, ita <sup>3</sup> *παιδιούσι* *ἡγεμονίᾳ*, appellaret. Et sane in *stadiorum* calculo universali *Ptolemæum* ipsum ducem agnoscit, cum summam illam universalem duntaxat <sup>4</sup> *Ptolemæus* ipse designasset. Itaque similiter in locorum singulorum *intervallis* non aliter *stadiasmos Protagoræ* sequi potuit, nisi quâ cum illa summa *universali* convenirent. Nec admodum antiquum fuisse *Protagoram*, illud, ni fallor, ostendit; quod methodum *stadiasmi* illam observavit, quam censuit <sup>5</sup> *Marcianus* omnium fuisse accuratissimam: ut scilicet maritimos *stadiasmos duplices* ubique exhibuerit; *maiorem* alium, ex illis Auctoribus, qui viderentur propius ad excessum accessisse; alium *minorem* ex illis, qui fuissent in supputando modestiores, ut ita mediis quibusdam quasi cancellis vera spatia complecterentur. Cum aliorum *erroribus* ita occurrit, *decessoribus* errantibus *juniore* esse vincitur: imo omnibus *spatiorum* Auctoribus, qui *ipsi* navigassent, *juniore*, ut sententiarum omnium, quæ fuerint *extrema*, cognosceret. *Extremis* enim sententiis constant *duplices* illius *stadiasmi*, è quibus *mediam* Lectori ipsi colligendam permittit. Quod porro fecit *Artemidorus*, idem *Menippum* fecisse testatur <sup>6</sup> *Marcianus*, ut *interioris* Maris Periplus tantummodo descripserit. Ut proinde alia fuerit etiam ipsius emendatio à *Marciano* instituta ab hoc, in quo versamur, Opere. Non tamen propterea negaverim, in his etiam, quæ habemus, fragmentis *Marciani* *Hæschelianis* occurrere nonnulla, quæ è *Menippo* acceperit *Marcianus*. Et quidem plura quam quæ debuerit *Artemidoro*. Sunt etiam in hoc ipso Opere viceversa alia, quæ nec *Ptolemæo* debuerit, nec *Protagoræ*. Agnoscit <sup>7</sup> ipse *ἰριγὸς* *πυλαῖος* *ἱσθρῆς*, unde excerpserit quæ *Ptolemæus* non suppeditavit, nec *Protagoras*. Vix puto illum propterea *πυλαῖος* accensuisse *Ptolemæum* atque *Protagoram*, sed *alios* illis adjunxisse, qui *πυλαῖος* merito habendi essent. Potuit denique & in paucis illis, quæ de locis habuit extra columnas *Herculeas* sitis, ipsum quoque sequi *Artemidorum*. Age tamen hæc fragmenta enucleatius expendamus.

1 P. 2, 35, 37, 55. 2 P. 2. 3 P. 6. 4 P. 6. 5 P. 37. 6 P. 65. 7 P. 2, 36. Itaque

Itaque hunc *Oceani Periplum* (quem nos alium ab *Artemidoro* & *Menippo* *Marciani* ostendimus) duobus est complexus *Marcianus* omnino Libris. Priori *Oceanum* descripsit *Orientalem* & *Meridionalem*; *Occidentalem* autem posteriori atque *Septentrionalem*: non tamen ita quin & alia immiscuerit *præter oram Oceani*. Priori quoque Libro terminos *Europæ* & *Asiæ* & *Libyæ* non illos duntaxat assignat, qui in *Oceano* siti erant, sed in mari etiam *interno*: & quidem cum *stadiorum* intervallis. Ita factum ut *maris* *Periplum* *utriusque* in hoc Opere descripserit, quo tamen *Maris* tantum *Exterioris* descriptionem fuerat professus. Addit similiter & *sinus* atque *Insulas* *Maris interioris* pariter ac *exterioris*. Addit denique *maritimarum* *Provinciarum* terminos, non illos solos qui *mari* prætendebantur, verum etiam illos qui à *mari* longius distabant, & *Provinciis mediterraneis* annectebantur. *Liber secundus*, seu *Periplus secundus* (*utroque* enim titulo illum designat *Marcianus*) primo de *Oceano* agit *Septentrionali*, & quidem ita ut *Septentrionem* versus progrediatur. *Hispaniam*, *Galliam*, *Germaniam* percurrit, & *Sarmatiam Europæam*: ita ut *Provincias* omnes complectatur, tam illas quæ *mari interiori* prætendebantur, quam quæ *Oceano*. Addit & nostras insulas *Britannicas*. Nec eousque ulla est suspicio, quasi quippiam habeant cum prædictis *Artemidori* & *Menippi* Editionibus commune hi Libri, de quibus agimus, *Marciani* de *Periplo Oceani*. Occurrit autem, fateor, p. 61 hujus Editionis Epitomes *Apollodori* fragmentum. Sequuntur *Tituli* *Parapli* ab *Attea* ad *Adramyttium*, cum *Urbium* per *terram* intervallis. Deinde ab *Adramyttio* ad *Leetum*, & *Troadis* usque ad *Sigeum*. Sed loco plane importuno. Nec enim in sequentibus quippiam occurrit, quod his titulis respondeat. Quæ enim sequitur *Præfatio* ad secundam illius ejusdem Libri partem spectat, qua de *Oceani Occidentalis* periplo acturus erat *Marcianus*. Hoc satis manifeste docent illius verba illa: <sup>1</sup> Περὶ τῆς διαφανίας τῆς θαλάσσης ἐκείνης μὲν μὲν ἐν τῷ ἀσπέρῳ βιβλίῳ, ἐν δὲ τῷ Περιπλῳ δὲ ἰὼν παντὸς ὠκεανοῦ περιήμω. <sup>2</sup> Διότι τὸ Μένιππος &c. ad finem usque *Marciani*, aliena videntur omnia ab *Argumento* *Peripli* de *Oceano*. Ad oras enim *Maris interioris* spectant universa, nec quicquam habent commune cum *Oceano*. Unius sunt ejusdemque sibi, nec aliunde hausta quam è *Menippo*. Nexum illa habent omnia *invicem*, nullum autem cum *præcedentibus*. Vidimus quidem in superioribus nonnulla immista, quæ *maris* erant *interioris*. Sed hic nihil plane legimus, quod referri

§. 6. Multa aliena immista habet hoc Opus *Marciani*. Nonnulla etiam ex ejus *Menippo*.

<sup>1</sup> P. 66. <sup>2</sup> P. 67.



possit ad Oceanum. Et longe præterea accuratius loca maritima Maris interioris cum spatiis referuntur quibus invicem distabant, quam in *alieni* Argumenti Opere spectari potuit, quo res illa obiter duntaxat, non autem ex professo, tractabatur. Magis ergo eo propendeo, ut hæc omnia à præcedentibus separanda sint, & à novo initio inchoanda, quod ad *Menippi* illam, quæ intercidit, pertinuerit Editionem à *Marciano* elaboratam. Supponunt certe in præcedentibus sermonem de *Menippo*, qui etiam ipse hic desideratur. Non est ergo quod miremur, si loca Veterum è *Marciano* prolata non ubique respondeant, cum adeo mutilum illum hodie habeamus, adeo locis alienis interpolatum. Desunt p. 12, quæ dicturus erat de *Æthiopia* ἡ ἡμετέρα. Eo autem redeamus unde discessimus.

§. 7. *Menippus*  
forte sub Com-  
modo.

Itaque cum postrema illa non *Marciani*, sed *Menippi*, fuisse probaverimus; sequitur exinde non de ætate *Marciani*, sed *Menippi*, esse pronuntiandum. Age ergo videamus, siquam novam inde temporis, quo vixerit, notam elicere possumus. De Ἀλεξάνδρου τῆς Ἀλεξάνδρου Πευδομαντὸς Urbis ita loquitur: ἰ τὸ νῦν Ἰωνόπολιν λεγόμενον. Et quidem *Alexandri* illius rogatu impetratum, ut nomen illud mutarit, testatur *Lucianus*. Sed *Ionopolim* appellat ipse: rectiusque, ut videtur. Hoc enim consilio fortasse nomen illud patriæ impetravit *Alexander*, ut originem ejus ab *Ionibus* arcefferet, qui erant etiam in minori illa *Asia* celeberrimi. Vixit ergo *Menippus* post *Alexandrum*, saltem post novum illud nomen *Ionopolis*. Sed *Aboniteichi* nomine usus est sub finem *Hadriani* *Arrianus* in Periplo Maris *Euxini*. Etiam sub *Pio* idem nomen in numis observavit præstantissimus <sup>2</sup> *Spanhemius*. Et sub *Marco* potissimum floruisse constat illum impostorem, quo coepit Auctore nova illa patriæ illius appellatio. Hoc inde manifestum est quod *Oracula* illius memoret *Lucianus* nulla præterquam de rebus, quæ illo Imperante contigerint. Initio mox illius Imperii fuisse verisimillimum est infaustum illum exitum <sup>3</sup> *Severiani* *Galli* in *Armenia*, qui ortum dederit *Bello* in *Parthos*, de quo triumphos & cognomina utriusque Principis in numis legimus. Eodem Imperante pestis erat, de qua crassum *Pseudoprophetae* errorem deridet <sup>4</sup> *Lucianus*. Sub finem *Marci* Bellum erat in *Marcomanos* ipsum quoque pari falsarii hallucinatione similiter insigne. Etiam tempus designat <sup>5</sup> *Lucianus*, quo hanc gratiam patriæ impetravit *Alexander*, cum unicus esset in Imperio Princeps. Hoc nos docent *Luciani* verba. Ait enim postulasse præstigiatores <sup>6</sup> παρὰ τὸ Ἀντιχράτορος μισθωτοῦ μεθόνην τὴν Ἀλάνην

<sup>1</sup> *Marcian.* p. 72. <sup>2</sup> *Ez. Spanhem.* de Præst. Numism. <sup>3</sup> *Lucian.* Pseud. p. 764, 765. <sup>4</sup> *Lucian.* ib. p. 769. <sup>5</sup> *Lucian.* ib. p. 775. <sup>6</sup> *Lucian.* ib. p. 782.

τάχος, καὶ ἰωνόπολιν κληθῆναι. Solus ergo erat in Imperio Marcus, cum hoc Alexandro concederet, vel Alexandri potius (ut videtur) patrono Rutiliano. Certumque adeo est post novennium, quo collegam habuit in Imperio Verum, elapsum, à Marco hoc fuisse impetratum, post annum scilicet Aetæ Christi. receptæ CLXX. Serius esse potuit, dummodo ante Marci saltem exitum contigerit. Nec sane longe, ut opinor, à vera Menippi ætate aberrabit hæc nota. Sic enim loquitur quasi nupera esset, cum scriberet Menippus, illa nominum mutatio; quasi nonidum Αἰώνος τέχνης nomen è memoria hominum excidisset. Quod sane scire potuit Menippus, Asianus ipse, & Pergamenus. Non longe itaque, ut puto, aberrabimus, si illum Commodi temporibus assignemus.

Placet autem obiter formas, quibus prædicta Marciani Scripta à Stephano advocantur, observare. Cum testis adducitur ipse Marcianus, illa ejus Scripta designantur, quæ suo nomine ipse insignivit; vel scilicet *Periodi pedestres*, vel *Oceani Peripli*, vel *Itinerarium* ab Urbe Roma ad Urbes insigniores. Ita scilicet plerunque. Semel enim advocatur <sup>1</sup> Marcianus ipse è *II<sup>o</sup> Epitomarum Artemidori*. Quod sane potuit contingere, quod locum illum, quem forte omiserat Artemidorus, <sup>2</sup> Marcianus ipse ex alio aliquo, cujus tamen nomen reticuerit, Auctore suppleverit. Hoc enim proficitur ipse Marcianus, ita se in alienis Scriptis esse versatum, ut nihilominus constaret quid ipse scripsisset Auctor, & quid de suo aliunde suppleverit Marcianus. Porro Menippum non in Epitomen redegit, sed, qua deesse visus est, auctiorem fecit. Nec Periplus duntaxat universum, sed & partes Peripli singulas, sub Peripli nomine Stephanus advocavit, nempe Periplus utriusque Ponti, Periplus Paphlagoniæ, Periplus Bithyniæ &c. Minus profecto accurate. Quanquam enim omnes invicem annexæ Periplus fecerint, quod circuitum expleverint; partes tamen singulæ non explebant, proinde rectius Parapli quam Peripli appellandæ. Oram enim maritimam præternavigabant potius quam circumnavigabant.

Jam de Marciani agamus ætate. Idque certum est inprimis, antiquiorem esse Stephano Lexici Geographici Auctore, à quo testis advocatur. Si quidem is sit Marcianus, cujus meminit <sup>3</sup> Synesius, ut credunt nonnulli, jam nihil esset cur de illius ætate ultra dubitarem. Erat enim ille senex, cum scriberet Synesius, qui sub Arcadio potissimum scripsit floruitque. Suntque, fateor, quæ sententiæ illi faveant, Argumenta. Marciani testimonia adduxit Stephanus. Idemque fecit

§. 8. Forma quibus Marciani Scripta designantur à Stephano.

§. 9. Medius inter Menippum & Marcianum Agathemerus antiquior Constantinopoli.

<sup>1</sup> Steph. Μεμνάδα. <sup>2</sup> Marcian. p. 65, 66. <sup>3</sup> Synes. Ep. 101 ad Pylam.



de *Synesio*. Inde conficitur, ambos *antiquiores* esse *Stephano*. Coævus sibi *invicem* fuisse non conficitur. Erat præterea *Marcianus* ille *Synesianus* (ut nostrum appellant MSS.) *Heracleota*. Sed nihil habet *Synesius* de *Scriptis Marciani*, nedum *Geographicis*. Temere ergo de *ætate Marciani* nihil inde pronunciandum est. Aliunde quærendum nunquid *pugnet*, quo minus hoc *Sæculo* vixerit scripseritque *Marcianus*. *Artemidoro* & *Menippo* sua, quæ de Insularum ambitu dedit, se debere agnoscit <sup>1</sup> *Agathemerus*. Nec tamen *Marciani* vel *nomen* apud illum legimus, nec quippiam habet unde constare possit, operamne *Marciani permistam* haberent horum Auctorum Textus, quos ipse usurpavit *Agathemerus*. Non loquitur de *Epitomis Artemidori*, ut loquitur *Stephanus*, quem post *Marcianum* vixisse certum est; ut loquitur etiam <sup>2</sup> *Scholias*tes *Apollonii*, quem vel hinc *Marciano* recentiorem fuisse vincitur. Media ergo inter *Menippum Marcianumque* ætate vixit *Agathemerus*. Proinde ex illius *ætate* illud saltem colligendum est, quo tempore ne quidem *antiquior* esse potuerit *Marcianus*. Quod vero *Agathemeri* ætatem è *Tropici*, <sup>3</sup> vel potius *Syenes*, ab *Æquatore* distantia (quasi vero ea fuisset illius *Sæculi*, quo ipse vixit *Agathemerus*) colligat *Wendelinus*; speciosior illa, ni fallor, quam fortior, Argumentatio est. *Ptolemæo* enim se accepta illa, quæ habet de *Parallelis*, ipso mox capitis initio, referre agnoscit *Agathemerus*. Scio quidem hodiernos utriusque numeros inter se discrepare. Discrepantiam enim illam *Agathemerus* facit  $\mu\omega\gamma\alpha\upsilon\ \chi\gamma'$ .  $\Sigma'\ \delta'$ , graduum scilicet 23. 45'. & quidem <sup>4</sup> duobus in locis. *Ptolemæus*  $\mu\omega\gamma\alpha\upsilon\ \chi\gamma'$ .  $\Sigma'\ \gamma'$ , nempe grad. 23. 50'. etiam ipse <sup>5</sup> *bis*. Sed tam aperta *Agathemeri* professio facit, ut ne dubitare quidem liceat, quin sit alter ex altero corrigendus. Nec fane difficilis erat in *tertio* numero error. Eodem enim redibunt, pro calculo supputandi *Romano*, si  $\delta'$  *quadrantem* designarit;  $\gamma'$  autem *tres uncias*, quæ revera *quadrantem assis* conficiebant. Ergo tempus illius aliunde explorandum est. *Ptolemæo* juniorem, quem toties sequitur, fuisse manifestum est. Inde <sup>6</sup> *Taprobanen Salicam*, non Insulam *Palæsimundi*, appellat, pro exemplo *Ptolemæi*. Etiam post *Severi* tempora vixisse colligit *Wendelinus* propter verba ejus de *Albione*, <sup>7</sup> *ἐν τῇ σπαρτονίδῃ ἰσχυρῶν*, quæ ille de *Severi* vallo tunc recens exstructo intelligenda esse censet, ditionis *Romanæ* termino. Atqui si de tali aliquo *vallo* necesse esset, ut verba illa intelligerentur; erant profecto, etiam ante *Severum*, talia *valla* alia, ad quæ poterant non absurde referri, tam *Hadriani*, quam etiam *Antonini Pii*. Sed *σπαρτονίδῃ ἰσχυρῶν* nomine *Legionum castra* intel-

<sup>1</sup> *Agath.* L. I. c. 5. <sup>2</sup> *Schol. Apollon.* ad L. III. v. 858. <sup>3</sup> *Agath.* L. I. c. 8.  
<sup>4</sup> *Agath.* L. I. c. 8. L. II. c. 13. <sup>5</sup> *Ptol. Geogr.* L. I. c. 23. p. 24. L. IV. c. 5. p. 122.  
<sup>6</sup> *Agath.* L. II. c. 6, 8. <sup>7</sup> *Agath.* L. II. c. 5.

ligit *stativa*, non ad *vallum* certe, sed in *Urbibus Britannia* maxime *opportunis*. Talia tria *Eboraci*, *Cestriae*, & *Isca Damnoniorum*, seu *Exoniae*, numerat ipse *Ptolemæus*. Itaque non est cur, ex hoc saltem loco, colligamus eum multo juniorem fuisse vel ipso *Ptolemæo*. Tantum abest ut *Plethonis* aut *Gaza* Sæculo admo-  
vereri possit, ut vir quidam doctus arbitratus est. *Maximi* certe, qui *Gratianum* Imperatorem interfecit, Sæculo *juniorem* esse non potuisse, vel è prædictis colligimus, quæ tum etiamnum erant in *Britannia* nostra, *σπαρτανίδης ιδρυθῆναι*. Copias enim *Romanorum* omnes ex hac Insula detraxit Tyrannus ille *Maximus*. Postea, fateor, rogati à *Britannis Romani* miserunt identidem sociis *auxilia*. Sic tamen illi, ut re bene gesta mox redierint, nec deinceps castra ulla *fixa* hic tenuerint. Anno ergo *Æræ* nostræ *Christianæ* 383 (quo *Maximi* opera cecidit *Gratianus*) *antiquior* fuerit oportet *Agathemerus*: imo certe anno ejusdem Epochæ 330 *antiquior*, quo Urbs *Constantinopolitana* dedicata est, & novo *Constantinopolis* nomine appellata, quam veteri adhuc nomine noster <sup>1</sup> *Byzantium* appellat. *Græcum* fuisse prodit & *lingua*, qua scripsit, *Græca*, & *patronus* Operis *Philo* ipse etiam *Græcus*, & nomen *Græcum Agathemerus*. Etiam *Orientalem* arguit, quod *Gallos* observarit, non jam amplius *Galatarum*, sed <sup>2</sup> *Gallorum*, nomine appellari. Non equidem inepte, pro *loci*, quo vixit scripsitque, situ, si quidem vixerit in *Oriente*, nec longe à *Galatis Asiaticis*. *Galatarum* enim nomini magis assueverant *Asiani*, propter finitimos sibi *Galatas*; non autem incolæ *Occidentalis* Imperii. Erat ergo etiam ipse inter illos qui sedem Imperii agnoscebant *Constantinopolim*, si quidem *postea* vixisset quam eo translatus fuisset *Imperium*. Cur itaque *veteri*, & quod in *desuetudinem* abierat, nomine illam appellaret? Memorat porro *Daciam* post *Iazygas Metanastas* <sup>3</sup> *ἰαζυγῶν τῶ ἱσπῶ*. Ea proculdubio *Transdanubiana* erat in *Provinciam* redacta à *Traiano*, ab *Aureliano* autem deserta & præfidiis nudata. Si quidem ea tum fuisset *Romana* Provincia, cum scriberet *Agathemerus*, ita vixerit etiam ante *Aurelianum*. Sed nihil habet unde certe colligi possit fueritne tum ditionis *Romanæ*. Utcunque tamen ante fundatam *Constantinopolim* illum vixisse verisimillimum est. Et certe spatio aliquo temporis post *Ptolemæum*. *Danubium* censet *Ptolemæus* usque ad <sup>4</sup> *Axiopolim* *Daciæ* finitimam. Non longe fortassis ab eo discrepavit <sup>5</sup> *Strabo*, qui ad *Cataractas* eum producit quæ per *Dacos* feruntur. *Plinii* locum, qui ab eo loco, quo *Illyricum* alluit *Danubius*, *Istri* nomen auspicatur, mendosum esse suspicor. *Danubii* nomen ad *Vindobonam* tantummodo profert

<sup>1</sup> *Agath.* L. II. c. ult. <sup>2</sup> *Agath.* L. II. c. 4. <sup>3</sup> *Agath.* L. II. c. 4. <sup>4</sup> *Ptolem.* II. II. p. 57. III. 8. p. 84. 10. p. 87. <sup>5</sup> *Strab.* L. VII. p. 304, 305.



<sup>1</sup> *Agathemerus*. Ex alio certe Auctore quam *Ptolemao*, utque videtur, *junior*: forte *Menippo*. Nec enim oras duntaxat maritimas à *Menippo* descriptas fuisse colligimus è fragmentis *Hæschelianis*. Et quidem *junior Ptolemao* fuit, ut videmus, *Menippus*; ut *Menippo* *junior* erat *Agathemerus*. Idem *Agathemerus* saltem antiquior *Constantinopoli*, fortassis *Aureliano*. Proinde *junior Agathemero Marcianus* his temporibus *junior* fuerit oportet. Quanto *junior* fuerit, nondum hoc docet Argumentum. Sed plusquam duorum Sæculi spatium intercesserit oportet inter *Menippum* atque *Marcianum*, si idem is fuerit, de quo agimus, *Marcianus* cum illo, cujus meminit *Synefius*. Itaque quam *fero* vixerit *Marcianus*, aliunde explorandum.

§. 10. Scholiastes  
*Apollonii junior*  
*Marciano*, quarto  
saltem Sæculo ex-  
eunte antiquior.

Porro ex *Artemidori Epitome* testimonium advocat vetustus ille, quem habemus, atque eruditus *Apollonii Rhodii* Scholiastes, quem vel inde discimus recentiorem illo, qui *Epitomen* illam confecit, nostro (inquam) *Marciano*. Sed vero *Scholiastarum* veterum *ætatem* designare difficillimum est, præsertim *Anonymorum*, eorumque maxime qui *aliorum* Commentarios in unum Corpus digesserunt. Solenne his est ut *verba* aliena repræsentent, quæ sint proinde ad *Auctorum* potius, quos collegerant, *ætates*, quam ad suam, referenda. Solenne item *junioribus*, ut novis incertique temporis Observationibus vetustiorum cogitata *interpolarent*. Solenne denique ut *temporis*, quo vixerint, designationem parum necessariam crederent, atque adeo penitus negligerent. Nec otium est inpræsentiarum de his accurate, ut merentur, differendi. Sunt autem sane inter *Scholiastas* illi *vetustiores*, qui in *primarios* Græcæ linguæ Scriptores operam suam contulerunt, & qui *Auctoribus exemplisque* sua confirmarunt. Habent quidem *minorum* gentium Auctores, qui in pretio erant, suos sibi *Scholiastas*. Ita *Lucianus*, *Aristides*, *Philostratus*, *Oppianus*, *Nazianzenus*, *Synefius*, *Libanius* &c. Sed parvæ admodum frugis; sed veterum testimoniis plerunque destitutos; sed rerum, de quibus agunt, admodum plerunque imperitos, quique vel illa ipsa *imperitia* suam *novitatem* prodant, quantumque distarint à *Sæculis* ingeniorum feracissimis. Sed & inter *antiquiores* doctioresque *Scholiastas*, ordo quidam observandus est. Omnium *antiquissimi* sunt, proximique ipsis, quos explicandos susceperant, Auctoribus, qui ex ipsis *fontibus* testimonia arcessunt, non autem ex antiquioribus *Scholiastis*; *juniores* illi qui suum nihil contulerunt præter industriam, dum *aliorum* separata volumina in unum corpus contraxerunt. Hoc autem censu habendus est hic *Apollonii*, quem habemus, quantumvis doctus, *Scholiastes*. Collegit ipse è *Lucillo Tarrhæo*, *Sophocle*, & *Theone*, qui tamen

etiam ipsi ex antiquioribus hauserunt, qui scripserunt in hunc ipsum Apollonium ex professo Commentarios. Tertio ergo demum gradu distat ipse à primariis Auctoribus, proinde recentissimis sui ordinis Scriptoribus accensendus. Is Theon, si idem fuerit Alexandrinus, cujus similes habemus in Aratum Ptolemæumque Commentarios; ita collector ipse, Theone junior, post quartum à Christo nato Sæculum, quo scripsit Theon exeunte, floruerit. Quanto junior illa quoque Epocha fuerit, ne quidem ita constabit. Si autem ipse nihil proprium attulerit, ita necesse erit ut quæ habet omnia Theone, eorum, quos collegit, recentissimo antiquiora sint. Sic erit Theoni, ita tamen ut ante hoc Theonis opus scripserit, saltem coævus Marcianus. Nec quicquam hæcenus pugnabit, quo minus idem fuerit cum Marciano Synefiano. Sed nec vicissim quicquam pugnat, quo minus fuerit hoc ipso Theone, & coævo Theoni Synefio, multo adhuc antiquior.

Supereft ergo ut ex ipso demum Marciano de Marciani Sæculo judicemus. Et quidem Saxonum nomen hic legimus. Insulam Saxonum p. 52. Et gentem Saxonum p. 53. Cujus gentis nomen in Græcis pariter ac Latinis Historiis ignotum asserit ante Dioclesiani tempora Cl. Vindingius. Recte quidem id fortassis si sermo fuisset de Saxonum prædationibus, aut traductis aliò coloniis, quibus postea inclaruerunt. Hic autem in propriis sedibus erant, cum eorum mentionem faceret Marcianus, qui ipse nihil habet quod accipere non potuerit à Ptolemæo. Meminit enim etiam Ptolemæus Insula Saxonum, & gentis; & eodem situ utramque statuit, quo & noster Marcianus. Plane ergo nihil video quod Marciani ætatem multo inferiorem arguat ætate Ptolemæi. Nihil plane cur junior credatur tertio Æræ nostræ Christianæ Sæculo. Ita satis accurate invicem consentient omnia, ut & junior Ptolemæo fuerit Menippus, & Menippo junior Agathemerus, & junior Agathemero Marcianus. Vix potuit à Roma veteri duntaxat Itineraria describere ipse Græcus, & Romæ novæ (siqua tunc fuisset) subditus. Vix potuit Imperii, quo vixit ipse, Metropolim tam alto premere silentio, in Opere Geographico, in locis Constantinopoli adeo vicinis. Nomen ejus fateor, Romanum est: sed Græcum lingua, qua scripsit, fuisse prodit, & patria Heraclea Ponti. Orientalem produnt Epitheta, quibus ornat Ptolemæum, Συριαν & Ασπασίαν Syro Malelæ admodum familiaria, non item Græcis Europæis. Faciunt hæc omnia ne Constantinopoli junior credi possit, cujus mentionem omnem ita devitarit. Hæc si vera, alius fuerit Marcianus noster à Marciano Synefiano, & ab illo etiam alius quem ejus loco reponit Cl. Vindingius è Suida, qui sub Valente Principe floruerit; si tamen is ipse alius fuerit à Synefiano.

§. II. Noster Marcianus antiquior, ut videtur, Marciano Synefio; eoque qui floruit sub Valente.

1 Ptolem. Geogr. L. II. c. 11. p. 60, 58.



## DISSERTATIO OCTAVA.

### De Auctore *Anonymo* Peripli *Euxini* Maris.

§. 1. *Scymni Chii*  
Iambos an noster  
confuderis incer-  
tum est.

**I**N hoc Opere luculentum habemus exemplum *commissorum* inter se *Periplorum*. Nec tamen pro recepto illiusmodi Scriptorum more, ut quo loco *desierat* unus Auctor, inde *incipiant* quæ ex alio Auctore excerptis Operis universi collector. Hic etiam de locis *iisdem* diversorum, quos excerptis, Auctorum sententiam *seorsim* refert, quod fecit etiam sæpe *Plinius*. *Scymnum* imprimis excerptis *Chium*; tum etiam *Arrianum*; & *tertium* denique, qui, post *Arrianum*, *stadia Græcorum* cum *miliaribus* contulerit *Romanorum*, & quidem ipsis plerunque Auctorum, quos excerptis, *verbis*. *Scymni* certe *Chii verba* tam accurata fide repræsentavit, ut *Iamborum* vestigia etiamnum appareant, ut facile *Vir Maximus Is. Vossius* illos in pristinam formam redegerit. *Verba* enim *Scymni* fere numerat, ne quidem *ordine* verborum admodum mutato. Nescio an *Iamborum* formam in suo, quo est usus, *Scymni* codice *ipse* repererit, aut *Iambice* scripsisse crediderit. Nam in ipso quoque *Scymno* jamdiu *versuum lineas* invicem confudisse *Librarios*, è *Codicibus Scymni* constat *Hæschelianis*. Nec enim in illis quicquam invenit *Scaliger*, quod *versuum* suspicionem faceret, præter *Scymni* verba se *metro Comico* scribere profitentis, & *metrum* verborum, *sonosque* versibus congruos; ne dicam jam *figuras* à *pedestri* oratione alienas. *Versus* autem, tam in *Codice Palatino* quam *Gallicano*, confusè & permixte exaratos esse ipse agnovit *Hæschelius*. Itaque jam aliquantisper *versibus* confundendis assueverant *Librarii*, præsertim *juniores*, in Operis forma *versibus*, ut credebant, parum *congrui*. Eoque magis est cur hoc de nostro verum fuisse suspicemur, si fuerit adeo, quam volebat *Cl. Vossius*, nuperus. *Veteribus* enim frequentiores erant etiam in re *Geographica* *versus*, quam ut hoc fallere potuerit *veteres* etiam *Librarios*. Erat enim apud *Græcos* celeberrimus hoc nomine *Dionysius*, apud *Latinos* *Germanicus*

*Germanicus & Festus Avienus.* Itaque num in nostrum hæc suspicio conveniat, à tempore potissimum, quo vixit, judicandum est.

Etiam *Arrianum* à nostro expilatum esse censuit idem *Cl. Vossius*. Imo nihil esse quod non ex eorum altero desumeret, vel *Scymno* scilicet, vel *Arriano*. Non tamen satis, quod volebat, etiam probavit. *Stadia* quidem in suo *Maris Euxini* Periplo dedit *Arrianus*: non item *Romana miliaria*.

§. 2. *Arriano*, quem in multis sequitur noster, proinde junior *Anonymus*.

Hæc ergo saltem noster aliunde. Ita certe nisi Περὶ τῆς Εὐξίνης θαλάσσης viderit noster quorum ipse meminit <sup>1</sup> *Arrianus*. Illa enim *Romanorum* moribus accommodanda, proinde *miliaribus* potius, quam *stadiis*, designanda erant. Ita ex utroque Scripto tam *stadia* discere potuit, quam *miliaria*. Sed incertum est num illa emanarint in publicum quæ *Principis* causa, & pro *Romanorum* more patrio, lingua proinde etiam *Romana* erant concipienda. Utque emanassent, *Græcus* tamen erat nostri *Peripli* Auctor. Nec solent *Græci*, etiam de rebus *Romanis*, alios, quam suæ linguæ Scriptores, advocare. Ut porro major fuisset nostri, quam civium ejus solebat esse, diligentia; non tamen efficiet illa ut *miliaria Romana omnia* accipere potuerit ab *Arriano*. Nec enim de aliis, quam *Provinciae* suæ, *Arriani* scripta, vel *Romana*, meminisse verisimile est. Alibi *Romanarum literarum* à se scriptarum ne quidem ipse meminit *Arrianus*: nec de aliis quam *Provinciae* suæ negotiis *Præfecturæ* munus exigebat, ut *Principem* certiolem faceret. Parte ergo *Peripli* sui longe *maxima*, quæ erat extra *Pontum Cappadocium*, aliunde *miliaria* hauserit oportet, quam ex *Arriano*. Ne quidem illud certum esse hætenus evictum est, an ea quoque ipsa, quæ habet cum *Arriano* communia, ipsi tamen debuerit *Arriano*. Quæ enim erant extra *Provinciam Arriani*; quæ ne quidem iter attigerint, quo in *Provinciam* ipse pervenerit; quæ ne quidem iter illud, quo *Hadriano* ipsi iter erat in *Bosporum*, quæ ex *indicibus* proculdubio didicit certissimis: hæc aliunde *Arrianum* ipsum, quam è decessorum *Scriptis*, didicisse verisimile non est. Et quidem ad partem *Maris Euxini* reliquam spectant potissimum quæ hic communia legimus cum *Arriano*. Hæc ergo nostrum *Arriano* debuisse necesse non est, cum ex *Arriani Auctoribus* eadem haurire potuerit, quod ipse fecit *Arrianus*. Habet præterea noster multa quoque loca, quæ frustra quis quæsierit in *Arriano*. Hæc ergo quomodo potuit accipere ab *Arriano*, quæ ne quidem ipse complexus fuerat *Arrianus*?

<sup>1</sup> *Arrian. Peripl. Mar. Euxin. p. 6, 10.*

Neutiquam



§. 3. Periplus  
Euxini Maris ab  
Arriano scriptus  
non est (ut Cl.  
Vossio videbatur)  
nullus.

Neutiquam sane si talis olim fuerit *Periplus Arriani*, qualem nunc habemus. Censuit autem Vir præstantissimus hodiernum, quem habemus, *Periplum Epitomen* esse tantummodo, minimamque partem eorum complecti, quæ ipse scripserit *Arrianus*. Hoc inde colligit, quod ex *Arriano* multa suo ad *Dionysium* Commentario profert *Eustathius*, quæ tamen nullo legimus illius *Periplo*. Sed vero *Periplum Arriani* nullum ibi, quod meminerim, saltem de nomine, appellat *Eustathius*. Quæ autem habet omnia, ea istiusmodi sunt, ut in nullo fortasse *Periplo*, sed in *Historiis* (quas multas illum scripserit supra probavimus) ea scribere potuerit *Arrianus*. Hucusque ergo nihil est, quo vel *Arriano* ipso junior noster fuisse vincatur. Vincunt autem certe nostri Auctoris illa de *Halmydesso* verba: Ἡ Τέρτα δὲ χωρία μνησκω ποιεῖ Εὐνοφῶν ὁ πρεσβύτερος. Hæc enim Auctorum, quorum fidem secutus est *Arrianus*, verba non sunt, sed ipsius potius *Arriani*, in propria etiam *Persona* loquentis, quem *Xenophontem Socraticum* propterea seniore vocasse probavimus, quod *junioris Xenophontis* ipse nomen affectarit. Hinc ergo certum est *Arriano* juniorem fuisse nostrum Anonymum, & proinde verisimilius erit, quæ habet ipse cum *Arriano* communia, ea illum ab *Arriano* potius sumfisse, quam ab Auctoribus *Arriani*.

§. 4. Romana,  
quæ adhibet no-  
ster, miliaria à ve-  
terum Romanorum  
miliarium forma  
plane aliena.

Alteri autem, & recentiori, quam fuerit vel *Arrianus*, Auctori debuit noster quæ habet omnia de *Romanis* sui temporis miliaribus, quæ cum stadiis septenis componit & dimidio. Major enim miliaris modus receptus est apud *Veteres*, & florente Republica, *stadiorum octonorum*. Hic enim certe modus respondebat examuffim proportioni antiquissimæ pedis Græci atque *Romani*: qua scilicet pedes Græci DC stadium conficiebant, iidemque pedibus *Romanis* DCXXV pares erant, passibusque CXXV. Sic enim futurum erat ut *stadia* istiusmodi octona passus implebant *Romanos* mille. Et quidem modum hunc Auctorum esse accuratissimorum, & sibi invicem maxime consentientium, docet, adversus *Lipsium*, Vir Geographiæ veteris peritissimus <sup>2</sup> *Philippus Cluverius*. Facit autem ne de eo dubitare liceat *Strabo*, qui hunc modum observatum esse testatur in via *Egnatia*, lapidibusque illius viæ miliaribus ab *Apollonia* ad *Macedoniam*. Erat enim via illa <sup>3</sup> βιημικοπομδὴν κατὰ μίλιον, ut docet ibidem *Strabo*. Βιημικομὸς ille pedum designatio erat, teste *Hesychio*. Quis autem dubitet *stadii Græci* mensuram fuisse accuratissimam in ipsa *Græcia*, & *Romani* etiam miliaris in via militari

<sup>1</sup> Peripl. Anonym. Mar. Euxin. p. 15. <sup>2</sup> Cluver. Germ. Antiq. Procem. L. I.  
<sup>3</sup> Strab. L. VII. p. 322.

*Romana?* Alium dedit modum *Polybius*, & majorem, monente ibidem *Strabone*. Sed ante *Caji Gracchi* Tribunatum, qui anno demum *Varroniano* DCXXXI<sup>o</sup> primus vias *publicas* per *Italiam* lapidibus designavit, ut in ejus vita tradit *Plutarchus*. Aliquot nimirum annis postquam *Historiæ* suæ manum ultimam imposuerat *Polybius*. Cæterum ab illis usque *Caji Gracchi* temporibus nullus dubitandi locus est, quin idem fuerit ubique *miliaris Romani* modus in viis publicis militaribus, nec alius proinde ab eo quem in *Egnatia* via descripsit *Strabo*. Imo modum illum *Polybianum* non alium fuisse revera ab hoc omnium receptissimo mox ostendemus. Idem præterea colligitur ex *Itinerariorum Latinorum miliaribus*, si conferantur cum *Græcorum stadiasmis* in iisdem locorum intervallis. *Veteris* ergo *Romæ* non alium fuisse *miliaris* modum est sane verisimillimum. Nec alium agnoscunt ab illo usque *Gracchi* Sæculo *Scriptores Romani* etiam juniores. Certe *Columella*, *Plinius*, & *Gellius*, pro hoc *miliaris* modo, *stadium* CXXV *passuum* faciunt.

*Græcis*, fateor, alius placuit *miliaris Romani* modus, idem cum eo quem sequitur nostri Auctor *Periply*, septenorum cum dimidio *stadiorum*. Ita *Suidas*, qui receptum quoque *miliaris* modum suis miscet collectaneis. Ex illo ergo ne quidem id colligere licet, quæ fuerit vel *Sæculo suo*, vel *Auctoris*, quem excerpfit, receptissima sententia. Sed unicum illum *minoris miliaris* modum agnoscit *Photius*, quasi nullus alius fuisset, ubi vixit *Photius* in *oriente* exploratus. Sic enim habent illius verba, non tamen (quod sciam) in *Bibliotheca*, ut volebat <sup>1</sup> *Cluverius*, sed in *Lexico MS<sup>o</sup>*: Στάδιον ὁ τόπος ὃ ἀγῶνος, ἢ μέγος ἢ τῶν μιλίων λεγόμενον. Ἐπὶ τῷ ἡμῶν στάδιον ποῖσι μίλιον. Itaque ante ætatem *Photii* obsolevisse verisimile est antiquioris *miliaris* usum, siquis tamen unquam fuerit in *Oriente*. Nam, ut è *nostro* constat *Periply* Auctore, non solum *Constantinopoli*, sed in locis *Constantinopoli* vicinis (quæ tamen *Romanis* olim non paruerint) hic idem obtinuit *miliaris Romani* modus. Ego rem totam (si quidem conjecturæ venia sit) ita habuisse suspicor. Primus antiquissimusque *miliaris* modus is erat, quem dixi. Ut scilicet *stadium* pedes *Græcos* complecteretur DC, *Latinos* DCXXV. Hi pedes octies multiplicati facient in *miliari* pedes *Græcos* 4800, *Latinos* 5000. Detraçti è pedibus *Romanis* pedes *Græci* reliquos facient pedes 200, qui *Græcis* tertiam *stadii* partem explebant accuratissime. Inde factum, ut præter octonos *stadios*, tertiam præterea *stadii* partem *miliari Romano* tribuerint *Polybius* & *Eratosthenes*. Sic enim de *Polybio* testatur <sup>1</sup> *Strabo*, de *Eratosthene* autem *Julianus* *Archi-*

§. 5. *Miliaria* illa è *Græcorum* juniorum *rationibus* nata. Et quo demum *progressu*.

<sup>1</sup> *Cluver.* Germ. Antiq. L. I. Proœm. <sup>2</sup> *Strab.* L. VII. p. 322.



tectus apud *Harmenopolium*. Nam post Bellum cum *Pyrro* pacem inibant cum *Ptolemæo Philadelpho Romano*. Inde evenit ut *Eratostheni* aliquatenus innotuerit *miliare Romanum*. Non tamen propterea *diversus* erat modus *miliaris Romani* etiam *antiquioribus* illis *Eratosthenis* temporibus & *Polybii*. *Octonos* enim in *miliari Romano stadios* supponit utraque illa supputatio, è cujus discrepantia nati *pedes* illi 200, quos pro *tertia* stadii parte habebant *Eratosthenes* atque *Polybius*. Propterea scilicet redundare *pedes* illos in *Romano miliari* censebant, quod is *pedum* numerus redundarit in *octo stadiis*, si pro modo *pedis Romani* metirentur. Nec interim cogitabant *minorem* fuisse *pedis* mensuram, qua factum ut *major* *pedum* numerus apud *Romanos* idem conficeret, quod *minor* conficiebat apud *Græcos*; nec *minoris formæ* *pedes Romanos* 200 tantundem valere quod 200 *pedes Græcos*, qui stadii *Græci tertiam* partem revera conficiebant. Contra vidit *Plutarchus* hocce *ducentos pedes*, si pro calculo *Græco* (qui *major* erat) supputentur, *deficere* potius, quam *redundare* apud *Romanos*: quod scilicet *pedes Romani* 4800 *pedes Græcos* 4800 non *æquarent*, nisi alii præterea *pedes* 200 *adderentur*; pro modo scilicet *Romano*. Proinde *octo stadiis* *minorem* censuit modum *miliaris Romani*. Ipse, licet in alterum extremum *errarit* quam *Polybius*, pari tamen *erroris* usus est *occasione*, quod nec ipse *pedum Græcorum Romanorumque* discrimen observavit. *Pedes* enim *Romanos* numeravit *Græco* tamen *pedum numero*, ut in *miliari integro* à *iusta stadiorum octo* mensura *deficerent*. Inde autem *juniorum* errorem natum crediderim, *minorem* *miliaris Romani* quam *octo stadiorum* mensuram statuentium. His nempe, ut opinor, gradibus. Qui primi observabant *pedes Romanos* 4800 à *iusto pedum Græcorum* 4800 modo, qui *mille passus* explebant, *deficere*; illos necesse erat, ut plusquam *tertia* stadii parte *contractiora miliaria* fecerint, quam fecerint *decessores Græci*, qui partem *tertiam* stadii ultra *stadios octonos* ad *miliaria Romana* explenda necessariam fecissent. Erat enim & *pars* illa stadii *detruncanda*, & *pars* illa præterea quæ *deerat* ad *stadia octona* absolvenda. *Defectum* illum si *parem* ipsi cum *decessorum excessu* statuissent, sic *partibus* stadii *tertiis duabus breviora* fecissent *miliaria*. Sed nihil erat necesse ut ita facerent. Nec enim *pedes Romani* 200 ad *tertiam* stadii partem *assurgebant*. Erant enim *pares Græcis pedibus* tantummodo 180. *Duplicentur* ergo. *Pedes*, conficient *duntaxat* 360. Sed in *miliari Romano* non alios *pedes* *censeri* oportere manifestum erat, quam *Romanos*. *Pars* autem *dimidia stadii Romani pedes* complectebatur *Romanos* 312  $\frac{1}{2}$ . Supererunt *pedes* 47  $\frac{1}{2}$ , qui certe *negligendi* erant pro more, quem sequitur noster,

supputandi

supputandi per partes *assis Romani*. Pars enim *assis* minima, *uncia*, seu  $\text{XII}^2$ , si vel *Græco* exemplo censeatur, *pedes* explet 50; si *Romano*, *pedes* 52 & *duodecimam* præterea *pedis partem*. Sic *stadii* parte *dimidia breviora* fecerint *miliaria*, quam fecissent *Veteres*, qui *stadia*  $8\frac{1}{3}$  pro modo habuerant *Romani miliaris*. Cum autem paulatim hic *veterum error* è memoria hominum intercidisset, modus autem *Romanorum* exploratissimus is esset ut *stadia integra octona* singulis *miliaribus* assignarentur; proclive erat ut emendationem illam *miliari Romano* suis *temporibus* recepto accommodarent *juniores Græci*, & proinde *stadia* illa octona *dimidio stadio* mutilarent. Hoc ego ad *Græcos* retulerim *Constantinopolitanos*. *Græcam* enim hujus erroris originem produnt hujus *miliaris* Auctores, non alii, ut opinor, quam *Græci* omnes. Produnt ipsi *errores* non aliunde nati quam è *Græcorum* veterum *ratiociniis* de rebus *Romanis*, & proinde sibi parum *exploratis*. Alioqui fateor, ne quidem *Græcis* penitus ignota fuisse *Romanorum miliaria*, postquam etiam ipsi in *Romanorum* ditionem concessissent. Hoc ex ipso discimus Evangelio S. *Matth.* V. 41. Nam & in publicis Imperii *Rationariis*, & in publicis metatorum *Itinerariis*, jam assueverant *Romanorum miliaribus* etiam *Provinciæ*: sed proculdubio veris *octonorumque stadiorum*. Novus autem ille falsusque *miliaris* modus vix potuit ab aliis esse præterquam à *Græcis*; & à *Græcis*, ut puto, *Constantinopolitanæ* ditionis.

*Novæ* enim *Romæ* nomen sibi vendicabat *Constantinopolis*. Urbisque *Romæ* etiam *jura* omnia: *Imperatorem* proprium, proprium sibi *Consulem*, proprium *Senatum*, proprium sibi pariter (pro *Romæ* exemplo) *Urbis Præfectum*. Inde *Romanos* se, Urbisque *Præfecturam Romaniam* appellabant. *Occidentalis Romæ* incolas ne quidem *Romanorum*, sed *Latinorum* duntaxat nomine dignabantur. Proinde & *mores* etiam *Romanos* affectabant, quo magis *Romani* viderentur. In his etiam hunc, de quo agimus, *miliarium*: verum ita plane ut decuit *Græcæ* stirpis *Civitatem*. *Linguam* enim retinebant etiamnum *Urbis Byzantinæ*, & cum *lingua*, gentis suæ etiam *errores*. Sed formam *miliaris* publicam *mutare* antea non poterant quam *Imperii* potestate potirentur. Nec in eam, quam hic observatam legimus, mutaturi erant *Principes*, qui in *Roma veteri* Imperii sedem possidebant. Nempe *Romanarum* consuetudinum peritiores quam ut à primæva *Romani miliaris* forma tantopere *aberrarent*. Itaque post tempora *Constantini* necesse est nostrum hunc vixisse Scriptorem, si quidem nostra illa procedant *ratiocinia*: nisi forte hanc eandem *miliaris* formam in *Orientem* introduxerint,

§. 6. Et quidem, ut videtur, *Constantinopolitanorum*. Sed paulo ante nomen ipsum *Constantinopolis*.



non *Constantinopolitani*, sed *Nicomedienses*, cum *Imperii* etiam *Augustei*, & quidem *primarii*, sedem in *Nicomedia* poneret *Dio- cletianus*. Sic potuit noster tum scripsisse dum *Byzantii* nomen adhuc retineret, quæ postea *Constantinopolis* appellata est. Et sane *Byzantii* appellationem adhibet etiam ipse, nulla mutatae vel le- vissima significatione. Quod sane esset cur in Urbe tam insigni merito miraremur, si post *Imperii* sedem eo translatam ipse vi- xisset. Ea potissimum de causa, quod in aliis Urbibus obscurio- ribus, sui tamen *Sæculi*, pariter ac *antiqua*, nomina sedulo obser- varit. Cur itaque hoc idem non observaret in Urbe omnium *præcipua*? Est ergo hæc Auctoris nostri ætas potius fortassis ante- ferenda. Vel forte potius illius, cujus fidem est secutus, ut mox ostendemus.

§. 7. Proinde huius Peripli Au- ctor esse non po- tuit *Alypius*, cu- jus meminit *Ju- lianus* Apostata.

Pugnabit autem illa, quo minus verum esse pos- sit, quod sum aliquando suspicatus, ut nostri Ope- ris Auctor fuerit *Alypius Cæsarii* frater, de quo ita *Julianus* Apostata Epist. xxx. Ἡδὲ μὲν ἐπὶ γρη- γοῦ ἀναιμῆτος τῆς ἰσθμοῦ, τὴν Γεωγραφίαν ὅτι ἐπίσειλες. Οὐ μὲν ἔλαστον διὰ τὸ τοῦ ἡδὲτος ἐδεξάμεν τὸ παρὰ σὲ πινά- κιον δατυμένον. Ἐχει γὰρ ὃ τὰ διαγρέμματα τῆς ἀστρονομίας βίβλων, καὶ ὑπερπλάσι- στας αὐτὰς, ἀστρονομίας τὰς ἰσθμοῦς, οὐ μόνον ἀείδοντας τὴν Βυβλίαν, καὶ τὴν Κρηναίων ποιητῶν. ἀλλ' οἷός ἐστι καὶ ἡ καλὴ Σαπφὶς βουλεται τοῖς ὕμνοις ἀρμεῖσθαι. Quod equidem Opere quasi *Musæo* variegatum fuerit hoc *Aly- pii* Opus *Geographicum*, alternis, oratione *soluta* & *Iambis* tessel- latum, in eo sane similis erat nostræ illa etiam *Alypii* *Geographia*. Sed ab ipso fuisse videntur *Alypio Iambi* illi, quorum nomine *Alypium* tantis ornat præconiis infelix Imperator. Nihil enim ad *Alypii* laudes fecissent *Iambi alieni*. Et πινάκιον complecteba- tur *Alypii* *Geographia*, *tabellam* nempe *Geographicam* cum *Dia- grammatibus*, quæ *Technicæ* potius *Geographiæ* erant, quam *Hi- storicæ*; & in *Tabulis* præcipue locum, ut videtur, habebant. No- ster totus *Historicus* est, nec quicquam habet quo *Geographiæ artificium* excoleretur. Non obstat ergo quo minus hæc vera fue- rit Auctoris ætas.

§. 8. Locorum eorundem nomina diversis linguis po- terant sibi invi- cem fuisse *coæva*.

Sed non esse admodum *antiquum* nostrum illud credidit Cl. *Vossius* evincere, quod *antiquis nomi- nibus recentiores subdiderit appellationes*. Sed nul- lo testimonio confirmavit hac (quam dedimus) ætate appellationem aliquam Auctori *coævam* fuisse *recentiorem*. Nonnullæ certe poterant admodum fuisse *antiquæ*, ipsisque receptissimis apud *Græcos* nominibus *co- ævæ*. <sup>1</sup> *Theodosium* ait *Taurica* dialecto vel *Alanica*, Ἀγδαῖδα ap- pellatum, quod idem valet ac si *Græcè* diceretur *Ἐπὶ τῆς*. *Anti-*

<sup>1</sup> Peripl. Mar. Euxin. p. 5.

quum illud fuisse nomen, etiam *Alanicum*, exinde constat quod à *Gentilium* Deorum *septenario* aliquo, forte *Planetarum*, emanarit. Inde etiam quod in confinio illam *Bosporianorum Taurorumque* sitam fuisse testetur <sup>1</sup> *Strabo*. Recte ergo *Taurica* dialecto nomen illi fuerit assignandum, etiam à prima Urbis origine, quo vicinis innotuerit. Et aliud à *Græco*, ut erat vicinorum lingua etiam *alia*. Sic enim hodieque reperimus in Provinciis multarum linguarum, etiam locorum eorundem multa esse nomina. Ita in *Flandria* nomina *Belgica* sunt atque *Gallica*. Et in *Wallia*, nomina pariter *Anglica* & *Britannica*, quorum unum alteri non succedit, sed simul ambo apud suæ linguæ participes usurpantur. Sic etiam Urbem, quam cives ipsi *Olbia*, finitimi <sup>2</sup> *Borysthenem* appellarunt, etiam à temporibus <sup>3</sup> *Herodoti*. Eadem, ni fallor, causa est *Borysthenis* fluvii, quem noster *Danaprin* suo tempore appellatum esse scribit, *Jornandes* *Danubium* vocatum esse testatur, in qua voce *Danapris* vestigia agnoscit ipse *Vossius*. Itaque jam diu ante *Jornandem* innotuerat nomine illo *Borysthenes*: nec quicquam habet quo, suo etiam tempore, nomen illud novum fuisse innuat. Idem addit *Jornandes*, à quibus *Borysthenes* ita fuerit appellatus. Nempe ab *accolis*. Proinde etiamnum apud *Peregrinos* *Borysthenis* nomen notius fuisse, ni fallor, indicat. Ita eodem tempore *fluvius*, qui *Græcis* *Borysthenes*, idem *Danapris* apud *accolas* audiebat. Erat enim sane *Græcum* nomen *Borysthenes*, ut è vocis fine manifestum est. Proinde ipsa Urbs *Olbia*, eadem à *Græcis* *Borysthenes* vocata, testibus hoc ipso nostri *Peripli* <sup>4</sup> *Auctore* & <sup>5</sup> *Herodoto*. Quomodo ita ni vox fuisset *Græca* *Borysthenes*? Hoc si verum, potuit nomen *Danapris* lingua *accolarum* decantato apud *Græcos* nomini vel *coævum* fuisse, vel etiam fortassis *antiquius*. Nec enim est quod dubitemus quin nomen fluvius antea habuerit apud *accolas*, quam *Græcis* ipsis innotesceret. Sunt porro apud nostrum varia locorum eorundem nomina, quæ antiqua omnia fuisse veteres agnoscunt. Ita portus idem *Athenæon* & *Scythotaurorum*: ita *Tauricum* vel *Symbulon*: ita Urbs *Cydaea* & *Cytæ*: ita *Caræ* & *Careæ*: ita & in vetustissimis nominibus *Dionysopolis*, quæ noster hic recensuit, pro more suo, accurate.

Sed de portu *Δάφνης* & *μακρονόμης*, addit noster, & *τὸ καὶ λεγόμενον Σαωδίνω*. Hoc exemplis illis accenset *Cl. Vossius*, è quibus collegit nostrum non admodum fuisse antiquum. Sed quo demum tempore nomen portus ille novum *Softhenis* acceperit, de hoc nihil observavit Vir cele-

§. 5. *Daphne Softhenis* ad discrimen *Daphnes Antiochena*: antiquior ipsa *Daphne Sergis* suburbio *Constantinopolis*.

<sup>1</sup> *Strab.* L. VII. p. 309. <sup>2</sup> *Steph.* *Βορυσθίνης*. <sup>3</sup> *Herodot.* L. IV. c. 17. <sup>4</sup> *Anonym.* *Peripl. Mar. Euxin.* p. 8. <sup>5</sup> *Herodot.* L. IV. c. 17.



berrimus. Sed *μανορδὸν Δάφνης* nomine *portum* illum simpliciter designavit *Arrianus*, quasi aliud nullum, quo tum appellaretur, haberet exploratum. Vel inde mihi suspecta est emendatio Cl. <sup>1</sup> *Harduini*, qua *Plinio* ipsi *Sosthenis* hujus mentionem inseruit, *Plinio*, ut opinor, incogniti. *A Bosphoro* (inquit <sup>2</sup> *Plinius*) *sinus Casthenes*. Vet. Cod. *Leosthenes*. Reponit *Harduinus Sosthenes*. Sed cujus nomen ignoravit *Arrianus*, non est quod credamus *Plinio* fuisse exploratum. Utcunque tamen alienus est hic *Plinii* locus à *portu Sosthenis*. De *sinu* loquitur *Plinius*; noster de *portu*. Et in *Asia* ora ponit noster *portum*, quem *Sostheni* tribuit. *Plinius Casthenem* suum in ora *Europæa*. Utcunque tamen *Sosthenii* etiam hujus meminit *Nicephorus Patriarcha* ad ann. *Ær. Christ.* DCCXVII. Inde *Σωδώνιον* in nostro etiam reponendum, uti etiam ex *Leontio* <sup>3</sup> *Scholastico*. Itaque ante annum illum 717 jam ita receptum est recentius illud *Sosthenii* nomen, ut antiquius *Δάφνης μανορδὸν* in desuetudinem abierit. Adhuc aliquanto erat, ni fallor, antiquius. Nam præter hunc *Daphnes portum*, qui ad dextram erat navigantibus in *Euxinum*, & propterea in ora *Asiana*; erat & alia ad sinistram *Daphne suburbium* in ora *Europæa*, ὃ λέγεται *Σέργιον*, inquit <sup>4</sup> *Stephanus*. Facile intelligimus quam necessarium fuerit ambas illas *Daphnas* in ejusdem *Bosphori Thracii* oris ambabus sitas invicem distinguere. Quod factum arbitramur duobus hisce cognominibus *virorum*, ut videtur, excultorum, *Sergii* & *Sosthenii*. Erat autem nostra quæ *Sosthenii* nomen accepit, multo, quam altera fuerit, antiquior. Nostra temporum etiam *Mythicorum*. Alterius mentio nulla, quod sciam, apud *Veteres*. Imo ne quidem esse potuit *suburbii*. Urbis nimirum vel *Byzantinæ*, vel *Constantinopolitanæ*. Potius, existimo, *Constantinopolitanæ*. *Sergii* opus illud fuisse Opus indicat, ut puto, nomen *Σέργιον*. Tantundem enim valet ac *ἑρτζιον Σέργιον* (nisi forte potius scribendum *Σέργιον*) ut *Sosthenis* etiam opus appellabatur *Σωδώνιον*. *Delicias* autem & *amœnitates* præcipue quærebant *Veteres* in *Suburbanis* laxius habitatis, & proinde loca *secessibus* idonea facilius suppeditantibus, *lucis* nimirum, *porticibus*, *piscinis*, *gymnasiis*, atque *ambulacris*. Hoc ipso *voluptatis* nomine nescio quicquamne fuerit *celebrius* (dicam an *infamius*?) *Daphne Antiochena*, cujus exemplo *Sergium* existimo hoc suum *suburbanum* condidisse, & propterea *Daphnen* appellasse. Hominem nimirum, ut ex ipso constat nomine, *Romanum*. Proinde *Constantinopolis* civem, quæ hoc ipso *novæ Romæ* nomine gloriabatur. Non autem *Byzantii*, cum Urbs illa à *Severo* excisa *Perintho* deinceps (quæ eadem *Heraclea* erat) subjiceretur, ut ægre admodum deinceps vel *Civitatis*

<sup>1</sup> *Harduin.* Adn. ad *Plin.* Tom. I. p. 811. <sup>2</sup> *Plin.* N. H. IV. 11. <sup>3</sup> *Antholog.* Græc. L. IV. c. 25. <sup>4</sup> *Steph.* Δάφνη. Et ex eo *Eustath.* ad *Dionys.* vers. 816.

*illustris*, nedum *Romanae*, dignitatem tueretur. Itaque si ad huius *Daphnes* discrimen, alia illa *Daphne Asiana Sosthenii* nomen acceperit; ita recentius fuerit Urbe *Constantinopolitana* nomen quoque *Sosthenii*, quod non ferunt nostræ rationes. Fieri tamen potest ut ad *Antiochenæ Daphnes* discrimen portus ille *Sosthenii* nomen acceperit. Sic omnia respondebunt satis accurate. Erat enim *Sosthenis* illa *Daphne* multo antiquior *Antiochena*, ut recentioribus suis temporibus nomen *Sosthenii* accipere potuerit, cum jam celebris esset *Daphne* etiam *Antiochena*, ut ab ea internoiceretur. Et vicissim illa *Antiochena Daphne* antiquior suburbio *Constantinopolitano*: imo ipso *Diocletiani* Imperio, cui propinquum. Nos fecimus huius Peripli Auctorem. Hoc certum est ipsum quoque illum *Sergium* suburbani *Constantinopolitani* Auctorem antiquiorem fuisse *Sergio* illo, cujus meminit, *Iustiniani* M. Imperio exeunte, <sup>1</sup> *Agathias*. *Sergii* enim, qui *suburbanum* condidit, meminit ipse *Stephanus*, cujus Epitomator ipse *Hermolaus* floruit sub *Iustiniano*.

Αὐλαίς τὰχος τὸ λεγόμενον Θήρας χωρίον. Ita noster. Et quidem Αὐλαίς τὰχος in suo quoque Maris *Euxini* Periplo meminit etiam *Arrianus*: eousque, ut videtur, veteri adhuc nomine designari soliti. Et *Theras* mentionem in Tabulis *Pentingerianis* occurrere recte observavit *Maximus Vossius*. Medio ergo tempore inter *Arrianum* Auctoremque Tabularum *Pentingerianarum* nova illa obtinuit appellatio, quæ potuit adeo satis fuisse antiqua. Superest tandem *Apollonia*, cujus coævum sibi nomen *Soxopolin* memorat *Anonymus*. Sub *Apolloniæ* nomine de hac Urbe loquuntur *Scylax*, *Strabo*, *Mela*, *Plinius*, *Arrianus*, *Marcianus* etiam *Heracleota*: imo ipse quoque *Stephanus*, quo loco numerat cognomines *Apollonias*. Nec tamen inde constat, an illo quoque *Stephani* Sæculo nomen illa mutarit *Apollonia*. Auctorem enim, tum alibi sæpissime, tum hoc præsertim in loco, excerptit *Stephanus*, qui ex professo in unum collegerat corpus *Urbes* sibi invicem cognomines: utilissimo sane consilio, ut vitarentur errores in *Historia* frequentissimi pariter ac facillimi, cum propter nominis similitudinem ipsæ confunduntur: eodemque consilio quo etiam illi usi sunt, qui viros pariter cognomines recensabant, quos excerptit *Laërtius*. Satis enim erat, quocunque denum Sæculo vixisset Auctor, si vel olim nomen *Urbs* habuisset de quo agebat, ut reliquis ejusdem nominis *Urbibus* accenseretur. Utcunque tamen, post tempora saltem *Marciani*, nomen vetus *Urbs* illa, de qua agimus, retinuit *Apolloniæ*. *Soxopolin*

§. 10. *Aulai teichi* novum nomen *Thera* post *Arrianum*, sed ante tabulas *Pentingerianas*. *Apollonia* nomen ad *Marcianum* *Heracleotam*. Eadem *Soxopolis* tempore forte *Constantini*.

<sup>1</sup> *Agath.* L. IV. p. 141.



illam esse Geographo *Nubiensi*, uti etiam nostro Sæculo, observavit ipse *Vossius*. Est autem forma illa *vocis* quidem *Græcæ*, pro Barbarorum autem juniorum pronuntiatione in *Barbaricam* degenerantis. Cum nempe *lingua* etiam *Græca*, propter *Barbarorum* incurfiones, in illis quoque partibus jam non esset amplius vernacula. Itaque cum scriberet etiam *Nubiensis*, jam *Græci* nominis usum corruerant vicini, *Græcæque* linguæ imperiti, *Barbari*: *Græcis* nimirum *pulsis*, vel in *Barbarorum* mores diutina consuetudine deficientibus. Atqui *Græcorum* erat nomen illius Urbis etiam posterius *Sozopolis*, etiamnum sua *lingua* suisque moribus utentium. Itaque ut *Marciano Heracleota* recentius, sic multo tamen antiquius Geographo *Nubiensi*. Illius nominis Urbem legimus in *Pamphylia*.<sup>1</sup> temporibus etiam Imperii *Græco-Romani* recentissimis. Si *conjecturis* ex *Historia* petitis augurari liceat, vix crediderim diu post *Marcianum* sui juris in illa *Euxini* Maris ora fuisse *Græcos*. Nam à temporibus *Claudii* (qui successit *Gallieno*) *secundi*, molesti erant in omni illa ora *Scythæ*, alique *Barbari*. Ita quidem ut vel *Romani* Imperii fines ægre admodum tuerentur Principes illius Sæculi bellicosissimi. Multa gessit in illos, atque admodum præclara, ipse *Claudius*. Et tamen *Daciam*, quæ illis obnoxia erat, *Transdanubianam*, quasi quæ defendi non possit, dimisit *Aurelianus*, *Princeps Invictissimus & Victoriosissimus*.<sup>2</sup> Sic enim illum, nec immerito, appellant cippi. Inde factum ut *Illyricum* Provinciam fecerit *Diocletianus Casaream*, & quidem *Cæsaris* bellicosissimi, cui fuerit *ad ripam Danubii cum gentibus barbaris luctandum*.<sup>3</sup> Sic enim loquitur *Lactantius*. Sed & *Constantinum* ipsum exercuerint his iisdem partibus *Sauromatæ* & *Gothi*. Qui non illos modo, verumetiam<sup>4</sup> *Scythas* ipsos volentes in suam ditionem recepit. Tum ergo liberum erat *Græcis*, in suas sedes restitutis, *Apolloniam* alio deinceps, sed *Græco* etiam & ipso, *Sozopolis* nomine designare. Omne certe auspiciatissimo, ut *Servatori* potius quam *Apollini* beneficium illud referrent acceptum. Et sane *novi*, quasi è postliminio, *initii* novum illud fuisse videtur *Græcorum*, in eadem civitate, nomen. Tum etiam commodissime *Romanorum miliarium* modum (qualis in hoc Opere supponitur) in his etiam *Scytharum* & Ponti *Euxini* oris statuerimus, cum hujus oræ incolæ universi Imperium agnoscerent *Romanum*. Nec sane tempus magis congruum, ut puto, reperiemus. Nondum enim *nomen* forte mutaverat *Byzantium*. Hanc *Constantini* victoriam ad annum Imperii *xxii<sup>m</sup>* retulit *Theophanes*,

<sup>1</sup> *Nicet. Choniat.* Joann. Comnen. p. 10. Et in Alex. p. 169. <sup>2</sup> *Gruter.* CCLXXVI. 4. <sup>3</sup> *Lactant.* de Mort. Persecutor. c. 18. <sup>4</sup> *Euseb.* L. IV. Vit. Constantin. c. 5, 6. *Socrat.* L. I. c. 14. *Theodoret.* L. I. Eccl. Hist. c. 8. <sup>5</sup> *Euseb.* L. I. Vit. Constantin. c. 4. & alii.

& ex eo *Cedrenus*: forte ex ipsis *Eusebii Græcis*. Ad ann. *Constantini* xxv victoriam eandem refert *Latinus Eusebius*, Interprete *S. Hieronymo*. Et tamen pontem lapideum, quo *Danubium* trajecerit, ad ann. Imperii xxiii statuit Auctor *Chronici Paschalis*. Et quidem illo ipso anno his ipsis partibus fuisse *Constantinum* è *Codice* colligitur *Theodosiano*. Acceditque proxime ad sententiam *Theophanis* & *Cedreni*. Hæc si vera sint, ita Urbis *Constantinopolitane* saltem *Encæniis*, quibus nomen mutavit, antiquiora fuissent illa, de quibus agimus, *Constantini* gesta in *Barbaros*. Non me quidem fugit, ne quidem ipsis *Constantinopolitanis*, constare suæ Urbis *origines*. Nempe, ut videtur, quod Epocham Urbis suæ, post multos demum, quam conderetur, annos numerare coeperint. Est autem receptissima illa, apud optimos Chronologos sententia, quæ Urbis jam Conditiæ dedicationem statuit *Symmacho* & *Gallicano* Cos. anno *Ær. Christ.* 330, cum in *feriam* iiii<sup>m</sup>, *Indictionemque* iiii<sup>m</sup> incideret dies Urbis *Natalis Maji* xi, Auctore *Chronici Paschalis* & *Idatio*. Sic fuerit Belli in *Barbaros initium* initio *Dedicatæ Urbis* antiquior. Conveniet enim *Dedicatio* illa anno *Constantini* xxiv<sup>o</sup>. Sed sequenti anno *Constantini* xxv victoriam in *Gothos* ponit *Eusebius*. *Servorum* autem *Sarmatarum* rebellionem, qua effectum est ut in ditionem *Romanorum* venirent *Scythæ*, facit idem adhuc triennio recentior. Apponit enim anno *Constantini* xxviii, qui exibat anno *Æræ nostræ Christianæ* 334, eodemque anno ponit etiam *Idatius*. Et quidem ita loquuntur plerique, ut victoriarum illarum saltem *finem* faciant Urbe *Constantinopolitana* recentior. Hoc si tempore scripserit noster, erit sano cur miremur nullam hic occurrere mentionem novi nominis Urbis *Constantinopolitane*.

Alioqui autem tam *recenti* tantarum victoriarum memoria, erat sane opportunissimum, ut *nomina* harum civitatum *nomina*, quæ *novæ* illæ *victoriæ* patefecissent, Auctor nostri *Peripli Græci* civibus suis *Græcis* ipse similiter aperiret. Erat enim, ut videtur, ipse hujus Expeditionis *comes*, vel forte à comitibus *accepit*, quæ hic cum aliis communicanda censuit. Ab illis certe qui *regionem* ipsi obierant, nisi ipse hoc idem fecerit. Inde *linguarum* hujus regionis vernacularum peritia, *Alanica* atque *Taurica*, quam raram admodum legimus in hujus *Sæculi* Scriptoribus. Inde & *nomina* locorum *barbara* à *Græcis* admodum diversa, quæ fuerant in usu *exteriorum* receptissima. Hæc enim *nomina* linguarum *parum celebrium* ægre fere quispiam præterquam in *vicinia* audierit. Ita *nomina* locorum *Wallica* rarus est in *Anglia Walliæ* non *finitima* qui habeat explorata. Huic ergo tempori optime conveniunt Auctoris nostri, quæ occurrunt,

§. ii. Potuit hic noster *Byzantii* nomen usurpare, etiam postquam condita esset *Constantinopolis*.



sunt, ut opinor, temporis notæ. Nihil habet certe quo tam *se-*  
*rus* esse vincatur, quam volebat celeberrimus *Vossius*. Ne qui-  
 dem loci nomen, cujus origo recentiori Sæculo certo asseri possit,  
 in eo reperimus. Hoc unum tamen, ut dixi, obstat, quod *By-*  
*zantii* nomen, non *Constantinopolis*, in Urbe Regia usurparit.  
 Non quidem quasi nomen illud à prima novæ Urbis fundatione,  
 saltem ab *Encœniis*, non fuerit assignatum. Cognominem enim  
 ipsi *Constantino* fuisse, ipse, qui tum vixit, testatur <sup>1</sup> *Eusebius*. Et  
 multa *Constantini* Edicta legimus *Constantinopoli* signata in *Codi-*  
*cibus*. Sed *Græcis* fortasse magis placuit nomen Urbis antiquum  
*Byzantium*. Et certum est nomen ipsum *Byzantii* satis esse fre-  
 quens apud recentiores etiam *Sophistas*, Historiæ *Byzantine* Scri-  
 ptores. Dedita enim opera sermonem Sæculi non sui usurpant  
 illi antiquorum æmuli. Atque præcipue veteris florentisque *Græ-*  
*ciæ* adhibent quibus tot suppetebant purioris ævi *Lexica*. Sic ob-  
 servavi ipse in *Luciano* λέγων veterum superstitionissimo cultore  
 raro Magistratus Romanos vocibus coævæ *Luciano* *Græciæ* desi-  
 gnari, ὑπανῆς, Ἀφυνδῆς, sed veteris *Græciæ*, quæ Romanos do-  
 minos nondum agnoverat, ἀγνοῦν, σπῆννῦ &c. Similiter fecit in  
 Rectoribus Ecclesiæ Christianæ, quos nec ipsos nominibus de-  
 notavit *Græcis* Ecclesiasticis, sed *Græciæ* illius quæ Christi vel no-  
 men ipsum nondum audiverat. Erat porro in recentioribus *Græ-*  
*ciæ* Scriptoribus affectatio illa, potius quam æmulatio, *Græciæ*  
*antiquioris*, insignissima. Μεινόντων appellabant antiqui *Rhetores*,  
 siquis *Persis* faveret antiquæ *Græciæ* universæ hostibus infensis-  
 simis: nec immerito, quod *Cyrus* maternum genus à *Medis* de-  
 duxerat, & Reges proinde *Cyro* oriundi. Eandemque vocem usur-  
 pant *Græci* etiam juniores de *Persis*, qui tertio demum *Æræ* *Chri-*  
*stianæ* Sæculo *Parthorum* successionem interruperunt, nihil quic-  
 quam habentibus cum *Medis*, vel cum ipso etiam *Cyro*, commune.  
 Inde *Persarum* *Turcarumque* nomen confundit *Nicetes Choniates*.  
 Et mensium etiam nomina *Attica* adhibent *Constantinopolitani*  
 juniores, cum tamen certum esset *Constantinopoli*, quæ nova erat  
*Roma*, non alios fuisse in vulgari usu menses, quam *Romanos*.  
 Inde tanta illa juniorum dissensio, cum menses *Atticos* commit-  
 tunt cum *Romanis*, quod, ne quidem apud juniorum Sæculorum  
 Eruditos in confesso esset, quis mensis *Atticus* vetus cui mensi  
*Constantinopolitano* recentiori responderet. Hos ergo nihil est cur  
 miremur si nomen Barbarum *Constantinopolis* neglexerint *Græ-*  
*ciæ* veteris Vocabulariis prorsus incognitum. Magis autem est cur  
 miremur idem facere nostrum, qui professione *Geographus* est.  
 His enim à vulgo potius, quam à Veteribus, norma capienda erat.  
 Illud ergo loci nomen magis probandum, non quod à Classicis

<sup>1</sup> *Euseb. Vit. Constant. L. III. c. 47.*

Auctoribus, sed quod à *vulgo*, magis usurpatum erat. Sic enim fieret, ut de quo loco ageretur, Lectores facilius intelligerent. Proccedit autem hæc ratio pariter in *Historia* ac in *Geographia*, si quidem *perspicuitatem* magis, quam veterum superstitionis *imitationem*, Auctores illi ob oculos habuissent. Et tamen *Historicos* illam neglexisse constat. Proccedit quidem. Eo tamen magis in nostro procedere videbitur, quod *mutatorum nominum* ipse tam cautum se præbuerit monitorem. Nec porro fieri potuit, ut Urbis *Constantinopolitaneæ* novum nomen eum *latere* potuerit, qui sub ditione scripserit Imperii *Orientalis*, post Urbem illam denuo à *Constantino* restauratam. Non potuit sane. Quid si autem sua hæc noster *vetustiori* Auctori accepta retulerit, qui tum vixerit, cum in *Nicomedia* sedem Imperii *Augustei* statuisset *Diocletianus*, & tamen antea quam nomen mutasset *Byzantium*? Sic potuit Urbem eo potius nomine, quod in *Auctore*, cujus fidem est secutus, repperat, appellare; quam novo illo quod *suo* demum *Sæculo* notius erat receptiusque. Cur autem saltem novi nominis Lectorem hic non monuit, ut in *Borysthene*, portu *Daphnes*, *Aulaotiche*, *Apollonia*? Potuit in causa esse novi huius nominis ipsa *celebritas*, major certe quam ut Lectorem illius ignarum supponere posset. Eoque major, quo novi nominis originem Auctor *propius* attigisset. Tum enim non potuit (ne quidem apud *vulgus*) nomen *vetus* obsolevisse *Byzantii*. Ita ne quidem *indocto* Lectori obscurum fuisset, quæ esset Urbs, quam in Auctore suo *Byzantium* appellatam repperat. Eandem etiam fuisse, quæ tum *Constantinopolis* nomine veniebat vulgo, id quoque tum notius esse potuit quam ut de eo Lector fuerit monendus. Longe autem abest, ut eadem fuerit *earum Urbium* causa quarum *mutata nomina* noster observavit. Illæ enim, quantumvis stirpe *Græcæ*, commercium tamen, ante *Constantinum*, vel *nullum* habebant cum *Græcis*, vel *rarum* admodum & ignobile. Ut facile proinde nescirent *Græci* nuperas, si quæ unquam contingerent, in illis Civitatibus, rerum conversiones. Præsertim cum rari admodum fuerint apud illas domestici *Historici*, nec *exteris* nota *monumenta*, his maxime, de quibus agimus, *temporibus*. Sic facile nesciri poterant hæc *nominum mutationes*, dum *alienæ* essent Urbes illæ ab Imperio *Romano*. Nesciri non poterant in Urbe *Orientalis* Imperii *primaria*. Hanc ergo *ætatem* huic Scripto commodissime assignabimus, qua nec in *oblivionem* venire potuerit nomen antiquum *Byzantii*, nec vicissim *Græcos* latere potuerit novum nomen *Constantinopolis*.

ERRATA. Pag. 80. pro *δὴ* lege *δὴταξ*. Pag. 126. pro *Rommarum* lege *Romanorum*.



. O P U S C U L A  
PRIMO GEOGRAPHORUM VOLUMINE  
C O M P R E H E N S A.

- I. *Hannonis periplus.*
- II. *Scylacis periplus.*
- III. *Agatharchides de Mari Rubro.*
- IV. *Arriani periplus Ponti Euxini.*
- V. *Periplus Maris Erythræi eidem vulgo adscriptus.*
- VI. *Nearchi Paraplus ex Arriani Indicis.*
- VII. *Marciani Heracleotæ periplus, cum fragmentis Artemidori & Menippi.*
- VIII. *Anonymi periplus Maris Euxini.*

Sequentia Volumina complectentur

- I. *Ephori fragmentum, hucusque ineditum, penes Cl. Dodwellum.*
- II. *Dicaearchum de Statu Græciæ.*
- III. *Ejusdem fragmentum de Monte Pelio, è Musæo Cl. Joannis Alberti Fabricii.*
- IV. *Isidorum Characenum de Mansionibus Parthicis, Hæscheliana Editione longe auctiorem, descriptum è MS Codice Bibliothecæ Regiæ Parisiis, ac à laudato Fabricio ad nos transmissum.*
- V. *Scymni Chij periegesin.*
- VI. *Dionysium Byzantium (si ad manus nostras tempestive satis pervenerit) de Thracio Bosforo.*
- VII. *Agathemeris Hypotyposin Geographiæ.*
- VIII. *Plutarchum de Fluminibus.*
- IX. *Strabonis Epitomen.*
- X. *Monumentum Adulitanum, Editis auctius.*
- XI. *Anonymum à Gotthofredo editum.*
- XII. *Cosmæ Monachi Typographiam Christianitatis.*
- XIII. *Nicephori Blemmidæ Commentarios in Dionysii Periegesin, è Manuscripto Bodlejano.*
- XIV. *Ptolemæi Longitudines & Latitudines Urbium, ex Theonis Codice in Bibliotheca Bodlejana.*
- XV. *Gemisti Plethonis Avindem quædam, ex eadem Bibliotheca. Quibus & alia id genus addentur, si qua nobis ab eruditissimis harum literarum Cultoribus fuerint suppeditata.*







